


Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAOL 2.3.240





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.240





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.240



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.240

2. 3. 240





ECCLÉSIA
AFRICANA

S V B

PRIMATE
CARTHAGINIENSI

P E R

D. EMANVELEM A SCHELSTRATE

SACRÆ THEOLOGIÆ DOCTOREM

ET ECCLESIAE CATHEDRALIS ANTVERPIENSIS

CANONICUM AC CANTOREM.

Opus continens Dissertationes Quatuor, in quarum primâ agitur de exordio Africanæ Ecclesiæ, eiusque notitiâ & regimine sub Primate Carthaginiensi non Autocephalo: in Secundâ de fide & ritibus Africanæ Ecclesiæ, uti à Romanâ mutuatis, ita & eidem Consonis: in Tertiâ de Conciliis Africæ, cum variis eorum editionibus, notis, ac Scholiis. In Quartâ de successione Episcoporum Carthaginiensium & variis Africanæ Ecclesiæ incrementis & decrementis, usque ad eius interitum sæculo 8. per irruptiones Sarracenorum introductum, & huc usque continuatum.

COLONIAE,

ET VENEUNT PARISIIS

Apud FREDERICUM LEONARD, Regis & Cleri
Gallicani Typographum. M. DC. LXXIX.

Cum Approbationibus DD.



802



EMERITISSIMO S. R. L. MINISTRI
GERONIMO DIACONO CARDINALI CARMINE
SAMUEL MINNA EMANUELE DE BELGIO
CON ASTERISCHIO D.



EMINENTISSIMO S. R. E. PRINCIPI
HIERONYMO DIACONO CARDINALI CASANATE
FAMVLORVM MINIMVS EMANVEL DE BELGIO
CAN. ANTVERPIENSIS. D D.



5

EMINENTISSIMO
ECCLESIAE PRINCIPI
HIERONYMO CASANATE
SANCTAE ROMANAE ECCLESIAE
DIACONO CARDINALI.



*In vino planè nutu factum existimem,
EMINENTISSIME CARDINALIS, quod
primum exiguitatis meae de antiqui-
tate Ecclesiastica sub Sanctiss. Patris
INNOCENTII XI. patrocinio editum
opus ad manus vestras pervenerit,
cum illud inscrutabili quodam divina providentiae con-
silio primam in me ignotum & immeritum excitavit be-
nevolentiae vestrae scintillam. Relatum id Romae fuit ami-*

à 2

corum

rum litteris, cumque gloriosa vestri nominis fama hac occasione ad nos pervolasset, cepit me statim tanti Ecclesia principis summâ cum eruditione conjuncta humanitas, inciditque, possibile fore, alterum, quod editurus eram de antiquitate Ecclesiasticâ opusculum, apud EMINENTIAM VESTRAM patrocinium inventurum. Duobus jam tum operibus animus insudabat, quorum uno restituenda erat sua Antiocheno Concilio auctoritas, alio Africana sub primatu Carthaginiensi illustranda Ecclesia: cumque mecum cogitarem, quodnam horum prius emitti deberet in lucem, Africana in primis occurrit Ecclesia, quæ sive nominis magnitudinem queramus, clarioribus auspiciis prodire non poterat, quam vestris; sive effusam Ecclesiastici principis in eruditos benevolentiam, clariorem in locum accedere non poterat, quam in tuum complexum ac manus.

Enim vero quoad auctoritatis magnitudinem, possem in offerendo Africana Ecclesia commentario splendori dignitatis vestrae inherere, eumque in finem prædicare nobilitatem propaginis, quàm à gloriosi nominis patre Neapolitanam civitatem quondam regente jure hereditario mutuasti: possem ex eâ, quam Patris Matthia instar sub Innocentio X. et Alexandro VII. in gubernandis Sabinâ, Camerino, Anconâ, aliisque civitatibus suscepisti Provinciam, erectum gloria vestra monumentum

mentum extollere : possem ex precipuis Romana Eccle-
sia muniis , quibus obeundis cum maximâ Alexandri
septimi , Clementis noni , eiusdem nominis decimi , &
INNOCENTII, (qui modo feliciter Ecclesia præsudet) VN-
DECIMI satisfactione, splendorem vestri nominis celebrare :
possem ex variis dignitatum gradibus , (siquidem non
obscure, nec raptim ad summam ferè amplitudinem con-
scendisti , verum ad locum summo proximum rectè at-
que ordine per omnes honorum gradus pervenisti :) dig-
nitatis vestrae magnitudini inhaerere , ut hisce minimum
ingenioli mei opusculum, tanquam basi innixum , in or-
bem prodeat ab omnibus conspiciendum.

Verum cum tanta auctoritatis magnitudini alterum
Ecclesiastici principis ornamentum conjunctum sit, effu-
sa scilicet in eruditos animi benevolentia , huic præ cate-
ris confusus inhaerendum duxi, quod favoris benignitate
cunctos alliciat , & minimis quibusque ad auctoritatis
magnitudinem viam pandat. Fluctuabat quondam ani-
mus, an ego nullum tunc in Ecclesia clero locum obtinens
ad EMINENTIAM VESTRAM dignitate in Ecclesiâ prin-
cipe conspicuam scribere auderem : hinc auctoritatis
magnitudo terrebat, illinc innata principis benevolentia
invitabat ; vicitque tandem ultima , quæ editissimo in
loco posita favoris sui radios longè latèque diffundens
me nullius licet eruditionis ac meriti amplecti dignata

est, ut illi debeam gradum honoris ac muneris summam
INNOCENTII XI. PONTIFICIS optimi maximi liberalita-
te mihi delatum, meque proinde ipsum dignitate in Ec-
clesia nostra clero conspicuam auctum. Ingens sane benefi-
cium intercessionem vestram mihi immerito collatum, cui cum
nihil invenirem, quod vel illius parti ex aequo respon-
deret, placuit benevolentiae vestrae nos per litteras mo-
nere, non ingratum futurum, si susceptam in antiqui-
tate illustratam religionis Catholicae defensionem, contra
novatorum errata prosequerem, & ex civitate haeretico-
rum regioni conterminam a schismaticorum deliriis, ac ha-
reticorum somniis refellendis non cessarem.

Grave quidem ac viribus meis impar onus, cui dum
pro modulo satisfacere studerem, cuncta religionis Ca-
tholicae contra haereticos argumenta pervolvens, tradi-
tionem prestare arbitratus sum, quam non ex levi mo-
nimento, sed ex integram meridionali in Africam repeten-
dam duxi Ecclesiam; quod illa sit, quae omni exceptione
maior novatorum somnia evertat, & haeticos nostri
saeculi non solum novitatis arguere, sed & fronti ipso-
rum ruborem adferre valeat: Ecclesia Africana est,
quae secundo Christi saeculo immediate post Apostolos coe-
pit, & ante illa ferme tempora, quibus orbem Catho-
licum in religione depravatum somniant haeretici, cur-
sum suum absolvit, ut antiquitate suam ab invitis licet
reveren-

reverentiam extorqueat. Illa est, quæ quingentorum sexaginta quinque Episcopatum multitudinem inter orbis Catholici regiones numerosa effulsit, ut præ majestate suâ apud omnem posteritatem veneranda existat. Illa est, quæ Tertullianum, Cyprianum, Arnobium, Optatum, Aurelium, Augustinum, Victores duos Tunnonensem unum, Vitensem alterum, Liberatum, Ferrandum, Facundum, Fulgentium, aliosque scriptores vel sanctitate, vel doctrinâ illustres orbi Catholico peperit, ut præ doctorum eruditione, & eruditorum sanctitate admiranda veniat. Illa est, quæ fidem suam plusquam viginti millium Martyrum sanguine sacravit, susceptamque semel religionem non modo sub ethnicorum tyrannide primis Ecclesiæ temporibus, sed & sub Vandalorum persecutione in ipso exilio illibatam sustinuit, ut Africano sanguine sacrata religio tot testium, quot Martyrum, traditione firmata existat. Illa demum est, quæ dum tenacior privilegiorum suorum conservatrix extitit, omnem adulationis fucum à sese quam longissimè avertit, ut ab ipsis fidei hostibus Africana Ecclesiæ traditio negari nequeat.

Atque hæc est Ecclesiæ, EMINENTISSIME CARDINALIS, quam cum fide & ritibus ex meridie quesitam in ultimo occidentalis Ecclesiæ termino positus sub glorioso nominis vestri patrocínio edere studui, quin imo debui;

cui

cui enim alteri *Africana Ecclesia fidem nuncupandam*
cenferem, quam illi, qui Clementis X. munificentia fidei
per orbem terrarum propaganda princeps Romana Eccle-
sia fuit prapositus, & ut tanto muneri faceret satis, non
Consilio solum & opere proprio, sed uti quoque studet
alieno, ex urbe orbis Ecclesiastici Principe favoris sui
radios in eruditos longè lateque per Ecclesiam diffusos
emittens, ut scriptores Catholicos ad fidei propugnatio-
nem alliceret, & qui semel editis scriptis claruerant, ad
prosequendum susceptam religionis defensionem ulterius
instigaret. Patere igitur, EMINENTISSIME CARDINALIS,
ut hoc qualecumque exiguitatis meæ opusculum sub auspi-
ciis vestris prodeat in lucem, & si minus dignum sit,
ut sub tam eruditi Principis nomine appareat, indulge
obsecro temeritati meæ, & consuetâ benevolentia ve-
strâ, quâ communis eruditorum mæcenatis instar bonos
omnes amplecteris, me bonâ saltem voluntate prædi-
tum amplecti non dedignare, & subscribor mansurus
in æternum

EMINENTIÆ VESTRÆ

Minimus Famulus

EMANUEL A SCHELSTRATE
de Belgio Antverpiensis.

Lutetiæ Parisiorum 19. Septembris.
M. DC. LXXIX.

PROLE-

PROLEGOMENA.



Fricanam Ecclesiam tibi commendare, lector benevole, superfluum videtur, cum tanta sit illius præstantia, ut solis instar oculos omnium in sese convertat, & ipsa hæreticorum ora in laudes suas dissolvi faciat.

Relicto itaque operis commendandi argumento, paucis te volo, quisquis hunc librum pervolvendum suscipis, teque solum de ijs, quæ aut à nobis nunc primum illustrata sunt in operis progressu, aut post excusum magnâ ex parte opus ad notitiam nostram serius pervenerunt, præmonuisse, visum est aliquod operæ præmium.

I. Ac primò quidem magna contentio inter eruditos reperitur de exordio Africanæ Ecclesiæ, quandonam & à quibus in meridie fundata extitit? putabant quidam ex Dorothei aut Hippoliti Synopsi de vitâ prophetarum & Apostolorum, à Simone Apostolo prædicatum in Africâ Evangelium, & plures quidem cum Cæsare Baronio existimabant, magnam Augustinum inter & Pelagianos hac de re fuisse controversiam, Pelagianis quidem volentibus, non nisi post Apostolos Evangelium ad Africam pervenisse, Augustino & Salviano econtrâ contendentibus, *Africanos ab Apostolis Evangelium accepisse*. Præclarum Baronius hoc historiæ Ecclesiasticæ caput dissert. I. cap. I. Illucidamus, ostendentes, & Synopsim Dorothei supposititiam esse, & Hippoliti Portuensis Episcopi librum *de 12. Apostolis*, jam genuinum extare beneficio Combefisij in auctuario grecorum Patrum, in quo nihil de Evangelio per Africam prædicato, uti nec in Martyrologio Gellonensi tomo 13. à Luca D. Acherio edito, quamvis illud in Symone habeat, prædicatum esse ab illo per Egyptum
é
Evange-

PROLEGOMENA.

Evangelium. Prætensam Pelagianos inter & Augustinum contentionem ostendimus nullam extitisse, & Augustinum quidem in unam cum Pelagianis de prædicato post Apostolos in Africâ Evangelio convenisse sententiam, Salvanum verò non locutum fuisse de Carthaginiensi, Salvian. sed Romanâ civitate, cum scripsit: *quam quondam Apostoli instituerunt, quam Passionibus suis Martyres coronarant.* Inconcussum itaque manet, Africanam Ecclesiam non esse Apostolicam, ut Tertullianus Afrorum antiquissimus lucidè testatur variis in locis, ex quibus simul deducitur, fidem à Romanis in Africâ prædicatam secundo Christi sæculo circà annum 120. Vide dissertationem 1. cap.2.

2. Intricata fuit quæstio de notiâ Provinciarum Africæ Romano Imperio & Ecclesiæ quondam contributæ: Onuphr. Panuinus Onuphrius Panuinus putabat, Africâ sub Hadriano Imperatore in Sex Provincias civiles à Sexto Rufo in Breviario enumeratas Proconsularem nimirum, Numidicam, Byzacenam, Tripolitanam, Maritanias duas Sitifensem, & Cæsariensem, fuisse divisam: Iacobus Sirmondus in adven-
torix de suburbicariis parte 2. cap.4. plures Provincias civiles fuisse existimat primis Africanæ Ecclesiæ temporibus, & licet eas non enumeret, contendit tamen, Sirmondus. Cypriani ævo unicam fuisse Provinciam Ecclesiasticam, quæ Numidiam etiam & Mauritanias duas complecteretur: Carolus à S. Paulo Abbas Fulienfis in Geographiâ sacrâ hisce vestigiis insistens contendit, usque ad Concilium Carthaginiense sub Grato anno 348. unicam perseverasse in Ecclesiâ Africanâ Provinciam, quod in illius exordio primum mentio fiat Episcoporum ex diversis Provinciis Africanis congregatorum, & tum addatur, eos in universæ Provinciæ Africæ Concilium convenisse. Abbas Fulienf. *Per Provincias enim, inquit Abbas Fulienfis, intelliguntur civiles, per universæ Provinciæ Africæ unica Africana Ecclesiæ Provincia.*

Verum

Verum error est, qui irrepsit in Carthaginensis Concilij exordium, quem ex M. S. Codice Vaticano detegimus: ibi enim non legitur *in universæ Provinciæ Africa Concilium* convenisse Episcopos, sed: quod *universæ Provinciæ Africa hodierno die Concilij gratiâ ad Carthaginem venirent*. Quo ex loco firmamus, plures Provincias etiam Ecclesiasticas tempore Grati fuisse in Africâ. Eas ante tempora Constantini tres fuisse in Ecclesiâ & Imperio, probamus contrâ Onuphrium, Sirmondum, & Abbatem Fuliensem: à temporibus vero Constantini sex fuisse civiles, neque Numidiam in duas Provincias divisam à verâ Numidiâ & Mauritaniâ Sitifensi fuisse distinctam, paucis exhibetur dissert. 1. cap. 3. Addimus capite 4. notitiam Primatum Ecclesiasticorum, quos in quinque Provinciis Africa constitutos à tempore Constantini Magni ostendimus, Mauritaniâ Sitifensi non nisi post annum 397. Primatem recipientem, ut notamus contrâ Dominum de Marca.

3. Quod solus in occidente Episcopus Carthaginensis maiora quædam Primatis Privilegia obtinuerit, & in omni Patriarchatu Romano sola Africa speciali regimine gubernata fuerit, in causâ fuisse existimem, quod olim schismatici græci, & nunc novatores hæretici Africam à Patriarchatu Romano avellere, & Carthaginensem Primatem Autocephalum facere tentarint. Quod insuper Africana Ecclesia tenacior Privilegiorum suorum conservatrix, aliquoties in sedis Apostolicæ sententiam insurrexerit, occasionem dedisse putem deviis novatorum somniis ex Africâ tanquam equo troiano arma mutuandi, quibus Romanam oppugnarent Ecclesiâ, & supremam sedis Apostolicæ auctoritatem debellarent. Grave hoc & tam injuriosum supremæ Petri Cathedræ argumentum, non aliunde quam ex solâ Africâ assumitur refellendum. Dissert. itaque primâ, capite 6. perpen-

PROLEGOMENA.

sis Episcopi Carthaginensis Privilegiis ostenditur, Africanam Ecclesiam à Romanâ institutam, idque firmatur ex quatuor scriptoribus illarum Ecclesiarum, quarum una institutores Episcopos misit, altera recepit: Privilegia quoque sedis Carthaginensis tuemur cum Leone nono à Sanctâ, Romanâ, & Apostolicâ sede fuisse concessa, ita tamen, ut per ea Primatum Carthaginensium Autocephalia numquam fuerit indulta, sed prurigo eius semper repressa: addimus ex iteratâ sæpius Afrorum contradictione, nullum contrâ sedis Apostolicæ Primatum desumi posse argumentum, cum numquam Africa Petri Cathedræ nisi cum errore restiterit, sed & eum semper successu temporis erubuerit. Obstitit Cyprianus cum coevis Episcopis in causâ rebaptizationis hæreticorum Stephano Papæ, sed in tantum errasse Africa ipsa agnovit, ut Augustinus Cyprianum sententiam ante obitum retractasse existimarit. Restitit Africana Ecclesia in causâ Apianij juri Appellationum sedi Apostolicæ debito, sed ignorantia canonum Sardicensium laborasse, adeò manifestum fuit, ut agnito errore non modo in causâ Lupicini vela cum vento mutasse ostendamus dissertatione 1. capite 7. sed insuper Canones Sardicenses de jure Appellationum in jus suum transcripsisse ostendant Fulgentius Carthaginensis Diaconus, & Cresconius Africanæ civitatis Episcopus in suis canonum collectionibus. Restitit demum Vigilio Papæ in causâ trium capitulorum, & quamvis sese aliqui ab eius communione separare ausi sint, nihil nunc exploratius, quam quod à vero aberrarint. Sed quid muscarum instar in Africanorum scabie hæremus? si Ecclesiam illam momus quandoque attigerit, ad debitam sedi Apostolicæ venerationem rediisse, ijs rationum momentis ostendimus, quæ nemo prudens neglexerit. Dissertatione primâ, capite 8. ex indubitatis Africanorum Patrum

PROLEGOMENA.

45

Patrum testimoniis ostendimus, Ecclesiam illam à secundo Christi sæculo, quo cœpit, usque ad octavum Christi sæculum, quo Sarracenorum jugo oppressa ad interitum properavit, supremam Romani Pontificis auctoritatem agnovisse: dissertatione verò quartâ, capite septimo, toto octingentorum annorum spatio, quo Sarracenorum jugo pressa religio in Africâ inveniebatur, Catholicos Episcopos semper respexisse sedem Apostolicam ut suæ & totius Ecclesiæ caput ac principem.

4. A regimine Africanæ Ecclesiæ ad fidem eius transimus, ut si Afros sedem Apostolicam tanquam caput suum respexisse constet ex dissertatione primâ, eandem ut fidei suæ magistram agnovisse pateat ex secundâ: cum Tertullianus olim Hæreticos ad viam veritatis reducere tentaret, eos ad Romanæ Ecclesiæ traditionem remisisse, ex libro de præscriptionibus firmamus dissertatione 2. ubi: *Videamus, inquit, quid, in materiâ fidei Romana Ecclesia didicerit, quid docuerit, quid cum Africanis quoque Ecclesiis contesserarit.* Tertulliani vestigia insecuta est Africana Ecclesia, ut eiusdem dissertationis cap. 1. ostendimus ex canone de libris Canonicis, quos ne alios susciperet, quam Romana Ecclesia quondam tradiderat, visum fuit integro Africæ Concilio, *de confirmando isto Canone transmarinam Ecclesiam*, vel ut alius Codex legit, *Bonifacium Papam consulendum.* Non moror in Sacramentorum usu, sacrorum ordinum ritu, alijsque, Romanæ Ecclesiæ ritibus (ut demonstratur dissertatione 2.) consonis, sed ex solâ missâ Africanâ exemplum addo, quo apertè constabit, eo usque Africanam Ecclesiam imitatam fuisse in ritibus Romanam, ut alium ritum inducente Romano Pontifice, suum statim Africâ ad Romanum composuerit. Dissertatione 2. capite 7. Missam Africanam non Mozarabicæ, ut putavit Cardinalis Bona, sed antiquæ Romanæ conso-

Tertull.

Concil.
African.

é 3

nam

PROLEGOMENA.

nam fuisse, ostendimus, cumque in antiquâ missâ Romanâ psalmi ad altare non præscribebantur recitandi, morem hunc primus præscripsisse legitur Cælestinus, de quo Romanorum Pontificum catalogi duo : *hic constituit, ut antiphonatum psalmi ante sacrificium canerentur, quod non antè fiebat, nisi tantum epistola B. Pauli recitabatur & S. Evangelium, & sic missæ celebrabantur.* Constitutionem hanc vix à Cælestino Papâ Romæ editam fuisse, quin Carthago in Africâ eam receperit, ex præclaro D. Augustini loco deducimus, cumque Hilarius tribunitius Carthagine huic psalmorum ad altare recitationi oblateraret, S. Augustinum, edito contrâ Hilarium jussu Episcoporum libro, ritum à Romana Ecclesiâ introductum propugnasse, ex eodem loco evincimus, ut appareat, tantum abesse, Africanam Ecclesiam Romanæ fidei obfuisse, quod ipsos potius ritus post fidem ab Ecclesiâ Romanâ mutuare non cessarit.

5. Si magna fuit Afrorum erga sedem Apostolicam reverentia in amplectendis ritibus, quos Romana Ecclesia admittebat, non minorem ostendisse in abrogandis propriis, quos sedes Apostolica improbabat, ex agaparum destructione per Africam ostendimus dissert. 2. cap. 3. Occasione ex memoriis Martyrum desumptâ agimus de epulis apud Afros in memoriis Martyrum fieri consuetis: epulas illas putat D. Augustinus epistolâ 29. ad Alypium Thagastensem Episcopum nunc primum in lucem emissâ tomo 2. novissimæ editionis, originem sumpsisse post persecutionum tempora ex superstitione gentilium : *cum factâ pace, inquit, turbæ gentilium in Christianum nomen venire cupientes hoc impedirentur, quod dies festos cum Idolis suis solerent in abundantia epularum, & ebrietate consumere, nec facile ab his perniciosissimis & tam vetustissimis voluptatibus se possent abstinere, visum fuisse maioribus nostris, ut huic infirmitatis parti interim parceretur, diesque festos post eos quos relinquebant alios in*
honorem

honorem Sanctorum Martyrum vel non simili sacrilegio, quamvis simili luxu celebrarentur. Verum ut hæc Augustini opinio veritati historicæ accommodetur, notandum omnino, Agapas Apostolorum temporibus introductas longe ante pacem Ecclesiæ in Africa viguisse, ita tamen ut fierent cum sobrietate & pauperum sublevamine, ut testis est Tertullianus in Apologetico cap. 39. *Cæna nostra de nomine* Tertull. *rationem suam ostendit. Vocatur Agape, id quod dilectio penes grecos est, quantiscumque sumptibus constet, lucrum est pietatis nomine facere sumptum. Si quidem inopes quosque refrigerio isto iuvamus.* Cum Ecclesiâ sub gentilium tyrannide persecutionem patiebatur, pauciores erant fideles, & sæpius post sumptionem Eucharistiæ agapam in Ecclesia instituebant, ubi omnes simul moderatè cibū gustabant etiam pauperes, qui aderant. Postquam verò factâ Ecclesiæ pace gentiles undique in Christianum nomen veniebant, ob multitudinem fidelium communes illæ epulæ haud faciliè institui poterant, ideoque rarius fieri incipientes tandem in quibusdam festivitatibus Sanctorū & Martyrum obtinuerunt cū crapulâ & ebrietate, de quibus intelligi potest D. Augustinus cum scribit, epulas factâ pace à Gentilibus introductas. Et de hisce conviviiis aut letitiis in Festis Martyrum cum luxu & ebrietate per Africam servatis rectè notavit Faustus, Agapas Christianorum similes factas sacrificiis mortuorum, & monuit Ambrosius: *illa quasi* Ambros. *parentalia superstitioni gentilium fuisse simillima.* Neque his perpen-
 sis laborandum videtur pro intelligentiâ canonis 60. Codicis Africani de prohibendis imperatorum decreto conviviiis. *Quoniam contra præcepta divina multis in locis exer-* Can 60. *centur, quæ ab errore gentilium attracta sunt.* Concilium istud, Codic. African. aliud Carthaginense anno 39. sub Aurelio secutum est, ubi non modo Episcopis & clero prohibitum in Ecclesiâ convivari, sed etiam statutum: *ut populi ab huiusmodi con-* Concil. Carthag. *viviis,*

PROLEGOMENA.

August.

viviis, quantum fieri potest, prohibeantur. Aurelius verò in hoc secutus fuit magni Augustini monitum, qui epistola 22. ad Aurelium numero 5. scripserat de isto conviviorum genere: auferendum est non asperè, sed sicut scriptum est, in Spiritu lenitatis, non duriter, non modo imperioso ista tolluntur, magis monendo quam minando, sic enim agendum est cum multitudine peccantium. Augustinus verò hæc didicit, à Sancto Mediolanensi Antistite Ambrosio: quem hoc vetuisse, à matre sua Monica accepit. Ambrosius verò hoc ipsum prohibere potuit à Siricio monitus, quamvis enim de Basilicâ Beati Apostoli Petri quotidiana vinolentia proferebantur exempla, reposuit tamen exempla ista adferentibus D. Augustinus: se audisse, sæpè esse prohibitum, sed quod remotus sit locus ab Episcopi conversatione, & in tantâ civitate magna sit carnalium multitudo, peregrinis præsertim, qui novi subinde veniunt, tanto violentius quanto inscitius illam consuetudinem retinentibus tam immanem pestem nondum compesci sedarique potuisse. Atqui hic est locus auro contrâ estimandus, ex quo origo de auferendis à Martyrum sepulchro epulis deduci potest. Enimverò sæpè Romani Pontifices vetuerant, convivia illa in Ecclesiis urbicis celebrari, & in S. Ioannis Basilicâ ad Lateranum summorum Pontificum domicilium sitâ id castè servari faciebant. Aliud quid erat de Beati Petri in Vaticano Ecclesiâ: cum enim locus ille à Lateranensi Ecclesiâ longe distaret, & peregrini undique ad venerandas B. Petri reliquias confluerent, animadversum fuit, in Ecclesiâ B. Petri obvetèratum peregrinantium populorum morem non ita potuisse auferri: videntur itaque Romani Pontifices scripsisse ad aliarum Ecclesiarum Episcopos, ut paulatim ab epularum usu fideles suos averterent, ut cum Romam proficiscerentur à consuetudine aversi compescendæ pesti tam immani locum darent. Et hinc est, quod non modo Ambrosius Mediolani inveteratam consuetudi-

suetudinem sustulerit, sed & reliqui Italiae Episcopi vestigia illius insequi tentarint : unde & D. Augustinus epist. 22. occasionem sumpsit adhortandi Aurelium, ut multas carnales foeditates & aegritudines, quas Africana Ecclesia in multis patitur, consiliorum suorum gravitate sanaret. *Hæc enim, inquit, si prima Africa tentaret auferre à cæteris terris, imitatione digna esse deberet : cum verò & per Italia maximam partem, & in aliis omnibus aut prope omnibus transmarinis Ecclesiis, partim quia nunquam facta sunt, partim quia vel orta vel inveterata, Sanctorum & verè de vitâ futurâ cogitantium Episcoporum diligentia & animadversione extincta atque deleta sint, dubitamus, quomodo possumus tantam morum labem vel proposita tam lato exemplo emendare?* Quod transmarina Ecclesia, & agnito Romani Pontificis sensu vicina Italia mutarat, hoc Augustinus, cum non nisi Concilij auctoritate in Africâ compescendum agnosceret, ad Aurelium Africae Primatem retulit Synodico decreto vetandum, cumque difficile sit, & sapius periculo obnoxium, inveteratos mores auferre, ideoque hac de re non tam cito statui quidquam potuisset, in zelum erupit Augustinus, qui adhuc presbyter anno 395. tribus diebus populum Hipponensem adhortatus est, ut abhorreret à luxuriosis conviviiis, quæ in Sanctorum natalitiis apud Africanas Ecclesias Celebrare mos erat. Pluribus agit hac de re S. Augustinus epistolâ 29. ad Alipium nunc primum ex M. S. Codice RR. PP. Cisterciensium S. Crucis in Ierusalem in urbe à PP. Benedictinis è congregatione S. Mauri publicatâ. Et vel ex hoc manifestum fit, quantâ in veneratione Africa Romanam habuerit Ecclesiam, quandoquidem quod Roma ipsa ob peregrinantium tumultus servare non poterat Pontificis decretum, hoc auctore omnium Afrorum doctissimo Augustino Africana Ecclesia deseruerit, licet ibi illud conviviorum genus jam esset inveteratum.

PROLEGOMENA.

6. A ritibus & fide ad Africana Concilia transimus dissertatione 3. huius operis, ubi cuncta, quæ ad notitiam nostrâ pervenerunt, vel canones ex varijs editionibus, vel summaria cum notis & scholiis proferimus. Latent quidem aliqua, quæ nondum vidimus, in perantiquo Codice manuscripto, qui modo spectat ad Eminentissimum D. Franciscum Barberinum S. Romanæ Ecclesiæ Cardinalem, suntque ea, ut conjecturabat eruditus Chiffletius ad illum edendum quondam evocatus, quorum meminit Fulgentius Ferrandus, nunquam huc usque in lucem edita: continere alia Concilia antea in lucem emissa sed longe correctiora, putabat Parisius alter vir eruditus existimans, hunc eundem codicem olim spectasse ad Lucam Holstenium, eundemque esse, ex quo à Luca Dacherio tomo 6. spicilegiorum, & Philippo Labbeo tomo 4. Conciliorum editâ fuit Carthaginensis sub Bonifacio Synodus: hic verò si ad notitiam nostram pervenisset, eumque nancisci potuissemus ante præsentis operis editionem, haud dubium, quin plura Africanæ Ecclesiæ monimenta in lucem fuissent emissa hætenus inedita, & varia quoque Concilia, quorum nulla extat apud collectores notitia. Cæterum tantâ luce privati in Africanarum Synodorum penuriâ non omisimus annotare aliqua, quorum actis caremus, Baronio, Binnio alijsque collectoribus ignota. Dissertatione enim 3. cap. 1. numero 3. Synodum Carthaginensem detegimus sub Donato ante annum 248. habitam cum ipsius canone, *de Clericis non statuendis curatoribus*. Capite 3. numero 2. Varia per diversas Africæ Provincias Concilia celebrata notamus ante annum 348. quorum nulla mentio apud collectores. In singulis illis Conciliis statutum fuisse: *ut Clerici & sanctimoniales femina cum extraneis viris vel feminis non habitent*, sed nec ad invicem habeant accessum, eruimus

PROLEGOMENA.

21

eruiamus ex canone tertio Carthaginienſis primi , numero ſexto. Horum Conciliorum unum fuiſſe celebratum in Provinciâ Byzacenâ notamus numero 9. Ubi & adfertur teſtimonium Abundantiſ Adrumetini referentis in illo Concilio ſtatutum : *ut non liceat Clericis ſanerari*. Capite 5. numero 2. Adducimus ex S. Optato Concilium Donatiſtarum apud Theveſtinam civitatem celebratum poſt reſcriptum Iuliani , quo Donatiſtæ anno 362. juſſi ſunt ſediſibus ſuis reſtitui. Nemo quod ſciam huius conciliabuli meminit , & tamen habitum fuiſſe à Donatiſtis ad negotia partium ſuarum diſponenda , ex S. Optato deducimus. Capite 10. numero 3. ignotum omnibus Concilium Italicum ſub Anaſtaſio Papâ anno 401. ex fragmento Carthaginienſis Concilij eruiamus , interfuit tamen ei Venerius Mediolanenſis cum alijs Epiſcopis , & ad conſulta Africanorum ſtatuit de Donatiſtis , *ut ordinati in parte Donati , ſi ad Catholicam correſti transire voluerunt , non ſuſcipiantur in ſuis honoribus*. Capite 12. numero 7. ex Theleſis fragmento Thuſdritanum Provinciæ , non proconſularis , ſed Byzacenæ Concilium proferimus , & licet in annalibus aut tomis Conciliorum non reperiatur , varia eius decreta ex Fulgentio Ferrando indicamus. Demum ut finiam , diſſertatione 4. cap. 6. numero 4. ultrâ tres Synodos Provinciales ſub Theodoro Papâ in Africâ celebratas , quartam proconſularem detegimus , cui interfuit Victor Carthaginienſis , & quæ huc uſque ignorata fuit.

7. Præter Concilia noviter à nobis detecta longè plura occurrent in operis decurſu , quorum acta magno ſtudio nunc primum eruiamus , vel ſuis Conciliis vindicamus , vel adjunctis notis illuſtramus. Acta Cirthenſis Conciliabuli totius Schiſmatis Donatiſtarum præambuli hæc enus in tomis Conciliorum deſiderata ex S. Auguſti-

PROLEGOMENA.

no adducimus dissertatione 3. capite 2. Quæ in notis suo tempore vindicamus, in medium prolatis undecim illis, per quos hoc Conciliabulum celebratum fuit, traditoribus Episcopis. Concilium Carthaginienſe primum ſub Grato, & ſecundum ſub Genethlio ex Codice M. S. Vaticanae Bibliothecæ per Lucam Holſtenium eruta cum editione vulgatâ componimus capite 3. & 4. Iſque notis illuſtramus, quæ non modo diſciplinam & fidem Africanæ Eccleſiæ commendant, ſed & errores quam plurimos in tomis annalium & Conciliorum irrepiſſe manifeſtant. Capite 5. Synodicam Maximinianiſtarum in tomis Conciliorum deſideratam, & in operibus D. Auguſtini aliis verbis interpolatam ſuæ integritati reſtituimus, & Conciliabulo Cavernenſi vindicamus. Eam ante nos eruditi omnes Concilio Cabarſuſſitano adjudicarunt confundentes Cavernenſe & Cabarſuſſitanum Concilia, quæ duo diſtincta fuiſſe iſs momentis probamus, quæ nemo prudens contempſerit. Fragmenta Bagaienſis Conciliabuli ex variis Auguſtini locis ſibi invicem juncta numero 6. proferimus, & numero 7. notis illuſtramus. Concilium Carthaginienſe 5. contra ſcriptorum opinionem ſuo conſulatu reſtituimus capite 9. & capite 10. Varia Africanæ Concilia attingimus, quorum aut ordinem immutatum, aut canones unius alteri adſcriptos eſſe demonſtramus. Idem capite 11. de actis Concilij Milevitani ſecundi oſtendimus, quamvis enim Cardinalis Baronius partem præfationis cum octo prioribus Canonibus, Perro-nius verò plures ei canones vindicet, nihil tamen eorum, quæ huic Concilio tribuuntur præter unicam ab Auguſtino relatam Synodicam illius eſſe, cum Garnerio evincimus.

8. Putarunt huc uſque, quotquot legi ſcriptores Eccleſiaſticos, quotquot in Galliis audivi viros peritos, gen-
nainum

nuinum esse canonum Hipponensium Breviarum, quod excusum est cum Synodicâ post Concilium Carthaginiense tertium. Eminentissimus annalium parens Baronius illud non modo admisit, sed laudibus extulit, post quem Cardinalis Perronius & quotquot scripserunt in Galliis, illud tamquam indubitatum Hipponensis Synodi Breviarium habuerunt. Labbeus in novissimâ Conciliorum editione illud cum Synodicâ Carthaginiensi tertio subiecit, Quesnellius in appendice ad opera Leonis magni novam editionem multò ampliorem elucubravit. Natalis Alexander sæculo 4. parte 1. cap. 4. articulo 11. hoc Breviarium genuinum esse supponit : & cum nemo huc usque de eo dubitarit, sententiam nostram de eius suppositione proferimus, differt, tertiâ, capite 6. refellentes in primis illud, quod sub Hipponensis Brevariij nomine edidit Quesnellius, cuius editio non tam canonum Hipponensium Breviarium quam ipsum integrum Hipponense Concilium contineret. Nec aliam Brevariij editionem vulgatam admittimus, sed & Synodicam Carthaginiensi tertio suppositam esse, & Breviarium ipsum Hipponensi Concilio malè tributum non tam indicamus, quam evincimus. Synodicam non Carthaginiensis tertij, sed esse Concilij Byzaceni, cui Muzonius præfidebat, ex firmis rationibus ostendimus numero 5. & 6. Breviarium verò ipsum inter alia suppositionis arguimus, quod Hipponensis Concilij statuta, quæ à majoribus fuerunt allata, desiderentur in Breviario, & cuncta in Breviario contenta reperiantur ex alijs Concilijs ac præsertim Carthaginiensi tertio desumpta. Mirum sanè esset & inauditum, illud genuinum fore alicuius Concilij Breviarium, quod vix unum canonem attingit ex omnibus, quos ei attribuit antiquitas, & ne vel unum continet, quem non alteri Concilio tributum habet posteritas.

PROLEGOMENA.

steritas. Concilia Carthaginensia duo paulò post Hipponense sub Aurelio celebrata duos canones Hipponenses indigitare, quæ in Hipponensi Breviario non continentur, ostendimus numero 9. Quod si hoc parum videatur, addo Fulgentij Ferrandi breviationem canonum, in quâ ex Hipponensi Concilio proferuntur canones quatuor, tertius nimirum, quintus, octavus, & nonus, qui nullatenus in Breviario comparent. Accedit testimonium Epigonij Episcopi, quod proferimus numero 10. ex quo deducimus, præter canonem de Paschatis die nihil in Concilio Carthaginensi tertio ex Hipponensis Synodi canonibus fuisse emendatum vel assutum, cum tamen Synodus Carthaginensis tertia Breviarij Hipponensis statuta numero triginta septem ampliata contineat: signum manifestum, nullum ex canonibus illis in Breviario contentis esse Concilij Hipponensis.

9. Objici quidem posset huic nostræ sententiæ Codex M. S. Canonum Herovallianus, quem ante tempora Caroli magni confectum fuisse, ex pluribus indiciis probat Iacobus petit, qui eum in tomo 1. pœnitentialis Theodori partim edidit, cum in illo varij canones citentur ex Concilio Hipponensi, qui reverà in Breviario Hipponensi reperiuntur. Pervenit hic Codex ad manus meas post excusum jam præsens de Africanâ Ecclesiâ opusculum, & licet præ antiquitate venerandum existimem, nævis tamen suis non carere, post sedulam inquisitionem animadverti: enimverò ipso petit notante, varia capita hoc in Codice attribuuntur uni, quæ attribuenda erant alteri, ut c.7. ubi citatur *scriptum in Epistolâ Zozimi Papæ*, quod desumptum est ex epistolâ Innocentij primi. Cap.18. citatur epistola Hormisdæ Papæ de continentia clericorum, quæ *perperam tribuitur Hormisdæ*, cum mentionem faciat titulorum à Sancto Ioanne Papâ transmissorum.

forum. Cap. 15. citatur canon Aurelianensis, uti & cap. 54. alius, qui duo tamen desiderantur, & Arelatenſi Concilio ſunt tribuendi, uti & canon Agathenſis cap. 54. citatus, qui tribui potius deberet Gangrenſi. Hæc autem, quæ D. Petit animadvertit, etiam ego locum habere exiſtimem in ijs canonibus, qui ex Hipponenſi Concilio referuntur. Enimverò citantur tres canones Hipponenſes, qui deſumpti ſunt ex Concilio Carthaginienſi quinto, vel potius ex Codice canonum Eccleſiæ Africanæ, ubi canones Concilij Carthaginienſis 5. continentur: id autem ut probem, alio exemplo non indigeo, quam canone Hipponenſi cap. 15. Codicis Heroyalliani citato hiſce verbis: *Canon Hipponenſis arā LXXIV. ne interventor Episcopus in Cathedrā ubi interventor eſt, ſedeat &c. Arā idem* hic ſignificat, quod numerus, numero autem LXXIV. Extat hic canon in Codice canonum Africanæ Eccleſiæ, unde quoque deſumptus eſt, & malè Concilio Hipponenſi tributus. Hæc autem indicium præbent maniſeſtiſſimum, reliquos canones ex Hipponenſi Synodo in Codice Heroyalliano citatos non magis Hipponenſi tribuendos, ſi alterā in Synodo reperiantur ſtatuti: reliqui verò canones ſunt duo, & reperiuntur cap. 29. & cap. 68. ad quos annotat ipſe Petit, eos extare in Concilio Carthaginienſi tertio, ex quo proinde deſumpti fuere, ut firmum hoc ex Codice fundamentum deſumi non poſſit pro ijs tanquam veris Synodi Hipponenſis canonibus, ſed potius Carthaginienſis tertię, ex quā non ſolum canones illi, ſed & ipſum Breviarium Hipponenſe fuit conſectum. Quod ſi tamen quis prætenderet, canones in Codice Heroyalliano ex Hipponenſi Synodo citatos, revera Hipponenſi Synodo eſſe tribuendos, nec ſic conſtaret de genuitate Hipponenſis Breviarij, cum tres canones in Concilio Carthaginienſi quinto reperti non ex-

Codex
Canon.
M. S.

Auguſta

inſcriptionem

tent

PROLEGOMENA.

rent in Breviario Hipponensis Synodi, & inter duos reliquos in Carthaginiensi tertio repertos unus sit, qui nec cum Breviario Hipponensi nec cum ipso Carthaginiensi tertio quoad omnia conveniat. Capite enim 29. Codicis Herovalliani citatur canon Hipponensis arā XXXVIII. *Nec amplius de primitiis in altare offeratur, quam de uvis & frumentis. Alia omnia ad Domum sacerdotis deferantur ad benedicendum.* Hunc enim canonem si cum vigesimo quinto Breviarii Hipponensis, vel vigesimo quarto Carthaginiensis tertij conferas, plurimum differre reperiēs.

io. Hisce superatis, aliud restat ex canone de auferendis conviviiis desumptum argumentum, quod novissimè attingunt viri eruditi ordinis S. Benedicti, qui in edendis S. Augustini operibus magnā nominis claritate Parisiis operam impendunt. Scripserat D. Augustinus epistolam ad Aurelium jam recens in Episcopum Carthaginiensem ordinatum de auferendis commensationibus & ebrietatibus per Africam in cœmeterijs & memorijs Martyrum frequentari solitis sub specie religionis, & addit: *Sed tanta pestilentia est huius mali, ut sanari prorsus, quantum mihi videtur, nisi Concilij auctoritate non possit.* Addit postea modum, hunc morem tollendi: *non ergo asperè, quantum existimo, non duriter, non modo imperioso ista tolluntur: magis docendo, quam jubendo, magis monendo, quam minando.* Scriptam putant Patres Benedictini hanc epistolam alias 44. nunc verò 22. anno circiter 392. & notant in præfatione: *ceterum hac ipsa, quā de agimus, epistolā per motum credimus Aurelium ad cogendum istud Concilium Hipponense, quo eius auctoritate commensationes, quibus Afri pietatis prætextu in Ecclesijs vacabant, prohiberet.* Addunt in notis ad epistolam 29. ubi Augustinus refert de suæ civitatis hominibus: *tumultuari, & dicere, se ferre non posse, ut illa solemnitas prohiberetur.* Addunt inquam: *extat Hipponensis Concilij anno 393.*

„ cele-

„ celebrati canon Concilio 3. Carthaginienſi inſertus : „
ut nulli Epifcopi vel Clerici in Eccleſiâ conviventur niſi forte tran-
ſeuntes hoſpiti illic neceſſitate reſciant : populi etiam ab his con-
 „ *viviis, quantum poteſt fieri, prohibeantur.* „ Qui canon
 „ procurante haud dubiè Auguſtino tunc preſbytero edi-
 „ tus fuit. „ Ex quibus omnibus non ſine fundamento
 ſtatu videtur, cum canon ille reperiatur in Breviario
 Hipponenſi, illum ſaltem genuinum eſſe Hipponenſis
 Synodi foetum, & ex eo de genuitate Breviarij Hippo-
 nenſis manifeſtum haberi indicium. Grave quidem vi-
 deri poſſet deſumptum ex hiſce epistoſis argumentum,
 ſed pace virorum eruditorum factum ſit, ſi eorum ſen-
 tentiam ad ſuum originem recensendo parum latius diſ-
 cutiamus. Epistoſa ad Aurelium ſcripta ſupponitur circa
 annum 392. & alia nunc primum edita ordine 29. ad Ali-
 pium Tagaſtenſem Episcopum ſcripta ſupponitur an. 395.
 Non ignoto, ut putabat natalis, Alexander, ſed medio
 tempore anno nimirum 393. habita fuit Synodus Hippo-
 nenſis, in quâ ſi canon de auferendis conviviis editus
 fuiſſet ab Aurelio Carthaginienſi & totius Africae Episco-
 pis, illius ſaltem mentionem feciſſet Auguſtinus, dum
 populum Hipponenſem à conviviis illis avertere ſtude-
 bat : Auguſtinus cum tribus diebus conſequenter inve-
 teratum morem tollere in concionibus ſibi propoſuiſſet,
 canonem ad minimum à totâ Africanâ Eccleſiâ ſtatutum
 vel ſemel laudaſſet, & illi tanquam fundamento inni-
 xus contra morem Hippone præſertim receptum pro
 virili egiſſet. At tantum abeſt, Auguſtinum hoc
 canone tanquam fundamento uſum, ut nequidem
 in concionibus ſuis, quarum compendium episto-
 lâ 29. ad Alypium retulit, ullam mentionem faciat de
 Hipponenſis Concilij edito hæc de re ſtatuto. Accedit, ſi
 editum fuiſſet anno 393. in Concilio Hipponenſi de aufe-
 rendis

PROLEGOMENA.

Hippo-
aenes.

August.

rendis conviviiis statutum, nullatenus dubitandum esse ex eo, quem anno 392. in epistolâ ad Aurelium pro auferendis conviviiis D. Augustinus monstrarat zelum, quin statim magnus Ecclesiæ Doctor hoc canone tanquam clypeo munitus totis viribus contra inveteratum Afrorum morem egisset, & in ipsa civitate Hipponensi tantâ Concilij auctoritate anno ipso 393. omnem conviviorum morem eradicare studuisset. At tantum abest, D. Augustinum id anno 393. fecisse, ut cum anno 395. contra conviviorum morem predicasset, viri Hipponenses concionis argumentum tanquam rem novam exceperint, obmurmurando & dicendo : *quare modo non enim antea, qui hæc non prohibuerunt, Christiani non erant?* Supponunt viri Hipponenses modo, nimirum anno 395. ante quadragesimam in Festo Leontij Hipponensis quondam Episcopi primum à D. Augustino pro auferendis conviviiis tunc in Basilicâ Leontianâ fieri consuetis publicè ex Cathedrâ actum fuisse, nec habebat huic quod opponeret Augustinus, cum solum dixerit : *nihil nos nec brevius nec verius posse adferre adversus eos, qui dicunt, quare modo, nisi & nos dicamus, vel modo. Verumtamen ne illi, qui ante nos tam manifesta imperite multitudinis crimina vel permisierunt, vel prohibere non ausi sunt, aliqua à nobis, affici contumelia viderentur, exposui eis, quæ necessitate ista in Ecclesia viderentur exorta.* Palam admittit Augustinus, se primum esse, qui contrâ permissam à maioribus consuetudinem invecus est, neque eos, qui ante se fuerunt, multitudinis commissâ in conviviiis crimina prohibuisse. Momentosa est hæc epistola, ex quâ tot antiquitatis Ecclesiasticæ monimenta illustrantur, eamque hic variis notis ampliatam edidissim, nisi jam pridem ex M.S. Codice ad monasteriũ S. Crucis in Hierusalẽ spectante à PP. Benedictinis inter opera Augustini edi &c. contigisset. Cæterum vel hæc ex re constat, canonem de Auferen-

Auferendis conviviis ab Africanis Ecclesiis non fuisse editum in Concilio Hipponensi anno 393. ante scriptam à D. Augustino epistolam ad Alypium, sed post datam epistolam illam anno nimirum 397. in Concilio Carthaginiensi tertio, ubi canon de verbo ad verbum reperitur ordine trigessimus malè Hipponensi Concilio tributus.

11. Editum erat à Conciliorum collectoribus fragmentum Thelensis Concilij cum Synodicâ Siricij, quod ut genuinum susceperant omnes Periti usque ad Paschasium Quesnellium, qui dissertatione 15. in appendice ad opera Leonis magni confessus est, se primum fuisse, qui de eius *authenticâ* controversiam moverit, addens certissimum sibi esse: *& Synodum & epistolam meram esse fabulam, merumque commentum.* Speciosè propositis à viro erudito rationibus obstitimus dissertatione 3. cap. 12. ostendimusque, plerasque rationes fundamento destitutas, & fragmentum Thelensis Concilij tale esse, ut omnia in eo contenta tempori conveniant, & personis aut rebus ibidem memoratis. Unum quod præcipuè obesse videbatur de Concilij loco, Thelæ nimirum in Proconsulari Provinciâ, cum Cardinali Perronio & Parisiensi Archiepiscopo de Marca opinati sumus, erroneum esse, & loco Thelæ, legendum esse, Zellæ tum ex Codice Trecensi, quem Chiffletius testatur legere, *Zellenſe Concilium*, tum ex Ferrando Carthaginiensi Diacono, quem ex editione Iustelli sæpius citasse: *Zellenſe Concilium ex epistolâ Papæ Siricij*, pro comperto habebamus. Cum enim mota à Quesnelio difficultas hæc esset, quod Thelense Concilium sub Donatiano Teleptensi fuisset celebratum, & Donatianum Teleptensem in Byzacenâ Provinciâ Prælatem Thelæ in Proconsulari Provinciâ Concilium habere non potuisse constaret, difficultas pro suppositione fragmenti Thelensis suo fundamento non destitui videbatur. Nos

PROLEGOMENA.

verò , qui Zellenſem civitatem Episcopatu decoratam habebamus ex collatione Carthaginienſi anno 311. habitâ , utpote cui interfuit , *Donatianus Episcopus plebis Zellenſis* , & aliunde ex Codice Trecenſi , hanc Synodum Zellæ fuiſſe celebratam ; pro indubitato habuimus Ferrandi Carthaginienſis testimonium de Concilio Zellenſi non in Provinciâ Proconſulari , ſed Byzacenâ celebrato , ſicque difficultatem præcipuam enodatam putavimus contra fragmenti Thelenſis auctoritatem à Quesnellio motam , 12. Verum poſt editum caput 12. de Thelenſi Concilio incidit , me nuper Pariſiis in antiquiſſimo undecim ſæculorum Codice M. S. ad S. Germani à Pratis monaſterium ſpectante legiſſe , ibidem contineri breviationem canonum Fulgentij Ferrandi & ipſum fragmentum Thelenſis Concilij cum Synodicâ Siricij. Codicem itaque illum iterato pervolvendum accepi offerente cum viro doctiſſimo Ioanne Mabillonio , ex quo ſtatim collegi , fragmentum quidem Synodicum titulum habere præfixum *Telenſis Concilij* , breviationem vero Ferrandi Diaconi , non habere *Zellenſe Concilium* , ut habebat M. S. Codex Juſtelli , ſed primo loco Tellenſe , ſecundo Tiellenſe ſic ut ab amanuenſi littera i eſſet poſterius adjecta , cæteris vero omnibus Tiellenſe ; ex quarum lectionum varietate etiam in ipſis Fulgentij Ferrandi exemplaribus , licet primo intuitu ſtupefactus hærebam , ne tamen quicquam me ideo à priori opinione de genuitate fragmenti Synodici declinaſſe autumet , aliam viri erudiſſimi Ioannis nimirum Garnerij ſententiam adjiciam , ſi cui mea forſan minus placeat. Putabat itaque vir eruditus in ijs , quas hâc de re cum eo conferentias habui , Concilium hoc nuncupari debere Teleprenſe : ſic ſenſiſſe in annalibus Baronium , & poſt Baronium virum Erudiſſimum Sirmondum , qui dum contra Petrum Aurelium Thelen-

Thelensis Concilij fragmentum indicasset Theleptensi nomine donandum, in antirrethico 2. parte 2. cap. II. allato quodam pro restituendo loco ex conjecturis exemplo, scriptum reliquit, quod *hic à me factum vides, ut & conjecturâ uterer & manuscripto, idem in restituendo Concilij Theleptensis nomine factum à Baronio existimare debes: ut quia Concilium hoc ex ipsius actis in Provinciâ Byzacenâ celebratum fuisse constabat, Donatianumque, qui Concilio præsuit, in antiquis exemplaribus Theleptensem Episcopum appellari videbat, non Thelensem; Theleptensis nomen Concilio congruere judicaret, non Thelensis: quandoquidem Theleptensis civitas in Byzacenâ Provinciâ reverâ sita est, Thelensis autem non in Byzacenâ, sed in Proconsulari. Scimus quidem à Quesnellio objici, hanc focij sui emendationem à Chiffletio rideri: sed nequaquam rideri compertum est: quinimo, quod Baronio attribuit Sirmondus, emendationem ab ipso factam ex conjecturâ & manuscripto, id fieri potuisse circa præsentis Synodi fragmentum, non aliunde Garnerius repetendum ducebat, quam ex ipso Quesnellio, qui in Synopsi canonum Codici à se in appendice ad opera Leonis M. edito præmissâ refert sub titulo 62. *Constituta Theleptensis Concilij, id est in Africâ, juxta decretalem Siricij Papæ.* Et addit ad marginem: *ita Thuanus, at Oxoniensis, & alij passim, Thelensis.* Continebat itaque Codex Thuanus hoc Concilij fragmentum sub nomine Theleptensis, cumque Codex Thuanus, fatente Quesnellio, sit optimæ notæ, & annos octingentos excedat, non sinè manuscripto hanc emendationem fieri posse, in comperto est. Omitto ea, quæ de loco competenti, ubi Synodus Theleptensis habita fuit, differebat Garnerius, & ex convenientiâ loci Synodum Provinciale in civitate Theleptensi sub Provinciæ Primatè Donatiano Theleptensi celebratam supponens, accedo ad errorem eorum, qui fragmentum*

Sirmondus.

Codex
M. S.
Thuan.

PROLEGOMENA.

hoc posteritati consecrarunt : cum enim Theleptense in Codice Africano abbreviatum legebatur , vel ab eo , qui fragmentum ex Africâ ad Europam transmisit abbreviatum fuisset , amanuenses aliqui , quibus loca Africana non ita comperta erant , sine ullo abbreviationis signo loco Theleptensis , Thelense scribere potuerunt , unde & error in antiquissimos Codices irrepere valuit , & juxtâ Garnerium irrepsit , addens hinc etiam aliorum lectiones ortum ducere , qui scripserunt , Tiellense , vel juxtâ communem Africanorum usum , T in Z mutato , Zellenense.

13. Hæc viri doctissimi sententia , de quâ quidquid sit , hoc unum firmum , & inconcussum manere debere existimo , fragmentum huius Synodi genuinum esse antiquitatis monumentum. Sive enim Zellenense legatur cum Perronio & à Marca ex breviatione Fulgentij Ferrandi à Iustello editâ , cui favet lectio Codicis Trecensis : sive cum Baronio & Sirmondo ex antiquiore Codice M. S. Bibliothecæ Thuanæ legatur Theleptense : sive ex antiquissimo Codice M. S. Bibliothecæ S. Germani à Pratis dicatur Tiellense , ut oæties legitur in breviatione Fulgentij Ferrandi ibidem contentâ : sive demum legas ex variis aliis manuscriptis Codicibus Telenense , Thelense , aut Tellense , hanc variantium Codicum lectionem signum non suppositionis , ut probare conatus erat Quenellius , sed *à ueritas* , pro indubitato habemus. Nisi enim genuinum esset Synodi huius fragmentum , ut quid tota antiquitas pro eius conservatione operam suam impendisset ? habes Ferrandum Carthaginensem Diaconum , & Ferrandi breviationem paulo post eius obitum scriptam in Codice Corbeienfi , ubi nonies Concilium Tielense citatur. Habes ex eodem mille & centum annorum Codice fragmentum ipsum cum epistolâ Siricij Papæ , ijs , quibus

PROLEGOMENA.

33

quibus in tomis Conciliorum reperitur, expressum ver-
bis. Habes in Thuano octingentorum annorum Codice,
habes in Oxoniensi sexcentorum, cuius scriptor teste
Quesnellio notavit paginâ 34. Codicis : *iste Codex tran-*
scriptus est ex vetustissimo exemplari. Habes demum tot alia
manuscripta, ut cum viro quodam erudito dicere possim;
non tanti esse conjecturas D. Quesnellij, ut Ferrandi &
veterum Codicum auctoritati præponderare debeant.

Codex
M. S.
Oxonienſis

14. Discussis, quæ circa Zellenſis, aut Theleptenſis
Synodi fragmentum objecerat Quesnellius, eâdem diſ-
sertat. 3. cap. 12. numero 8. epistolam Siricij fragmento
subjectam aggredimur, quod & illam commentitiam
dixisset, & ob illam Fulgentij Ferrandi breviationem
interpolationis arguere tentasset. Siricianam itaque epi-
istolam ad Africos conscriptam supponentes ex titulo ip-
sius : *dilectissimis fratribus & Coepiscopis per Africam Siricius :*
eam ipsam quo ad primum canonem de non ordinando
extra conscientiam sedis Apostolica, hoc est Primatis, ab omni
absurditate alienam indicamus, & canonem rectè pro
Africâ statui potuisse, ostendimus dissertatione primâ
capite 6. numero 9. Canonem 2. *ne unus Episcopus Epis-*
copum ordinare præsumat, genuinum esse, nemo du-
bitat : sed quod in breviatione Ferrandi addatur : *exceptâ*
Ecclesiâ Romanâ, hoc supposititium esse, & aliâ manu in
Ferrando adjectum contendit Quesnellius, contrâ quem
dissertatione 3. cap. 12. editos à Iustello viro heterodoxo
correspondentes Siricianæ epistolæ canonibus titulos
Ferrandi adducimus, & inter eos unum esse, qui habet
numero 6. *Vt unus Episcopus Episcopum non ordinet. Exceptâ*
Ecclesiâ Romanâ. Concil. Zellen. ex epistolâ Papâ Siricij. Huic
editioni minimè suspectæ lectionem Codicis antiquissi-
mi hic adjunxisse, non inutile erit : *ut unus Episcopus Epis-*
copum non ordinet exceptâ Ecclesiâ Romanâ Concil. Tiell. ex epist.

Epistol.
Siricij.

Ferrand,

Codex
M. S.
S. Ger-

Papæ
mani.

PROLEGOMENA.

Papæ Sirici. Ita mille & centum annorum Codex M. S. S. Germani à Pratis, eo fermè tempore conscriptus, quo vivebat Fulgentius Ferrandus, idque eâdem manu, absque eo quod alia manus adjecerit hæc verba : *exceptâ Ecclesiâ Romanâ.* Hisce addo alios titulos ex eodem M. S. Codice à me depromptos, ubi mentio fit Concilij illius & Syricij Pontificis : titulus ordine 130. *ut mulierem uxorem Clericus non ducat, & ut is, qui laicus viduam duxerit uxorem, non admittatur ad clerum Concil. Tiellen. ex epistulâ Papæ Sirici.* Ordine 138. *ut abiectum Clericum aliena Ecclesia non admittat. Concil. Tiellen. ex epistola Papæ Sirici.* Ordine 174. *ut venientibus novatianis vel montensibus per manus impositionem suscipiantur Concil. Tiellen. ex epistulâ Papæ Sirici.* Hæc retulisse, adversis conjecturis respondisse est.

15. Verum duo urget quam maximè Quesnellius pro suppositione epistolæ Siricianæ, primum nimirum canonem de ordinatione primatum non faciendâ extrâ conscientiam sedis Apostolicæ, & canonem ultimum de continentia sacerdotum & levitarum ab uxoribus, quem solum suasorium, non præceptorium esse contendit. At hic fidem lectoris expostulo, & ut ab ultimo incipiam, præter dicenda. Dissert. 3. cap. 12. num. 10. Cum Siricius præmittit, Synodo Romanæ placuisse, litteras tales dari, *Siricius. non quæ nova præcepta aliqua imperent : sed quæ Apostolicâ Patrum sanctione sunt constituta, & per ignaviam desidiamque aliquorum neglecta sunt.* Numquid subjectum de continentia sacerdotum & levitarum canonem vetus præceptum indicat ? à Posteriori ad primum redeo, cui si non abundè satisfecisse videamur, aliam solutionem addimus à Ioanne Garnerio verbotenus nobis indicatam : putabat vir eruditus occasione Anniversarij diei, quo Siricius mense Ianuarij ad Pontificatum assumptus erat, octoginta Italiæ Episcopos Romam convenisse secundo Pontificatus anno

PROLEGOMENA.

35

anno post consulatum Arcadij Augusti & Bautois, id est anno Christi 386. tuncque habitum Concilium pro disciplinâ Italiæ seu locorum, qui ad ordinationem Romani Pontificis spectabant, & pro illis statutum fuisse Can. i. *ut extra conscientiam sedis Apostolicæ hoc est primatis, nemo audeat ordinare.* Neque interpretatione hic canon indigeret, si suppositio de statuendo pro illis locis canone vera haberetur, uti tentari posset, ex hisce Synodicae verbis: *qua de re meliori consilio id sedit, propter eos maximè, qui præsentis valetudine corporis aut fessæ ætatis causâ minimè adesse potuerunt, litteras tales dari.* Hisce enim indicari videtur, hanc epistolam primùm conscriptam fuisse ad Episcopos illos, qui ad Synodum evocati valetudine corporis aut fessæ ætatis impediti adesse non potuerant, adeoque ad Italiæ Episcopos, ex quibus hæc Synodus conflata fuisse videtur. Quod si meliori consilio id sedisse ita interpretemur, ut ad alias regiones Patriarchatus Romani hæc litteræ Synodicae mitterentur, hæc occasione mitti potuisse ad Carthaginensẽ Episcopum cæteris Episcopis per Africam juxta antiquam consuetudinem ab eo prælegendas in Synodo circa illa tempora habendâ, dicendum videtur: obortâ autem post plurimos annos in Provinciâ Byzacenâ quæstione aliquâ ex Siricij Papæ litteris decidendâ, coactum fuit Thufdritanum non in aliâ, ut putavit Quesnellius, sed in ipsâ Byzacenâ Provinciâ Concilium, ad quod cum ab Aurelio directi essent cum authenticâ Siricij epistolâ legati duo Vincentius & fortunatianus, qui eandem legendam obtulerunt Latonio Tenitano Provinciæ Byzacenæ Episcopo, suggestio indicavit, utrasque Siricij epistolas afferendas esse pro quæstionis solutione ad proximum Byzacenæ Provinciæ Concilium sub Donatiano Teleptensi Primate vel Telepte, vel Zellæ, vel Telliæ, aut Tellæ, (duas enim civitates

û

tes

PROLEGOMENA.

tes eiusdem nominis in duabus Provinciis fuisse non repugnat) Bizacenae Provinciae civitatis coadunandum, qua occasione altera Siricij Epistola hoc in fragmento servata, ab iisdem legatis data fuit perlegenda: lex quibus omnibus corruunt illa tam speciosè à Quesnellio proposita suppositionis argumenta. Cætera videri possunt cap. 12. dissertationis 3.

16. Rara planè apud antiquos de Africanâ Ecclesiâ inveniuntur monumenta, & quia jam ab octo sæculis in regione illâ religio jacuit sub ruderibus sepulta, qui post sæculum octavum præcipuas orbis Catholici regiones non oculis solum perlustrarunt, sed & earum populos, ritus, & religionem scriptis suis posteritati consecrare studuerunt, relictâ infelici Africâ, nihil amplius de eâ memoriæ nostræ tradere curarunt, quam si numquam fuisset in Ecclesiâ. Primus qui historiam eius Ecclesiasticam attingere visus est, fuit Eminentissimus Cardinalis Baronius numquam sine laude tacendus, qui breviter in suis annalibus Africanam Ecclesiam illustriorem reddidit: quod autem vir ille sparsim & variis in locis præstitit, hoc nos dissertatione quartâ in unum congerentes sub variis de incrementis & decrementis Africanæ religionis capitibus præstare conamur, præmisso capite 1. intentato hætenus de successione Episcoporum Carthaginien- sium Catalogo, & subiectâ capite ultimo brevi historiâ de pressâ Sarracenorum iugo religione Africanâ: mediis capitibus occasionem capimus referendi Afrorum ritus, disciplinam, & fidem, quæ omnia cum aliis notatu dignis cuique occurrent.

SYNOPSIS

SYNOPSIS

DISSERTATIONVM AC CAPITVM.

DISSERTATIO I.

De exordio Africanæ Ecclesiæ, eiusque notitia & regimine
sub primatu Carthaginensi non autocephalo.

CAPUT I. De Africano Idolorum cultu, & introductâ reli-
gione Christianâ. Pag. 1.

CAPUT II. Quandonam fides Catholica, & undenam ad Africam
peruenerit? p. 8.

CAPUT III. De notitiâ Provinciarum Africæ, earumque divi-
sione in Imperio & Ecclesiâ. p. 14.

CAPUT IV. De primatibus Provinciarum Africæ. p. 20.

CAPUT V. De primatu Carthaginis tam in civilibus, quam in
Ecclesiasticis. p. 26.

CAPUT VI. In quonam consistebat primatus Carthaginensis, &
num fuerit Autocephalus? p. 30.

CAPUT VII. De mente Africanæ Ecclesiæ circa supremam Synodo-
rum suarum auctoritatem. p. 39.

CAPUT VIII. Quod Africana Ecclesia supremam Romani Pontifi-
cis auctoritatem semper agnoverit. p. 56.

DISSERTATIO II.

De fide & ritibus Africanæ Ecclesiæ.

CAPUT I. De libris Canonicis in Africâ receptis, & signan-
ter duobus Machabeorum. Pag. 65.

CAPUT II. De traditionibus in Africâ receptis, ubi de jejuniis,
oblationibus pro mortuis, ac Crucis signo. p. 69.

ñ 2

CAPUT III.

Synopsis Dissertationum ac Capitulorum.

- CAPUT III. De Ecclesiis Africa seu memoriis Martyrum, ubi & de epulis ad memorias Martyrum fieri consuetis. p. 75.
CAPUT IV. De pace à Martyribus petitâ, & Afrorum Episcoporum auctoritate in eâ concedendâ. p. 82.
CAPUT V. De Sacramentorum numero, & usu in Ecclesiâ Africanâ. p. 90.
CAPUT VI. De sacro suppellectili ad sacrificium requisito, & missâ Africanâ. p. 98.
CAPUT VII. De ritu Africanæ Ecclesiæ in sacris ordinationibus. p. 107.

DISSERTATIO III.

De Conciliis Africanis, eorumque canonibus cum scholiis ac notis.

- CAPUT I. Brevis historia de Synodis Africanis, quæ nullos canones ediderunt usque ad tempora Grati Carthaginensis Episcopi. Pag. 116.
CAPUT II. De origine Donatistarum, & tribus eorum Conciliis ante Macariana tempora. p. 121.
Acta Cirthenfis Conciliabuli cum notis. p. 123.
CAPUT III. De Concilio Carthaginensi primo & 14. eius canonibus. p. 129.
Concilium Carthagini Africa sub Grato ex duplici editione. p. 130.
CAPUT IV. De secundo Carthaginensi Concilio sub Genethlio anno 390. p. 145.
Concilium Carthaginense sub Genethlio ex duplici editione. p. 147.
CAPUT V. De quatuor Donatistarum Conciliis post medium sæculi 4. quorum meminerunt S. Optatus & S. Augustinus. p. 161.
Synodica

Synopsis Dissertationum ac Capitum.

39

Synodica Maximinianistarum ex Conciliabulo Cavernensi.

p. 163.

Fragmenta Bagaiensis Conciliabuli cum notis.

p. 169.

CAPUT VI. De Concilio Hipponensi anno 393. Theodosio 3. & Abundantio Coss. ubi de Synodi illius canonibus an sint suppositi-
tij. p. 171.

*Canones seu Breviarium canonum Hipponensi Concilio tribu-
tum, ex duplici editione.* p. 174.

CAPUT VII. De Concilio Carthaginiensi 3. anno 397. Coss. Cesa-
rio & Attico una cum Scholiis ad præcipuos ex 50. eius canoni-
bus. p. 193.

CAPUT VIII. De Concilio Carthaginiensi 4. anno 398. Honorio 4.
& Eutychiano Coss. p. 210.

CAPUT IX. De Concilio Carthaginiensi post consulatum Honorij 4.
& Carthaginiensi 5. anno 400. post consulatum manlij & Eutropij
habito. p. 223.

CAPUT X. De variis Conciliis Africa, quorum aut ordo immuta-
tus, aut canones suppositi, vel deperditi, usque ad collationem
Carthagine habitam. p. 230.

CAPUT XI. De Synodis in causâ Donatistarum & Pelagianorum
habitis tempore Innocentij I. & signanter de Synodo Milevitana
anno 416. p. 241.

CAPUT XII. De Concilio Zellensi, Telleni: Tiellensi, aut Telep-
tensi, & tractoria Siricij Papa, & an sint supposititia. p. 250.
Fragmentum Concilij, cum tractoria Siricij. p. 251.

CAPUT XIII. De Concilio Carthaginiensi sexto. Fl. Monaxio &
Plinta Coss. anno 419. ubi & de Codice canonum Africane Ec-
clesiæ. p. 262.

Synopsis Dissertationum ac Capitulorum.

DISSERTATIO IV.

De Successione Episcoporum Carthaginiensium, incrementis & decrementis Africanæ Ecclesiæ usque ad eiusdem interitum sæculo 8. per Saracenorum irruptiones introductum, & huc usque continuatum.

CAPUT I. De Successione primatum Carthaginiensium. p. 270.

CAPUT II. Primitiva Africanæ Ecclesiæ facies, & primum sub persecutoribus religionis incrementum. p. 278.

CAPUT III. De secundo religionis per Africam incremento sub hæreticis, & præcipuè Donatistis. p. 286.

CAPUT IV. De primo religionis decremento sub Vandalorum tyrannide. p. 290.

Catalogus Episcoporum Africa sub Vandalis ex omnibus Africanæ Provinciis in exilium missorum. p. 293.

CAPUT V. De novo religionis incremento sub Iustiniano, & turbata per ortam de tribus capitulis questionem Africanæ Ecclesiæ pace. p. 303.

CAPUT VI. De statu Africanæ Ecclesiæ sæculo 7. per Monotheitarum hæresim nonnihil turbato. p. 310.

CAPUT VII. De interitu Africanæ Ecclesiæ, à sæculo 8. per Saracenorum irruptiones introducto, & huc usque continuato. p. 316.

Pro Africanæ Ecclesiæ Coronide. p. 326.

APPRO-

APPROBATIO
MERITISSIMI
DOMINI
COCQUELIN
DOCTORIS ET SOCIJ SORBONICI
ECCLESIAE ET UNIVERSITATIS
PARISIENSIS CANCELLARIJ.

Nos infrascripti Doctor Socius Sorbonicus Ecclesiae & universitatis Parisiensis Cancellarius testamur omnibus, lectum à nobis fuisse librum, cui titulus est: *Ecclesia Africana sub primatu Carthaginensi per D. Emanuele à Schelstrate sacrae Theologiae Doctorem, Canonicum & Cantorem Ecclesiae Antverpiensis*. In quo nihil offendimus quod fidei Catholicae Apostolicae & Romanae non sit apprimè consonum: imo pleraque reperimus non modo eximiâ eruditione referta, sed & de novo in medium ab Authore Clarissimo & Doctissimo prolata, quæ cum ad illustrandam antiquitatem & commendandam Ecclesiae Africanæ fidem religionem dignitatem plurimum valeant, non sine magnâ utilitate legi posse arbitramur. In cuius rei fidem his subscripsimus. Datum Parisiis anno Millesimo sexcentesimo septuagesimo nono, die vero secundâ mensis Septembris.

Cocquelin.

APPRO-

A P P R O B A T I O
S A P I E N T I S S I M I D O M I N I
P I R O T
D O C T O R I S E T S O C I J S O R B O N I C I ,
I N S O R B O N A P R O F E S S O R I S , E T I N A C A D E M I A
P A R I S I E N S I V I C E - C A N C E L L A R I I .

Nihil ad Ecclesiæ utilitatem conferre magis potest, quam antiquitatis Ecclesiasticæ notitia, neque quidquam ad hanc conducere aptius nobis visum est hocce libello, qui Ecclesiæ Africanæ primævam imaginem refert hoc titulo : *Ecclesia Africana sub primatu Carthaginiensi.* Quem cā de causâ Christianæ reipublicæ non parum profuturum arbitramur. In Sorbonâ die primâ Octobris, M. DC. LXXIX.

Pirot.

E R R A T A .

Pagina 46. lin. 20. Pontificiis, *lege* Pontificis. pag. 57. lin. 13. Stephani, *lege* Zephyrini. pag. 314. lin. 18. septæ, *lege* septimæ. pag. 316. n. 1. tyrannidis, *lege* tyranniis. pag. 326. lin. 18. describerit, *lege* describeret. ibid. lin. 31. retruduit, *lege* recruduit. pag. 320. lin. 5. Iustiani, *lege* Iustiniani. pag. 327. lin. 12. intueamus, *lege* intueamur. Tempus non superfuit pleræque, prout conveniebat, revidendi, unde alia, si quæ occurrunt, dignetur lector benevolus corrigere, quia sicut labi humanum est, ita errata in libris incurrere vel typorum compositoris imperitiâ, vel correctoris inadvertentiâ, ordinarium & consuetum.

D I S S E R .

43

DISSERTATIO I.
DE
EXORDIO AFRICANÆ ECCLESIAE
EIUSQUE NOTITIA ET REGIMINE
SUB PRIMATE
CARTHAGINIENSI NON AUTOCEPHALO.

CAPUT I.

De Africano Idolorum cultu, & introducta
Religione Christiana.

1. Idolorum cultus cum religione apparuit, & una cum Africa Coloniae in Africam introductus variis in regionibus variis extitit.
2. Proprius Afrorum Deus à Tertulliano dictus est Saturnus, cui cives Carthaginienses suos immolabant infantes usq; ad proconsulatū Tiberij.
3. Aliud Afrorum simulachrum fuit Dea Caelestis vecturā leonis ad celum Commeans, uti scribit Apuleus, cui duo numismata adstipulantur.
4. Pro Deā Caelesti templum Deorum suorum adibus vallatum à Carthaginiensibus fuisse extructum, testis oculatus est S. Prosper, ex quo habemus Carthaginem, quae pro imperio cum Roma certarat, jam victam certasse pro cultu Deorum.
5. Carthaginem in cultu plurium Deorum secuta est omnis Africa ante & post Christi tempora, cui bellum indixerunt religionis nostra propugnatores Afri ad fidem conversi.
6. Post Constantini tempora clauso Caelestis Dea templo, caetera simulachra rescriptis Principum paulatim ablata sunt, ipso demum Caelestis templo per Aurelium Episcopum divino numini consecrato: exponitur locus auctoris libri de promissionibus, qui S. Prosperi vulgò creditur, circa titulum aneum: Aurel us Pontifex dedicavit.
7. Quandonam Idola Carthagine panitus destructa, & eorum templa per Africam prostrata fuerint, ex variis testimoniis deducitur.

1. **S**I, Tertulliano teste, cum odio sui cepit simul veritas, at-
que apparuit inimica, mirum videri non debet, quod
cum religione divinā apparuerit idolatria, quae ab ipsis
mundi huius incunabiles primos parentes appetitu divinitatis obœca-
vit,

A

Tertullian.

vit, tantasque radices in posterorum animos jecit, ut nec cataclysmi furore potuerit evelli, nec ignitorum Serpentium morfu extingui, nec iterato sæpius fulmine divino umquam consumi. Enim verò disperso post cataclysmum in varias regiones genere humano, dispersus una fuit simulachrorum cultus, qui cum Africæ coloniis introductus est in Africam, & si enarranti ex Procopio Suidæ auctori græco fidem adhibeamus, cum Cananeis per Iosue fugatis ad Numidiam pervenit. Non enumerabo Deorum delubra à gentilibus in Africâ adorata, non Iovem Ammonium, cuius cultus celebris erat in desertis Lybiæ: non Dianam Corypheam à Numidis cultam: non Apollinem, cui Lucos & fana, non solem, quem Mauri adorantes respiciebant, & orientem venerabantur: non duplicis Martis statuam, quam Madaurenles in foro pro numine suo aliorum simulachrorum frequentia circumdatam adorabant: sed in duobus Africæ delubris non nihil hærendum duxi, quod ea non civitati aut provinciæ speciali, sed omni per Africam regioni fuerint notissima, & à Carthagine totius Africæ civitate primariâ summè venerata.

Tertullian.

2. Primum horum simulachrorum fuit Saturni, quem Tertullianus proprium *Afrorum Deum* edixit, & Pæni bel, Latini saturnum, Græci Κρόνον aut tempus nuncupabant: eum somniabant ethnici philosophi ex cælo & terrâ natum fuisse, cumque tempus annorum successu omnia consumit, *Saturnum suos filios devorasse, ita nonnulli interpretati sunt, quod longinquitas temporis, quæ Saturni nomine significatur, quidquid gignit, ipsa consumat.* Et ex hoc persuasum fuit indoctis Africæ populis, Saturnum nullis hostiis, quam filiorum placari posse, quos proinde eorum parentes Saturno immolabant apud Carthaginem, uti apud Lactantium testatur Pescenius festus in libro historiarum: *Carthaginenses Saturno humanas hostias solitos immolare, & cum victi essent ab Agathocle rege siculorum, iratum sibi Deum putavisse: itaque ut diligentius piaculum solverent, ducentos nobilium filios immolasse.* Eadem illa ex 20. Diodori libro refert Cælius Rhodiginus, ac pergit: *erat autem apud eos (Carthaginenses) ænea Saturni statua magnitudine mirabilis, cuius manus ad terram extensa ita erant in Gyrum, ut qui pervenire ad eum adolescentes cogebantur, in ingentem foveam igne repletam inciderent.* Addit insuper Plutarchus lib. de superstitione: qui sine liberis forent, omninò à pauperibus puerulos coemere solitos ad hunc usum, veluti agnos aut avium pullos coemissent, quin & in more fuisse, ut assisteret mater citrà lacrymas ac gemitus, stantibus in ambitu

August. lib. 6.
De civitate
Dei cap. 8.

Pescenius
Festus apud
Lactant.

Diodorus
apud Rhodi-
ginum.

Plutarchus.

ambitu ijs, qui tibiis incinebant, aut tympana pulsabant, ne qua vox exaudiri posset. Duravit vero hæc consuetudo usque ad Tiberium Proconsulem, de quo Tertullianus in apologetico cap.9. Infantes penes Africam Saturno immolabantur palam usque ad proconsulatum Tiberij, qui ipsos Sacerdotes in eisdem arboribus templi sui obumbratricibus scelerum votivis crucibus exposuit, teste militia patria nostra, qua id ipsum munus illi Proconsuli functa est. Sed & nunc in occulto perseveratur hoc sacrum facinus cum propriis filiis Saturnus non pepercit, extraneis utique non parcendo perseverabat, quos quidem ipsi parentes sui offerebant, & libentes respondebant, & infantibus blandiebantur, ne lacrimantes immolarentur. Quo ex loco habemus, post Tiberij Proconsulatum à nefaria puerorum immolatione publicè cessatum fuisse, quod ipsum in Octavio arguerat Minutius felix: Saturnus filios suos non exposuit, sed voravit: merito ei in nonnullis Africa partibus à parentibus infantes immolabantur, blanditiis & osculo comprimente vagitum, ne flebilis hostia immoletur: modo irrisorio loquitur Minutius, & dum factum probare videtur, in Afros invehitur, quod ipsi gentiles hæc filiorum sacrificia habuerint ut sacrilegia & parricidia.

Tertullian.

Minutius felix.

3. Secundum simulachrum fuit Deæ Cælestis, de quo Salvianus libro 8. de providentiâ: Habent quippè intra muros patrios intestinum scelus, Cælestum illum scilicet Afrorum demonem. Et S. Ambrosius Mediolanensis Antistes adversus Symmachum: quam cælestem Afri colunt. Et Ulpianus titulo de his, qui hæredes instituere possunt, post Cod. Theodosianum numerat inter alia Cælestem Salinensem Carthaginis. Et Tertullianus in Apologetico cap.24. Vnicuique etiam provincia & civitati suus Deus est ut Africa Cælestis, de qua & cap.23. dixerat: ista ipsa virgo Cælestis pluviarum pollicitatrix. Hanc Apuleius ipse Africanus Lunonem fuisse putat lib.6. de Asino: Magna Iovis germana & coniuga, sive tu sami querulo partu, vagituque & alimonia tua gloriaris, sive celsa Carthaginis, quæ te virginem vecturâ leonis calo commeantem percolit. Occasionem verò unde illud Carthaginensibus numen lib.5. adfert Herodianus loquens de simulachro Uranie, quod scilicet Carthaginensibus omnique Africa venerabile positum fuisse à Phanissa Didone creditur, quo tempore antiquam Carthaginem dissecto Corio adificavit. Hanc Afri Vraniam, Cælestem videlicet, vocant, Phœnices Astroarchen, lunam esse affirmant. Refert hæc & alia de Cælestis simulachro Cæsar Baronius antiquorum testimonia ad annum 399. additque duo Numismata, Severi Imperatoris unum, & alterum Antonini

Salvianus.

Ambrosius.

Ulpianus.

Tertullian.

Apuleius.

Herodian.

tonini eius filij, in quibus à tergo expressa est Carthaginiensium Dea, pro ut ab Apuleio exhibetur vecturâ leonis ad cælum commens, ut ex illis ipsis Numismatibus hic impressis licet colligere.



Inscriptio horum Numismatum de *Indulgentiâ Augustâ* innuit, tam Severum Imperatorem, quam Antoninum eius filium indulgisse de vectigalibus in re annonariâ. Additur *in Carthagine*, ut Carthaginiensibus hæc indulgentia facta insinuetur, unde & Numismata hæc Carthaginiensibus Deæ typum ferunt, de quâ Apuleius: *Carthaginis, quæ te virginem vecturâ leonis cælo commeantem percolit*, quod totum hisce in Numismatibus visitur. Addit Baronius tomo 5. ad ann. 399. num. 62. Sequentem inscriptionem incisam basi, super quam Cælestis simulachrum collocatum erat:

INVI.

Dissertatio I. Caput I.

5

INVICTÆ
CÆLESTI
AVRONESI
MVS. D. D.

Antiqua in-
scriptio Ro-
mæ apud
Alex. Bor-
gianum.

Quam inscriptionem Ianus Gruterus malè inter Veneris epitheta collo-
cavit, ut fufius ostenderemus, nisi sufficeret vel hoc & jam dictis con-
stare, Cælestem fuisse Carthaginienfium numen præcipuum, quod
ufque ad tempora D. Augustini in præcipuo civitatis illius templo erat
collocatum.

4. Egit de eius templo S. Prosper Augustini Discipulus, vel qui- S. Prosper.
cumque auctor est libri de prædictionibus, ubi parte 2. cap. 38. Scrip-
tum reliquit : *apud Africam Carthagini Cælestis inesse ferebant templum*
nimis amplum omnium Deorum fuorum adibus vallatum. Cuius platea Li-
thostrata pavimento ac pratiolis columnis & manibus decorata, propè in
duobus fere millibus passuum protendebatur. Templum Augustum Cæle-
sti Deæ constructum audis, idque in plateâ duorum ferè mille passuum,
quæ referta erat omnium Deorum ædibus super pretiosas columnas
ædificatis. Quod nimirum Carthago, quæ durante republica usque ad
tertium bellum punicum fuit Romanæ civitatis æmula & pro Imperio
certarat cum orbis dominâ, nunc à Romanis post primam excisionem
super prioris civitatis fundamenta constructa, certamen assumpserat de
cultu Deorum. Si namque Roma Leone primo attestante, cum penè Leo 1.
omnibus dominaretur gentibus, omnium gentium serviebat erroribus, &
magnam sibi videbatur assumpsisse religionem, quia nullam respuebat fal-
sitatem. Carthago à Romanis restituta, cum æmula amplius esse ne-
quiret imperij, æmula facta est cultus Idololatrici, quandoquidem
diligentissimâ superstitione in duorum mille passuum plateâ habebat in
ædibus undecumque super columnas constructis collectum, quod uf-
quam fuerat vanis erroribus institutum.

5. Nec sola Carthago, sed Africa universa in cultu plurium Deo-
rum videri voluit religiosa, ut persecutionis temporibus per Africam
in templis demoniorum diabolus triumphabat, immundis fumabant ara
nidoribus, & qui ad sacra sacrilega venire non poterant, ubicumque thus
ponere cogebantur. Ita de Diocletiani persecutione S. Optatus Mile- S. Optatus.
vitanus Episcopus lib. 3. contrâ Parmenianum, additque Maximus
Madaurenfis homo ethnicus epistola 43. inter Augustini : *Nostre urbis* Maximus
Madaurenf.
forum

A 3

Augustin.

S. Prosper.

forum salutarium numinum frequentia possum nos cernimus & probamus. Et inter illa simulachra fuisse duplicis Martis statuam, audivimus supra, cui attestatur Augustinus Epist. 44. ad eundem Maximum : *In isto foro recorderer esse in duobus simulachris unum Martem nudum, alterum armatum.* S. Prosper etiam loco superius citato : *novi quoque ipse in quadam parte Mauritania provincia de speleis & cavernis ita antiqua producta simulachra, quæ fuerant absconsa, ut omnis illa cum clericus in sacrilegio perjuri civitas teneretur.* Et contra hæc antiqua Africæ delubra, ac tot gentium idola religionis nostræ defensores pugnare aggressi sunt in Ecclesiâ, contra illa est, quod magnus quondam Carthaginiensis Presbyter Tertullianus anno 201. sub Severo ad magistratus Romanos opus apologeticum conscripsit, & D. Cyprianus Carthaginiensis Episcopus anno 256. ad Demetrianum Africæ Proconsulem librum de idolorum vanitate exaravit. Contra illa est, quod sub Diocletiani tyrannide per Africam sæviante Arnobius ipse Afer surrexit, qui libris septem adeo Idolorum cultum impetivit, ut sub eius discipulo Lactantio Crispum Constantini filium instruente, ipse Romanorum Imperator errorem agnovit, Christianis pacem concesserit, Idolis bellum indixerit, & gentilium templa delubris suis orbata obferarit, de quibus omnibus tam magnificè attestatus est libro 2. de vitâ Constantini, Eusebius Cæsareensis in Palestinâ Episcopus.

Augustinus.

Honorij lex.

6. Et post hæc Cælestis Deæ templo Carthagine clauso, vilescere cepit cultus idolorum in Africa : gentilium nomen sepeliri videbatur cum ipsis simulachris, quæ dum editis rescriptis auferri præceperat Imperator Honorius, factum est anno 399. quod scribit D. Augustinus lib. 18. de civitate Dei, cap. 54. *Sequenti anno cum socium accepiisset Honorius consulem Manlium Theodorum, quando jam secundum illud oraculum demonum aut figmentum hominum nulla esse debuit religio Christiana, quid per alias terrarum partes forsitan factum sit, non fuit necesse perquirere interim quod scimus in civitate notissimâ & eminentissimâ Carthagine Africa, Gaudentius & Iovius comites Imperatoris Honorij quarto-decimo Kalendas Aprilis falsorum Deorum templa everterunt, & Simulachra fregerunt.* De solis simulachris evertendis statuerat Imperator Honorius, cuius comites Gaudentius & Iovius exceperant, dum ipsa templa 14. Kal. Aprilis post consulatum Honorij & Eutychiani consule Mantio everterunt, unde idem Imperator ad Apollodorum Africæ proconsulem : *Ædes illicitis rebus vacuas nostrarum beneficio sanctionū, ne quis conetur evertere. Decernimus enim, ut adificiorum quidem sit integer*

reger status : Si quis verò cum sacrificio fuerit deprehensus , in eum legibus vindicetur , depositis sub officio Idolis , disceptatione habitâ , quibus etiam nunc patuerit cultum vana superstitionis impendi Dat. 4. Kalend. Septembris. Patavio , Theodoro V. C. Conl. extat hoc Honorij rescriptum de paganis l. 18. cod. Theodos. & Theodorus Consul idem est , qui Manlius , ut eodem anno 399. hoc rescriptum editum sit , quo Gaudentius & Iovius templa everterunt : unde Aurelius , qui tunc vivebat , Carthaginienſis Episcopus aliter egit cum famoso Cælestis Dæ templo , de quo testis oculatus S. Prosper : cum diutius clausum incuriâ , spinosa virgulta circumseptum obruerent , velletque populus Christianus usui veræ religionis vindicare , dracones , aspidēque illic esse ob custodiam templi gentilis populus clamitabat , quo magis Christiani fervore succensi eâ facilitate omnia amoverunt illasi , qua templum suo vero cælesti regi & Domino consecrarent. Nam cum sancta pascha solemniter ageretur festivitas , collecta illic & undique omni curiositate etiam adveniens multitudo sacerdotum multorum , pater & digna memoria nominandus Antistes Aurelius , cælestis jam patria civis , cathedram illic loco Cælestis & habuit , & sedit. Ipse tunc aderam cum sociis & amicis , atque (ut se adolescentium ætas impatiens circumquaque vertebat) dum curiosi singula quaque pro magnitudine inspicimus , mirum quoddam & incredibile nostro se ingessit aspectui , titulus æneis grandioribusque litteris in frontispicio templi conscriptus. Aurelius Pontifex dedicavit. Hæc S. Prosper vel auctor Anonymus promittit. 38. cuius testimonium de titulo litteris æneis frontispicio templi præfixo , cum aliquando legissem , persuaseram mihi , hæc verba : Aurelius Pontifex dedicavit. Intelligenda de Aurelio Carthaginienſi Episcopo , qui Cælestis Dæ templum illo ipso tempore cælesti Domino dedicavit. Verum re altiori indagine disquisitâ , apparuit non de Aurelio Carthaginienſi Episcopo , sed Aurelio gentili Carthaginienſium Pontifice intelligendâ , de quo audivimus supra ex basi Cælestis simulachro impositâ : *invictæ Cælesti Aur. onesimus D. D.* cumque templum hoc sub Aurelio gentili pontifice simulachro Cælestis dedicatum fuit , & postea sub altero Aurelio catholico Episcopo numini divino consecrari contigerit , hoc reverà fuit , quod S. Prosper mirabatur tanquam opus divinæ providentiæ : hunc titulum inquit , *legentes populi mirabantur. Prasago tunc* Prosper. *Spiritu acta , quæ præscius Dei ordo certo isto sine concluserat.*

7. Ut autem res hæc suo tempori vindicetur , notandum omninò , Manlio Consule initio anni 399. Edictum ab Honorio editum de idolis destruendis , cumque tempore paschatis Aurelius Carthaginienſis

Idolo

Conc. Carth.

Lex Honorij

Synod. Carthagin. 5.

S. Prosper.

Idolo Cælestis destructo templum eius cælesti Domino consecrasset, Gaudentium & Iovium non idola solum, sed ipsa quoque templa evertisse plerisque in Africæ locis: hoc autem cum mirè placuisset patribus Africanis, eodem anno quinto Kalendas Maias in Concilio Carthaginensi statuerunt legationem ad Imperatores dirigendam, cui in commissis daretur, *de reliquiis idolorum vel templis ab Imperatoribus abolendis*. Legationem verò suscipiens Epigonius non obtinuit templorum everisionem ab Honorio, ut patet ex rescripto eius superius allato, quod datum est 4. Kalend. Septembris ubi: *decernimus, ut edificiorum quidem sit integer status*. Recepto autem hoc Imperatoris rescripto, non quieverunt Patres Africani, sed in Synodo Carthaginensi quintâ canonis ultimo petendum duxerunt, ut saltem reliquæ idolorum non in solis simulachris, sed in quibuscumque locis vel lucis vel arboribus omnimodè deleantur. Nec hoc solum, sed ipsa Idolorum templa demum prostrata fuisse in Africâ, edocet S. Prosper loco sæpius citato: *sub Constantio & Augustâ Placidia, quorum nunc filius Valentinus pius & Christianus Imperat, Urso insistente tribuno, omnia illa templa ad solum usque perducta agrum reliquit in sepulturam scilicet mortuorum, ipsamque viam sine memoriâ sui nunc Vandalica manus evertit*. Loquitur auctor de duorum mille passuum plenâ Deorum ædibus plateâ, quæ sub Constantio & Placidia anno 417. matrimonio junctis simul cum idolis per Ursum tribunal destructa fuit, & ad solum usque perducta, ut Christiana fides, si initio quarti sæculi sub hæreticis per Africam oppugnari cœperit, de gentilium saltem religione prostratâ meritò triumpharit.

CAPUT II.

Quandonam fides Catholica, & unde ad Africam pervenerit?

1. Africam fuisse sortem Simonis Apostoli ex Dorothei aut Hyppoliti Synopsi de vitis Prophetarum & Apostolorum quidam recentiores tradere conati sunt.
2. Synopsim illam, eo quod Supposititia sit, id ipsum confirmare non posse, meritò tuemur.
3. Baronius contentiorem inter catholicos & donatistas exortam tuetur de

de tempore prædicati per Africam Evangelij, atque, Donatistas voluisse prædicatum post Apostolos, his verò repugnasse Catholicos Augustinum & Salvianum.

4. Salvianum & Augustinum non repugnasse hac in re donatistis, ex eorum testimoniis evincimus, ac signanter ex testimonio Augustini, qui fidem post Apostolos ad Africam pervenisse conscripsit.
5. Augustino consentit ipso longe antiquior Tertullianus, qui nullam in Africâ ab Apostolis institutam agnovit Ecclesiam.
6. Quandonam vero post Apostolos Africana Ecclesia ceperit, inquiritur, & cum ante Agrippini tempora fuisse oportuit, circa annum 120. cepisse verosimile sit.
7. Fides missis à sede Apostolicâ prædicatoribus in Africâ prædicata est, Vnde ex urbe Romanâ ad Carthaginem pervenit, id ipsum comprobantibus ex Africâ Tertulliano & Augustino, ex Italiâ verò Innocentio I. & Gregorio Magno.

1. **A**fricam ante aliquot annos illustravit ex nostro Belgio Ioannes Baptista Grammaye Serenissi. Alberti & Isabellæ Historiographus, & inter pauca, quæ circa Africanam Ecclesiam retulit, libro 2. cap. 2. fidei nostræ per Africam initia ab Apostolis repetit: cum, inquit, Africa proprium sibi habeat unum è quatuor Evangelistis, & ex Apostolis tres Evangelizantes audiverit, ex discipulis septuaginta duobus sex sibi arroget, loquitur vir in prophanâ Historiâ haud parum versatus de Africâ, prout contrâ Europam & Asiam tanquam tertia orbis nostri pars distinguitur, & in eâ putat Thomam per regiones Ethiopiæ, Marcum per Egyptum, & Simonem Thadeum per Mauritanias prædicasse: ultimum illud habet quoque Nicephorus author græcus lib. 2. cap. 4. Simon Zelotes accepto calitus adveniente sancto Spiritu, Egyptum Cyrenem, & Africam, deinde Mauritaniam & Libyam omnem Evangelium depredicans percurrit. Sumere verò hæc potuit Nicephorus ex Dorotheo Tyrensi, qui traditur tempore Diocletiani Synopsis de vitâ Prophetarum & discipulorum Christi scripsisse, & inter alia habet de Simone Zelote: Peragratâ Mauritaniam & Afrorum regione Christum prædicavit. Prodiit quandoque hæc Dorothei Synopsis sub nomine Hyppoliti Portuensis Episcopi, qui ad initium sæculi tertij sub Alexandro Severo floruit, & ex illâ desumpsere Græci cum Nicephoro, quod scribunt de Simone Zelote, & mutuavit quoque Grammaye, quod adiungit de sex Apostolorum discipulis fidem

Grammaye.

Niceph. Cal.

Dorotheus.

B

Africæ

Africæ annuntiantibus, quos enumerat Symonem Cyreneum, Lucium Tarsensem, Crescentem Petri discipulum, Epenetum, & Caudalum Carthaginensem Episcopum.

2. Verum quamvis Spiritus Sanctus per Prophetam suum prædixerit, *in omnem terram exivit sonus eorum*, quod gentium doctor de fidei prædicatoribus interpretatur, & indubitatum sit ex antiqua Ecclesiæ traditione, quàm Leo 1. sermone 1. in nativitate Petri & Pauli confirmat, 12. Apostolos acceptâ per Spiritum Sanctum omnium locutione linguarum imbuendum Evangelio mundum distributis sibi terrarum partibus suscepisse, habemus tamen editum novissimè à Francisco Combefis i. Historiâ Monothelitarum Hyppoliti Portuensis Episcopi de 12. Apostolis, ubinam quisque eorum prædicaverit, ac ubi consummatus sit, ex M. S. codice Bibliothecæ regiæ Historiam, & in eâ in Simone Zelote ne Christi quidem de Africâ, uti nec de 70. Discipulis ulla memoria, prout fit in Dorothei Synopsi Historicâ, de quâ eminentissimus Cardinalis Bellarminus libro de scriptoribus Ecclesiasticis: *plena est fabulis*. Nec res hæc probatione indiget, cum velex eo Synopsim illam Supposititiam esse constet, quod inter 72. Discipulos collocet omnes à D. Paulo nominatos, quantumvis Ethnicos, & feminas, easque non solum discipulos Domini, sed & Episcopos faciat. Deinde eius nec Hieronymus, nec Gennadius, nec Honorius Augustodunensis, nec Sigebertus Gemblacensis meminerunt in editis per Mireum de Scriptoribus opusculis, sed neque Eusebius quantumvis accuratus antiquitatis indagator, ubi de Apostolorum divisione libro 2. & lib. 3. cap. 1. mentionem facit, ullius Simonis meminiscit, qui Africam peragrandoinibi Evangelium prædicavit. Unde rectè Cardinalis Baronius tomo 1. ad ann. 44. n. 38. referens Græcorum menologium, quod Simonem in Africâ fidem prædicasse tueretur, subdit: *Sed hæc absque aliquo antiquorum testimonio*.

3. Quamvis autem Baronius de Simone Zelote Græcis adversetur, non tamen Sententiæ de prædicato Apostolorum tempore per Africam, Evangelio repugnat, quin potius addit loco citato: „quod verò Speculat ad Africanam Ecclesiam, ea contentio inter Catholicos Africanos & Donatistas oborta est, quo potissimum tempore Evangelium ceperit in Africâ prædicari: affirmabant illi post Apostolos id esse factum, sic enim Petilianus dicebat: *de nobis dictum est: erunt primi, qui erant novissimi, ad Africam enim postmodum Evangelium venit, & ideo nusquam litterarum Apostolicarum scriptum est, Africam credidisse*. Repugnat his * Augustinus, nec non * Salvianus Massiliensis, qui „ constan-

*August. de unitat. Eccl. cap. 15.

* Salvian. de provid. lib. 7.

„constanter affirmant, Africanos ab Apostolis Evangelium accepisse. „
Hæc Baronius, qui contentionem Donatistas inter & Catholicos re-
fert, quæ numquam mota fuit.

4. Donatistæ Evangelium post Apostolos ad Africam pervenisse
asserbant, nec Patres umquam veritati illi restiterunt. Salvianus à
Baronio in contrarium adfertur, sed Salvianus presbyter Massiliensis
lib. 7. de Providentiâ, contrarium non tueretur: cum enim pleraque de
Afris & eorum civitate primariâ Carthagine tanquam omni vitiorum
cæno inquinatâ dixisset, cum illius incolas fornicatione, adulterio,
& sodomîâ scædatos descripsisset, quod se de Afris, hoc Apostolum
Paulum testatum ait de Romanis tam scæda omnium consensu perpe-
trantibus, ac subdit. *In urbe Christianâ, in urbe Ecclesiasticâ, quam* Salvianus.
quondam Apostoli instituerant, quam passionibus suis Martyres corona-
rant, viri in semetipsis fœminas profitebantur, &c. Ubi per civitatem
illam, non intellexit Salvianus Carthaginem, de quâ paulo ante dis-
seruerat tanquam sodomitico populo repletam, sed urbem Romam,
cuius cives Paulus in Epistolâ ad Romanos vitio sodomitico scædatos
indicarat, unde etiam sequitur, *atque hoc publicè in civitate Romanâ* Salvianus.
urbe illic summâ & celeberrimâ. Et de Româ verum est, quod ab Apo-
stolis fuerit instituta. Adfertur subinde Augustinus lib. de unitate
cap. 15. neque Salviano felicius: enim verò agebat contra Donatistas,
qui cum somniarent Evangelio ab Hierusalem per cæteras terras prædi-
cato, ob traditionum crimina tempore Diocletiani Ecclesiam periisse,
& in solis Donatistis perseverasse, in hunc sensum trahentes verba
sponsæ Cant. 1. *Annuncia mihi, quem diligit anima mea, ubi pascas,* Cantic. 1.
ubi cubes in meridie? ac si in solâ meridie, seu Africâ, ubi pars Do-
nati morabatur, mansisset Ecclesia. Errori se opponit Augustinus,
irridetque Donatistarum commentum, & dicit, si hoc verum esset,
jam Ecclesias Apostolorum labore fundatas periisse, & illis neglectis
ex Africanâ Donati Ecclesiâ cæteris gentibus, ad quas nondum Evan-
gelium pervenerat, esse prædicandum: quo loquendi modo indicat
potius Augustinus, Africam non fuisse ab Apostolis conversam. Idem
præclarissimè docet Augustinus eodem libro. cap. 13. cum enim Dona-
tistæ dixissent: *de nobis dictum est, erunt primi, qui erant novissimi, ad* Donatistæ,
Africam enim postmodum Evangelium venit, & ideo nusquam littera-
rum Apostolicarum scriptum est, Africam credidisse: de orientalibus autem
& cæteris gentibus, quæ in sanctis libris commemorantur fidem recepisse
Christianam, dictum est, erunt novissimi primi. D. Augustinus subodo-

Augustin.

ratus donatistas hæc dicere, ut penes se solos tanquam novissimos fideles Ecclesiam permanisse probarent, explodit eorum argumentum tanquam erroneum, & per primos asserit intelligendos esse Iudeos, per novissimos gentiles: aut si fideles intelligere vellent, nec sic Sacrae Scripturae locum favere donatistarum instituto: *Et si, inquit, non essent judei & gentes, de quibus hoc dictum intelligerem, nonnulla etiam Barbaræ nationes post Africam crediderunt. Vnde certum sit, Africam in ordine credendi non esse novissimam.* Percipis Augustini mentem? tantum abest eum voluisse, fidem ab Apostolis in Africâ prædicatam, ut potius supponat, ipsam Africam post Apostolorum tempora fidem amplexam.

Tertullian.

5. Donatistis itaque & Catholicis sine controversiâ olim conspiciantibus, Africa post Apostolos fidem recepit, cui attestatur omnium Africanorum Patrum Antiquissimus Tertullianus lib. de velandis virginibus, ubi Italiae, Græciæ, aliarumque regionum Ecclesias, quas transmarinas vocat, eas esse dicit, *quas & ipsi Apostoli vel Apostolici viri condiderunt*: Illis vero opponens Ecclesias Africae, eas vocat *posteriores illas*, volens innuere, post Apostolos institutas, prout clarè indicat, cum hæreticos Afros libro de præscriptionibus ad Ecclesias Apostolicas remittit. *Percurre, inquit, Ecclesias Apostolicas: ... proxima est tibi Achaia? habes Corinthum. Si non longe es à Macedonia? habes Philippos, habes Thessalonicenses. Si potes in Asiam tendere? habes Ephesum. Si autem Italia adiacet? habes Romam.* Quibus omnibus lucidissimè indicat, nullam in Africa fuisse Ecclesiam Apostolicam, seu per Apostolos institutam. Affirmat, inquit vir de Ecclesiâ bene „meritus Christianus Lupus in scholio ad hunc locum, „Africanam „Ecclesiam non fuisse fundatam ab Apostolis, sed esse ipsis posteriorem. „

Lupus.

Augustinus.

6. Quandonam verò Ecclesia in Africâ ceperit, alia questio est, pro quâ solvendâ à viro erudito adfertur responsum Augustini ex libro 3. de baptismo contrâ Donatistas desumptum: *quid ante Agrippinum, à quo ista cepit quasi nova ratio adversus consuetudinem dimicans, numquid non erat Ecclesia?* ante Agrippinum, qui circâ initium sæculi tertij sedit Carthagine, Donatistæ numerare non poterant ullum rebaptizationis suffragatorem in Africâ, & Augustinus novitatem à Donatistis introductam ostensurus, respondet: ante Agrippinum fuisse Africanam Ecclesiam, eamque antiquam & numerosam, idque vel ex eo firmatur, quod Agrippinus in suâ Synodo referatur habuisse septuaginta

ginta Episcopos, quot, ut rectè Christianus lupus, esse non potuerunt in novellâ ac Neophitâ Ecclesiâ. Neque septuaginta illi à D. Augustino enumerati fuerunt omnes totius Africæ Episcopi, cum D. Cyprianus Epist. 73. de ijs testetur, quod *Episcopi plurimi* fuerint. Si enim plurimi dumtaxat Episcopi ad Carthaginiensem Synodum adventarint, alios diris illis persecutionum temporibus abfuisse oportuit, ut ad sæculi tertij initium ultra Septuaginta Episcopos facilè alios triginta aut plures in Africâ fuisse crediderim: hos autem fungorum instar brevi tempore, aut unâ, ut dicitur, nocte per omnem Africam in civitatibus constitutos sub Primatu Carthaginienfi Hierarchiam Ecclesiasticam confecisse, cum dici nequeat, putarem Evangelij per Africam prædicationem 100. aut 80. annis Agrippinum præcessisse, & fide paulatim per civitates receptâ, ubi fidelium multitudo segetis instar per dies multos excreverat, Episcopos tanquam messis Christianæ operarios ibidem fuisse constitutos, qui sub Agrippino centenarium numerum, ut jam vidimus, excedebant.

7. Secundo itaque Christi sæculo statim post Apostolorum tempora Africa fidem Catholicam recepit, unde & Justinus Martyr anno 150. exclamans contra Tryphonem, nullum tunc fuisse hominum genus, sive barbarorum sive græcorum, apud quos Jesu nomen non invocaretur, etiam locutus est de Afris, qui ante illud tempus fidem à sede Apostolicâ receperant. Constans enim omnium veterum sententia est, Romanam Ecclesiam misso uno aut pluribus prædicatoribus Africam fide imbuisse, & Sacerdotio aut Episcopatu donasse. Tertullianus ipse Afer, qui sub Agrippino presbyter Carthaginienfis fuit, cum hæreticos Afros refelleret, eosque, ut audivimus, ad Traditionem Apostolicarum Ecclesiarum remisisset, hæsit in Romanâ à Petro & Paulo fundatâ, & addit: *Videamus, quid didicerit, quid docuerit, quid cum Africanis quoque Ecclesiis contesserarit.* Ac si diceret: quænam signa religionis tesserarum instar cum Africâ posuerit, quibus Africa cum Româ in unam fidei Societatem consederatæ sunt. A Romanâ itaque Ecclesiâ, teste Tertulliano, Africa religionem suscepit, dum ab ipsâ missis prædicatoribus ad fidem conversa fuit. Consonat D. Augustinus Epist. 162. ubi loquens de Ecclesiis transmarinis Romanam extollit. *Vnde, inquit, Evangelium ad ipsam Africam venit.* Et Augustino æqualis Innocentius I. Epist. ad Decentium Eugubinum Episcopum: *cum sit Manifestum, in omnem Italiam, Gallias, Hispanias, Africam, atque Siciliam, insulasque interiacentes nullum instituisse Ecclesias, nisi*

Tertullian.

Augustia.

Innocent. I.

Gregor. M.

eos, quos venerabilis Petrus Apostolus, aut eius successores constituerint Sacerdotes. Et D. Gregorius lib. 7. Epist. 32. ad Dominicum Carthaginiensem Episcopum: *Scientes præterea unde in Africanis partibus sumpserit ordinatio Sacerdotalis exordium, laudabiliter agitis, quod sedem Apostolicam diligendo ad officij vestri originem prudenti recordatione recurritis. Quibus omnibus clariora desiderari non possunt petita ex Africanâ & Romanâ Ecclesia Antiquorum testimonia.*

C A P V T III:

De notitia Provinciarum Africæ, earumque
divisione in Imperio & Ecclesia.

1. Africa pro tertiâ parte orbis sumpta ab antiquioribus Geographis, quibus Africa Australis ignota fuit.
2. A recentioribus pro tractu quodam in varia regna diviso. à nobis verò pro tractu maritimo, qui se extendit à freto Gaditano usque ad Cyrenaicam regionem, qui tractus Imperio olim contributus in varias Provincias fuit divisus.
3. Provinciarum ordinationem Hadriano Imperatori tribuit Onuphrius Panuinus, qui ab ipsius tempore Sex Provincias in Africâ enumerat.
4. Verum tres dumtaxat Provincias in Africâ enumeratas fuisse usque ad tempora Constantini Magni, contra Onuphrium ostenditur.
5. Ex dictis refellitur quoque Carolus à S. Paulo Abbas Fulienfis, qui ex Corrupto Synodi 2. Carthaginiensis loco, Africanam Ecclesiam usque ad tempora Grati sub unâ Metropoli perseverasse existimat.
6. Tres Metropoles in tribus Provinciis ante tempora Constantini Magni agnitas fuisse, verbo indicatur: à Constantino verò Africam in sex Provincias fuisse divisam.
7. Quo ad Ecclesiasticam Provinciarum distributionem ante medium sæculi quarti quinque dumtaxat enumeratas tuetur de Marca, qui Sitifensem postea emerfisse conscripsit: in corrupto sexti Carthaginiensis Concilij loco septem enumerantur, Numidiâ in duas Provincias partiâ, quas scholiastes græcus veterem & novam edixit.
8. Errorem de duabus Numidiis Detegimus, & Sitifensem Provinciam quandoque

quandoque Numidiam in antiquis monumentis dictam ostendimus, pro ratione verò, quod Sitifensis Provincia à Numidiâ fuerit avulsa.

1. **S**I considerare vellemus illa, quæ de Africæ descriptione tradiderunt antiquiores Geographi, exponendus nobis esset Claudius Ptolomeus patriâ Alexandrinus, qui libro 4. Geographiæ, enumerat 12. Satrapias sequentes: Mauritaniam Tinganicam, Mauritaniam Casariensem, Numidiam, Africam, Cyrenaicam, Marmaricam, propriè Lybiam, Ægyptum Inferiorem & Superiorem, Lybiam interiorem, Æthiopiam, quæ sub Ægypto est. Agit de Africâ Ptolomeus, prout est tertia orbis nostri pars, quam tamen integram non cognovit, omisâ scilicet Æthiopiâ inferiore & terrâ australi ultrâ 20. Gradum latitudinis suâ. Strabo de situ orbis libro 17. Lybiæ meminit, uti & Plinius libro 5. Historiæ Naturalis, ubi Africam in octo Provincias distribuit: Mauritaniam Tingitanam, Numidianam, Africanam, Cyrenaicam, Lybiam Mareotum, insulas circa Africam, & ex adverso Africa, demum Æthiopes. Plures quam Ptolomeus non agnovit Plinius Africæ Provincias, quin imo pauciores, quandoquidem Ægyptum non Africæ sed Asiæ adnumerat. Cæterum per Æthiopes, superiores dumtaxat intellexit cum Ptolomeo, cui, ut diximus, Africa Australis usque ad Promontorium bonæ spei incognita fuit.

Ptolomeus.

Plinius. 2.

2. Si verò consideremus scripta recentiorum, egit de Africâ Ioannes Leo ipse Africanus, qui libro 1. quatuor eius partes exhibuit: Barbariam, Numidiam, Lybiam, & terram nigritarum, quibus in suâ Africâ illustratâ addit Ludovicus Marmolius Ægyptum, & præter Ægyptum Ioannes Baptista Grammaye Æthiopiam superiorem & inferiorem. Verum cum inter hos omnes nemo de Africâ egerit nisi tamquam tertiâ orbis nostri parte, & nos de solâ Africâ agere debeamus, quæ imperio subdita fidem recepit, & à Romanis in certas Provincias Divisâ à freto Gaditano ad Cyrenaicam regionem Ægypto contributam porrigebatur, operæ-premium erit, hanc Africæ partem ad oras maris mediterranei sitam illustrare, & quandonam Imperio subiecta in formam provinciarum redacta fuerit, ex Onuphrio Panuino edificere, qui in Commentariis Reipublicæ Romanæ parte 2. de Africâ postea proconsularis dictâ, tradit ex Velleio & Strabone, quod eius regio post expugnatam à Scipione Carthaginem in Provinciæ formam redacta fuerit: consentit Sextus Rufus in breviario: *Ter Africa rebellavit, ad extremum deletâ per Africanum Scipionem Carthagine, Pro-*

Sext. Rufus.
vincia

- vincia facta est. De Numidiâ autem, quæ, ut Sextus Rufus ait, ab amicis regibus tenebatur, victo Jugurthâ Numidiæ rege à C. Mario Procol. anno post urbem conditam DCXLIX. ex decem legatorum Sententiâ Provinciæ formam accepit, atque ita, inquit Onuphrius,*
- Onuphrius.** *in Africâ duæ Provinciæ factæ sunt: Africa ubi erat Carthago, & Numidia. De Mauritaniâ scribit idem Onuphrius, „ quum C. Caligula „ Ptolomeum regis Jubæ filium consobrinum suum interfecisset. „ Mauritaniam, quæ regnum eius fuerat, in Provinciæ formam redegit, atque in duas Provincias divisit Tingitanam & Cæsariensem, ut auctores sunt Tacitus, Plinius lib. 5. cap. 1. Dio lib. 58. „ Verum quod Caligulæ Plinius, hoc Claudio potius tribuit Dio lib. 60.*
- Dio.** *Claudius, inquit, Mauros divisit in eos, qui ad Tingin, & qui ad Cæsariam, unde & nomina habent: & duobus equitibus præpositis eos permixt. Addit Parisiensis Archiepiscopus de Marca in editâ ad Concilium Claromontanum dissertatione, quod paulò post uni præsidii ambæ Mauritaniæ commissæ sunt à Galbâ, ut discimus ex hoc Taciti loco libro 2. histor. Luceius Albinus à Nerone Mauritania Cæsariensi præpositus additâ per Galbam Tingitanâ Provinciâ administratione haud spernendis viribus agebat. Mortuus est Galba 16. Ianuarij æræ Christianæ 69. unde clarum fit, ante Africæ conversionem ad fidem tres Provincias factas sub Galbâ, quam dispositionis formam, ut rectè de Marca, posteriores quoque principes secuti sunt usque ad tempora, quibus ordinatæ sunt totius orbis Romani Provinciæ.*
- Aur. Victor.** *3. Quandonam autem Provinciarum ordinatio facta sit in Imperio, meritò queri potest: & si quidem Onuphrio credamus, Hadrianus primus post Augustum novam reipub. formam fecit, quod brevissimè his verbis Sextus Aurelius Victor tetigit: Officia sanè publica, & palatina, nec non militia, in eam formam Hadrianus statuit, quæ paucis per Constantinum immutatis hodie perseverant. Ex quo loco concludit Onuphrius, eandem in Africâ Provinciarum divisionem factam ab Hadriano, qui anno 138. occubuit, quam Sextus Rufus in breviario exhibuit, ex quo potissimum Onuphrius notitiam Provinciarum Imperij sub Hadriano Imperatore factam delibavit. In ea Africæ attribuantur Sex Provinciæ: Provincia Africa, cuius Metropolis est Carthago Proconsularis, Provincia Numidia Consularis, Provincia Byzacium Consularis, Provincia Tripolitana prædialis, Provincia Mauritania Sitifensis prædialis, Provincia Mauritania Cæsariensis prædialis.*
- Notit. Imper. sub. Hadr.** *4. Verum pace Onuphrij dixerim, cum Sextus Rufus tempore Valen-*

Valentiniani Augusti floruerit sæculo quarto, malè notitia Imperij sub Hadriano Imperatore ex Sexti Rufi breviario hauritur: cum enim Aurelio Victore testante, pauca quædam in Provinciarum partitione immutata sint per Constantinum magnum ante tempora Rufi, Africæ in primis Provincias mutatas fuisse existimem, & aliter à Constantino magno, quam ab Hadriano divisas: enim verò ipse Appianus Alexandrinus ab Onuphrio allatus in proemio suorum librorum de bellis civilibus ita scribit: *Romanam Historiam scribere instituens, necessarium mihi in primis existimavi terminos ponere, quibus nationibus imperent Romani: ab Herculis igitur Columnis in id mare, quod ad illas demum circumque navigatur, insula, littora, populi omnes Romano parent imperio: horum primi in dextra Maurusij quicumque circa mare, omnisque altera Libycorum natio usque ad Carthaginem: his superiores Nomada, quos Romani Numidas appellant, & regionem numidiam.* Hæc Appianus Alexandrinus, qui sub Hadriano scripsit, ac trium nominatim regionum aut Provinciarum meminit, quorum prima erat Maurusiorum, altera Libycorum nationis seu Africæ proconsularis, in quâ Carthago, & tertia dicebatur Numidia: nec plures Provincias aut regiones circâ maris mediterranei oras in Africâ refert Plinius supra, nec plures in libro suo Geographico Pomponius Mela, quamvis quatuor Africæ partes distinguat: *Mauritaniam, Numidiam, Africanam minorem, & Cyrenaicam.* Si enim ultimam excipias Ægypto contributam, tres omninò restabunt Provinciæ, Mauritania, Numidia, & Africa propriè dicta, quæ non minus in Ecclesiâ obtinebant, quam imperio teste præfatione universalis Concilij totius Africanæ Dioceseos anno 258, sub Divo Cypriano Carthaginensi Episcopo, ubi: *cum in unum Carthagini convenissent Kalendis Septembris Episcopi plurimi ex Provinciâ Africanâ, Numidiâ, Mauritaniam cum presbyteris & diaconibus, quas easdem Provincias designat quoque Cyprianus Epistolâ 45. Latius, inquit, fusa est nostra Provincia (Africana scilicet five Carthaginensis) habet etiam Numidiam & Mauritanias duas sibi coherentes, id est Tingitanam & Cæsariensem sub Galbâ in unam Provinciam redactas: neque ex aliis quàm ex tribus hisce Provinciis Episcopi memorantur adfuisse primo Arelateni Concilio.*

Appian.
Alex.

Pomp. Mela.

Synod. Afric.

Cyprianus.

5. Et ex hisce refellitur non solum, quod dixit Onuphrius de Africâ per Hadrianum in Sex Provincias divisâ, sed etiam deviasse Convincitur Carolus à S. Paulo Abbas Fulienfis, qui in Geographiâ sacrâ existimat, Africanam Ecclesiam primis sæculis sub unicâ Metro-

C

poli

Syn. Carth.
sub Grato.
Abbas Fulien-
liens.

poli Carthaginienſi perſeveraſſe, idque uſque ad tempora celebrati Circà medium ſæculi quarti Carthaginienſis ſub Grato Concilij, ductus ex eo fundamento, quod in Synodi illius proemio habeatur: *Episcopos ex diverſis Provinciis Africanis conveniſſe: & poſtea addatur: „ eos in univerſa Provincia Africa Concilium conveniſſe. „ per Provincias enim, inquit Abbas Fulienſis, intelliguntur civiles, per univerſam Provinciam Africam unica Africanæ Eccleſiæ Provincia. „ Verum error eſt, qui vitio amanuenſium irrepiſit in textum: loco enim to, Concilium, legitur in M. S. Codice Pithœi aliorumque, Concilij Gratiæ: Sicque Synodus illa à Luca Holſtenio corrector ad vetuſtimum exemplar vaticanum edita, ſic habet in præfatione: *Ex Dei ergo nutu congregati ad unitatem, ut per univerſas Provincias Concilia Celebraremus, & univerſa Provincia Africa hodierno die Concilij Gratiæ ad Carthaginem venirent.* Ex quibus colligitur, hæc verba: *& univerſa Provincia Africa*, non ſignificare unicam Africæ Provinciam, ſed plures, ex quibus Episcopos in unum convenerant ſub Grato Carthaginienſi Episcopo.*

Syn. Cartha.

6. Quotnam vero fuerint primis Eccleſiæ ſæculis ante Synodum Nicænam, certius ſtatui non poteſt quam ex formâ Imperij, quam religionis noſtræ fundatores & Apoſtoli imitati ſunt in Eccleſiâ, ut ſatis ſuperque probatum eſt primâ parte antiquitatis noſtræ illuſtratæ. Unde cum Galba Africæ regiones ſæculo primo in tres Provincias redegerit, idque ipſum ſæculo 2. quo religio Chriſtiana ad Africam venit, firmum permanſerit, conſtat proſectò in illis ante tempora Nicæni Concilij tres Metropoles fuiſſe per Eccleſiam Africæ, quibus Primates ſuos præfectos fuiſſe arbitramur, ducti testimoniis Auguſtini, & Optati, qui Secundum Tigiltitanum vocarunt *Numidia Primate*, & testimonio D. Cypriani, qui tres provincias enumeravit Proconſularem, Numidiam, & Mauritanias: duravit verò hæc Africanæ Eccleſiæ diſtributio uſque ad tempora Conſtantini Imperatoris, ſub quo, cum teſte Aurelio Victore alia Provinciarum forma facta ſit, Africa in Sex Provincias diviſa fuit, cuius rei frequens mentio apud prophanæ & Eccleſiaſticae hiſtoriæ ſcriptores: fidem facit antiqua inſcriptio tunc poſita L. Aradio Valerio Proculo: *Proconſuli Africa vice ſacra iudicandi, eidemque iudicio ſacro per Provincias Proconſularem, & Numidiam, Byzacium ac Tripolim, itemque Mauritaniam Sitifenſem & Caſarienſem perfuncto officio Præfecto prætorio.* Accedit Conſtantini Magni testimonium in epiſtolâ ad Ablavium, ubi mandat, ut ex parte

Antiqua in-
ſcriptio.

parte Cæciliani & Donati ad Synodum Arelatensem se conferrent Episcopi, non solum Provinciæ Proconsularis, sed & *Byzacena*, *Tripolitana*, *Numidiarum*, & *Mauritaniarum*. Consonat Sextus Rufus in breviano ad Valentinianum Imperat. Per omnem Africam sex Provinciæ factæ, ipsa, ubi Carthago est, Proconsularis; Numidia, *Byzacium*, Tripolis, & duæ Mauritanie, hoc est *Sitifensis* & *Casariensis*. Ipsa demum notitia Imperij ultra tempora Arcadij & Honorij Imperatorum conscripta: sub Diæcesi Africa Provinciæ Sex: *Byzacium*, *Numidia*, *Mauritania Sitifensis*, *Mauritania Casariensis*, *Tripolis*, *Africa Proconsularis*. Et hæc quidem de Civili Provinciarum distributione in Africâ.

Constant. M.

Sext. Rufus.

Notitia Imperij.

7. Quoad Ecclesiasticam Provinciarum distributionem tuetur D. de Marca post Nicænum, quinque tantum numeratas fuisse in Africâ, Carthaginienlem nimirum, Numidicam, Mauritanicam, *Byzacenam*, & *Tripolitana*, ex quibus quinque constabat Concilium Carthaginienle sub Grato habitum anno 349. & quæ solum enumeratæ inveniuntur apud Augustinum explanatione in psalm. 36. ubi refertur inscriptio facta Collegis per universam Africam. Hoc est, per Provinciam Proconsularem, Numidicam, Mauritaniam, *Byzacenam*, & *Tripolim* constitutis. Nec Sextam Provinciam emerissem Mauritaniam scilicet *Sitifensem*, nisi diu postea, referente Ferrando Carthaginienli Diacono in Bræviatione Canonum titulo 82. in aliquo Carthaginienli Concilio Decretum, ut *Primum Proprium Mauritania Sitifensis habeat*. Unde & in Concilio Carthaginienli 6. anno 419. mentio facta reperitur Provincia proconsularis, Numidiarum duarum, *Byzacena*, *Mauritania Sitifensis*, & *Mauritania Casariensis*, sed & *Tripolis*. Ne verò quisquam cum recentioribus erret ad verbum Numidiarum duarum, notandum omninò, quod apud Dionysium Exiguum non legatur, Mauritaniæ Sitifensis, quæ Provinciâ à sciolo aliquo addita fuit ignorante, Mauritaniam Sitifensem sub unâ Numidiarum comprehensam fuisse, quod Sitifensis Mauritania à Numidiâ avulsa Sexta Ecclesiastica Provincia sub Primatè Carthaginienli facta esset: res, quæ benè notanda venit, ut Provinciarum confusio evitetur, quam Scholiastes Græcus ex codice Amerbachiano per Beveregium in notis ad laudatam Concilij Carthaginienlis sexti verba relatus hisce verbis introducit: *Sciendum est, quod octo sunt partes Africa, prima quidem est, quam Alexandria & Pentapolis Libya & desertum Tripolitanum dictum complent, Secunda est Byzacena, Tertia Carthaginienlis, quæ etiam Proconsula-*

Synod. Donat.

Ferrandus.

Syn. Carth. 6

Schol. Græcus.

Beveregius.

ris dicitur. Deinde Numidia dua vetus & nova; postea Mauritania tres, Cæsarensis, quæ & Cæsariana dicitur, à Metropoli ipsius nomine Cæsarea, Sitifensis, cuius Metropolis est Sitifensis; & Tingitana, quæ Metropolim habet Tingin. Ad quæ ipse Beveregius in notis ad Carthaginien-
 „ se Concilium: „ Sic etiam Numidia postea in duas Provincias
 „ divisa est, παλαιά τε & νέα, ut cum Scholiaste supra laudato
 „ Mattheus Blastares, Balzamon, Zonaras, alijque asserunt, quin
 „ etiam Mauritaniā in tres Provincias postea divisam esse, Cæsariensem, Sitifensem, & Tingitanam, Geographi testantur. „

Cod. Afric.
Eccles.

8. Verum error est, quem jam notavimus in omnium recentiorum scripta irrepsisse: Tingitana Provincia Imperij tempore ad Hispaniæ administrationem spectabat, Mauritania Sitifensis eadem est cum unâ Numidiarum, ideoque Numidia quondam vocata, quod, ut diximus, Mauritania Sitifensis à Numidiā fuerit avulsa. Neque id cum Iustello & Beveregio probamus ex libro 2. De bello Vandalico Procopij Cæsariensis, qui dum c. 20. de Maurusiis scribit, è Numidiā superatos petiisse Zeben regionem ad Mauritaniā, quæ Sitifim Metropolim habet, pertinentem cum alterius Mauritaniæ caput Cæsarea sit, Nulatenus locutus est de Mauritaniæ divisione, uti loquuntur Patres Africani in Codice, canonē 17. petentibus Sitifensis Provinciæ Episcopis Primatem Provinciæ Numidiæ, ex cuius catu separatur. Idem habes in codice apud Dionysium Exiguum, & apud collectores Græcos, è quibus Aristenus notat, si Canon statutus non fuisset de dando Mauritaniæ Sitifensi Primati proprio, eiusdem Provinciæ Episcopos Numidicæ regionis Primatem respicere debuisse.

CAPUT IV.

De Primatibus Provinciarum Africae.

1. Vbi cetera per orbem regiones Catholica habebant in Provinciis Metropolitanas, ibi Africana Provinciæ unicā Proconsulari exceptā, habebant Primates extrā Metropoles civiles in illis civitatibus, ubi erant seniores Episcopi.
2. Confirmatur hæc veritas ex Contentione Victorinum inter & Xantippum motā, uti & ex aliis quam plurimis factis & testimoniis.
3. Rationem huius petit Carolus à S. Paulo ex eo, quod Primates ad medium

dium quarti saculi instituti sint tanquam Vicarij Carthaginiensis Episcopi, quem unicum ad illa tempora Primatem fuisse existimat, sed erroneè, cum diu antea Primates fuerint in Provinciis Africa.

4. Ante Constantinum tres Primates fuisse in tribus Africa Provinciis verbo indicatur, Constantini tempore in Sex Provinciis Sex Primates constitui iussit Nicanum Concilium.

5. Omnes tamen statim constitutos fuisse verosimile non videtur, cum de Mauritaniâ Sitifensi constet, serius Primatem suscepisse.

6. Corrigitur de Marca circa tempus institutionis Primatis Sitifensis, cuius Provincia ex Numidiâ separata, unde & Numidia altera vocata est.

1. **C**um Primates Africæ in Provinciis constitutos diximus, unum, idque speciale de Ecclesiâ Africanâ annotandum est, in Provinciis Africanis urbes Metropolitanas non habuisse Metropolitanos Ecclesiarum, ut habebant cæteræ per orbem Metropoles, sed urbes illas Primates habuisse, quæ habebant seniore in Provinciâ Episcopum. Notarunt hoc antè nos Philippus Labbeus, Parisiensis Archiepiscopus de Marca, Carolus à S. Paulo Abbas Fulienfis, Iacobus Sirmondus, & ante hos omnes Leo 9. Pontifex Maximus Epistolâ 4. ad Petrum & Ioannem Episcopos: *De Africa*, inquit, *Primatibus aliter intelligendum est, quia in singulis eius Provinciis antiquitus Primates instituebantur non secundum potentiam alicuius civitatis, sed secundum tempus sua ordinationis.* Unde licet in Africâ Metropoles civiles fuerint Carthago in Provinciâ Proconsulari, Cirtha aliàs Constantia in Provinciâ Numidiæ, Cæsarea in Mauritaniâ Cæsariensi, Sitifi in Mauritaniâ Sitifensi, Tingi in Mauritaniâ Tingitanâ, Telepte in Byzacio, & Tripolis seu Leptis Maior in Provinciâ Tripolitanâ: non fuerunt tamen in illis civitatibus Primates, nisi contingeret earum Episcopos Seniores esse totius Provinciæ. Leo. 1.

2. Præclarum habemus huius instituti exemplum ex Concilio vulgò Africano, quod refert can. 53. Metropolim civilem à primâ sede fuisse distinctam: *placuit omnibus Episcopis, qui in hoc Concilio subscripserunt, ut Matricula & Archivus Numidiæ, & apud primam sedem sit, & in Metropoli, id est Constantinâ.* Quia igitur, dum prima sedes nunc apud hanc nunc apud illam urbem esset, Archivum Provinciæ vix conservari poterat, constitutum fuit, ut in Metropoli civili etiam servaretur. S. Augustinus quoque Hipponensis in Africâ Can. Africa.

Augustinus.

Episcopus interrogatus à Victorino & Xantippo de Primatu contentibus, reponit in epist. ad Victorinum, eos debere convocari, qui *Episcopatus Ætate vicini sunt, qui facile, quis vestrum verum dicat, agnoscant*: Si verò Metropolis civilis Numidiæ Constantina, fuisset Metropolis Ecclesiastica, quomodo hi duarum civitatum Africæ Episcopi litigassent de Primatu? Profectò rescribere debuisset Augustinus, Constantinensem esse Metropolitam: at hoc non scripsit, sed seniores Episcopos ipsis ætate vicinos convocari jubet, quod ex ætate penderet Primatus Provinciæ. 3. Quod Talabrica vel potius Tabraca in Concilio 4. Carthaginiensi, Tagosa in Synodo Africanâ, Casa nigræ in collatione Carthaginiensi, Calama apud Possidium in vitâ Augustini primæ sedes vocentur, quas civitates numquam Metropoles fuisse constat. Demum ut hoc manifestius pateat, ex Provinciâ Numidiæ Secundus Tigistanus Cirtensi Concilio ut Primas, teste Augustino lib. 5. contrâ Cresconium, præfedit: Megalius Calamensis Episcopus, teste Possidio, tunc Primas Numidiæ erat, cum Augustinus à Valerio coopatus est in Episcopum: demum Xantippi Tagonenfis crebra mentio fit in Conciliis, tanquam Numidiæ Primatis. Et cum hi variarum civitatum Numidiæ Primates extiterunt, sola Cirtha aut Constantina fuit Metropolis civilis in Numidiâ, ut post hæc indubitata sit Sirmondi, Labbei, Abbatis Fulienfis, aliorumque peritorum sententia, Primatis sedem in Africâ non fuisse annexam Metropoli civili, nisi in unicâ Proconsulari Provinciâ, ubi dignitas Metropolitana annexa erat Sedi Carthaginiensi.

Abbas Fulienfis.

3. Querit Carolus à S. Paulo Abbas Fulienfis in Geographiâ sacrâ, quid in causâ esse potuerit, quod Africana Ecclesia non habuerit Metropolitanos in Provinciis, sed Primates dumtaxat Episcopos? ac respondet, unicum Carthaginiensem in Africâ Metropolitanum usque post tempora Grati, qui ad medium quarti sæculi floruit, perseverasse. Postea Africam in plures Ecclesiasticas Provincias divisam fuisse, idque ea lege, „ ut singulis Provinciis singuli tantum seniores Episcopi aliis præessent, quasi Vicarij Carthaginiensis Episcopi, nullis aliis Metropolitanis institutis. Non enim aucto numero Provinciarum auctus est numerus Metropoleon Ecclesiasticarum, & Metropolitanorum, ut de aliis regionibus legitur: sed ea mansit auctoritas Episcopi Carthaginiensis, ut cunctarum Ecclesiarum sollicitudinem sustineret. „ Plura dicit Abbas Fulienfis, quæ ad veritatem revocata à veritate deviant: Scribit Episcopum Carthaginiensem

sem fuisse unicum in Africâ Metropolitanum usque ad tempora Grati, cum ante Concilium Nicænum circâ finem tertij sæculi Secundus Tigiltitanus Episcopus fuerit Numidiæ Primas, ira testantibus D. Augustino Hipponensi, & S. Optato Milevitano Episcopis: Optato quidem libro 3. de Numidis, *Qui venientes cum Primatu suo tunc Secundo Tigiltitano*: & lib. 1. in Concilio Cirtheni, ipsum præfuisse hisce verbis testante: *Hi Episcopi interrogante Secundo Tigiltitano tradidisse confessi sunt.* Ad quæ verba Gabriel Albalpineus: *qui tunc temporis erat Numidiæ Primas.* Idem planè testatur D. Augustinus, cum in breviculo Secundum Tigiltitanum vocat *Episcopum primæ Cathedræ.* Refert ibidem querelas Donatistarum, qui Cæcilianum non exspectasse obijciebant, ut *Princeps à Principe ordinaretur*, cui aliud non reponit Augustinus, quam quod aliter habeat Ecclesiæ consuetudo, ut non Numidiæ, sed Propinquiores Episcopi Episcopum Ecclesiæ Carthaginis ordinent. Ita in breviculo collat. 3. diei, cui adstipulantur acta Synodi 3. Carthaginensis ann. 256. sub Cypriano celebratæ, cum hocce exordio: *cum in unum Carthagini convenissent Kalendis Septembris Episcopi plurimi ex Provincia Africâ, Numidiâ, Mauritaniâ, cum presbyteris & Diaconibus.* Et lectæ essent litteræ Iubaiani ad Cyprianum factæ, item Cypriani ad Iubaianum. Ioannes Zonaras auctor Græcus loco Iubaiani legit Ioviani, & adfert rescriptum Cypriani, *τὸς τὸν Ἰοβιανὸν καὶ ἐκείνου ἀποκρισάμενος*, ad Iovianum eiusque Episcopos, Pamelius verò & Rigaltius Epist. 70. legunt Ianuarium; unde quis facile suspicari poterit cum eodem Pamelio in notis, *hunc Ianuarium fuisse Primatem Numidiæ.* Consonat apud Zonaram huius epistolæ inscriptio, quæ dum in latinâ illius editione habet: *ad Ianuarium & cæteros Episcopos Numidas*, inscribitur in Græcâ hocce modo: *Cyprianus Liberalis Caldonius, Iunius &c. Ianuario Saturnino, Maximo, Victori, &c.* Quæ ex inscriptione habemus, Ianuarium inter Numidiæ Episcopos primum fuisse nominatum, quod non rarò indicat Primatum, quem Ianuarius sicut senior Episcopus inter Numidas Coepiscopos obtinebat: unde & à Cypriano primus nominari meruit, & in Concilio Carthaginensi litteræ Synodicæ Iubaiani, aut potius Ianuarij nomine scriptæ sunt, quod ultimum non leve primatus indicium est.

4. Erant itaque ante Nicæni Concilij tempora plures Primates, tot nimirum, quot numerabat Africana Ecclesia Provincias, quas cum tres in civili distributione enumerant post Galbam Imperatorem Hi-

storici

S. Optatus.

Augustin.

Donatistæ.

Augustin.

Acta Concil.
Carthag. sub
Cypriano.

Zonaras.

Pamelius in
notis ad epi-
stol. 70.

Cyprian.

Can. 4. Nic.

Gelasius Cy-
zicen.Canon. 17.
Codic.

storici prophani, etiam tres numerarunt Scriptores Ecclesiastici, quorum unus omnium vice attestatur Cyprianus epist. 45. ad Cornelium Papam. *Quoniam latius fusa est Provincia nostra, habet etiam Numidiam & Mauritanias duas sibi coherentes.* Provincia Proconsularis primò fidem receperat missio ad Carthaginem viro Apostolico, qui Evangelium prædicaret: cumque Carthago primum à Romano Pontifice Episcopum meruisset, paulatim religio sese per alias Provincias diffudit, quas cum duas tunc numerabat Imperium, etiam duos Primates obtinuit, cæteris non nisi post partitum in Provincias Imperium Primates accipientibus, quod post tempora Nicæni Concilij factum putamus, statuente canone 4. *Ut firmitas eorum, que geruntur per unamquamque Provinciam, Metropolitano tribuatur Episcopo.* Aduit illi Concilio Cæcilianus Carthaginienlis Episcopus: & hoc decreto Nicænum Concilium juxta formam civilis Imperij Provincias Ecclesiasticas admisit, ad quas per Cæcilianum Statuta sua direxit, Scribente Gelasio Cyziceno libro 2. Historiæ cap. 27. *Cæcilianus Carthaginien-
sis Sanctis Dei Ecclesiis in Provinciis Africa Numidia, atque Maurita-
nia utriusque, Cæsariensis nimirum, & Tingitanæ Hispaniæ Tributæ.*

5. Nec refert quod tres tantum Africanæ Provinciæ numerentur, quia tres tantum Primates ante Nicænum Concilium numeraverat Africana Ecclesia, cæteris ex Nicæno decreto primatibus suis Donandis, quod an statim post Cæciliani reditum fieri potuerit, meritò dubitatur, cum potius ex turbato per Donatistas Ecclesiæ Africanæ statu id factum credatur, quod diu in Mauritaniâ Sitifensi obtinuit, ut sicut illa sine Primate seniore habuit præsidentem Episcopum, ita seniores Episcopi aliquamdiu in Tripolitanâ & Byzacena, præfederint, donec Catholici quietius tempus naçi in unum convenire potuerint, & de Dignitate Metropolitanâ plenius tractare: quod & ante Gene-
thlij tempora sub Grato factum existimem dato singulis Provinciis suo Primate, quarum una Mauritania Sitifensis serius Primatem recepit, id petentibus eius Provinciæ Episcopis, de quo canon. 17. Codicis Africani: *placuit ut Mauritania Sitifensis, ut postulavit, Primatem Provincia Numidia, ex cuius cætu separatur: ut suum habeat Primatem: quem consentientibus omnibus Primatibus Provinciarum Africanarum, vel omnibus Episcopis propter longinquitatem habere permissa est.* Canonem hunc Concilio Carthaginienti sexto, quod anno 419. celebratum est, attribuunt collectores Canonum Africanorum: sed errorem esse suo loco monstrabitur, & vel ex eo refellitur, quod Concilio Milevitano primo

primo anno 402. interfuerit *Nicetius Episcopus primæ Sedis Mauritaniæ Acta Milev. 1*
Sitifensis, ut docent acta.

6. Putat Parisiensium Archiepiscopus de Marca, à tempore Concilij Carthaginienfis 3. Provinciam Mauritaniæ Sitifensis suam habuisse Primatem: sed pace viri eruditi dixerim, id nequaquam subsistere potest cum actis illius Concilij, inter quæ canone 2. statutum legimus: *singulis quibusque annis Concilium convocetur, ad quod Provinciae, Canon. 2.*
que primas sedes habent, de Conciliis suis ternos legatos mittant. Quibus *Carthag. 3.*
verbis testatum fatetur de Marca, aliquas tunc fuisse Provincias, apud *Marca.*
quas nulli essent Primates. Cum autem sex tantum Provinciæ in Africâ numeratæ sunt ante Wandalorum invasionem, ita testante Valentiniani temporibus Sexto Rufo, & Arcadij ac Honorij temporibus auctore notitiæ Imperij, de quanam, quæso, locutum fuisset Concilium Carthaginienfe tertium, quam de Provinciâ Sitifensi? forsan de Tingitanâ? Aiunt aliqui, at Tingitana ad Hispaniam pertinebat, ut testis est Sextus Rufus in breviario. Quid ergo? de Numidiâ alterâ, quæ à græco scholiaste & Beveregio nova dicitur? at illam à Sitifensi distinctam non fuisse, docetur omnium veterum auctoritate, qui sex dumtaxat Provincias in Africâ enumerant, quod etiam confirmat exorta Victorinum inter & Xantippum controversia. Putat eminentissimus Cardinalis Baronius ad an. 402. Numidiam in duas Provincias fuisse divisam, ob idque altercationem abortam inter laudatos Episcopos de Primatu contententes. Verum longè alia fuit altercationis ratio, ut suprâ vidimus. De Primatu Consularis Numidiæ contendebant ambo Episcopi ex ordinationis ætate, unde Episcopos ipsis ordinatione contemporales ad Concilium evocari postulat D. Augustinus epist. 2. 17. ad Victorinum, qui ad Numidiæ Concilium etiam evocaverat Mauritaniæ Episcopos, quâ de re Augustinus: *Legi in eadem tractatoriâ D. Augustin.*
etiam ad Mauritanias esse scriptum, quas Provincias scimus suos habere Primates. Mauritania, cuius meminit Augustinus, erat Sitifensis, quæ cum ex Numidiæ Provinciâ distracta erat & in hæc usque tempora Numidiæ Primatem respicere solita, Victorinus Primatum Numidiæ invadens ipsos Mauritaniæ Sitifensis Episcopos ad Concilium evocarat, cui aliud non opponit Augustinus, quam Mauritanias jam *suos habere primates.* Quod utique Mauritania Sitifensis post ann. 397. Noviter Primatem receperat, & anno 402. quo scribebat Augustinus, non amplius ad Numidiam spectaret, à qua quia avulsa erat, Numidiæ nomen aliquamdiu obtinuerat.

D

CAPVT

CAPUT V.

De Primatu Carthaginiis, tam in civilibus
quam Ecclesiasticis.

1. Civitatis Carthaginiensis descriptio ex Orofio, eius Imperium ex Æmilio Probo, & eius demum interitus ex auctore, qui latet sub nomine Eutropij, exhibentur.
2. Civitas à Scipione deleta, Colonia ex Italiâ misis à Romanis restauratur, & in claritatem Secunda Carthaginiis exurgit Proconsulem obtinens.
3. Quem Carthago in imperio, eum obtinuit Primatum in Ecclesiâ per omnes totius Africa imperio subiecta Provincias, cuius veritatis testes ex omni antiquitate adducimus.
4. Priorum testimoniis alia addimus, inter quæ Duorum Pontificum testimonia comparent.

1. **S**I superiori capite egimus de Provinciarum Primatibus, qui ultra Proconsularem regebant, non abs re futurum arbitror, si nunc ipsius Proconsularis Provinciæ Primatum, qui toti Africanæ Ecclesiæ præminebat, inquiramus, quod tunc perfacile innotescet, cum Metropolis principatum exhibuerimus. Ut autem id clarius fiat, audiendus est Tertullianus, qui concives suos vocavit: *Vetustate nobiles, & novitate felices*. Nobiles vetustate civitatis, quæ, ut Iustinus in Pompei historiarum compendio, *condita est septuaginta duobus annis antequam Roma*: addunt veteres ferè omnes, à Didone, Cuius mentionem facit in Æneidis Virgilius, fuisse extructam. Sicut eius describit Orofius libro 4. Histor. cap. 22. *Viginti millia passuum muro amplexa, tota penè mari cingebatur, absque faucibus, quæ tribus millibus passuum aperiebantur. Is locus murum triginta pedes latum habuit, saxo quadrato, in altitudinem cubitorum quadraginta. Arx, cui Byrsa nomen erat, paulo amplius quam duo millia passuum tenebat. Ex una parte murus communis erat urbis, & Byrsa imminens mari. Ex qua urbis amplitudine, & situ maritimæ civitatis non malè Herodianus lib. 7. Carthaginem instar Alexandriæ fuisse, & nemini nisi Romæ multi-*

Tertullian.
de Pallio.

Trog. Pompeius lib. 8.
Hist. Philip.

Orofius.

Herodian.

multitudinem habitantium cessisse. Tantæ olim potentiæ fuisse tradunt Polibius & Strabo, ut totâ Africâ cultiorem potiretur, & post exstructam orbis Dominam sese æmulam & inviam semper Romano nomini urbem præbuerit. Addit Æmilius Probus in Hannibale, si Romanos Consules, Carthaginem annuatim binos creasse reges, quorum ultimos Hasdrubales fuisse duos, memoriæ prodidit auctor sub Eutropij nomine latens libro 4. Historiarum, ubi in Tertio bello punico refert, quod in Scipione Africano testatur Plinius 2. Carthaginem infra sex menses delevit: cum, inquit, sex continuis diebus noctibusque pugnaret, ultima Carthaginenses desperatio ad deditionem traxit, petentes, ut quos belli clades reliquos fecit, saltem servare liceret. Primum igitur agmen mulierum satis miserabile, post virorum magis deforme descendit. Nam fuisse mulierum triginta quinque millium, virorum triginta millium, memoriæ traditum est. Rex Hasdrubal se ultro dedit, suam tantum salutem obtinuit. Transfuga, qui Æsculapij templum occupaverunt, voluntario precipitio dati igne consumpti sunt. Quosquos habere potuit Rom. Transfugas, Scipio crucibus affixit. Latinos securi percussit. Vxor Hasdrubalis, cum ardentem Carthaginem aspexisset, occurrit viro suo una cum duobus liberis, eique dixit: vive tu, qui superstes esse Carthaginis potis es: nam frustra pro nobis rogasti. Et tum cum volentibus filiis virili dolore, furore femineo in medium se jecit incendium, eundem nunc mortis exitum faciens novissima regina Carthaginis, qua quondam prima (Dido nimirum) fecisset. Ipsa autem civitas XVII. continuis diebus arsit, miserumque spectaculum de varietate conditionis humana victoribus suis præbuit. Diruta est autem Carthago omni murali lapide in pulverem comminuto. Hæc Eutropius de excidio Carthaginensi, quod Livio teste contigit: Septingentesimo Septuagesimo anno, quam erat condita: vel teste Solino cap. 27. anno 737. quam fuerat constituta: vel Orosio testante: Septingentesimo post anno: vel teste Velleio Paterculo: Carthago diruta est, cum stetisset annis sexcentis sexaginta septem, abhinc annos centum septuaginta septem, Cneo Cornelio Lentulo, Lucio Mummio Consulibus. Hunc finem habuit Romani Imperij Carthago æmula.

2. Verum si Carthaginenses sub ruderibus suæ civitatis audivimus vetustate nobiles, æquum est in restauratâ urbe ostendere novitate felices. Velleius Paterculus scriptor perantiquus, qui circâ Christi tempora sub Tiberio floruit, lib. 1. historiarum cap. 15. ante annos fermè centum quinquaginta octo accidisse testatur, ut Carthago in

Æmilius
Prob.

Eutropius.

Plinius. 2.
in Scipione.
Eutropius in
3. Punico
Bello.

Tit. Livius.

Solinus.
Orosius.
Vell. Patere-
cul. l. 1. c. 12.

- Africâ prima extrâ Italiam Colonia Condita sit. Qui locus, si cum priore ponatur, efficiet, 19. annis post excidium reâdificatam à Romanis Carthaginem. Caium Gracchum huius authorem facit Livius in epitome libri 60. in solo diruta Carthaginis, quo ipse triumvir creatus, Coloniam deduxit: consonat C. Iulius Solinus cap. 30. Polyhistoris: deinde à C. Gracco Colonis Italicis data, & Iunonia ab eo dicta, aliquantisper ignobilis, humili & languido statu: demum in claritatem secunda Carthaginis, interiectis 102. annis M. Antonio & P. Dolabellâ Consulibus enituit, alterum post urbem Romam terrarum decus. Idem Pomponius Mela cum scribit, clariorem emeruisse tam priorum excidio rerum, quam ope presentium. Et Orosius lib. 5. cap. 12. anno ab urbe conditâ 627. Q. Cæcilio Metello & T. Quinctio flamino Coss. Carthago in Africâ restitui iussu, vigesimo & secundo demum anno, quam fuerat eversa, deductis civium Romanorum familiis, quæ eam incolerent, restituta & repleta est. Unde Strabo lib. 17. de Carthagine. Hodie quidem ita à civibus frequentatur, ut urbs Africâ nulla melius. Et sic intelliges, quid Plinius 2. & Ptolomeus sibi voluerint dicentes, Carthaginem restauratam Romanorum factam fuisse Coloniam. Quod si Romani Carthaginem inhabitaverunt Africæ quondam Principatum tenentem, novitate suâ felices oportuit viros Carthaginenses, & magistratum Africæ Principem recipere decuit, uti & recepisse Tertullianus graviore testimonio asserere nequivit, quam dum libro de Pallio concives suos allocuturus, Principes, inquit, semper Africâ viri Carthaginenses. Ante divisionem Provinciarum factam in Imperio, notum est, Carthaginem meruisse Proconsulem, cum Tertulliano in Apologetico adversus gentes teste: infantes penes Africam Saturno immolabantur palam usque ad Proconsulatam Tiberij: & ex actis Martyrij D. Cypriani, quorum meminit ipse Pontius Cypriani Diaconus, constet eum comprehensum Sedente Paterno Proconsule in civitate: & ex ipso Pontio in vitâ Cypriani, ubi mentio Sedentis in tribunali Proconsulis. Ut certum sit, Carthaginem antiquitus habuisse Proconsulem, unde tota Provincia Africâ propriè dictæ Proconsularis vocata fuit, ut ex notitiâ Imperij Arcadij & Honorij temporibus conscriptâ rectè observat Dominus de Marca.*
- 3. Hisce autem præmissis, difficile non erit ostendere Primatum Carthaginensis Ecclesiæ in Africâ: cum enim ex Apostolico instituto Ecclesiæ regimen ordinari quodammodo æquum erat ad formam Imperij, idque successu temporum in Ecclesiâ obtinuerit, æquum quoque fuit, Africæ totius Metropolim obtinuisse sedem totius Africæ Metropo-*

Tit. Livius.

C. Solinus.

Pomp. Mela.
Orosius.

Strabo.

Tertullian.

Acta Passio-
nis D. Cy-
priani.

Metropolitanam, ut factum esse, plures confirmant: Procopius Cæsariensis locuturus de Aedificiis tam Ecclesiastico usui, quam sæculari à Justiniano Imperatore in Africâ constructis, scribit libr.6. cap.5.

Procopius.

Ducendum autem initium à Carthagine Urbium, quæ in illis sunt partibus, maximâ & Nobilissimâ. Salvianus Presbyter Massiliensis libr.7.

Salvianus.

de providentiâ vocat Carthaginem Urbem in Africano orbe quasi Romanam. Marius Mercator D. Augustino æqualis in commonitorio nominat Carthaginem Africa totius Metropolim. Et ne civitatis potius

Marinus Mercator.

quam Episcopatus Carthaginienfis Primatum edocere viderer, in Synodo Africanâ anno 525. edixit Bonifacius Carthaginienfis Episcopus: *Ecclesia Carthaginienfis, quæ est omnium in Africanis Regionibus prima.* Et magnus quondam Hipponensis Episcopus Augustinus de

Bonifacius.

unico Baptismo contrâ Petilianum, cap.14. perpendens Carthaginensem sub Cypriano Ecclesiam, eam cum Romanâ eminentissimam

Augustinus.

scribere non dubitavit: *duo erant eminentissimarum Ecclesiarum Romana scilicet & Carthaginienfis Episcopi, Stephanus & Cyprianus.* Et sub

Cæciliano ex Successoribus Cypriani à Donatistis impetito, testari non omisit epist.162. erat Carthago civitas ampla & Illustris, unde se

Idem. epist. 162.

per totum Africa Corpus malum, quod ibi esset exortum, tanquam à vertice effunderet. Erat etiam transmarinis vicina regionibus, & famâ celeberrimâ nobilis, unde non mediocris utique authoritatis habebat Episcopum.

4. Auctoritatem illam tempore Augustini coram universâ Africanorum Prælulum Synodo professus fuit Aurelius Carthaginienfis, Ego

Aur. Carthaginienfis.

enim cunctarum Ecclesiarum dignatione Dei, ut scitis fratres, sollicitudinem sustineo. Ita habes in Codice Africanæ Ecclesiæ can.55. indeque Martinus Papa primus ann.649. in Concilio Lateranensi secretario

Martinus 1.

1. inter omnes Africanarum Ecclesiarum Synodicas, Victoris Carthaginienfis legendam duxit, *Maximè, inquit, propter dignitatem sedis eius.* & Leo 9. epistolâ 3. ad Thomam Africanum Episcopum

Leo 9.

Kalendas Ianuarij, ann.1054. conscriptâ: *primus Archiepiscopus & totius Africa maximus Metropolitanus est Carthaginienfis Episcopus.* Idem

repetit epistolâ 4. ad Petrum & Ioannem Africæ Episcopos, & addit: *Nec pro aliquo Episcopo in totâ Africâ potest perdere privilegium semel*

Idem ep. 3.

fusceptum à Sanctâ Romanâ & Apostolicâ sede, sed obtinebit illud usque in finem sæculi, & donec in eâ invocabitur nomen Domini nostri IESU

Christi, sive deserta jaceat Carthago, sive resurgat gloriosa aliquando.

Hoc ex Concilio Beati Martyris Cypriani, hoc ex Synodo Aurelij, hoc ex

omnibus Africanis Conciliis, hoc, quod maius est, ex venerabilium Prædecessorum nostrorum Romanorum Præsulum decretis aperte monstratur.

CAPUT VI.

In quonam consistebat Primatus Carthaginensis, & num fuerit Autocephalicus?

1. Primatus nomen ab Imperio in Ecclesia usum translatus quid significet: Præsides Provinciarum in Metropoli constituti erant Primates, unde Metropolitanus Primas dictus, qualis in Proconsulari Provincia erat Carthaginensis Episcopus.
2. Etiam pluribus Provinciis præpositi dicebantur Primates, ut Lugdunensis in Gallia, & Toletanus in Hispania: Primatum genus istud ex suppositiis primorum Pontificum decretalibus in occidentem primo inductum putat Marca: fuisse tamen in Africa longe antea, Carthaginensis Primatus evincit.
3. Tertium genus Primatum præerat integra Diocesi, de quo exponitur canon Chalcedonensis. Erant hi Primates in oriente vel Exarchi Autocephali, vel Patriarchæ.
4. De tertio illo genere Primatum fusius agitur, & eorum auctoritati Carthaginensis auctoritas non absimilis fuisse videtur. Viriusque Privilegia enumerantur, & juxta se invicem posita expenduntur.
5. Quia Carthaginensis primas habuit enumerata per Africa Provincias Privilegia, hinc Autocephalum id est nulli Patriarchæ subiectum fuisse, contendunt græci Schismatici, contra quos ostenditur, Africam à Romanâ Ecclesiâ fidem & Episcopatum obtinuisse, uti Carthaginem Primatum cum suis privilegiis.
6. Variis occasionebus aucta fuerunt Episcoporum Carthaginensium Privilegia, quæ D. Cyprianus suo tempore propugnare studuit, unde turbida Afrorum ingenia ad Autocephalam in ferendis de minori & maiori clero judiciis aspirarunt.
7. Donatistarum hac de re tentamentum ethnici Imperatoris religioso decreto evertitur, dum Constantinus Magnus nondum ad fidem conversus, causam Cecilianam ad Melchiadis tribunal transmittit.
8. Tentata de ordinationibus Episcoporum Autocephaliæ Siricius Papa speciali

speciali obstitit decreto, quod *Quesnellius* supposititium putat, *Labbeum* vero genuinum.

9. *Quesnellius* juxta lectionem Codicis Oxoniensis plura suppositionis argumenta adfert: sed alia lectio vulgata in pluribus M. S. Codicibus reperta, & sensus decreti juxta illam lectionem firmatur.
10. Sedem Romanam instituisse Episcopatum per Africam, testis est *Innocentius primus*, qui eo ipso testimonio Patriarchatum suum super Africam confirmat. Huic testimonio suffragantur alia.

I. Illustrissimus Parisiensium Archiepiscopus de Marca, dissertatione ad Concilium Claromontanum acturus de Primatu Lugdunensi, questionem instituit de Primatus notione, & observat, Primates in universum dici eos, qui Principem locum in aliquo collegio obtinent: vel procures alicuius gentis, quemadmodum apud Ammianum dicuntur *Primates Regionis Alamannorum*, apud Ambrosium *Primates Consistorij*: apud Imperatores demum magistratus municipales dici: Primates, qui decurionum ordini præsunt, unde vox ista in Ecclesiasticum usum irrepsit ad significandam eorum Episcoporum prærogativam, qui Provinciæ suæ præsunt. Confirmat hæc ipsa ex can. 2. Concilij Taurinensis, quod habitum est anno 397. ubi: qui comprobaverit suam civitatem esse Metropolim, is totius Provinciæ honorem Primatus obtineat. Quo ex loco habemus, non modo in unaquaque Provinciâ eum dici potuisse Primatem, qui Provinciæ Episcopis præerat, sed & illum olim Provinciæ præfuisse Primatem, qui eam civitatem obtinebat, quæ in laterculo Imperij Metropolis dignitate fruebatur. Id quod convenit cum nono canone Antiocheno, ubi huius instituti ratio petitur ex eo, quod in Metropoli à præsidibus Provinciarum agi solebant conventus iuridici, ad quos conveniebant omnes, qui negotia videntur habere, ut loquitur canon. Et juxta hæc necesse non est probare, Carthaginensem Episcopum, dici potuisse in Africâ Primatem, quandoquidem constet, illum in Metropoli Provinciæ Proconsularis fuisse Metropolitanum, eiusdemque Provinciæ Episcopis jugiter præfuisse. Nec eâ de re ullus, quod sciam, dubitavit, nec umquam dubitare potuit, scribente Leone nono ex antiquis Ecclesiæ monumentis epistolâ 4. Omnibus Africanis Provinciis præerat unus scilicet Carthaginensis Archiepiscopus, qui etiam non incongruè dici potest Metropolitanus propter Carthaginem Metropolim totius Africa.

Marca.

Canon. 2.
Taurinens.

Canon. 9.
Antiochen.
nono hæc
monita

Leo 9.

2. Metropolitanum vocat *Leo nonus*, & rectè propter civitatem Carthagi-

Carthaginiensem, quam non solius Provinciæ Proconsularis, sed & totius Africæ Metropolim nuncupavit. Cuius veritatis rationem ex ea, quam Carthago in Imperio jurisdictionem obtinebat, hauriendam putamus: cum enim Imperium non solum in singulis Provinciis haberet civitates Metropoles, ad quas totius Provinciæ populi, qui causas habebant, confluebant, sed & in singulis Diocæsis extrâ Europam constitutis haberet civitates primarias, quæ eminentiorem judicandi potestatem obtinebant, idem in Ecclesiâ factum arbitramur variis ad id sentiendum adducti argumentis: ac præsertim, quod videamus, per Dioceses Orientis id locum habuisse in primarum civitatum Episcopis, ad quorum formam cum Carthaginienſis Episcopus pluribus Provinciis præfuit totius Africæ Primas Constitutus, hærendum non est in dignitate Metropolitanâ, sed ad altiorē dignitatem ascenden- dum. Enimverò inter varia Primatum genera extiterunt eminentioris auctoritatis, quorum aliqui non uni sed pluribus præerant Provinciis, ut Primas Lugdunensis in Galliâ à Gregorio septimo in privilegio suo firmatus super quatuor Provincias, de quo idem Pontifex lib. 6.

Gregorius 7. epist. 35. *Lugdunensis Ecclesiæ Primatum super quatuor Provincias videlicet Lugdunensem, Rothomagensem, Turonensem, & Senonensem obtinuisse cognoscitur: Alij verò integro regno præpositi erant, ut Episcopus Toletanus in Hispaniis, de quo Urbanus 2. in rescripto ad Bernardum Toletanum: Teque secundum quod eiusdem urbis antiquitus constat extitisse Pontifices, & in totis Hispaniarum regnis Primatem privilegij nostri sanctione statuimus, &c. Primatem te universi Prasules Hispaniarum respicient, & ad te, si quid inter eos questione dignum exortum fuerit, referent: salvâ tamen ratione, Ecclesiæ auctoritate, & Metropolitanorum privilegiis singulorum. Putat quidem Parisiensis Archiepiscopus de Marca, hanc Primatum institutionem ex litteris de-*

Urbanus 2. *copus Toletanus in Hispaniis, de quo Urbanus 2. in rescripto ad Bernardum Toletanum: Teque secundum quod eiusdem urbis antiquitus constat extitisse Pontifices, & in totis Hispaniarum regnis Primatem privilegij nostri sanctione statuimus, &c. Primatem te universi Prasules Hispaniarum respicient, & ad te, si quid inter eos questione dignum exortum fuerit, referent: salvâ tamen ratione, Ecclesiæ auctoritate, & Metropolitanorum privilegiis singulorum. Putat quidem Parisiensis Archiepiscopus de Marca, hanc Primatum institutionem ex litteris de-*

Marca differt ad Concil. Clarom. *cretalibus primorum Pontificum ortum ducere, „ post editam, „ inquit, Isidori collectionem invec̃ta est in Occidentem nova Pri- „ matû usurpatio, quæ quidem ex Epistolis veterum Pontificum huic „ compilationi insertis profluxit: „ Attamen negare non potuit ex- „ cipiendam esse Africam, „ Etenim, inquit, in occidente si de- „ mas Africam, nullus Provinciarum Metropolitanis præfectus erat „ Episcopus, præter Pontificem Romanum. „ Ratio autem exci- „ piendi Africam, fuit Episcopus Carthaginienſis, qui omnibus Africæ Provinciis à primis sæculis præfuit, eaque omnia privilegia habuit, quæ Primatibus posterior ætas in ordinationibus, evocationibus, & judi- „ ciis singularum Provinciarum concessit.*

3. Fuit

3. Fuit & aliud genus Primatum in Ecclesiâ primitivâ, cuius præfertim meminit Anacletus Papa, quod in maioribus civitatibus Patriarchas vel Primates, qui unam formam tenent, licet diversa sint nomina, leges divina & Ecclesiastica poni & esse iusserunt. Idem Anicetus ad Episcopos Galliæ ab Apostolis statutum & decretum tuetur: & quamvis decretales eorum epistolæ supposititiæ sint, res tamen ipsa antiqua est, & per sacrum Chalcedonense Concilium firmata can. 9. ubi statuitur: quod si adversus eiusdem Provinciæ Metropolitanum Episcopus vel Clericus habet querelam, petat Primatem Diæceseos, aut sedem Regiæ urbis Constantinopolitanæ, & apud ipsum judicetur. Et can. 17. quod si quis à Metropolitano leditur, apud Primatem Diæceseos, aut apud Constantinopolitanam sedem judicetur, sicut superius dictum est. Diæcesis ibi nihil aliud est, quam administratio multarum simul Provinciarum, ut Primas Diæceseos ille sit, qui plures Provincias in unum corpus redactas administrat: sic Exarchus Ephesinus, qui præfuit Diæcesi Asiæ, Exarchus Heracleæ, qui præfuit Diæcesi Thraciæ, & Exarchus Cæsariæ Cappadociæ, qui præfuit Diæcesi Ponti, de quibus planè intelligendus est canon Chalcedonensis, cum meminit Primatis Diæceseos: Addit quidem sedem regiæ urbis, quod illa tunc temporis contenderet de Primatu in tres illas Diæceses, quem Patriarchatum subsequens ætas vocavit, unde non incongruè per Primatem etiam Patriarchas intellexisse Concilium tuetur eruditus Lupus cum aliis, ut sensus sit: cum Metropolitanis præfint Exarchi tres, & Patriarchæ Duo per omnem Orientem tanquam Diæceseos Primates, & à Metropolitanis provocare liceat ad Primates, privilegium illud etiam concedi novæ Romæ Episcopo, ut ab ijs Metropolitanis, quorum Primatum prætendebat, hoc est Asiæ, Ponticis, & Thracicis, ad ipsum provocare liceret. Eos autem Primates, quos Oriens tempore Concilij Chalcedonensis quinque numerabat, scribit Hincmarus Remensis cap. 17. opusculi, fuisse Autocephalos, utpote qui & convocare Synodos, & ordinare Episcopos, & ordinari à Provincialibus Coepiscopis sine cuiusquam alterius Primatis interrogatione possunt, & disponere regulariter quaque per suas Provincias queunt.

Anacletus.

Can. 9. Chalcedon.

can. 17. ibid.

Hincmarus Remensis.

4. Et de hoc primatum genere queri posset, cum de Carthaginiensi agitur: enimverò si inter præcipua Patriarcharum privilegia numeretur, toti Diæcesi esse præfectum, & curam gerere plurium Provinciarum in unum corpus redactarum: Carthaginiensis Episcopus hoc ipsum habuit, qui toti Africæ Diæcesi præpositus fuit. Si Patriarcha

E

cha

cha aut Primas Synodos totius Diœcesis convocare poterat, ut Ephesus Asiæ, Cæsareensis Ponti Episcopos: non minus totius Africæ Episcopos convocare assuevit Carthaginienſis, ut patet ex Agrippini, Cypriani, Grati, Genethlij, & Aurelij Synodis ex omnibus Africæ Provinciis per ipsos convocatis. Si Episcoporum ordinatio pertinebat ad Patriarchas, nec aliquis in Provinciis Ægypti electus censebatur, nisi Decretum Alexandrini Episcopi accederet juxtâ Synodicam Nicænam apud Theodoretum lib. 1. cap. 9. *Sic tamen ut suffragium accedat & confirmatio Episcopi Ecclesiæ Catholica Alexandrina.* Indeque Synesius Pentapolitanus in Ægypto Episcopus Epist. 97. *Ille unus & solus appellatus est Palæstina Episcopus. Sed nec ut fas est, declaratus fuit, imo verò contrâ fas, quantum quidem à senibus audivimus, si nec Alexandria constitutus est.* Similia privilegia habuisse Episcopum Carthaginienſem per Africam, indicat Leo 9. Epist. 3. & admittit in „ notis ad can. 6. Nicænum Christianus Lupus: „ sine eius præviâ „ licentiâ nullus per Provincias primæ Sedis Episcopus poterat Episcopum ordinare. „ quin imò *fuit hæc licentia huic sedi, ut unde vellet, pro desiderio cuiusque Ecclesiæ, ordinare Episcopum,* ut loquitur Numidius Episcopus in Concilio Carthaginienſi relato can. 55. Codicis Africanæ Ecclesiæ, ad quæ verba Christophorus Iustellus: „ In ordinationibus Episcoporum paria fuerunt τὰ πρεσβεία Carthaginienſis Episcopi, atque Alexandrini, cum petentibus daret, quos „ vellet, & unde vellet Episcopos. „ Si præterea ad Patriarchas à Metropolitanis provocari poterat, ut audivimus ex Canonibus Chalcedonenſis Concilij, non minus à primis Provinciarum Africanarum Episcopis provocare licuit ad Primatem Carthaginienſem, cum cānone 28. Codicis Africani statutum sit, clericos provocare posse *ad Primates suarum Provinciarum (aut ad universale Concilium.)* ubi per Concilium universale intelligitur plenarium Africæ sub Primatu Carthaginienſi adunandum. Unde Leo 9. Epist. 3. expresse cavet, ne quis Episcopus in Africâ deponeretur absque consensu Carthaginienſis Primatis. Si demum ad Exarchos aut Patriarchas spectabat, ut dispo- nere regulariter quæque per suas Provincias queant, idem omnino obtinuit per Africam Carthaginienſis Episcopus, utpote qui generalia ad universos Africæ Episcopos mittebat statuta, Paschatis diem per omnes Provincias observandum nuntiabat, & singulas quoque Provin- cias annuatim visitabat, id ipsum Honorato & Urbano Mauritanicæ Sitifensis legatis testantibus can. 51. & 52. Codicis Africani: idem Aurelius

Theodoret.

Synesius.

Cod. Afric.
Ecclesiæ.

Iustellus:

Cod. Afric.

Aurelius Carthaginienſis Epiſcopus admittit, qui & proinde dicere po-
tuit, ſeſe *Cunctorum Eccleſiarum ſollicitudinem gerere.*

Aurel. Carth.

5. Quid ergo inquit, Eccleſia Africana Autocephala erat, &
unica in omni occidente à Patriarchatus Romani authoritate exempta?
abſit proſectò, ut hoc admittatur. Quod Carthaginienſis Primas plura
privilegia habuerit in omnes Africæ Provincias, nemo negavit: ſed
quod illà tanquam exarchus aut Patriarcha in occidente obtinuerit,
quis rectè admiſerit? ſomnia illa ſunt ſchiſmaticorum, & prima Græ-
corum deliria in antiquà ſub Leone ſapiente conſcriptà Eccleſiarum no-
titià, quam Gulielmus Beveregius in pandectis canonum ex codice
Bodleiano edidit, ubi Epiſcopus Carthaginienſis à Romano Patriar-
chatu eximitur, & Provinciæ omnes *ὡς τοῦ ἐνδοξοῦ αὐτοῦ ἐπάρχου* notitia Epiſ-
Ἀρχιεπίσκοπος, Sub gloriſiſſimo Eparcho Africa collocantur. Habuit Africa-
copatuum.
na Eccleſia ſæculo 2. ſua initia, cumque Carthago, ut loquitur Sal-
vianus, in orbe ſuo eſſet altera Roma, vix dubium, quin illinc
Evangelium ceperit, unde tanquam à capite per corpus Africanæ
Dioceſeos ſe poterat transfundere: Carthago eſt, quæ primum Epiſ-
copum non aliunde, quam à ſede Apoſtolicà obtinuit, ut teſtantur
quatuor ſcriptores illarum Eccleſiarum, quarum una Epiſcopos miſit,
altera recepit. Tertullianus ipſe Carthaginienſis doctòr antiquiſſimus,
& Auguſtinus Hipponenſis in Africà Epiſcopus ac doctòrum omnium
coripheus teſtantur, Africam fidem obtinuiſſe per Romanam Eccle-
ſiam: & Innocentius 1. ac Gregorius Magnus præſtantiſſimi Romanæ
Eccleſiæ Pontifices teſtantur, à prædeceſſoribus ſuis tranſmiſſos fuiſſe
Epiſcopos aut ſacerdotes, qui Africanam Eccleſiam inſtituerunt: ut ſi
Carthago Primatem obtinuit, à Romanà Eccleſià cuncta Primatis
privilegia promeruerit, prout diſertis verbis teſtatur Leo 9. epiſt. 4.
dum Carthaginienſem Epiſcopum *maximum Africa Metropolitanum* Leo 9.
privilegium ſuum à *Sanctâ Romanâ & Apoſtolicâ Sede* ſuſcepſiſſe
aſſeruit.

6. Et ex hiſce rectè conſideratis facile erit de Carthaginienſium
Epiſcoporum privilegiis iudicium ferre, quæ licet ſpecialeſ quamdam
Primatus dignitatem ſonant, ſicut tamen à Romanà Eccleſià originem
traxere, ita ab eàdem paulatim aucta ſunt. Ac primò quidem miſſi
aut inſtituti à Romanis Pontificibus Præſules Carthaginienſes poteſta-
tem obtinuerunt inſtituendi Eccleſias, conſecrandi Epiſcopos,
aliaque Metropolitanorum munia exercendi per eas, quæ fidem in
Africà ſuſciperent, civitates. Aucta ſubinde eorum poteſtas ex indultu

E 2

Sedis

Sedis Apostolicæ in ferendis de rebus Afrorum sententiis ob locorum distantiam & maris interiectionem. Cum enim ceperant non laici sed ipsi clerici circumcursare, & Episcoporum concordiam cohærentem suâ subdola & fallaci temeritate collidere, obstiterunt Africani Episcopi, & signanter Cyprianus epist. 55. ad Cornelium Papam. Admittit Cyprianus Privati veteris hæretici factum, qui dum in Lambesitanâ Coloniâ ante multos annos nonaginta Episcoporum sententiâ esset damnatus, Romam ad Occidentis Patriarcham & totius Ecclesiæ Pontificem Fabianum confugerat, sed addit, *Fabiani litteris severissimè fuisse notatum*. Subdit Cyprianus factum quinque Schismaticorum, qui Fortunato sibi in Pseudoepiscopū creato plura mentientes ad Cornelium Papam confugerunt, & *Romam cum mendaciorum suorum merce navigaverunt*. Circumscribere nitebantur Patriarchale Judicium, & hic est, quod contra exclamet Cyprianus: *Oportet utique eos, quibus præsumus non circumcursare, nec Episcoporum concordiam cohærentem suâ subdola, & fallaci temeritate collidere, sed agere illic causam suam, ubi & accusatores habere & testes sui criminis possint*. Hisque & aliis prætenso Africanæ Ecclesiæ Privilegia firmare studuit Cyprianus, viamque stravit, ad inferioris cleri causas vindicandas Africæ Conciliis, quin etiam ad tentandam Autocephalam pro maioris cleri judiciis, quod tamen numquam Africa jure obtinuit.

Cyprianus.

7. Enimverò fuit hoc olim post Cypriani tempora Donatistarum tentamentum, cum exortam de sede Carthaginienli contentionem ad Constantinum Imperatorem detulerunt. Sed Imperator, qui nondum in fide instructus erat, de regimine Ecclesiæ certior factus rem istam non ad peritum Gallorum judicium, sed ad Romani Patriarchatus tribunal transmisit, & inquit S. Optatus Milevitanus in Africâ Episcopus libro 1. contra Parmenianum Donatistarum Principem: *Etiam Meltiadis sententiâ . . . judicium clausum est*. Adfuit isti judicio Donatus totius factionis antesignanus, ipso facto Patriarchalem potestatem in Melchiade agnoscens, quam adeo revereri debuerunt Donati sequaces, ut orbis Africani oraculum Augustinus epistolâ 162. scriptum reliquerit: *An forte non debuit Romana Ecclesiâ Melchiades Episcopus cum collegis transmarinis Episcopis sibi usurpare judicium?* negare id quidem tentarunt Donatistæ, & cum à summo Pontifice duo Episcopi ad Africam missi sunt Eunomius & Olimpius, ut pronuntiarent ubi esset Catholica, *hoc seditiosa pars Donati fieri passa non est*: sed cum ita loquitur S. Optatus libro 1. ab omnibus per Africam Catholicis

S. Optatus.

Augustin.

S. Optatus.

tholicis Romani Episcopi auctoritatem in veneratione habitam fuisse declarat, uti & firmatur facto Cæciliani, qui cum clero & populo non Schismatico, sed fideli, Melchiadis sententiæ adhæsit semper, & acquievit.

8. Non ignoramus, quam contradictionem Sedes Apostolica in ferendis de gravioribus causis judiciis passa fuit ex prurigine novitatis, eam in Episcoporum ordinationibus, quarum jus aliud Patriarchatus privilegium constituit, passam aliquando fuisse ex turbato rerum statu, vel prætenso Africanæ Ecclesiæ privilegio: sed obstiterunt suo tempore Sedis Apostolicæ Præsules, quorum unius Siricij superest decretum ad Afros transmissum, in quo: *extra Conscientiam* Siricius.
Sedis Apostolicæ, hoc est Primatis, nullus audeat ordinare. Extat hoc decretum Siricij in tomis Conciliorum, & novissimè ex antiquissimo Codice illud edidit tomo 2. operum Leonis Magni Paschasius Quesnel, ubi verba Siricij sic concepta leguntur: *Vt extra Conscientiam*
Sedis Apostolicæ Primates nemo audeat ordinare. Ita Codex Oxoniensis, de cuius sensu idem Quesnel: „ planus est: per sedem enim Quesnel.
„ Apostolicam Romanam intelligit: per Primates verò singularum
„ Provinciarum Metropolitanos designat: vultque auctor Epistolæ
„ prohibitum esse, ne quisquam Africanorum Metropolitanorum ordinari posset absque consensu & conscientia Romani Episcopi, atque
„ adeo non dubito, quin hæc genuina sit adulterinæ Epistolæ lectio. „
Huc usque Quesnel, qui Epistolam Siricij adulterinam contendit, motus inter alia ex eo, quod complura huius Epistolæ verba reperiuntur in Epistolâ Innocentij 1. ad Victricium Rothomagensis Episcopum, ut alteram ex alterâ transcriptam esse necesse sit: verum aliter Quesnel.
Labbeus tomo 2. in notis Marginalibus ad hanc Siricij Epistolam: *Eadem ferè reperiuntur in Epistolâ Innocentij 1. Papa ad Victricium* Labbeus.
Rothomagensis Episcopum, ideoque quibusdam suspecta minus rectè: cum
Innocentius libenter relegat vestigia Siricij, ut patet epist. 3. aliisque.

9. Sed, inquires, etiamsi ex laudatâ ratione pro Epistolæ suppositione concludi non posset, aliæ rationes quam plurimæ sunt, quarum
„ una hæc ipsa de ordinatione verba respiciunt, „ quomodo enim, Quesnel.
„ inquit Quesnellus, hæc de non ordinandis extra Conscientiam Sedis Apostolicæ Primatibus intelligere poterimus? Si enim Primum nomine Carthaginensem Episcopum intelligas, non pluralis
„ sed singularis numerus apponi debuerat: cum unicus esset huiusmodi Primas in Africâ. Sed & quam hoc ab Africanis juribus & consuetudine

„ fuetudine alienum , ut ad Episcopum Romanum de ordinando Car-
 „ thaginienſi Episcopo conſultatio vel relatio mitteretur. Quod ſi
 „ per Primates Metropolitanum uniuſcuiuſque Provinciæ Episco-
 „ pum ſeu primæ Sedis Antiftitem designat ; jam verò ineptiſſimum
 „ eſt ac ridiculum iſtud decretum ; quod Primates extrâ conſcien-
 „ tiam Sedis Apoſtolicæ ordinari vetat : cum Primates in Africâ , ex-
 „ cepto Carthaginienſi numquam ordinarentur , ut ſæpius à viris
 „ eruditis obſervatum. , Hæc obiectio , quæ nodis ſuis non careret ,
 ſi lectio , quam ex Oxoniënſi Codice proferit Queſnellius , retinenda
 foret : ſed quiſnam certò dicet , lectionem Oxoniënſis Codicis eſſe
 genuinam ? editio ſanè vulgata in tomis Conciliorum habet : *ut extrâ
 Conſcientiam Sedis Apoſtolicæ , hoc eſt Primatis , nemo audeat ordinare.*
 Sic etiam habet Codex M. S. Bibliothecæ Thuancæ octingentorum
 circiter annorum ac optimæ notæ ipſo Queſnellio atteſtante :
 Sic demum habent alij Codices , inter quos Corbeienſis , quem
 Chiffletius laudat authoritate venerandum. Nec ſenſus iſtorum ver-
 borum querendus , cum Africanis quibuſdam Episcopis Donati-
 ſtarum exemplo Autocephaliâ inducere tentantibus , & auctori-
 tatem , quam ex mero Sedis Patriarchalis Romanæ indultu in or-
 dinandis Episcopis exercebant Primates , Primatibus Africæ ven-
 dicare volentibus ſeſe opponere potuerit Siricius Pontifex , illam ,
 quam præceſſores ſui gratioſè indulſerant , authoritatem revocando ,
 & ſibi iterum reſervando , ut oſtendimus ſæpius , quoad alios factum
 parte primâ antiquitatis illuſtrata , idque jure Patriarchali Romano
 Episcopo etiam per Africam competiſſe : & jam intelliges eruditiffimi
 viri Scholion ad can. 6. Nicænum loquentis de hac eadem Siricij ſen-
 tentiâ : *Interceſſit Siricius Pontifex , dicens Autocephalum Primatem
 nullum eſſe , niſi Romanum Episcopum , ideoque ſine eius licentiâ non
 poſſe iſtic Episcopos creari.*

Lupus.

10. Cum Siricij ſucceſſor Innocentius primus Epistolâ ad Decen-
 tium Eugubinum Eccleſias Sedi Patriarchali Romanæ ſubiacentes
 enumeraret , manifeſtum eſſe tuetur , nullum in Africâ inſtituiſſe Ec-
 cleſias , niſi quos *Petri ſucceſſores conſtituerint Sacerdotes.* A Sede Pa-
 triarchicâ Romanâ Episcopos ſuos obtinuerat Africa , & quidquid
 de cæterorum ordinatione indulſerat Carthaginienſi Primati & aliis
 Primarum Sedium Episcopis , Carthaginienſis in primis ordinatio-
 nem ſedi ſuæ intimandam reſervarat. Hinc & Cypriani tempore rela-
 tionem mitti debuſſe , ipſe Cyprianus variis in locis declarat , & dum
 contentio

Innocent. I.

contentio inter Cæcilianum & Maiorinum de Sede Carthaginiensi orta erat, missi à Sede Apostolicâ Episcopi Eunomius & Olimpius, ut remotis duobus unum ordinarent, satis ostenderunt, cui Patriarchalis per Africam potestas compete-
bat: id ipsum manifestum reddunt complura in aliis rebus antiquorum testimonia, quibus constat, Romanos Episcopos non modò Concilia per Africam celebranda indixisse, & suas inibi vices aliis mandasse, sed & Africanos Antistites Romanum Episcopum consuluisse semper, & ut speciale caput suum agnovisse, mandando suis ex Africâ ad comitatum proficiscentibus, ut prius Sedis Apostolicæ Pontificem adirent, & suis ei redditis Pacificis, alias ab eo pacificas ad Imperatores obtinerent, ut infrâ suo loco fusius ostendetur.

Optat. Mi-
lev. lib. 1.

C A P V T VII.

De mente Africanæ Ecclesiæ, circâ supremam Synodorum suarum auctoritatem.

1. Sententia Domini de Marca circâ supremam Provincialium Synodorum auctoritatem ex Afrorum testimoniis desumpta, ex iisdem sumitur refellenda.
2. Primum contra sententiam illam argumentum subministrant causa Privati ob hæresim Exepiscopi, & Fortunati à Schismaticis creati Pseudo-episcopi: latum de primo à Fabiano Papâ iudicium probat Cyprianus, appellationem posterioris ad Stephanum non ita, quod esset minoris ordinis clericus.
3. Nec aliam fuisse Cypriani mentem, sed eandem, evincit causa Basilidis & Martialis, qui à Synodis Hispaniæ depositi ad Stephanum Papam confugerant.
4. Accedit causa Donatistarum, quæ Romæ retractata fuit probante D. Augustino, sicque de collegiis Episcopis competere Romano Episcopo iudicium.
5. Etiam appellationem in fidei causâ licuisse minoribus clericis manifestum sit ex causâ Calestij, ob quam Paulinus ex Africâ Romam evocatus est.
6. Obstiterunt appellationi Calestij certantes pro more sue gentis Episcopi Afri,

Afri, qui tamen postea succubière ultro consentientes, causam coram Zosimo Papâ retractari.

7. Cælestij vestigia infecutus est Apiarius, occasione cuius Zosimus Papa appellationes minoris cleri etiam locum habere voluit per Africam misso hanc ob rem ad Africam Faustino, ut patet ex eius commonitorio de tractandis Presbyterorum & Diaconorum causis apud finitimos Episcopos, quorum verborum sensus inquiritur, & ex canone septimo Sardinensi hauritur, estque ille, ut misi à Sede Apostolicâ legati cum finitimis Episcopis judicent.
8. Apiarij historia sensum confirmat, cum primò per Faustinum Zosimi legatum Presbyterio redditus fuit, & in aliâ Ecclesiâ ministerio functus. Appellavit tamen Secundò Appiarius, sed fraude detectâ rogant Patres Africani, ne amplius ad Sedem Apostolicam appelletur.
9. Quod de minoris cleri appellatione scripserunt Patres Africani, hoc canone statutum legimus inter Milevitanos, à quo canone post detectam Apiarij fraudem hunc morem Africa retinuit usque ad Gregorij primi tempora.
10. Quod de maioris cleri appellatione adferunt, fundamento destitutum est.
11. Allata ex Codice Canonum Africana Ecclesiæ testimonia nihil evincunt, sed Parisiensis Archiepiscopi Sententiam eo ipso destruunt, quo latum in unâ Synodo iudicium, in aliâ retractari permittunt.
12. Clausula hæc: sicut & de Episcopis sæpè constitutum est. Non est alicuius Concilij Africani, sed à sciolo quodam canoni 28. Codicis Africani inserta.
13. Pro Appellationum jure ad Sedem Apostolicam spectante adfertur exemplum Antonij Fussalensis Episcopi, & suis momentis expenditur ex verbis Augustini.
14. Huic adjungitur testimonium Leonis Papæ de causa Lupicini, ubi an Leonis epistola 87. supposititia sit.

Baluzius.

1. **Q**uæstionem novissimè proponit D. de Marca lib. 7. cap. 1. cuius mentem Stephanus Baluzius in hoc compendium redegit: „ Episcopos vetus Ecclesia instituit in principalibus urbibus uniuscuiusque regionis. Rerum omnium confirmatio tributa Episcopo Metropoleos, ita tamen, ut eas componeret cum Concilio Coepiscoporum suorum. Itaque iudicia Ecclesiastica uniuscuiusque Provinciae supremæ autoritatis erant, nec ab eis provocare licebat. „
Sententia

Sententiam hanc stabilire quidem conatur Dominus de Marca variis Antiquorum testimoniis, sed ut plurimum ex Africanis scriptoribus, & Africanis Conciliis. In Africâ est, quod Cyprianus clamavit, illic uniuscuiusque causam audiendam, ubi est crimen admissum, & cum ex antiquo suæ gentis privilegio, minorum clericorum causas Concilio suo terminandas defenderet, eo res devenit, ut canone statutum fuerit de presbyteris, & clericis, ut non appellent nisi ad Africana Concilia, *ad transmarina autem qui putaverit appellandum, à nullo intra Africam in communionem suscipiatur.* Tenacior fuit Africa privilegiorum suorum conservatrix, hinc Ecclesia receptam semel consuetudinem abdicare noluit, quin potius, si credere fas est, Episcoporum suorum in Synodis congregatorum supremis judiciis augere tentavit, uti habes in synodicâ ad Cælestinum transmissâ, & in fine Codicis Africani relatâ. Turbidas Africanæ Synodi litteras in sui favorem arripuit Parisiensis Archiepiscopus, ac Iudicia Episcoporum æquè ac inferioris cleri inappellabilia fuisse tuetur, contrâ quem res hæc paulò altius repetenda est, & ex ipsâ Africâ refellenda.

Cod. Afric.

Can. Codic.

2. Privatus Lambesitanus in Provinciâ Numidiæ Episcopus in hæresim inciderat, inciderat & in gravia delicta Fortunatus Carthaginensis Ecclesiæ presbyter: uterque damnatur Synodaliter primus ob Hæresim Exepiscopus, secundus à quinque Hæreticorum Episcopis creatus Pseudoepiscopus: uterque insuper accedit Sedis Apostolicæ Præfulem prior Fabianum Papam, posterior Cornelium Fabiani successorem: hisque positis, Privati Romanam appellationem laudat Cyprianus, cum scribit, epist. 55. Privatum esse veterem hæreticum in Lambesitanâ Coloniâ ante multos fere annos, ob multa & gravia delicta nonaginta Episcoporum sententiâ condemnatum, Antecessorum etiam nostrorum Fabiani & Donati litteris notatum, qui cum causam suam apud nos in Concilio, quod habuimus idibus Maij, quæ proximè fuerunt, agere velle se diceret, nec admissus est. Fortunati verò appellationem ad Cornelium idem Cyprianus improbat epistolâ editionis Pamelij 58. Nam cum statutum sit omnibus nobis, & æquum sit Pariter ac justum, ut uniuscuiusque Causa illic audiatur, ubi est crimen admissum, & singulis pastoribus portio gregis sit adscripta, quam regat unusquisque & gubernet, rationem sui actus Domino redditurus, oportet utique eos, quibus præsumus, nec circumcursare, nec Episcoporum concordiam coharentem suâ subdola & fallaci temeritate collidere. & infra: jam causa eorum cognita est, jam de eis dicta sententia est. Et iterum: si iudicium nostrum vo-

Cyprianus.

F

luerint

luerint experiri, veniant. Mirari possent Cyprianicæ mentis ignari, cur venerandus ille Episcopus unum Romam accedentem & latum à Romano Episcopo Decretum laudet, alium vero Romam properantem improbet: at facilis est nodi dissolutio, si antiquum Africanæ Ecclesiæ morem inspiciamus, quo Africa minoris ordinis clerum Romam accedere nolebat, maioris verò ordinis Antistites liberè accedere permittebat. Enimverò Fortunatus erat unus ex quinque presbyteris, qui Cypriano è cathecumeno in Episcopum electo recalcitrarant, & iterum à Felicissimo Archidiacono Carthaginensi ob facinora damnati ad novum Schisma resuscitati erant. Cum enim Cypriano repugnarent citati presbyteri, Felicissimus quinque jam pridem ob hæresim & crimina Exepiscopos advocat Carthaginem, in quâ malignantium Synagogâ ex schismaticis supradictis presbyteris Fortunatus eligitur in Episcopum, ipsumque consecrat Privatus, & ideo quod ab Exepiscopis electus & consecratus erat in locum viventis Cypriani, fuit omninò illegitimè ordinatus: unde Cyprianus constanter tueretur, hunc Fortunatum ex gregis sibi commissi portione esse ovem non Pastorem, utique illam, cui præficeret. Sicque damnatum à se, cum erat minoris ordinis clericus & falso Episcopatus titulo insignitus, immeritò Romam accessisse, cum & eius & factionis suæ causa cognita erat, & de eis dicta sententia fuisset. Quodque hæc sit Cypriani mens, ulterius liquet ex responso ad S. Cornelij expostulationem eadem in epistolâ: *quod autem tibi de Fortunato isto Pseudoepiscopo à paucis & inveteratis hæreticis constituto, non statim scripsi, frater carissime, non ea res erat, quæ in notitiam tuam deberet per nos festinato statim, quasi magna aut metuenda perferri.* De rebus maioribus curam Apostolicæ Sedi incumbere, decens putabat Cyprianus, ideoque addidit: *neque enim ad Catholica Ecclesiæ maiestatem pariter ac dignitatem pertinere debet, quid apud se hæreticorum & Schismaticorum molitur audacia.* Nempè temerarium hæreticorum in promovendo Fortunato ausum existimabat irritum & nullum, indeque Fortunatum mansisse in gradu minoris ordinis, cuius appellationes transmarinas non ita probabat Africa. Aliud quid erat de causâ Privati, qui, cum legitimè ordinatus fuisset, & post Episcopatum dumtaxat in hæresim prolapsus, licet à Numidicâ nonaginta Episcoporum Synodo fuerat damnatus, *Antecessorum tamen Fabiani & Donati litteris notatum* Probat Cyprianus, quod ut rectè observavit Christianus Lupus parte 4. ad can. 20. dictatus Gregorij septimi, à suæ Provinciæ Numidicæ Synodo ad Primatiale totius

Diece-

Cyprian.

Dicecelis Synodum sub Donato Episcopo Carthaginiensi Provocasset, & ab hac iterum ad Apostolicæ Sedis Præsulem Fabianum, à quo uti & Donato eius damnatio erat confirmata.

3. At inquires, planè aliam fuisse Cypriani mentem constat ex causâ Basilidis Legionensis & Martialis Asturicensis, quos ob Idololatriæ crimen cum Episcopi Provinciæ Bæticæ deposuissent, & alios in eorum locum substituissent Episcopos, consultus Cyprianus de confugientibus ad Stephanum Papam Romanum Basilide & Martiali pro Episcopatus recuperatione, reposuit: debere Episcopos Hispanos primo iudicio adhærere. Verum respondeo, insigniter deviare pettum ex obiectione argumentum: Scribit Cyprianus ex relatione Episcoporum Hispaniæ, Basilidem & Martialem libellis Idololatria commaculatos, & nefandorum facinorum conscientiam vinctos Episcopatum gerere & Sacerdotium Dei administrare non oportere. Et recribit idem Carthaginiensis in Africâ Episcopus post habitum desuper Synodicum in Africâ Concilium, ipsos Episcopos propria crimina fuisse confessos, & sic sese indignos Episcopatu reddidisse, nec in tali casu subsidium à Sede Apostolicâ sperandum: Maxime cum jam pridem nobiscum & cum omnibus omnino Episcopis in toto mundo constitutis, etiam Cornelius collega noster, Sacerdos Pacificus ac justus, & Martyrio quoque dignatione Domini honoratus decrevit, huiusmodi homines ad penitentiam quidem agendam posse admitti, ab ordinatione autem cleri, atque Sacerdotali honore prohiberi. Quid manifestius? tales, qui idololatriæ crimine innodati erant, non potuisse ad Sacerdotalem aut potius Episcopalem honorem recipi, ex ipsâ Sedis Apostolicæ constitutione repetit magnus Carthaginiensis Episcopus Cyprianus epistolâ editionis Pamelij & Rigaltij 68. multò magis si crimen Idololatriæ ipsimet fuissent confessi, ut plebs & clerus ad Legionem Asturicæ & Emeritæ consistentes cum Felice & Sabino Episcopis in locum Basilidis & Martialis constitutis retulerant. Neque culpandus erat Stephanus, quod ut Appellantes Episcopos ipsos receperat, sed culpandos tantum edicit Cyprianus depositos Episcopos, quod Stephanum longè positum & gestæ rei ac tacitæ veritatis ignarum fefellerant. Enimvero Basilides tanquam iustè conqueri posset de iudicio Synodi, multa persuaserat Stephano Papæ de iudicij iniustitiâ, criminis impositione, aliisque causæ suæ faventibus, cum tamen ipsemet crimen suum confessus fuisset: post conscientiam propriâ confessione nudatam, inquit Cyprianus, & addit: quod Basilides adhuc insuper præter libelli maculam cum in infirmitate

Hispaniæ
Episcopi.

Cyprianus.

Cyprianus.

mitate decumberet, in Deum blasphemaverit, & se blasphemasse confessus sit, & Episcopatum pro conscientia sua vulnere spontè deponens ad agendum poenitentiam conversus sit. Quid manifestius? Basilides crimina sua confessus spontè Episcopatu cesserat, & ipsi cedenti legitimè à Provinciæ Episcopis successor datus est Sabinus, etiam plebe præsentè & suffragante: & reponit Cyprianus, nihil amplius exposulari posse: nec rescindere ordinationem jure perfectam potest, quod Basilides post crimina sua detecta, & conscientiam etiam propriâ confessione nudatam, Romam pergens Stephanum collegam nostrum longè positum, & gesta rei ac tacita veritatis ignarum fefellit, ut exambiret reponi se injustè in Episcopatum, de quo fuerat justè depositus. Non agebatur de Appellatione à judicio Synodico, sed repetitione Episcopatus, quo spontè cesserat Basilides, & licet per fraudem à Stephano Papâ tanquam injustè depositus Episcopatum sibi restitui Postularet, non accusat Cyprianus Stephanum, quod supremam Concilij Provincialis authoritatem infregisset, quod Synodi judicium retractare ausus sit, quod proprii juris terminos exceßerit: sed agit contra Basilidem, quod cum ei sponte cedenti legitimus successor datus esset, circumscriptus fraude & dolo esset Pontifex: *neque enim tam culpandus est ille, cui negligenter obreptum est, quam hic execrandus, qui fraudulenter obrepfit.* Similia dicenda esse de Martiali Asturicensis Ecclesiæ Episcopo, consequenter insinuat. Cum & ipse actis etiam publicè habitis apud procuratorem ducenarium obtemperasse se idololatria, & Christum negasse, contestatus sit. Et de idololatriis generaliter statuerit Cornelius Papa: Episcopatu indignos à Sacerdotali honore prohiberi. Et hæc tantum absunt, supremam Synodorum authoritatem promoverè, ut potius confirment, ad Romanos Pontifices spectare plenum post Provincialium Synodorum sententias de Episcoporum causis judicium.

4. Nec solum ex dato ad causam Basilidis & Martialis D. Cypriani Responso, sed ex Donatistarum in Africâ judicio colligere licet, hanc fuisse indubitatam Africanæ Ecclesiæ sententiam, Episcoporum judicia etiam apud iudices transmarinos retractari posse: S. Optato Milevitano testante Cœcilianus Synodicè à Donatistis sub Secundo Tigilitano Numidiæ Primate damnatus est, & cum acquiescere nollet judicio, pro ratione dedit, se communicare transmarinis Ecclesiis: nec reponunt primò Donatistæ, Provincialis Concilij judicio standum esse, & supremam authoritatem infringi non posse, sed ultrò transmarinos

marinos iudices postulant, quos Constantinus magnus Romam misit sub Melchiade papâ in Romano Concilio iudicatu-
 desiderabat Cæcilianus Carthaginien-
 ipsius desiderium illegitimum asserat, scribit magnus Augustinus
 epist. 162. *Neque enim de presbyteris aut Diaconis, aut inferioris ordinis clericis, sed de collegis agebatur.* Quod nimirum Episcoporum causæ
 possent tunc temporis retractari appellatione interpositâ, non ita
 presbyterorum aut inferioris ordinis clericorum querelæ. Quod autem
 inferior clerus appellare non posset à Synodis Africæ, erat præten-
 gentis canon vel consuetudo, cui tamen derogatum fuit iplis Africæ
 Synodis consentientibus in causâ Cælestij.

Augustinus.

5. Circa annum Domini. 412. Ut colligitur ex epistolâ Concilij
 Carthaginien-
 Concilium in causâ Cælestij, cuius fragmenta extant apud D. Au-
 gustinum lib. 2. de peccato originali cap. 2. 3. & 4. ex quibus videmus,
 Cælestium per Diaconum Paulinum fuisse convictum de negatâ
 originalis peccati traductione, & ob hunc aliosque errores damnatus
 fecit, quod scribit Marius Mercator in commonitorio: *à quâ sententiâ*
ad Romani Episcopi examen credidit appellandum. Ipsumque Paulinum
 magni quondam Ambrosii Mediolanensis Episcopi Diaconum, &
 ipsius Cælestij apud Patres Carthaginien-
 excepisse de supremâ Provincialis Synodi auctoritate, sed illico Ro-
 mam se contulisse coram Innocentio primo causam dicturum, testatur
 Paulinus in libello Zosimo Papæ oblato primùm per Cardinalem
 Baronium ad annum 418. publicato, postea per Philippum Labbeum
 tom. 2. Conciliorum inserto: *tunc nihil agere potui* (inquit Paulinus de
 suâ Romanâ per Innocentium evocatione) *quia is qui ad Apostolicam*
sedem provocaverat, defuit, quem oportuerat utique merita suæ appel-
lationis adstruere. Enimverò appellatione ad Innocentium interpositâ,
 Romam non contenderat Cælestius, sed inquit Marius Mercator:
mox idem ipse appellatione neglectâ Ephesum Asia urbem contendit, indeque
 post aliquot annos Constantinopolim petijt, ubi cum vitiis suis
 detectus tandem ad urbem Romam sub sanctæ memoriæ Zosimo Episcopo
 totâ festinatione perrexerit, ibique errores suos, de quibus apud Car-
 thaginem fuerat convictus, se condemnaturum promittens, à Zosimo
 papâ ad audientiam admissus est, qui cum epistolâ benignitate plenâ
 Basiliscum Subdiaconum suum ad Afros misit, & inquit Paulinus in
 libello jam citato: *melicet sermone Basiliscus Subdiaconus à tua beatitu-*
dine

Marius Mer-
cator.

Paulinus.

Marius Mer-
cator.

Paulinus.

dine cum gestis sedis Apostolicæ directis Carthagine convenit quarto Nonar. Novembr. Die, ut adessem ad Apostolicam sedem & tua iudicio sanctitatis: ad quam me fugisse suggestum est, nec defuturum fore promittere, si adversum me, & non pro me fuisset lata sententia. Evocatus fuit secundo Paulinus, nec post latum in Provinciâ iudicium conqueritur, appellationem à Zosimo Papâ admissam, seque iterato Romam evocatum, quin imò id laudat, & dato ad Zosimum libello planè extollit. Erat nimirum Paulinus sub D. Ambrosio edoctus, hinc & presbyterorum appellationes ad sedem Apostolicam in fidei causâ negligendas aut culpandas non credidit, licet & Africani in primis Episcopi aliquatenus ob Patriæ morem oblitendum crediderint.

Zosimus.

6. Enimvero initio Africanæ Ecclesiæ Præsules aliquatenus obstinuisse appellationi Cælestij, ac ægrè tulisse, à Zosimo fuisse susceptum, constat ex ipsius Zosimi epistolâ 10. ad Concilium Carthaginiense transmissâ, in quâ Pontifex non modo meminit rescriptorum, & querelarum, sed quod & scriperant, Cælestium esse illum, qui apud vos (sicut ipsi per litteras dicitis) fuerat accusatus. Contendebant nimirum, morem in Africâ observatum de non Appellando à Synodo Provinciali in causis Sacerdotum & minoris ordinis clëricorum: at litteris per Zosimum de supremâ Pontificiis autoritate exaratis vela verterunt Africani Præsules, feceruntque quod scribit Marius Mercator in commonitorio per Lucam Holstenium ex codice Palatino Vaticanæ Bibliothecæ descripto, & per Philippum Labbeum tomo 2. Conciliorum edito: Episcopis ex Africâ rescribentibus, omnemque causam, quæ apud eos facta fuerat exponentibus; missis etiam gestis exinde, quæ fuerant tunc cum illo vel de illo confecta, vocatur ad audientiam plenioram, & quæ promiserat, festinaret implere, id est, ut damnatis prædictis capitulis, sententia Afrorum Pontificum, qua fuerat communione privatus, absolveretur; non solum non adfuit, sed etiam ex memoratâ Romanâ urbe profugit, atque ob hoc à beata memoria prædicto Zosimo Episcopo scriptis amplissimis vel longissimis perdamnatus est. Quibus consonat D. Augustinus libro de peccato originali cap. 6. Interposito duorum mensium tempore, donec rescriberetur ex Africa, respiciendi ei locus sub quadam medicinali sententia lenitate concessus est.... sed posteaquam ex Africano Episcoporum Concilio rescripta directâ sunt, quid fuerit consecutum, ut iustissimè in eum sententia proferretur, cuncta legite, quia cuncta transmisimus. Succubuerunt nimirum Africani Episcopi, & ultro consenserunt, rem coram Zosimo Papâ retractari, quod ad eum Cælestij causa per appellationem esset devoluta.

Marius Mercator.

Augustin.

7. Hisce

7. Hisce in causâ Cælestij peractis, Apiarius presbyter Siccensis ob varia crimina excommunicatus, Cælestij vestigia insecutus Romam ad Zosimum Pontificem appellavit, quâ appellatione occasionem datam esse gravissimæ contentioni de minoris & Maioris cleri appellationibus, notum est apud omnes. At hic sese obijcit quædam difficultas, quam an aliquis rectè huc usque perpenderit, planè ignoro: quod occasione Apiarij Zosimus contenderit morem aliarum Ecclesiarum etiam circâ minoris ordinis appellationes introducere in Africam, & conveniunt eruditi, & patet ex totâ Africanorum Conciliorum Historiâ, ex qua colligitur, & ipsum Cælestinum id tentasse per Faustinum: *Volens eum* (Apiarium scilicet secundò damnatum & ad Cælestinum appellantem post communionem à Sede Apostolicâ indultam) *à nobis in communionem suscipi*, inquit in literis Synodicis ad Cælestinum Africani Antistites: quoposito, meritò quaeritur, quid ergo sibi velit Zosimus Papa, dum in commonitorio Faustino & legatis concessis tertio loco posuit: *De tractandis presbyterorum & Diaconorum causis apud finitimos Episcopos, si à suis excommunicati perperam fuerint*. Enimverò tractandas inferioris cleri causas in Provinciis consentiebant palam Africani Episcopi variis in Conciliis signanter in illo, quod 2. Milevitanum dicitur, ubi canone 22. *Item placuit, ut presbyteri, Diaconi, vel ceteri inferiores clerici, in causis, quas habuerint, si de iudicio Episcoporum suorum questi fuerint, vicini Episcopi eos audiant: & inter eos, quidquid est, finiant adhibiti ab eis, ex consensu Episcoporum suorum*. Hæc cum planè consentire videantur verbis Zosimi ex commonitorio citatis, quaeri meritò potest, quid ergo de iudicio minoris ordinis cleri disceptari mandet cum Africanâ Ecclesiâ Pontifex, & quomodo Apiarij appellationem defendere potuerit? fateor hoc mihi quandoque difficile visum fuisse, at re funditus perspectâ, apparuit difficultatem facillimè enodari posse: enimverò iudicaverat Cælestij causam Romæ Pontifex Zosimus, sed consideratâ Afrorum Episcoporum querelâ de susceptâ Cælestij Appellatione extrâ Provinciam, ubi testium defectu facilis est deceptio, aliud consilium iniit, & Faustinum Potentinæ in Italiâ Ecclesiæ Episcopum cum duobus Romanæ Ecclesiæ presbyteris in Africam misit, ibi cum Provinciæ Episcopis causam retracturos. Moritur interim Zosimus, & sub Bonifacio Primo eius successore causam prosequuntur legati convocato ad id Concilio Carthaginiensi sexto sub Arelino eius civitatis Episcopo, quo rogante, ut monitorium Zosimi recitetur, pro appella-

Synod. Afric.
ad Cælestin.

Zosimus in
commonit.

Canon. 22.
Milevitan.

Faustinus.

Africani in
Epistolâ ad
Cælestinum.Concilium
African. ad
Bonifac.Synod. Afri-
cana ad Cæ-
lestinum.

appellationibus Episcoporum allatus est canon 7. Sardicenis sub nomi-
ne Nicæni, & pro Appellationibus cleri canon 14. Sardicenis, in
quo, cum solum habeatur, abiectum habere potestatem, *ut finiti-
mos interpellat Episcopos*, ne quis inde concludat cum Hincmaro Re-
menli epist. 47. ad Ioannem 8. Pontificem voluisse, illos dumtaxat
Clericos ad se appellare posse, qui vicini adjacent, notandum à Fau-
stino Africanos fuisse monitos, aliqua non modo canone teneri, sed
& consuetudine firmari: quod nimirum consuetudine antiquitus in
Ecclesiis receptâ liceret à Provincialibus Episcopis Romam appellare,
ut quod ipsa Africa passa esset in Cælestio, jam quoque pati deberet
in Apiario, cuius interpositæ appellationis causâ Faustinum in Africam
miserat cum Provincialibus Episcopis sententiam dicturum: & hunc
quidem esse genuinum Canonis Sardicenis sensum à Zosimo inten-
tum, lucet ex Patrum Africanorum interventione, qui hunc cano-
nem præeunte D. Augustino admittendum duxerunt ad Concilij dum-
taxat Nicæni inquisitionem, & ex rei eventu, cum Africani Episcopi
testentur: *adveniente sanè ad nos Sancto fratre & Coepiscopo nostro Fau-
stino, Concilium congregavimus, & credidimus idèd cum illo missum
(Apiariū) quoniam sicut per eius operâ presbyterio ante redditus fuerat, ita
nunc posset de tantis criminibus à Tabracenis obiectis eo laborante, purgari.*

8. Pro quorum pleniori intelligentiâ notandum omninò, Faustino
cum Philippo & Afello presbyteris à Zosimo missis pro Apiarij causâ,
ipsum Faustinum, post admissos usque ad Concilij Nicæni inquisitio-
nem laudatos ex commonitorio canones, sub Bonifacio effecisse,
quod Apiarius presbyterio redditus fuerit, sicque eius operâ factum,
fuisse, quod in epistolâ ad Bonifacium primum constitutum scribunt
Africani Episcopi: *ut de Siccensi Ecclesiâ retento scilicet honore gradus
sui, presbyter removeretur Apiarius, & accepto epistolio, ubicumque
alibi vellet & posset, presbyterij munere fungeretur, quod, addunt
Patres, eidem ipsi per literas proprias postulanti sine difficultate concessi-
mus.* transit itaque presbyter Apiarius Faustini operâ ad Ecclesiam
Trabacenam, in quâ cum novis delictis esset involutus, à Trabacenis
accusatus secundam appellationem interposuit ad Cælestinum Boni-
facij Papæ successorem, per quem communioni redditus fecit Faustinus,
quod Concilium Africanum scripsit ad Cælestinum Pontificem: *quan-
tum obstiterit (Faustinus) omni congregationi diversas iniurias ingeren-
do quasi Ecclesiâ Romana asserens privilegia, & volens eum (Apiarium)
à nobis in communionem suscipi, quem tua sanctitas credens appellasse,
quod*

quod probare non potuit, communioni reddiderit. Addunt ob Apiarij fraudes afflictissimos fuisse Africanos Episcopos, & cum vario examine inquirerent, nefandas suas turpitudines propriâ confessione enudasse: tandem de omnibus incredibilibus opprobriis ultroneus se ipse convicit. Et hinc est, quod demum supplicarunt, futuras interioris cleri causas relinquendas Provincialium Synodorum iudicio, hocque testimonium emittunt, in quo est tota de Africanæ Ecclesiæ sententiâ contentio: præfato itaque debita salutationis officio, impendio deprecamur, ut deinceps ad vestras aures hinc venientes non facilius admittatis, nec à nobis excommunicatos in Communionem ultra velitis excipere, quia hoc etiam Nicæno Concilio definitum facile advertet venerabilitas tua. Nam & si de inferioribus clericis vel de laicis videtur ibi præcaveri, quanto magis hoc de Episcopis voluit observari? ne in suâ Provinciâ à communionem suspensi à tuâ sanctitate præproperè vel indebitè videantur communioni restitui. Presbyterorum quoque & sequentium clericorum improba refugia, sicut te dignum est, repellat Sanctitas tua, quia & nulla Patrum definitione hoc Ecclesiæ derogatum est Africana, & decreta Nicæna sive inferioris gradus clericos, sive ipsos Episcopos suis Metropolitanis apertissimè commiserunt. Prudentissimè enim justissimèque viderunt, quacumque negotia in suis locis, ubi orta sunt, finienda: nec unicuique Provincia providentiæ gratiam Sancti Spiritus defuturam: quæ æquitas à Christi Sacerdotibus, & prudenter videatur, & constantissimè teneatur: maxime quia unicuique concessum est, si iudicio offensus fuerit cognitorum, ad Concilia sua Provincia, vel etiam universale provocare. Addunt, ipsum transmarinum iudicium defectu testium circumscribi posse, nam ut aliqui tanquam à tuâ Sanctitatis latere mittantur, nullâ invenimus Patrum Synodo constitutum. Quia illud quod pridem per eundem Coepiscopum nostrum Faustinum, tanquam ex parte Nicæni Concilij exinde transmisistis, in Conciliis veterioribus, quæ accipiuntur Nicæni, . . . tale aliquid non potuimus reperire.

9. Hæc patres Africani ad Cælestinum Papam, quæ omnia reduci possunt ad duo capita, quorum prius est de presbyteris, quos Synodis Provinciæ contentos esse debere, docent ex pluribus. Ac primò quidem ex Nicæno Concilio, ex quo tamen id non magis sequitur, quam Episcopos appellare non posse. Secundò ex antiquo Ecclesiæ suæ more nulla Patrum retractatione abrogato. Et hoc à vero non videri alienum, si definitionem Patrum Africanorum intelligas, ipsi Patres Africani non semel sed sæpius docuerunt, signanter vero cano-

G

nc 22.

Canon 22.
Concil. Mi-
levit. 2.

ne 22. Concilij Milevitani secundi canonibus inserto: *Item placuit, ut presbyteri, Diaconi vel ceteri inferiores clerici, in causis quas habuerint, si de iudiciis Episcoporum suorum quasi fuerint, vicini Episcopi eos audiant: & inter eos, quidquid est, finiant adhibiti ab eis ex consensu Episcoporum suorum. Quod si & ab eis provocandum putaverint, non provocent nisi ad Africana Concilia, vel ad Primate provinciarum suarum, ad transmarina autem qui putaverit appellandum, à nullo intra Africam in communionem suscipiatur.* Quoniam tempore hic canon constitutus sit, non adeo constat. Putat Baronius & cum eo plures eruditi, non esse Concilij Milevitani præterquam octo primos canones, de quo postea, cum hic sufficiat, hunc canonem post tempus Zosimi constitutum, idque illo præsertim tempore, quo Patres Afri ob Cælestij & Apiarij fraudulentas appellationes, eadem putarunt non amplius admittendas, sed nec Faustinum legatum, ut cum Provincialibus Episcopis iudicaret, uti scriperant ad Cælestinum Papam: Nam

Africani epi-
stolâ Synod.
ad Cælestin.

de fratre nostro Faustino (amotum jam pro suis nefandis nequitis de Christi Ecclesiâ dolendo Apiario) securi sumus, quod eum probitate ac moderatione tua Sanctitatis, salva fraterna Caritas ulterius in Africâ minimè sustinere patiat. Duravitque hæc consuetudo, ut animadvertit Christianus Lupus pte. 1. ad can. 14. Sardicensem usque, ad Gregorium

Lupus.

„Magnum: „eam vero in manus Gregorij Magni jam pridem Afro-
„rum Episcopi cesserant, ideoque stupenda est Hincmari præsump-
„tio, tentantis resuscitare mortuam, eiusque fœtidos cineres per
„Galliam seminare. In Afras naturâ fuscas, Gallicanæ aut Germani-
„cæ cutis candorem ambientes feminas rectè Tertullianus in libro
Tertullian.
„de eârû cultu: *pudet eas nationis, quod non Germanæ atque Galle
„sint procreata.* Ex adverso Hincmarus Gallos quoad Ecclesiastica
„iudicia tentabat facere. „Hæc Lupus respiciens ad locum Hinc-
mari Remensis supra indicatum, quæ sufficiant de minoris cleri ap-
pellatione.

10. Posterius est de Episcoporum causis, quas & volunt in Synodis Provinciæ terminari debuisse ob dolos & fraudes Antonij Fussalensis, quibus circumveniebat Sedem Apostolicam rei gestæ ignaram. Adferunt in testimonium Nicæni Concilij Canonem, qui Episcopos suis Metropolitans committit; at quis inde concludet, Metropolitanorum iudicia esse supremæ autoritatis? Unicuique Episcopo, teste Cypriano, portio gregis est commissa, at quis tam parum in antiquitate versatus, qui inde concludet, Episcoporum iudicia esse suprema? ad-
ducit

ducit tamen hanc errantium opinionem pro suâ sententiâ Petrus de Marca, cui reponit Christianus Lupus parte 4. ad canon. 20. dictatus „ Gregorij 7. „ Turbida hæc Africanæ Synodi sensa esse jam dudum Lupus. „ proscripta atque damnata ab omni Ecclesiâ, ideoque nimis indig- „ na, ut vocentur in veritatis testimonium. „ Addunt Patres Afri- cani, de inferioribus & laicis præcaveri à Nicæno, ne à Synodorum judiciis appellent, *quanto magis hoc de Episcopis voluit observari*; at posito quod clericorum causæ debuerint juxtâ Nicænum in Provinciis terminari, quis inde concludere potest, id magis locum habere in Episcopis, cum id minus locum habere suadeat dignitas Episcopalis, & id nullatenus sequi debere, ostendat perpetua Africanæ Ecclesiæ consuetudo, quæ istâ appellatione uti permisit Episcopis, non presbyteris aut minoris ordinis clericis.

11. Scio quidem opponi à Parisiensi Archiepiscopo canonem Africanum ex codice canonum Ecclesiæ Africanæ tit. 28. *non provocent* (presbyteri) *ad transmarina judicia, sed ad Primates Provinciarum suarum, aut ad universale Concilium, sicut & de Episcopis sæpè statutum est.* Urget hoc testimonium Dominus de Marca libro. 6. cap. 14. §. 4. & lib. 7. cap. 16. §. 5. At quorsum hæc omnia? numquid expressè habetur, presbyteros à Provinciæ Synodis damnatos posse appellare ad universale totius Africæ Concilium? quod si ita, an lucidius testimonium adferri possit ad destruendam supremam Conciliorum Provincialium authoritatem, vix scio. Magis profectò consequenter locutus est Christophorus Iustellus, cuius operâ Codex Canonum Ecclesiæ Africanæ græcolatinus prodiit, qui animadvertit hæc verba: *aut ad universale Concilium Confirmari epistolâ Synodicâ ad Cælestinum Papam: unicuique concessum est, si iudicio offensus fuerit cognitorum, ad Concilia sua Provincia, vel etiam universale provocare.* Et canone. 120. eiusdem codicis ex Concilio Carthaginienli ann. 418. *si provocandum putaverint, non provocent nisi ad Africana Concilia, vel ad Primates Provinciarum suarum.* Colligit quidem ex illo ultimo Iustellus, juxtâ Afros non licuisse appellare ad transmarina judicia à plenario Africæ Concilio, sed ipso adversæ religionis teste, manifestè evincitur ex Canonibus Africanis, Provinciales Synodos esse appellabiles, unde corrui Parisiensis Archiepiscopi sententiâ ex Afrorum iudicio stabilita.

12. Quoad locum codicis ex titulo. 28. *sicut & de Episcopis sæpè constitutum est*, ex quibus Parisiensium Archiepiscopus tuetur, quod ne quidem licitum fuerit Episcopis Africanis, trans mare appellare,

G 2

notandum

Codex Ca-
nonum Afri-
canæ Eccles.

Episcopi
African.

notandum omnino, hæc verba esse supposititia, ex quibus error tam iniurius sedi Apostolicæ stabilitur: tantum enim abest, ne quidem licitum fuisse appellationes transmarinas Episcopis Afris, idque sæpius constitutum fuisse, ut nullus Africanæ Synodi canon id constituerit unquam, nec ipse canon. 22. Concilij Milevitani secundi, quem ibi codex canonum allegat, id ullatenus habeat: signum manifestum, id fuisse additum à quodam æmulo Romanæ Ecclesiæ. Nec juvat dicere cum Parisiensi Archiepiscopo de Marca, hunc codicem esse Concilij Carthaginensis sexti: nam Concilium illud canonem 22. Milevitanum non retulisse cum hæc clausulâ, *sicut & de Episcopis sæpè constitutum est*, vel exindè apparet, quod si collectio hæc interpolata non sit, editam oportuerit tempore Bonifacij 1. & firmatam ac transmissam anno Domini 419. à Concilio Carthaginensi 6. ad Sedem Apostolicam: illo autem tempore Patres Africani non potuerunt ita sentire de Episcoporum appellationibus, quia citatis Sardicenis Concilij Canonibus, feruntur omnes 217. Africani Episcopi ibidem congregati consensisse Alipio Tagastensis Ecclesiæ Antistiti dicenti: *de hoc jam superioribus etiam literis Concilij nostri rescriptimus, & id nos servaturos profitemur*. Unde patet & in primâ sessione Episcopos Africanos promississe, se servaturos canones Sardicenses de appellatione, *donec integra exemplaria Nicæna veniant*. Eadem profitentur in epistolâ Synodicâ ad Bonifacium primum, ut exindè constet, usque ad hanc Synodicam anno 419. Bonifacio directam Africanos nihil omnino decidere voluisse contrâ Appellationes transmarinas Episcoporum, quin imò illas permisisse, & tunc fuisse amplexos: quâ igitur fronte dici potest, Patres Synodi 6. tunc canoni 22. Milevitano addidisse clausulam contrâ Appellationes Episcoporum in Codice Canonum Africanæ Ecclesiæ post primam sessionem ante Synodicam ad Bonifacium epistolam confecto. Sanè vel hoc unum sufficiens indicium est, clausulam illam postea à quodam fuisse Codici Canonum insertam, ut observat Dominus David de iudicio Canonico Episcoporum cap. 12. art. 2. vel si mavis, totum Codicem Concilio Carthaginensi sexto imperitè à scio aliquo & Romanæ potestatis æmulo tributam, ut fufius ostendimus infrâ.

13. Ne tamen res ista sine exemplo dimittatur, illustrè posteritatis memoriæ consecravimus magnus Africanæ Ecclesiæ splendor Augustinus, idque eo ipso tempore, quo Africa ius appellationum putatur voluisse infringere. Antonius Fussalensis in Numidiâ Episcopus ob crimina agente

agente contrà eum Augustino, qui illi sedi ipsum præficiendum curaverat, à Provinciæ Episcopis Synodaliter depositus fuit ab Episcopatus administratione, relicto illi sedis titulo. Appellat hic ad Bonifacium Papam, eique offert Romæ litteras commendatorias à Numidiæ Primatè impetratas, ac sententiæ reclamationem dicens: *aut in meâ Cathedrâ sedere debui, aut Episcopus esse non debui.* Audito Antonio in favorem eius rescribit Bonifacius, eoque defuncto in tantum favere perrexit eius successor Cælestinus, ut Fussalensibus etiam invitis Episcopum reddere niteretur famâ per Africam vulgatâ, Cælestinum executores missurum, qui Antonium armatâ manu sedi suæ restituerent. Audit hæc D. Augustinus, & epist. 261. ad Cælestinum Papam rationi in primis Antonij Fussalensis reponit, sæpius accidisse, ut Episcopis Africanis honor Episcopatus relinqueretur ademptâ administratione eiusdem: Existat, inquit, exemplo ipsâ Sede Apostolicâ judicante, vel aliorum judicia firmante, quosdam pro culpis quibusdam nec Episcopali spoliatos honore nec relictos omnimodis impunitos: quæ, ut à nostris temporibus remotissima non requiram, recentia memorabo. Clamet Priscus Provincia Casariensis Episcopus: aut ad Primatum locus sicut cæteris & mihi patere debuit; aut Episcopatus mihi remanere non debuit. Clamet alius eiusdem Provincia Victor Episcopus, cui relicto in eadem pœnâ, in quâ & Priscus fuit, nusquam nisi in Diœcesi eius ab alio communicabatur Episcopo: clamet inquam, aut ubique communicare debui, aut etiam in meis locis communicare non debui. Clamet tertius eiusdem Provincia Laurentius Episcopus, & prorsus huius vocibus clamet: aut in Cathedrâ, cui ordinatus sum, sedere debui, aut Episcopus esse non debui. Hæc Augustinus de his, qui Sede Apostolicâ judicante, vel aliorum, ut scribit, judicia firmante damnati fuerant, ex quibus verbis habemus manifestum pro jure appellationum Africanæ Ecclesiæ testimonium. Quomodo enim Episcopi Afri damnati fuissent Sede Apostolicâ judicante, nisi appellatione interpositâ? pergit Augustinus precari, ne executores armatâ manu mittantur in Africam. *Subveni hominibus*, inquit epist. ad Cælestinum, *opem tuam in Christi misericordiâ multò avidius, quam ille poscentibus, à cuius inquietudine desiderant liberari: judicia quippe illis & publicas potestates, & militares impetus, tanquam executores Apostolica sedis sententiam, sive ipse sive rumores creberrimi comminantur: ut miseri homines Christiani Catholici graviora formident à Catholico Episcopo, quam cum essent hæretici à Catholicorum Imperatorum legibus formidabant. Non sinas ista fieri, obsecro te per Christi san-*

Antonius
Fussalensis.

Augustinus.

guinem, per Apostoli Petri memoriam, qui Christianorum prapostos popu-
lorum monuit, ne violenter dominantur inter fratres. Hæc Augusti-
nus, ad quæ Annalium parens Baronius ann. 419. rectè adnotat, ex
ijs intelligi, quidnam ex Concilio Carthaginiensi ad eundem Cæle-
stinum Pontificem Episcopi rescribentes voluerint, ne *sumosum typhum*
sæculi in Ecclesiam Christi induci sineret, de quo loco fufius in notis
ad hanc Epistolam Synodicam.

Leo M.

14. Augustino Pontificem Romanum adiungo Leonem scilicet
sedis quondam Apostolicæ splendorem: ille enim epistolâ 87. ad Epi-
scopos per Mauritaniam Cæsariensem constitutos habet inter alia: cau-
sam quoque Lupicini Episcopi illic jubemus audiri: cui multum &
sapius postulanti communionem hac ratione reddidimus, quoniam ad
nostrum iudicium provocasset, immeritò eum pendente negotio, à com-
munionem videbamus suspensum. Adiectum etiam illud est, quod huic temerè
superordinatus esse cognoscitur, qui non debuit ordinari, antequam
Lupicinus in præfenti positus aut confutatus, aut certè confessus iustæ pos-
set subiicere sententia: ut vacantem locum, quemadmodum Disciplina
Ecclesiastica exigit, is, qui consecratur, exciperet. Verba hæc com-
mentario nostro non indigerent, nisi novissimè Quesnellius in notis
ad hanc Leonis epistolam eam si non supposititiam saltem interpolatam
esse contendisset, ac præcipuè quoad partem, quæ de Lupicino tractat,
quam perturbatis persecutionis Africanæ temporibus, & illius Ecclesiæ
moribus & disciplinæ contrariam esse tueretur, pro ratione subiungens:

Quesnel.

„ norunt enim omnes, quantopere abhorrebant Africani ab appella-
„ tionibus transmarinis, qui in Concilio Carthaginiensi, quod
„ sextum vocant, & in epistolâ posterioris etiam Concilij ad Cælesti-
„ num Papam ignotæ sibi huic disciplinæ subiicere se recusarunt: „
his adiungit, quatuor manuscriptos codices optimæ notæ hanc Leonis
Magni epistolam habere, sed sine illo capite de Lupicino, & demum
palmare profert argumentum, quod *sexcentorum instar* habet, Cres-
conium nimirum, cum Pontificum decreta refert, ne verbum quidem
ex hac Leonis ad Mauros cæsarienses epistolâ excerptis, signum
inquit, in Dionysij Exigui collectione, se illam epistolam non invenisse.
Sed siste parum amice lector, & mecum mirare, quam levi funda-
mento aliqui exurgant in veneranda antiquitatis monimenta. Epistola
illa Leonis Magni in omnibus manuscriptis codicibus reperitur,
quotquot ex venerandâ antiquitate nostro sæculo superesse noscuntur:
ipse Quesnellius epistolam illam ad Mauros ex quatuor M. SS. Codi-
cibus

cibus operibus Leonis magni inseruit, atque agminis ductricem primo loco posuit, & Epistola hæc supposititia erit? Stylus Leonem sapit, & ex verbis tanquam ex ungue Leonem noscimus, & epistola Leonis non erit? Lupicini causa moribus Africanis à Quesnellio prætensis fomenta potius præberet, quam ijs detraheret, & interpolata erit? Lupicini causa, in pluribus & antiquissimis codicibus manuscriptis huc usque reperitur: Hincmarus Remensis in opusculo 55. capitum adversus Hincmarum Laudunensem cap. 5. ex Leonis ad Mauros epistolâ Lupicini causam laudavit: in additione 4. ad Capitularia Caroli Magni & Ludovici Pij habetur titulo XVII. *De causâ Lupicini Episcopi ex epistolâ Leonis Papa Africanis Episcopis directâ*: omnes manuscripti Codices, qui ad exemplar ab Hadriano 1. quondam Carolo magno Romæ oblatum conscripti videntur & in Bibliothecâ Regiâ, in Thuaneâ, in Seguerianâ, in monasterio S. Germani Parisiensis & monasterio sancti Galli inveniuntur, illud de Lupicino continent: Dionysius Exiguus Abbas Romanus, qui 70. tantum annis post Leonem floruit, & ex scriniis Apostolicæ sedis decreta, quæ in unum congeffit codicem, mutuavit, hanc Leonis ad Mauros epistolam sub titulo 49. Codici suo inseruit, & *in causâ Lupicini Episcopi* intitulavit: & pars ista supposititia erit? credant, qui velint epistolam hanc sancti Leonis interpolatam esse, illud de Lupicino Episcopo adiectitium non est, sed genuinum Leonis decretum: cum enim Lupicinus Sedem Apostolicam appellasset, & Africani quidam Episcopi ex ignorantia Sardicensium canonum, appellanti Episcopo alium superordinassent, facto illi repugnat Leo Magnus, & ex Canone Sardicensi disciplinam Ecclesiasticam proponit, nec dubium, quin Africana Ecclesia ad tanti Pontificis monitum ignorantiam suam aghoverit, & ad temeritatem suam rubore perfusa, vela verterit, & Petri Privilegia postmodum venerata fuerit, cuius successorum jura in Petri Cathedrâ toties venerabundè agnovit.

Capit. Caroli Magni.

Dionysius Exiguus.

CAPVT

CAPUT VIII.

Quod Africana Ecclesia supremam Romani Pontificis auctoritatem semper agnoverit.

1. Licet ex motibus Africanis tanquam equo Troiano schismatici armati prodierint contra Sedis Apostolicæ auctoritatem, Africana tamen Ecclesia à suis primordiis eam, Tertulliano & Cypriano testantibus, reverita fuit.
2. Post Cypriani tempora exorti Donatistæ, quorum causa ab Imperatore ad Melchiadis tribunal transmittitur, ad eumque spectasse iudicium, S. Optatus & Augustinus testantur: nec Romani Pontificis auctoritatem in totum contempsere Schismatici, cum constet eos sibi Episcopum in urbe Româ constituisse.
3. Quod Ecclesia inter suas dotes habeat Primam de Cathedrâ, afferebant Donatistæ & contra eos urgebat S. Optatus Donatistarum malleus, cuius locus expenditur de successione Episcoporum in Cathedrâ Romanâ.
4. S. Optato accedit testimonium D. Augustini, qui successioni Pontificum à Petro descendentium opponit successionem Donatistarum à Victore Garbiensi inchoantium.
5. Auctoritatem Pontificiam varia Africanorum monimenta exhibent, & Afrorum in causâ Pelagij ad Sedem Apostolicam transmissâ venerationis testimonia laudat Innocentius Primus.
6. Post Augustinum illustre testimonium de Romanâ Ecclesiâ tanquam capite omnium Ecclesiarum dedit Eugenius Carthaginensis Episcopus à Victore Viteni laudatus, cui non ignobile adijciunt 217. Episcopi ann. 534.
7. Aliud testimonium exhibet observantia Africana Ecclesiæ in Pyrrho Sedi Apostolicæ sistendo, & alia Synodica trium Provinciarum Africa anno 646. ad Theodorum Papam transmissa.

1. **E** Tiam si Africanam Ecclesiam tenaciorem privilegiorum suorum conservatricem fuisse clament exortæ toties in rebus Ecclesiasticis difficultates, in vanum tamen ex turbato sæpius rerum statu
Africana

Africana arma in sui defensionem sumere conati sunt novatores hæretici. Africana Ecclesia est, quæ numquam Sedi Apostolicæ nisi cum errore restitit, & postremò ignorantiam suam semper erubuit. Africana Ecclesia est, quæ illustra suæ erga Sedem Apostolicam submissionis documenta fræquentissimè exhibuit, & à suis Primordiis devoti animi signa posteritati consecravit. Florebat parum post ipsius exordia perantiquus Carthaginiensis Ecclesiæ presbyter Tertullianus, qui nondum hæreticus libros de præscriptionibus edidit, in quibus hæreticos omnes ad Romanam Ecclesiam remisit, ut ab illà tanquam fidei magistrâ traditiones ediscerent, & puncta religionis Catholicæ mutarent: verba Tertulliani dabimus infrà initio dissertationis sequentis, contenti hic addere testimonium primitivorum in Africâ fidelium, quibus decretum Stephani Papæ, quod emiserat in causâ mæchorum tanquam *Pontifex maximus, & Episcoporum Episcopus*, erat *peremptorium*. Expositione verba non indigent, Tertulliani sunt ex libro de pudicitia desumpta, quibus in causâ lapsorum æquè præclare concinit D. Cyprianus, cum post Cornelij ad Pontificatum assumptionem in causâ lapsorum agnoverit eum, qui cum auctoritate & consilio potuerit habere rationem, quamobrem statutum suum de recipiendis in Ecclesiam lapsis secundò Romam misit adjungens: *quod credimus vobis quoque paternâ misericordiâ placiturum*. Cornelium Patrem, non collegam solum, indigitat, quod sicut præ magnitudine suâ Carthaginem Roma præcessit, ita auctoritate Carthaginiensem Romanus Pontifex antecelleret: unde & Romam ex Africâ navigantes sese admonuisse fateetur in epistolâ ad Cornelium Cyprianus, *ut Ecclesia Catholica matricem, & radicem agnoscerent, & tenerent*. Et in epistolâ 55. Cornelij sedem vocavit *Petri Cathedram*, atque Ecclesiam principalem, unde unitas Sacerdotalis exorta est: & libro de unitate Ecclesiæ hæreticos refellit à Sedis Apostolicæ communione separatos: *qui Ecclesia renititur & resistit, qui Cathedram Petri, super quam fundata est Ecclesia, deserit, in Ecclesiâ se esse confidit?* agit contrâ Novatianos schismaticos, & cum ipse Cyprianus cum suis Afris ob errorem de rebaptizatione hæreticorum à Stephano excommunicationis sententiâ terrentur, palam, teste Augustino, professus est, se à Sedis Apostolicæ communione nolle divelli, & in maximo suo Zelo constitutus aliud non edixit ad Episcopos Carthaginiensis Concilij, quam: *neque enim quisquam nostrum Episcopum se esse Episcoporum constituit: aut tyrannico terrore ad obsequendi necessitatem collegas suos*

H

adigit.

Cyprianus.

adigit. Quibus verbis alludit ad Stephani Papæ decretum, quo ut Episcoporum Episcopus sub excommunicationis terrore Afros à rebaptizationis errore iussit resipiscere, & antiquam Ecclesiæ consuetudinem iterum amplecti, prout Cyprianum fecisse cum suis existimat Augustinus epist. 48.

2. Proruperunt post Cypriani tempus in schisma Donatistæ, ac Maiorino contrà Cæcilianum substituto egerunt cum Imperatore Constantino pro iudicibus transmarinis: causam verò istam Constantinus anno 313. remisit ad Melchiadem Papam, iubens Cæcilianum cum. 10. suæ partis, & 10. adversæ partis Episcopis Romam prope-
 rare causam coram Melchiade dicturos, quemadmodum, inquit Constantinus epistolâ ad Melchiadem versionis Valelianæ, *sanctissima legi convenire optimè nosti*. Sciebat Imperator nondum baptismo initiatus, Petri successores obtinere Primatum Ecclesiæ: nec Afri obtiterunt, sed Romam coram Melchiade causam dixere, ubi & sanctissimus Pontifex sententiam in Donatum protulit, & Cæcilianum
 S. Optatus. *communione Ecclesiastica integro statu retinendum meritò esse censuit*, post quæ S. Optatus Milevitanus lib. 1. sufficit ergo & Donatum tot
 Augustin. *sententijs esse percussum, & Cæcilianum tanto iudicio esse purgatum*. Addit Augustinus epist. 162. *qualis ipsius Melchiadis ultima prolata est sententia, quam innocens, quam integra, quam provida, atque pacifica? . . . o Patrem Christiana plebis*. Et suprâ: *an forte non debuit Romana Ecclesiæ Melchiades Episcopus cum collegis transmarinis Episcopis sibi usurpare iudicium, quod ab Afri 70. ubi Primas Tigistanus præsedet, fuerat terminatum?* lucidè testatur, Pontificem Romanum ut communem plebis Christianæ Patrem potuisse de rebus etiam in Africæ Concilio terminatis assumere iudicium, & in eo obtentâ pro sese sententiâ Cæcilianum Carthaginiensem Episcopum jam potuisse non curare conspirantem multitudinem inimicorum, cum se videret Romanæ Ecclesiæ . . . per communicatorias litteras esse conjunctum. Scribit de conspirante inimicorum multitudine, pro quâ sedandâ, duò
 S. Optatus. *Episcopi, teste S. Optato Milevitano lib. 1. ad Africam missi sunt Eunomius & Olympius, ut remotis duobus unum ordinarent*. Et ubi legatorum Sedis Apostolicæ auctoritate plebs Catholica Cæciliani agnovit, *hoc seditiosa pars Donati fieri passa non est*. Hæc enim cum cerne-
 ret, Cæcilianum à Romano Pontifice & Constantino Imperatore in Sede Carthaginiensi firmatum, seipsam à communione fidelium separavit, Ecclesiam Donati in meridie constitutam unicam superesse
 somnians,

sonnians, cui in urbe Româ Episcopum præfecit. Qua in re illud dumtaxat notandum existimo, tam indubium fuisse antiquioribus Afris, Sedem Apostolicam caput esse totius Ecclesiæ, ut Donatistæ suam Ecclesiam non existimarent sine Romano partis suæ Episcopo rectè ordinatam: *Isti hæretici*, inquit D. Augustin. lib. de hæresibus D. Augustin. cap. 69. in urbe Româ montenses vocantur, quibus hinc ex Africâ solent Episcopum mittere, aut hinc illuc Aphri Episcopi eorum pergere, si forè ibi eum ordinare placuisset.

3. Clamaverint itaque post Cæciliani tempora Donatistæ cum Parmeniano suo Principe, Ecclesiam dotes suas habere, inter quas *Cathedra est prima*. Negare non potes, reponit, S. Optatus lib. 2. contra S. Optatus. Parmenianum, Scire te, in urbe Româ Petro primo Cathedram Episcopalem esse collatam, in quâ sederit omnium Apostolorum caput Petrus, unde & Cephas appellatus est: in quâ unâ Cathedrâ unitas ab omnibus servaretur, ne ceteri Apostoli singulas sibi quisque defenderent: ut jam schismaticus & peccator esset, qui contra singularem Cathedram alteram collocaret. Ergo Cathedra unica, quæ est prima de dotibus, sedit prior Petrus, cui successit Linus. . . . Siricius hodiè, qui noster est socius, cum quo nobis totus orbis commercio formatarum in unâ communionis Societate concordat. Vestra Cathedra vos originem reddite, qui vobis vultis Sanctam Ecclesiam vindicare. Sed & habere vos in urbe Româ partem aliquam dicitis: ramus est vestri erroris, protentus de mendacio non de radice veritatis. Sic nimirum Donatistarum insaniam refellit S. Optatus, & constitutum suo tempore à Donatistis Romæ Macrobius Episcopum ramum docet erroris protentum de mendacio, non de radice veritatis. Radicem enim veræ successionis à Petro Apostolorum Principe desumit, in cuius unâ Cathedrâ unitas ab omnibus erat servanda, id est, inquit Gabriel Alaspineus Aurelianensis Episcopus in notis, ,, Romanam Cathedram à summo Pontifice occupari; ,, ab eâ cæte- Gabriel Alaspin. ras vim suam & potestatem accipere debere, in eâ & cum eâ omnibus adhærendum esse, & qui cum eâ non communicarent, schismaticos esse. ,, Audiant hæretici nostri temporis, & rubore perfusi ignorantiam temeritate coniunctam oculis sanguineis deplorent, quod sectam suam in Romanum Pontificem rabidam, ad discerpendam Sedis Apostolicæ auctoritatem cernant proclivem, ubi Africanæ Ecclesiæ Episcopi primis sæculis Sedem Apostolicam respiciebant ut matricem fidei, & communionis Ecclesiasticæ centrum ac radicem.

4. Cum S. Optato ex successione Romanorum Pontificum Donatistas

Augustin.

tistas debellavit totius Ecclesiæ lumen Hipponensis in Africâ Episcopus Augustinus, ita enim scribit epist. 165. contrâ cuiusdam Donatistæ litteras: si enim ordo Episcoporum sibi succedentium considerandus est, quanto certius & verè salubriter ab ipso Petro numeraremus, cui totius Ecclesiæ figuram gerenti Dominus ait: super hanc petram adificabo Ecclesiam meam, & portæ inferi non vincent eam. Petro enim successit Linus, Lino Clemens, &c... Siricio Anastasius, in hoc ordine successionis nullus Donatista Episcopus invenitur. Sed ex transverso ex Africâ ordinatum miserunt, qui paucis præsidens Aphris in urbe Româ Montensium vel rupitanum vocabulum propagaret. Quæ S. Optatus sub Siricio, hæc S. Augustinus sub Siricij successore Anastasio contrâ Donatistas urgere perrexerit: gloriabantur in Episcopo suo Romano Donatistæ, qui tempore Cæciliani primum miserant Victorem Garbientem, post eum Bonifacium Ballitanum, tum Encolpium, deinde Macrobius, postea „ Lucianum, & ultimò Claudianum, „ qui omnes (ut ex S. Optato „ partim colligit Philippus Priorius,) Donatistæ fuere, „ & contrâ hos insurgit Augustinus docens, ordinem succedentium Episcoporum non à tempore Victoris Garbientis sæculo quarto, sed à S. Petro Apostolorum principe sæculo primo esse inchoandum, tuncque petram positam fuisse, suprà quam extructa est Ecclesia, dum Petro & successoribus Episcopis regimine suo Ecclesiam sustentantibus commissa fuit multitudo fidelium: unde S. Augustinus serm. 49. in Petro uno Christus firmat Ecclesiam. Et epist. 162. rationem redditurus, cur Cæcilianus, videns se Romanæ Ecclesiæ communioni coniunctum, dicit, potuisse non curare conspirantem multitudinem inimicorum, quod in eâ semper Apostolica Cathedra viguit principatus. Verba, quæ lucem meridianam excedunt, & Romani Pontificis super Africam Principatum in terminis evincunt.

Priorius.

Augustin.

Augustinus.

5. Auctoritate istâ non semel, sed sæpius usi sunt Romani Pontifices à tempore Siricij, cuius extat epistola Synodica, in quâ plura constituit, quæ ad Africæ Episcopos servanda direxit: data est hæc Synodica post Consulatum Arcadij Augusti & Bautois anno Domini 386. & quamvis aliqui velint, eam epistolam esse supposititiam, recitata tamen putatur in Concilio Thelensi coram universis Byzacenæ Provinciæ Episcopis, & etiam si ibidem recitata non fuisset, citatur à Ferrando Carthaginensi Diacono, & ab undecim sæculis breviationi canonum ad usum Africanæ Ecclesiæ conscriptæ magnâ ex parte inseritur, ut Siricij auctoritatem admittere debuerit Africa, cuius venerata

rata fuit & admisit decreta. Idem planè contigit in causâ Pelagianorum, pro quâ ad initium sæculi quinti cum Aurelio Carthaginiensi Episcopo totius Consularis Provinciæ Antistites rogarunt Innocentium primum, ut post damnatum Pelagium, eiusque hæresim etiam Apostolica Sedis adhibeatur auctoritas pro tuendâ salute multorum, & quorundam etiam auctoritate corrigendâ. Vestigia Proconsularis Provinciæ insecuti sunt Sylvanus primæ Sedis Numidiæ Episcopus, Augustinus Hipponensis, alijque 57. Numidiæ Episcopi, & scriptâ ad Innocentium Papam epistolâ Synodicâ hisce verbis ordiuntur: quia te Dominus Gratia sua præcipuo munere in Sede Apostolicâ collocavit, talemque nostris temporibus præstitit, ut nobis potius ad culpam negligentiam valeat, si apud tuam venerationem, quæ pro Ecclesiâ suggerenda sunt, tacerimus, quam ea tu possis vel fastidiosè vel negligenter accipere; magnis periculis infirmorum membrorum Christi, Pastoralem diligentiam, quasumus adhibere digneris. Ad quæ ipse Innocentius 1. epistol. 25. Diligenter ergo & congruè consulitis honoris arcana: honoris (inquam) illius, quem præter illa, quæ sunt extrinsecus, sollicitudo manet omnium Ecclesiarum, super anxiiis rebus, quæ sit tenenda sententia: antiqua scilicet regulæ formam secuti, quam toto semper orbe mecum nostis esse servatam. His verbis nihil addo, quia quod totus orbis tempore Innocentij servabat, hoc submissi animi indicium Africa non negabat.

Synod. Provincie Proconsularis.

Synodica Milevitan.

Innocent. 1.

6. Innocentium .1. subsecuta sunt persecutionum tempora, quibus Wandalorum rabies Africanam vastabat Ecclesiam. Vivebat tunc S. Eugenius totius Africæ Primas & Carthaginiensis Episcopus, & rogatus ab Hunerico rege, ut cum suis Arianis de fide disceptaret, reposuisse fertur: si nostram fidem, quæ una & vera fides est, potestas regis agnoscere desiderat, mittat ad amicos suos: scribam & ego fratribus meis, ut veniant coepiscopi, qui vobis nobiscum communem fidem nostram valeant demonstrare, & præcipuè Ecclesia Romana, quæ caput est omnium Ecclesiarum. Hæc S. Eugenius Carthaginiensis, cuius testimonium posteritati consecravit Victor Vitenis in Africâ Episcopus testis coetaneus lib. 2. historiæ persecutionis Wandalicæ. Cui aliud addo de S. Fulgentio Ruspeni in Africâ Episcopo, qui cum sæviente Wandalorum tyrannide cogitaret de vitâ eremiticâ in Ægypto ducendâ, ad Siciliam appulit, & per B. Eulalium Syracusanum Episcopum ab inceptâ peregrinatione deterretur: Terras, inquit Eulalius, ad quas pergere concupiscis, à communione B. Petri perfida dissensio separavit: omnes illi monachi, quorum predicatur mirabilis abstinencia, non habebunt tecum

Victor Vitenis.

Ferrandus Carthagin.

Altaris Sacramenta communia, quid ergo proderit affligere ieiuniis corpus, ubi solatis spiritualibus indigebat anima, quæ multo melior est corpore. Revertere fili, ne vitæ melioris intuitu periculum rectæ fidei patiaris. Audivit hæc S. Fulgentius, & à Petri communione separari abhorrens, intentionem mutavit, & non ad ultimas Thebaidæ regiones à Sedis Apostolicæ communione avulsas, sed ad ipsa Apostolorum limina perrexit, illic communicaturus, ubi centrum & radix erat Ecclesiasticæ communionis: refert hoc, qui Fulgentium videre potuit, & ab ipso rei seriem addiscere Ferrandus Carthaginienſis Diaconus cap. 12.

Vitæ tomo 9. Bibliothecæ SS. PP. novissimæ editionis Lugdunensis Floruit circa idem tempus Reparatus Carthaginienſis Episcopus, qui una cum ducentis septemdecim Episcopis in Synodicâ suâ an. 534. Sedem Apostolicam consulunt de recipiendis Arianis, addentes, se sensum suum in medium non prolaturos, nisi prius, vel consuetudo nobis, vel diffinitio Romanæ Ecclesiæ proderetur. Palam profitentur, se iudicium Romani Pontificis secuturos, quem habebant ut caput, & summum in rebus Ecclesiasticis iudicem. Sequebantur hunc Episcopum Afri in trium capitulorum defensione, quamdiu Vigilius Papa Iustiniani & Acephalorum conatui non obstitit, & licet ab eo recesserint post damnationem, venalitem in ordinatione intercessisse obicit Facundus Hermianenſis Episcopus in libro adversus Mocianum, ne videretur Sedis Apostolicæ contemnere auctoritatem: eam melius à Gregorio Magno edocti venerati fuerunt omnes Afri, ut lucet ex Dominici Carthaginienſis, Adeodati Numidiæ Primatis, Columbi aliorumque creberrimis ad Gregorium litteris, & eiusdem Pontificis responsis, ex quibus apertissimè constat de Afrorum causis ad Sedem Apostolicam relatis, & juxta eius præceptum in Africâ compositis.

7. Illustre verò huius veritatis testimonium deducitur ex causâ Monothelitarum: cum namque Pyrrhus ann. 645. Carthagine cum S. Maximo in conventu & confesso sanctissimorum Episcoporum disputationem iniens victus fuisset, damnatus non fuit per Africæ Episcopos, sed teste Teophane hunc redargutum & persuasum Romam ad Papam Theodorum duxerunt, qui Orthodoxo libello tradito Papæ, ab eo receptus est. Ad quem locum rectè observat Christianus Lupus, ab Afris idèò non damnatum aut absolutum fuisse Pyrrhum, sed Romam ad Pontificem deductum, quod scirent, ad illum tanquam supremum Ecclesiæ principem spectare, Patriarchas ab hæresi absolvere. Firmius id ipsum roborarunt trium Africæ Provinciarum Episcopi in eâ, quam ad Theodorum

Synodic. 21.
Episcop.

Gregor. M.

Teophanes.

dorum Papam scripserunt anno 646. cum hac epigraphe Synodicâ :
 Domino Beatissimo Apostolico culmine sublimato, Sancto Patri Patrum,
 Theodoro Papa, & summo omnium Prasulum Pontifici. Et in ipsâ Epi-
 stolâ de Sede Apostolicâ : cui etiam in honore Beatissimi Petri Patrum
 decreta peculiarem omnem decrevere reverentiam in requirendis Dei re-
 bus, quæ omnino & sollicitè debent, maximè verò justè ab ipso Pra-
 sulum examinari vertice Apostolico, cuius vetusta sollicitudo est, tam mala
 damnare quam probare laudanda. Antiquis enim regulis sancitum est, ut
 quidquid quavis in remotis vel in longinquo positus ageretur Provinciis,
 non prius tractandum vel accipiendum sit, nisi ad notitiam almae Sedis
 vestra fuisset deductum. Ut huius auctoritate, juxta quæ fuisset pronun-
 tiatio firmaretur, indeque sumerent cetera Ecclesia velut de natali suo
 fonte predicationis exordium &c. Extat epistola illa græco-latina, &
 actis Concilij Lateranensis Romæ anno 649. sub Martino I. celebrati
 habetur inserta, uti & alia Victoris Carthaginensis Episcopi, in quâ
 Theodorum Beatissimam Paternitatem indigitat, & ipsius esse asserit
 Canonica discretionem solitè contrariis Catholica fidei obviare. Nec post
 hæc ulterioribus indigemus testimoniis, cum omnes totius Africae
 Episcopi sæculo 7. quod ultimum fuit Africanæ Ecclesiæ, in eandem
 conspirarint sententiam, agnoscentes in Romano Pontifice eam,
 quam omnis Orthodoxa sub cælo Ecclesia hucusque veneratur, supre-
 mam auctoritatem.

Synod. trium
Provinciar.

Victor Car-
thaginens.



DISSER-

DISSERTATIO II.

DE

FIDE ET RITIBVS

AFRICANÆ ECCLESIAE.

1. Quod Africana Ecclesia semper Romanum Pontificem agnoverit ut caput suum, & Romanam Ecclesiam ut fidei magistram, ipsis rebus comprobatur, adducto hanc in rem Tertulliani testimonio.

1.



Cyprianus.

Tertullian.

Uod Africana Ecclesia Romanum Pontificem pro speciali occidentis, & generali totius orbis catholici capite agnoverit, evicimus dissertatione præcedenti ex ijs Patrum Africanorum testimoniis, quæ nemo prudens contempserit. Restat nunc rituum Arcana, & religionis mysteria evolvere, ut ex ipsis rebus veritatem comprobemus, sicque ex testimoniis Patrû ritibus Ecclesiæ & actis fidei luce clarius demonstramus illam, quam erga Romanam Ecclesiam habuit veneratorem. Cum prurigo novitatis schismaticorum animos occupasset in Africâ, & exinde frequens eorum turba ad fallendam sedem Apostolicam trans mare Romam Navigaret, Romanorum fidem eam esse exclamat S. Martyr Cyprianus epist. 55. ad Corneliolum, *quæ Apostolo prædicante laudata est. Romanosque, ad quos perfidia non possit habere accessum.* Unde & navigantibus se consuluisse testatur epistolâ 45. *ut Ecclesia Catholica Matricem & radicem agnoscerent, & tenerent.* Tenerent, inquam, in summo Pontifice radicem unitatis, & agnoscerent in Sede Apostolicâ matricem religionis: matricem, quæ teste Augustino transmissis in Africam prædicatoribus & teste Innocentio primo Episcopis, regionem illam fide imbuit, & Evangelicâ luce donavit. Et hoc erat, quod Tertullianum, qui vel primos religionis prædicatores noscere poterat, aut certè cum ijs conversatus est, qui eos noverant, fecit exclamare contrâ hæreticos Romanæ fidei osiores cap. 36. præscriptionum, *Habes Romam, unde nobis quoque*

quoque *authoritas* præsto est, ista quam *felix Ecclesia*; cui totam doctrinam Apostoli cum suo sanguine profuderunt. Vox *authoritas*, hic significat originem, ut notat eruditus Lovanienſium Doctor Christianus Lupus, idque juxta phraſim Tertulliano familiarem, ut hæc verba: Vnde nobis quoque *authoritas* præsto est, nihil aliud significant, quam Africanam Eccleſiam ex propagine Romanæ Eccleſiæ fundatam, eiufque originem præſto eſſe tamquam omnibus notam. Audite hæc, qui animo fluctuatis, dumque de religione capeſcendâ anxie hæretis, per antiquo acris ingenij Afro, quem Magiſtrum ſuum appellare conſueverat S. Carthaginienſis Antiſtes Cyprianus, aures præbete dicenti: Videamus, quid in materiâ fidei Romana Eccleſia didicerit, quid docuerit, quid cum Africanis quoque Eccleſiis conteſſerit.

C A P V T I.

De libris Canonicis in Africâ receptis, & ſignanter duobus Machabeorum.

1. *Synopſis ſtatuti Hipponenſis de ſcripturis Canonicis non eſt Canonis 38. Hipponenſis, ſed Canonis 47. Concilij Carthaginienſis tertij, quod habitum fuit anno 397. tempore Siricij.*
2. *Epoche Carthaginienſis iſtius Concilij obſtat Baronius, quod ad finem Canonis 47. jam citati mentio fiat Bonifacij Papa, cui tamen ſatisfit duplici reſponſo Cardinalis Perronij.*
3. *Canonem ad Sedem Apoſtolicam relatum fuiſſe, ſignum eſt debita venerationis, cumque conſulta Sedes Petri de libris Canonicis in unam fidei Societatem conſpirare viſa eſt, decretum de libris Canonicis amplectitur Auguſtinus, & habet ut indubitatum.*
4. *Inter libros canonicos à Canone Carthaginienſi memoratos reperiuntur Machabeorum libri duo, qui cum non reperiuntur in Codicibus græcis & collectione Creſconij Africani Episcopi, Canoni poſtea inſertos putat Juſtellus, contra quem adfertur authoritas Dionyſij Exigui, & ante Dionyſium Divi Auguſtini.*
5. *Libri Machabeorum per novatores ex Canone expunguntur ob locum de curâ pro mortuis, qui tamen locus à D. Auguſtino laudatur, ante*

quem libros Machabeorum Canonicos putarunt Cyprianus, & Tertul-
 lianus Aſorum antiquiſſimi.

Canon. 47.
 Carthag. 3.

1. **E**Xtat in breviario canonum Hipponenſium titulus 38. De
 ſcripturis canonicis : *ſcriptura canonica in Eccleſiâ legenda qua
 ſint, & præter quas alia non legantur.* eiufque tituli integrum canonem
 renovatum fuiſſe in Concilio Carthaginienſi tertio, pluribus tuetur
 Galliæ ſplendor Perronius cap. 48. contrà Angliæ regem. Verum pace
 Perronij dixerim, cum breviarium Hipponenſis Concilij non ſit
 genuinus Synodi foetus, ſed potius eidem ſuppoſitus, neque ſacrum
 Carthaginienſe Concilium ordine tertium breviarium Hipponenſe con-
 fecerit, quod illi attribuitur; mallem ego canonem ipſum Concilio
 Carthaginienſi tertio attribuere, utpote quod titulo 47. eum ex-
 hibet hiſce verbis. *Item placuit, ut præter ſcripturas Canonicas nihil
 in Eccleſiâ legatur ſub nomine divinarum Scripturarum. Sunt autem Ca-
 nonica Scriptura, id eſt Genefis, Exodus, Leviticus, Numeri, Deute-
 ronomium, IESV nave, Iudicum, Ruth, Regum libri 4. Paralipo-
 menon libri 2. Iob, Pſalterium, Salomonis libri 5. Libri duodecim
 Prophetarum, Heſaias, Hieremias, Ezechiel, Daniel, Tobias, Iudith,
 Eſther, Eſdra libri 2. Machabeorum libri 2. Novi teſtamenti Evan-
 geliorum libri 4. Actuum Apoſtolorum liber 1. Epistoſta Pauli 14. Petri
 Apoſtoli epistoſta 2. Ioannis Apoſtoli 3. Iacobi Apoſtoli 1. Iudæ Apoſtoli 1.
 Apocaliſſis Ioannis Apoſtoli liber 1. Meminit huius Canonis D. Au-
 guſtinus epistoſta. 235. Ad Quintianum, ubi dicit, eodem Concilio ſta-
 tutum de libris Canonicis, quo cautum fuit, ne clericos alterius
 alter Episcopos reciperet, quod reperitur canone 21. Concilij Car-
 thaginienſis 3. Cui adfuere Aurelius Carthaginienſis, Auguſtinus
 Hypponenſis, alijque quadraginta quatuor Episcopos tempore Syricij
 Papæ anno 397.*

Codex M. S.

2. Scio Annalium Parentem obſtare epochæ huius Synodi, quod
 habeatur in quodam vetuſto codice : *de confirmando iſto Canone trans-
 marina Eccleſia conſulatur.* Editio autem vulgata habeat iſtorum ver-
 borum loco : *hoc etiam fratri & conſacerdoti noſtro Bonifacio vel
 aliis earum partium Episcopos pro confirmando iſto Canone innotefcat,
 quia à Patribus iſta accepimus in Eccleſiâ legenda.* Ex quibus collegit
 Baronius, nō ſub Siricio, ſed Bonifacio potius hunc Canonem ſtatutum
 fuiſſe ſæculo quinto. Verum Baronio ſe opponit Cardinalis Perronius,
 qui in replic. contrà Angliæ regem cap. 48. duo reponit, quorum
 unum

unum est, loco Bonifacii legendum esse Siricii, ut patet ex Canone 48. Carthaginienſis tertij immediatè ſequenti : *de Donatiſtis placuit, ut conſulamur fratres & conſacerdotes noſtros Siricium & Simplicianum.* Aliud verò, ſi Bonifacii nomen retinendum ſit, hoc de conſulendâ Romanâ Eccleſiâ additum non fuiſſe in Carthaginienſi 3. ſed aliquo poſteriore Concilio, quod Canonem repetens eum, ut omni dubitatione obviam iret, ad Bonifacium primum mittendum duxit, cui obefſe non debet, quod ante Bonifacium primum Innocentius Papa ſimilem catalogum librorum Canonicorum epistolæ 1. Ad Exuperium inferuiſſet, quandoquidem notum non erat in Africâ, quid Romanus Pontifex ad Gallicanum Episcopum ſcripſerat in ſpeciali epistolâ.

3. Ad quem autem Pontificum relatus ſit Canon de libris Canonicis, parum intereſſe exiſtimem, dummodò conſtet, ab Africanorum Prælulum Concilio Sedem Apoſtolicam deſuper fuiſſe conſultam : per illud enim verificant Patres, Africam in fidei quæſtionibus retuliſſe ad Romanam Eccleſiam, ut ad ſuum originem recenſeretur Traditio, & unde fides advenerat, illinc & fidei regula repeteretur. In libris Canonicis, qui verbum Dei ſcriptum continent, primum intuemur Afrorum ergâ Sedem Apoſtolicam venerationis ſignum, illudque tantò magis admiramur, quantò instantius Romanæ Eccleſiæ ſenſus & judicium ab Afris expoſtulabatur : ſi non duo, unum ſaltem fuit ex Provinciis Africæ circâ initium quinti ſæculi collectum Concilium, quod Canonem de libris Canonicis ad Romanæ Eccleſiæ Traditionem recenſeri juffit : dumque Synodum illam ſub Aurelio Carthaginienſi Episcopo, & Auguſtino omnium Sanctorum Patrum Coripheo celebratam agnoſcimus, de conſulendâ in rebus fidei Romanâ Eccleſiâ ne in poſterum dubitemus. Statuerat hoc Canone Africana Eccleſia de libris Canonicis, & ſtatutum amplectitur libro 2. de Doctrinâ Chriſtianâ cap. 8. magnus Auguſtinus, qui enumerans veteris teſtamenti libros tam hiſtoricos, quam legales, & Propheticos in canone ſuprà relatos, ſubdit : *His quadraginta quatuor libris veteris teſtamenti terminatur authoritas.* Eadem ſe ſcripſiſſe atteltatur S. Doctor libro 2. retractationum, cap. 4. Dixi : *his quadraginta quatuor libris teſtamenti veteris terminatur authoritas.* Neque hoc dicit Auguſtinus, ut dictum retractet, ſed ut veteris teſtamenti vocabulum exponat. Ex conſuetudine, inquit, quâ jam loquitur Eccleſia, vetus teſtamentum appellavi : *Apoſtolus autem non videtur appellare vetus teſtamentum, niſi quod datum eſt in monte Sinâi.* Auguſtinus.

4. Irrefragabile huius Canonis argumentum sese infringere non potuisse agnovit vir quidem doctus, sed adversæ partis Christophorus Justellus, ideoque in Codice Canonum Ecclesiæ Africanæ Græcè latinè à sese edito ad illa verba Canonis 24. *Machabeorum libri 2.* notat: *Hic canon Carthaginiensis Concilij extat in Collectione Canonum Cresconij Africani Episcopi nondum editâ, sed ibi Machabeorum libri non recensentur, nec in omnibus græcis Codicibus editis, & M. SS.* Solos Machabeorum libros impugnandos ducit Christophorus Justellus, sed ex quibus fundamentis, quam ex vanis coniecturis. Græci Codices tam manuscripti, quam per Zonaram, Balzamonem, aliosque græcos editi, non habeant hoc ipsum *de duobus Machabeorum libris*, parum interest, cum non græcè sed latinè per annos septingentos & plures ante Balzamonem fuerint conscripti. Speciosius quidem videtur, quod ex Cresconio desumitur, qui cum Africanus fuit Episcopus, in editâ nunc temporis tomo 1. Bibliothecæ juris Canonici collectione Canonem 24. Carthaginiensis Concilij de scripturis canonicis citat, omittis duobus Machabeorum libris. Sed Cresconio antiquior Dionysius Exiguus, qui sub Justiniano Imperatore primus, quod sciam, Canones Africani Concilij sub certis numeris Canonum collectioni inseruit, & canone 24. hoc de duobus Machabeorum libris expressit? Cresconius sanè Codice illo Dionysij Exigui usus fuit, ut constat ex versione omnium græcorum Canonum, & numerorum citatione, quæ à Dionysio Exiguo mutuavit: & cum in collectione Cresconij illud desit de libris Machabeorum, vel vitio exscriptoris, vel ipsius Cresconij inadvertentiæ adscribendum venit, cum & omnes latinorum Conciliorum editiones in Concilio Carthaginiensi 3. eadem illa contineant. Quod si dubitandum existimes, dubitari saltem non sinit, qui Canonis constitutioni interfuit D. Augustinus, cuius hæc est decantata toties lib. 18. de civitate Dei, cap. 36. sententia: *Libros Machabeorum non Iudæi, sed Ecclesia pro Canonicis habet.*

Augustinus.

5. Cæterum si inquiratur, cur adversæ religionis viri in libros Machabeorum calum præcipuè constringant, notum est apud omnes in controversiis versatos, id potissimum fieri ob locum ex libro. 2. cap. 12. de argento à Iuda Machabeo Hierosolymam transmissio, ut offerretur exinde sacrificium pro peccatis mortuorum, unde auctor istius Libri concludit: *sancta ergo & salubris est cogitatio, pro defunctis exorare, ut à peccatis solvantur.* Hic nodus, quem dum novatores solvere non potuerunt, librum Machabeorum inter apocryphos reiecerunt:

reiecerunt : nempe eo devenire debuit adversantium Romanæ Ecclesiæ miserum in rebus fidei effugium, cui ut viam occludamus, nullo alio quam magni Augustini testimonio egemus, quod libro. I. de curâ pro mortuis gerendâ cap. I. hisce verbis concipitur : *in Machabeorum libris* Augustin. *legimus oblatum pro mortuis sacrificium : sed etsi nusquam in scripturis veteribus omninò legeretur, non parva tamen est universæ Ecclesiæ, quæ in hac consuetudine claret autoritas, ubi in precibus sacerdotis, quæ Domino Deo ad eius altare funduntur, locum suum habet etiam commemoratio mortuorum.* Quod liber de curâ pro mortuis Augustini sit, ex secundo Augustini de retractationibus libro indubitatum efficitur, ut ex præcipuo totius Africanæ Ecclesiæ lumine non modo libri Machabeorum, sed & ipse locus de oratione pro mortuis, ob quem à novatoribus impetuntur, maneat stabiliti. Addunt Dionysius Exiguus & collectores Greci in collectionibus Africanorum Canonum, hunc de scripturis Canonem antiquæ Patrum Traditioni esse conformem : quia à Patribus ista accepimus in Ecclesiâ legenda. A Patribus, inquit Præsules Africani, qui cum initio quinti sæculi florebant, libros Machabeorum per manus receperant maiorum, inter quos eminerat S. Cyprianus, qui libros Machabeorum in Canone suo tempore receptos docuit, ut constat ex epistolâ 56. ad Thibaritanos, & libro exhortatorio ad Martyres cap. V. & XI. ubi loca ex ijs laudat, uti & Tertullianus primis Africanæ Ecclesiæ temporibus contra Iudeos cap. 4.

C A P V T II.

De Traditionibus in Africâ receptis, ubi de
jejunio, oblationibus pro mortuis,
ac crucis signo.

1. Traditiones rejiciuntur ab hæreticis, sed probantur à Catholicis, & signanter à D. Augustino, cuius testimonium adfertur.
2. Augustino antiquior Tertullianus, qui ab initio Africanæ Ecclesiæ pro Traditione non scriptâ pugnavit, ut testimonia eius luce clariora evincunt.
3. Primum Traditionis exemplum de Sacramento Eucharistiæ tempore

viſtus ſumendo ex Tertulliano adfertur, & Africana Eccleſia conſue-
tudo in abſtinendo à ſacrâ Euchariftiâ tempore jejuniij uſque ad veſ-
peram.

4. Excepta erat in quadageſimâ dies cœna, ſicut & dies ſtationum, qui-
bus horâ nonâ ſacrificium offerebatur in Africâ.
5. Secundum Traditionis exemplum ſumitur ex oblatione pro mortuis, pro
quâ adferuntur teſtimonia Tertulliani, Cypriani & Auguſtini.
6. Tertium Traditionis exemplum ſumitur ex ſigno Crucis, quod ſemper
in Africâ adhibitum, & numquam olim omiſſum.

Auguſtin.

INter devia novatorum ſomnia unum eſt, idque longè abſur-
diſſimum, quo contrâ Traditiones calcaneum erigunt. Scri-
bebat quondam Tertullianus de carne Chriſti cap. 2. *Si tantum Chri-
ſtianus es, crede, quod traditum eſt.* Sed priſcæ huic doctrinæ repugnat
erronea Lutheri in com. ad cap. 1. ad Galatas, Brentij in prolegomenis,
Calvini lib. 4. inſtitut. cap. 8. §. 8. aliorumque ſententia, quod nulla
Traditio præter teſtimonia ſcripturæ agnoſcenda ſit pro dogmate neces-
ſario: Et ſi Apoſtoli quædam inſtituerint præter ſcripturam, hæc ad
ritus & ordinem Eccleſiæ pertinere, ac libera fuiſſe, neque hodie cer-
tò agnoſci poſſe. Falfa veris permiſcent, quo incautos facilius decipiant,
quæ tamen ſubtiliter diſtinxit magnus Africanæ Eccleſiæ Doctör Au-
guſtinus epiſt. 118. ad Ianuarium, cum illas traditiones liberaſ dicit,
quæ variant in regionibus catholicis, illas verò neceſſariò obſervan-
das agnoſcit, quæ per univerſam ſub cælo tenentur Eccleſiam: operæ-
precium erit eius verba referre: *Illæ autem, quæ non ſcriptæ ſed traditæ
cuſtodimus, quæ quidem toto terrarum orbe obſervantur, dantur intelligi,
vel ab ipsis Apoſtolis, vel plenariis Conciliis, quorum eſt in Eccleſiâ cele-
berrima auctoritas, commendatæ atque ſtatuta retineri, ſicuti quod Do-
mini paſſio & reſurrectio & aſcenſio in cælum, & adventus de cælo Spi-
ritus Sancti anniverſariâ ſolennitate celebrantur, & ſi quid aliud tale
occurrerit, quod ſervatur ab univerſâ quacumque ſe diffundit Eccleſiâ.
Alia verò, quæ per loca terrarum regionesque variantur, ſicut eſt, quod alij
jejunant Sabbato, alij verò non: alij quotidie communicant Corpori &
Sanguini Dominico, alij certis diebus accipiunt: alibi nullus dies inter-
mittitur, quo non offeratur, alibi Sabbato tantum & Dominico, alibi
tantum Dominico, & ſi quid aliud huiusmodi animadverti, totum hoc
genus rerum liberaſ habet obſervationes, nec diſciplina ulla eſt in his me-
lior gravi prudentique Chriſtiano, quam ut eo modo agat, quo agere vi-
derit*

derit Ecclesiam ad quamcumque forte devenerit. Hæc Augustinus, quo testimonium de Traditionibus perhibente, obstructa manere oportet hæreticorum ora, quæ in debellando tam firmo religionis nostræ fundamento potius insaniunt, quam verisimile quidquam in lucem proferunt.

2. Augustino antiquiorem addimus idque ex Carthaginienſis Ecclesiæ clero Tertullianum, qui libro de coronâ militis agens de Traditione, quæ ex autoritate scriptâ ortum ducere credebatur, pergit de non scriptâ: Ergò quæramus, an & Traditio non scripta non debeat recipi? planè negabimus recipiendam, si nulla exempla præjudicent aliarum observationum, quas sine ullius scripturæ instrumento solius Traditionis titulo, exinde consuetudinis patrocínio vindicamus. Denique ut à baptisinate ingrediar, aquam adituri, ibidem, sed & aliquanto prius in Ecclesiâ sub Antifitis manu contestamur, nos renunciare Diabolo, & pompæ, & angelis eius, dehinc ter mergitamur, amplius aliquid respondentes, quam Dominus in Evangelio determinavit. Inde suscepti lactis & mellis concordiam prægustamus, exque eâ die lavacro quotidiano per totam hebdomadam abstinemus. Eucharistia Sacramentum, & in tempore victus, & omnibus mandatam à Domino, etiam antelucanis cœtibus, nec de aliorum manu quam præsentium sumimus. Oblationes pro defunctis, pro natalitiis, annuâ die facimus. Die Dominico jejunium nefas ducimus, vel de geniculis adorare. Eâdem immunitate à Die Pascha in Pentecostem usque gaudemus. Calicis aut panis etiam nostri, aliquid decuti in terram anxie patimur. Ad omnem progressum atque promotum, ad omnem aditum & exitum, ad vestitum, & calceatum, ad lavacra, ad mensas, ad lumina, ad cubilia, ad sedilia, quacumque nos conversatio exercet, frontem crucis signaculo terimus. Harum & aliarum eiusmodi disciplinarum, si legem exostules scripturarum, nullam invenies, Traditio tibi prætendetur autrix, consuetudo confirmatrix, & fides observatrix. Rationem Traditioni, consuetudini, fidei patrocinituram aut ipse perspicies, aut ab aliquo, qui perspexerit, disces. Et infra alio de velamine virginum proposito exemplo: His igitur exemplis, inquit, renunciatum erit, posse etiam non scriptam Traditionem in observatione defendi, confirmatam consuetudine idoneâ teste probata tunc Traditionis ex perseverantiâ observationis. Hæc Tertullianus, quo scriptore Africana Ecclesia non habet antiquiorem, & orbis catholicus desiderare nequit illustriorem Traditionis non scriptæ confirmatorem. Exempla ex Traditione laudata primævam Africanæ Ecclesiæ spirant in ritibus consuetu-

Tertullian.

consuetudinem, & quia pleraque faciunt ad fidei Catholicæ maiestatem contrà novatores tutandam, omiſſis ijs, quæ de baptismo scripſit inferius à nobis attingenda, cætera parum latius hic exponemus.

3. *Eucharistia Sacramentum*, inquit, & *in tempore victus*, ſumimus, nec ratione caret additâ de tempore victus particula, ut enim
- Albaspineus. „ obſervat Gabriel Albaspineus libro. 1. obſerv. 14. „ primis ſæculis „ Chriſtianos inieſtâ quadam religione, metuque propoſito videmus „ prohibitos tangere, videre, ſumere, atque adeo ſacroſanctum „ Domini noſtri Corpus conſecrare, quo tempore jeiunium celebra- „ rent: propterea planum eſt diebus illis, quibus jeiunia integra „ exercebant, hoc eſt, quibus abſtinebant, uſque ad auctoritatem „ demorantis ſtellæ, ut loquitur Tertullianus, numquam miſſas ce- „ lebraſſe, neque Euchariftiam præbuiſſe manducandam, conſue- „ tudinemque ac morem illum miſſas celebrandi, diebus jeiuniorum „ non uſurpari ſolitum, niſi cum dimidiato die, non autem pleno „ atque integro jeiunium obſervandum iudicarint. „ præclarum eſt hoc Gabrielis Albaspinei documentum, quod ut clarius exponamus, notandum ex Auguſtino epiſt. 119. inter illa jeiunia, quæ integro die obſervari conſueverunt, reputandam eſſe quadrageſimam: *quadrageſima ſanè jeiuniorum habet auctoritatem*. Addit ex quadrageſima dierum jeiunio per Moylem & Eliam in veteri, & per Chriſtum in novâ lege obſervato conſuetudinem in Eccleſiâ roboratam: *nam ut quadrageſima illi dies ante paſcha obſerventur, Eccleſiæ conſuetudo roboravit*. Ex quibus conficimus, obſervatum fuiſſe in Africâ, quod Canon 49. Laodicenus ſtatuit pro Phrygiâ: *non oportet in quadrageſimâ panem offerri*, excipit Dominicam, ut & Tertullianus ſupra, *namque*, inquit, *Die Dominico jeiunium nefas ducimus*. Unica excipiebatur in hebdomadâ ſanctâ feria quinta, quæ memoriam ingerebat cœnæ dominicæ, de quâ Ianuarius epiſt. 118. quæſierat ab Auguſtino: *quid per quintam feriam ultimæ hebdommadis Paſchæ fieri debeat, an offerendum ſit manè, & rursus poſt cœnam tantummodo offerendum, an etiam jeiunandum & poſt oblationem ſicut facere ſolemus, cœnandum*. Quo ultimo D. Auguſtinus morem Africanæ Eccleſiæ jeiunandi uſque ad velperam, & poſt miſſam tunc celebratam Afros cœnare ſolitos innuit, de quo lib. 2. Ad uxorem Tertullianus loquens de ethnico, cuius uxor Chriſtiana eſt: *quis denique ſolem nibus Paſchæ abnoctantem uxorem ſecurus ſuſtinebit? quis ad convivium Dominicum illud, quod infamant, ſine ſua ſuſpicionem dimittet?*
- Auguſtin.
- Canon. 49. Laodicen.
- Tertullian.
- Ianuarius.
- Tertullian.

4. Erat

4. Erat coena Domini excepta in quadragesimâ, quod esset similis dies illis, qui stationum dicebantur, quibus dimidiata servabantur jejunia. Unde Tertullianus libro 2. ad uxorem facit distinctionem inter jejunium & stationem: *ut si statio facienda sit, maritus de die condicat ad balneas, si jejunia observanda sunt, maritus eadem die convivium exerceat.* Jejunium in primitivâ Ecclesiâ observabant fideles eundo summo manè ad Ecclesiam, horrido, inculto, cinereque consperso sacco squalidi, sese prosternebant ante conspectum Domini, ac omni genere præcum, orationum, jejuniorum armati manantibus ubertum ex ore lacrymis Dominum exorabant, idque extrâ tempora consueta, etiam ijs, quibus pro inclementiâ aëris deprecabantur, & ita Tertull. testatur, *quando geniculationibus & jejunationibus nostris depulsa non sunt siccitates?* & tunc in communi fidelium luctu moris non erat sacrificium offerre, Zonara namque testante: *Sacrificare Deo festiva celebritatis est, ea verò celebritas hilaritatis atque latitiæ.* Aliud est de die stationis, quæ ut lib. de oratione Tertullianus testatur, *de militari exemplo nomen accepit*, nam quemadmodum, inquit Albaspineus, excubiæ militum, & eorum præforibus palatij standi, excubandive functio, statio vocabatur: ita verisimile est, Christianos moram illam, quam in Ecclesiâ faciebant pro fidelium tutelâ, excubias & stationem vocasse, fiebatque à summo manè usque ad horam nonam, interea quod fideles precibus & rerum divinarum contemplationibus vacabant, corporaque jejniis, ad geniculationibus, lacrymis, pænis, & laboribus exercebant: denique horâ nonâ sacris peractis, & Eucharistiâ acceptâ (nam numquam à statione nisi eâ acceptâ recedebant) stationem solvebant, domumque revertebantur. Unde illud quorundam apud Tertullianum lib. de oratione: *quod statio solvenda sit accepto corpore Domini.* Nec aliud reponit Tertullianus, quam post acceptum Corpus Domini stationem durare posse, licet aliqui velint perseverare non debere: Ergo, inquit, *devotum Deo obsequium Eucharistia resolvit, an magis Deo obligat? nonne solemnior erit statio tua, si & ad aram Dei steteris? accepto Corpore Domini & reservato, utrumque saluum est, & participatio sacrificij, & executio officij.* Atqui ad exemplum stationum, quæ diebus Mercurij & Veneris observabantur in Africâ, frigefcente postea fidelium Charitate ordinata sunt jejunia, quibus horâ nonâ finientibus Sacrificium subsequeretur, donec & decrescente fervore Christiano sacrificium promiscuè omnibus anni diebus celebrari consueverit, idque ante horam sextam, quæ cum

Tertullian.

Zonaras.

Tertullian.

Tertullian.

K

duode-

duodecimâ nostrâ seu meridie coincidit, finito celebrationis tempore.

Tertullian.

5. Pergit Tertullianus loco superius relato : *oblaciones pro defunctis, pro natalitiis annuâ die facimus.* Idem Tertullianus libro de monogamiâ loquens de muliere, cuius vir obiit : *pro animâ eius oret, inquit, & refrigerium interim adpostulet ei, & in primâ resurrectione consortium, & offerat annuis diebus dormitionis eius, nam hac nisi fecerit, verè repudiavit, quantum in ipsâ est.* In annuis illis oblacionibus, quæ ad epulas aut agapas spectant, infrâ tractaturus, hic non moror, sed solum *in oblacionibus pro defunctis, & oratione pro animâ defuncti, cui refrigerium vivens adpostulet, & in primâ resurrectione consortium, quod certè locum non habebit, nisi ut ante ex libris Machabeorum vidimus, salubris, & sancta cogitatio esset, pro mortuis*

Cyprianus.

exorare. Sanctus Cyprianus prædecessorum statuta considerans, *consueverunt, inquit epist. 66. Ad presbyteros & Diaconos Furnis consistentes, ne quis frater excedens, ad tutelam vel curam clericum nominaret, ac si quis hoc fecisset, non offerretur pro eo, nec sacrificium pro dormitione eius celebraretur.* Pergit de Victore : *cum contrâ formam nuper in Concilio à Sacerdotibus datam Geminium, Faustinum Presbyterum ausus sit tutorem constituere, non est, quod pro dormitione eius apud vos fiat oblatio, aut deprecatio aliqua nomine eius in Ecclesiâ frequentetur.* Ex quibus non solum habemus præclarum ex Synodo Africanâ testimonium, sed & D. Cypriani sensum de oblacione & oratione pro mortuis indubitatum : id quod B. Monica Augustini mater pro comperto habens *imminente die resolutionis suæ, inquit B. Augustinus lib. 9. confess. cap. 13. num. 3. non cogitavit suum corpus sumptuosè conteri, aut condiri aromatibus : aut monumentum electum concupivit, aut curavit sepulchrum patrium : non ista mandavit nobis, sed tantummodò memoriam sui, ad altare tuum fieri desideravit.* Matris præces excepit Augustinus, & eodem cap. 13. pro matre defunctâ orat, *Fundo, inquit, tibi deus noster pro illâ famulâ tuâ longè aliud lachrymarum genus &c.* Et eos, qui negabant sacrificandum pro mortuis, ut hæreticos damnandos in Aërio ostendit libr. de hæresibus Augustinus, cuius solius perlectione, cum nobilissima quædam matrona ministros rogasset, an negare possint Augustinum de orationibus pro defunctis testantem ? sectam novatorum abjuravit, & ad Catholicæ religionis castra transiit.

Augustinus.

6. Omitto triginta alia Traditionis capita ab authoribus Afris posteritati

steritati consecrata, hoc caput, cum verbis Tertulliani finio: *ad omnem progressum atque promotum, ad omnem aditum & exitum, ad vestitum, & calceatum, ad lavacra, ad mensas, ad lumina, ad cubilia, ad sedilia, quacumque nos conversatio exercet, frontem crucis signaculo terimus.* Tertullian.
 Consonat Cyprianus epist. ad plebem Thibari consultantem: *Muniatur frons, ut signum Dei incolume servetur.* Cyprianus.
 Et auctor in opere de Baptismo Christi, quod est inter cetera Cypriani: *In cruce Domini gloriamur, cuius virtus omnia peragit Sacramenta, sine quo signo nihil est sanctum, neque aliqua consecratio meretur effectum.* Loquitur omnino auctor, cum D. Augustino tract. 118. in Ioannem. *Quid est, quod omnes noverunt signum Christi, nisi crux Christi? quod signum nisi adhibeatur, sive frontibus credentium; sive ipsi aqua, qua regenerantur; sive oleo quo Chrismate inunguntur; sive sacrificio, quo aluntur, nihil eorum rite perficitur.* Augustin.
 Si ullum, hoc saltem signum erit religionis nostrae hucusque incorruptae, cum, quod Africana Ecclesia signum Crucis semper adhibuit, nostra in occidente ad Romanae Ecclesiae Traditionem numquam praetermisit. Et dum hoc signum verae religionis contra vicinos haereticos erigimus, dicimus cum Basilio Graecorum Imperatore, hoc ipsum in scripturis expressum non inveniri, *Qua enim inquit, scriptura salutifera crucis signaculo fideles docuit insigniri?* Basilius Imperat.

C A P V T III.

De Ecclesiis Africae seu memoriis Martyrum, ubi & de epulis ad memorias Martyrum fieri consuetis.

1. Cum olim super Martyrum corpora erigebantur altaria, postmodum in Italia nulla dedicata sunt Basilica sine reliquiis Martyrum.
2. Vti Roma, ita Carthago in Africa, ubi primo in cameteriis conveniebant, & pace Ecclesiis redditae altaria sine veris Martyrum reliquiis erant prohibita. Adducti hanc in rem canon Codicis, & D. Augustinus.
3. Ex Martyrij loco aut Martyrum sepulchro Basilica in Africa vocata sunt Martyria, in quorum altaribus inclusa reliquia, per quas plurima fiebant miracula, quae ex D. Augustino repetuntur.

K 2

4. Epula

4. Epula per Africam in memoriis Martyrum fieri consueta usque ad tempora Beata Monica, hacque ex traditione antiqua in Ecclesiis recepta esse, & olim quidem vespere in Africa celebrata teste Tertulliano.
5. Quod B. Monica in Africa Agapas instruere solebat, hoc à D. Ambrosio in Italia facere vetabatur, ratio ex abusu desumpta & à D. Augustino allata occasionem quoque dedit Agaparum usum auferendi ab Africa.
6. Faustus Manicheus Agapas rejiciebat, quod parentalibus gentilium similes essent, nec negat Augustinus, sed consentit. Parentalia gentilium exponuntur, & in Africa durasse usque ad tempora Augustini ex Canone 60. Codicis stabilitur, ex quo & Agaparum usus Imperatorum rescriptis sublatus colligitur.

1. **M** Irabitur forsitan aliquis, quid in causa esse potuerit, quod Ecclesiae apud antiquos Afros vocarentur memoriae Martyrum. S. August. lib. 22. de civitate Dei, c. 10. nos Martyribus nostris non templa sicut Diis, sed memorias sicut hominibus mortuis, quorum apud Deum vivunt Spiritus, fabricamus: huius autem nominis originem indagaturus Cardinalis Bona lib. 1. de rebus liturgicis, cap. 19. num. 5. cum repetit ab antiquo Christianorum more, quo fideles ad effugiendam persecutorum tyrannidem primo & secundo saeculo in areis & caemeteriis, in quibus Martyrum corpora quiescebant, ad synaxim peragendam convenirent, unde saeculo tertio statuit Felix 1. supra sepulchra Martyrum missas celebrari. Et saeculo quarto, cum Dei nutu extinctis tyrannis, & profligato ethnicismo jam liceret ubique in Italia Christo Deo templa erigere, castè custoditum fuit, nullam omnino Basilicam sine Martyrum reliquiis consecrari, unde Ambrosius epistolâ 54. ad Marcellinam sororem: cum Basilicam dedicare vellem, mihi tanquam uno ore interpellare coeperunt dicentes: sicut in Romano, sic Basilicam dedices. Respondi, faciam si Martyrum reliquias invenero. Addunt „ Christianus Lupus, & Cardinalis Bona: „ reperit verò Sanctorum Martyrum Gervasij & Provasij reliquias, atque ita Romano „ more dedicavit. „
2. Quod Romae in Italia, hoc Carthagine tamquam in alterâ orbis Africani Româ observatum fuit: cum S. Cyprianus in Carthaginiensi civitate à Paterno Proconsule de presbyteris suis interrogatur, referunt acta Martyrij, quorum meminit Pontius Cypriani Diaconus, Proconsulem dixisse de edicto in Africa contra fideles publicato: jussum est, ut nulla Conciliabula faciant, neque caemeteria ingrediantur. Nec caemite-

Augustin.

Felix 1.

Ambrosius.

Lupus.

Acta Passio-
nis Cyprian.

cœmeteriorum ingressum sacerdotibus Afris obieciſſet Proconſul, niſi, eos una cum plebe ſua in cœmeteriis frequentius conveniſſe, denunciatum fuiſſet. Si perantiquum Carthaginienſis Eccleſiæ preſbyterum Tertullianum conſulamus, libro de coronâ militis loquitur *de antelucanis cœtib*, qui in locis à gentiliū conſpectu remotis, qualia cœmeteria erant ſub terrâ, per noctem vel ſummo mane cogeabantur, & quia illis in locis martyres ſuos ſepelire conſueverat non Roma ſolum ſed etiam Africa, ad antiquæ Romæ conſuetudinē Afri ſuper ſepulchra martyrum ſacram liturgiam celebrabant, & floſcentis Eccleſiæ initio in ijs ſolum locis templa erigebant, in quibus Corpora martyrum condita agnoverant, aut paſſionem eorum peractam receperant.

Tertullian.

Egregius eſt Canon Carthaginienſis cuiuſdam Concilij *de falſis memoriis martyrum* relatus tit. 83. Codicis Africanæ Eccleſiæ: *item placuit, ut altaria, quæ paſſim per agros, & per vias tamquam memoria martyrum conſtituuntur, in quibus nullum corpus, aut reliquiæ martyrum conditæ probantur, ab Episcopis, qui locis eiſdem præſunt, ſi fieri poteſt, evertantur: ſi autem hoc per tumultus populares non finitur, plebes tamen admonentur, ne illa loca frequentent, ut qui rectè ſapiunt, nullâ ibi ſuperſtitione devincti teneantur, & omnino nulla memoria martyrum probabiliter acceptetur, niſi ubi corpus, aut aliqua reliquiæ ſunt, aut origo alicuius habitationis, vel poſſeſſionis, vel paſſionis fideliffimâ origine traditur. Nam quæ per ſomnia & per inanes quaſi revelationes quorumlibet hominum ubicumque conſtituuntur altaria, omnimodò improbantur. falſæ memoriæ martyrum erant ſacella & oratoria per agros & vias in Africâ ſine reliquiis martyrum erecta, eaque cum altaribus ſuis everti mandat Synodus Carthaginienſis, quod ſciret hæc ex ſomniis & inanibus quorumlibet hominum revelationibus tamquam martyria ubicumque fuiſſe extructa, cū juxta Romanæ Eccleſiæ morem, quem Africa ſequebatur, ibi ſolum altaria eſſent erigenda, ubi vera martyrum extabat memoria. Populus Chriſtianus, inquit D. Auguſtinus lib. 20. Contrâ Fauſtum, cap. 21. *Memorias martyrum religioſa ſolemnitate concelebrat, & ad excitandam imitationem, & ut meritis eorum conſocietur, atque orationibus adiuvetur, ita tamen ut nulli martyrum, ſed ipſi Deo Martyrum ſacrificemus, quamvis in memoriis Martyrum conſtituamus altaria.**

Canon. 83.
Cod. Afric.

Auguſtin.

3. Ex locis ubi Martyres ſanguinem ſuum fuderant, aut eorum corpora ſepulta erant, templa ibidem conſtructa memoriæ Martyrum vocata fuere in Africâ, unde templa illa, quorum meminit Victor

K 3

Vitenſis

Vitenfis libro. 1.^o in honorem D. Cypriani extructorum, unius quidem, ubi sanguinem fudit, alterius verò ubi corpus eius sepultum erat, dici poterant memoriæ Martyrum, & si Procopio testante Carthaginienfes Cypriano templum magnificum ante urbis mœnia ad littus maris statuerint, id dedicari numquam potuit, nisi Martyrum reliquiis in eo collocatis, ut memoria Martyris non minus esset, quam nuncuparetur. Observatione dignissimum est, quod Baronius tomo 5. annalium in huius rei confirmationem adfert de reliquiis S. Stephani Martyris. Scribit Marcellinus in Chronico de Orosio hispaniæ presbytero: *missus ab Augustino Episcopo idem Orosius, pro discendâ animæ ratione ad Hieronymum presbyterum, reliquias Beati Stephani nuper inventas rediens, primus intulit occidenti.* Addit Severus Minoricensis Episcopus in epistolâ encyclicâ per Baronium ex Codice vaticano ad ann. 418. primùm publicatâ, Orosium ad Minoricam insulam appulisse, qui postquam transvehi ad Hispanias sicut desiderabat, nequivit, remeare ad Africam denuo statuit. Sicque factum est, S. Stephani protomartyris reliquias in Africam allatas, in quorum honorem memorias seu Ecclesias ubique per Africam fuisse extructas pluribus enarrat D. Augustinus lib. 22. de civitate Dei, cap. 8. *Nondum est autem biennium, inquit, ex quo apud Hipponem-regium cœpit esse ista memoria: . . . Calamæ verò, ubi & ipsa memoria prius esse cœpit. . . . Vzali etiam, quæ Colonia Vtica Vicina est, multa præclara per eundem Martyrem facta cognovimus, cuius ibi memoria longè priusquam apud nos ab Episcopo Evodio constituta est.* Alias pleraque civitates enumerat Baronius ex Africâ, quæ de sanguine cum tenuissimis fragmentis ossium S. Stephani per Orosium allatis receperant, & in eorum honorem memorias construxerant, ac sub altari in ijs erecto per fenestellam, ut loquitur Evodius, aut foramen, ut appellat Hormisda, easdem reliquias recondiderant. Scribit Evodius de Miraculis S. Stephani lib. 1. cap. 12. de muto ex paralyfi facto: *exuens sibi manicam tunicæ suæ, eo quod orarium non haberet, per fenestellam memoriæ ad interiora loca sanctarum reliquiarum manu iniecta mittebat, atque exindè rursum dexteram reducens ori suo admovebat, & linguam contingendo paulatim nodos loquendi gratiâ fidei persolvebat.* Quo ex loco non modo constat de fenestellâ altaris, sed etiam de miraculo obtento ex cultu reliquiarum, quod ne solitarium quisquam existimet, D. Augustinus lib. 22. cap. 8. Addit alia miracula per attactum reliquiarum S. Stephani obtenta, ut mulieris cæcæ ad Aquas Tibilitanas, ubi memoria eiusdem Martyris

Marcellinus.

Severus Episcopus.

D. Augustin.

Evodius.

Martyris constructa erat: Lucilli Episcopi in Castello Synicensi, qui in eo memoriam Martyris fabricare fecerat: mortuorum quam plurimum per oleum S. Martyris, aut exanimi Corporis super altare Martyris collocationem ad vitam revocatorum: unde Baronius occasionem desumit invehendi in perfrectâ fronte Hagiomachos adversus sanctorum reliquias bella gerentes, & contrâ impetrata sanctorum ope miracula impiè debachantes. Ne verò hanc ex genuinis Africanæ Ecclesiæ actis per Augustinum præcipuum Ecclesiæ Doctorem descriptis partam contrâ novatores Victoriæ eminentissimo Annalium parenti eripuisse videar, & cultum reliquiarum, & invocationem sanctorum, & impetrata ope Martyrum miracula relinquo, & ad memorias Martyrum revertor, in quibus epula speciali consuetudine apud Afros fiebant.

4. Curiosum est quod magnus Augustinus libro 6. Confessionum, cap. 2. de matre suâ Monicâ Mediolani secum demorante testatur: cum itaque ad memorias sanctorum, sicut in Africâ solebat, pultes, & panem & merum attulisset. Addit id fieri consuevisse, ut partim sumeret, partim largiretur alijs: sed illa cum attulisset canistrum cum solemnibus epulis prægustandis atque largiendis, plus etiam quam unum pocillum pro suo palato satis sobrio temperatum, unde dignationem sumeret, non ponebat. Et si multe essent, quæ illo modo videbantur honoranda memoria defunctorum, idem ipsum unum, quod ubique poneret, circumferebat: quod jam non solum aquatissimum, sed etiam tepidissimum, cum suis presentibus per sorbitiones exiguas partiretur. Nec novum hoc fuit in Africâ sed ex antiquo agaparum more à temporibus Apostolorum introducto sumebat originem. Scribit S. Judas Apostolus cap. 1. suæ Epistolæ, hi sunt in Agapæ, live ut vetus interpretes vertit, epulis vestris macula, dum vobiscum epulantur, sine timore se ipsos pascentes, ad quem locum Oecumenius, & S. Eligius Noviomagenis Episcopus Sermone 15. quod tunc temporis mensæ essent in Ecclesiis, quæ parabantur: unde Tertullianus in Apologetico cap. 39. Cæna nostra de nomine rationem suam ostendit. Vocatur Agape, id quod dilectio penes græcos est, quantiscumque sumptibus constet, lucrum est pietatis nomine facere sumptum. Si quidem inopes quosque refrigerio isto juvamus. Et infra: non prius discumbitur, quam oratio ad Deum prægustetur, editur quantum esurientes cupiunt, bibitur quantum pudicis utile, ita saturantur, ut qui meminerint etiam per noctem adorandum Deum sibi esse. Ad quæ verba Gabriel Alaspineus lib. 1. observ. 18. rectè annotat, hanc

Augustin.

Iudas Apost.

Tertullian.

hanc Agapem ut cœnam vespere fieri tunc solitam : nisi enim nocti proximum fuisset hoc convivium , non dixisset Tertullianus , eos meminisci debuisse , dandam de nocte operam orationi. An hoc semper in Africâ vespere fieri consueverit , haud habeo dicere , nullum enim apud scriptores Afros de hisce conviviis invenio testimonium , præterquam apud D. Augustinum , quod tamen de continuatâ epulorum consuetudine in Africâ extat indubitatum. B. Monica ipsius mater cum canistro fructibus pleno ad memorias Martyrum ire consueverat , & ubi pultes , panem , & merum in templo mensâ ad id erectâ posuisset , ipsa prægustabat pocillum , & tunc adstantibus pauperibus largiebatur , lique aliæ essent Martyrum memoriæ hisce epulis honorandæ , reliquum quod ex cibo & potu supererat , secum capiens ad alias Martyrum memorias deportabat , ibique mensâ extructâ post gustatum cibum circumstantibus erogabat.

Augustin.

5. Quod B. Monica in Africâ facere consueverat , hoc in Italiâ Mediolani cum peragere tentasset , ab ostiario facere prohibita fuerat , & ubi hoc Episcopum vetuisse cognovit , inquit D. Augustinus , tam præterque obedienter amplexa est , ut ipse mirarer , quod tam facile accusatrix potius consuetudinis suæ , quam disceptatrix illius prohibitionis effecta sit. Quod ab Apostolorum tempore Agapæ non minus Romæ , & Mediolani , quam aliis in regionibus fuerint observatæ , ex eo colligere licet , quod D. Ambrosium suo tempore eas primum prohibuisse dicat Augustinus , cumque Africa fidem suam cum ritibus ab Italiâ mutuavit , facile colligere licet , agaparum morem cum cæteris Christianorum ritibus exinde susceptos. Unde consueta ante Tertulliani tempora epula , libro 20. contra Faustum , cap. 20. adhuc viguisse attestatur Augustinus : Agapæ nostræ pauperes pascunt , sive frugibus sive carnibus. Et infra : quoniam plerumque in agapibus etiam carnes pauperibus erogantur , misericordiam Christianorum similem dicitis sacrificiis mortuorum. Et capite 21. cum Faustus Manicheus dixisset :

Faustus Manicheus.

nos vertisse idola in Martyres , quos votis , inquit , similibus colitis , defunctorum umbras vino placatis & dapibus. Respondet Augustinus , populum Christianum memorias Martyrum religiosâ solemnitate concelebrare , qui autem , inquit respiciens ad Agapas , se in memorias Martyrum inebriant , quomodo à nobis approbari possunt , cum eos etiam si domibus suis id faciant , sana doctrina condemnet ? Agapas quidem religiosè institutas tuetur Augustinus , sed quosdam exinde occasionem sese ingurgitandi sumpsisse non diffitetur , unde & Concilium Carthagi-

Augustin.

Carthaginienſe 3. ſub Aurelio ſtatuit Can. 30. ut nulli Epifcopi vel Canon. 30.
clerici in Eccleſiâ conviventur, niſi fortè tranſeuntes hoſpiti- Concilij
orum neceſſitate illic reficiantur, populi etiam ab huiusmodi conviviis, quantum Carthag. 3.
fieri poteſt, prohibeantur. Adfuit D. Auguſtinus huic Carthaginenſi
Concilio, nec ex obiectis modo à Fauſto ſcandalis, ſed ex Ambroſij
quoque decreto edoſtus, iſta fieri non debere nec ab eis, qui ſobriè face- Ambroſius.
rent, ne ulla occaſio ſe ingurgitandi daretur ebriofis. Unde conſenſit
demùm anno. 397. Morem illum Epifcopis & clericis Afris interdi-
cendum eſſe, populum vero ab huiusmodi conviviis, quantum fieri
poterat, prohibendum.

6. Aliam rationem obiecerat Fauſtus, Agapas Chriſtianorum ſimi-
les fuiſſe Sacrificiis mortuorum, ad quod D. Auguſtinus nihil aliud Auguſtinus.
repoſuit, *quam quorum nonnullis in hoc quoque ſimiles eſtis.* Ac ſi di-
xiſſet, id quidem verum eſſe, ſed non ex eo, quod aliquis ritus Chri-
ſtianorum ſimilis ſit ritui paganorum, ideo ſtatim eſſe explodendum.
Nec ſimilitudinem illam negare potuit Auguſtinus, cum ſciret, convi-
via illa in memoriis Martyrum celebrata eis fuiſſe planè ſimilia, ſic
enim ſcribit libro 6. Conf. cap. 2. de matre ſuâ Monicâ ab Agapis
abſtinentem: *quia illa quaſi parentalia, ſuperſtitioni gentiliū eſſent ſi-*
millima. Parentalia teſte Calepino, nihil aliud erant quam convivia, Calepinus.
quæ in parentum aut propinquorum funeribus fieri conſueverunt. D. Hie-
ronymus autem in Hieremiam exinde parentalia dicta tuetur, quod
hoc officij genus filij parentibus præſtarent. Et revera habet Ovidius

2. Faſtorum:

Hunc morem *Aeneas* pietatis idoneus author,
Attulit in terras juſte latine tuas,
Ille Patris genio ſolemnia dona ferebat.
Hinc populi ritus edidicere novos,
At quondam dum longa gerunt pugnacibus armis
Bella, parentales deſervere dies.

Ovidius,

Parentalium ritus tandem deſuiſſe Romæ ſcribit Ovidius, & Cicero
Philippicâ primâ: *an me cenſeris, P. C. quod vos inviti ſecuti eſtis,* Cicero.
decreturum fuiſſe, ut parentalia cum ſupplicationibus miſcerentur? ut
inexpiabiles religiones in rempublicam inducerentur? ut decernerentur
ſupplicationes mortuorum? plura addit, neque adduci ſe poſſe, ut quem-
quam mortuum cum Deorum religione conjungat: *ut cuius ſepulchrum*
nuſquam extet, ubi parentetur, ei publicè ſupplicetur. Ex quibus, quid-
quid colligi poſſit de Parentalibus Romæ ſublatis, ea tamen in Africâ

L

perſe-
ve-

Canon. 60.
Cod. Afric.

perseverasse, non ex Augustino dumtaxat colligimus, sed ex cano-
ne 60. Codicis Africani de paganorum convivio, ubi: illud etiam pe-
tendum, ut quoniam contra praecepta divina convivia multis in locis exer-
centur, quæ ab errore gentili attracta sunt, ita ut nunc à paganis Chri-
stiani ad hæc celebranda cogantur, ex qua re temporibus Christianorum
Imperatorum persecutio altera fieri occultè videatur: vetari talia iubeant,
& de civitatibus, & de possessionibus impositâ penâ prohibere: maximè
cum etiam in natalibus beatissimorum Martyrum per nonnullas civitates,
& in ipsis locis sacris talia committere non reformident. Quibus diebus
etiam, quod pudoris est dicere, saltationes sceleratissimas per vicos atque
plateas exerceant: ut matronalis honor & innumerabilium feminarum
pudor devotè venientium ad sacratissimum diem, injuriis lascivientibus
appetatur: ut etiam ipsius sanctæ religionis penè fugiatur accessus. Quò
ex capone non modo constat, quibusdam in Africæ locis convivia pa-
parentalia à paganis fuisse instructa, sed & Christianos in Africâ per pa-
ganos ad convivia in memoriis Martyrum retinenda fuisse coactos,
quibus dum impij fideles saltationes, choreas, & lascivias quam plu-
rimas superadderent, nec Ecclesiasticis statutis obedirent, visum est,
ad brachium seculare recurrere, & Imperatorum rescripto pœnis ar-
mato omnem conviviorum in Ecclesiis ritum ex Africâ tollere.

C A P V T IV.

De pace à Martyribus petitâ, & Afrorum Episcoporum auctoritate in eâ concedendâ.

1. Antiqua Martyrum in Ecclesiâ auctoritas erat considerabilis.
2. Eam exercebant in dandâ lapsis pace, quam penitentiâ functis dari
permiserat Zephyrinus, contra quem declamat Tertullianus in hæresim
lapsus.
3. Tertulliani locus exponitur, & sicut ille ita Lucianus Martyr & Cele-
rinus Confessor pacem à Martyribus datam fuisse testimoniis suis confir-
mant: in ijs tamen excessum quemdam arguit Cyprianus.
4. Excessus ille non erat, quod Martyres pacem dabant sine Episcopi ab-
solutione,

soluzione, cum constet lapsos & Mæchos à Martyribus ad Episcopos cum litteris Pacis remissos fuisse, ut exomologesi factâ Pacem haberent ab Ecclesiâ.

5. Exomologesis ista etiam apud Diaconos fieri poterat tempore necessitatis, nec tamen Diaconi absolvebant, sed uti Episcopi, lapsus remissionem Deo relictam Martyrum meritis obtineri credebant.
6. Hinc elucet Martyrum auctoritas, quàm Lucianus aliique excedebant, dum suo non Christi nomine libellos Pacis passim omnibus concedebant, qui & factò tumultu Pacem ab Episcopis extorquebant.
7. Ex Martyrum indulgentiâ subsecutus Episcoporum contemptus, quem graviter tulit D. Cyprianus, qui Episcopis reconciliationem vindicavit.
8. Refellitur error Albaspinei existimantis Martyres olim absolvisse, cum potius interventione meritorum suorum pro lapsis Deum exorabant, & etiam post mortem suam veniam delicti impetrabant.
9. Profuerunt libelli Pacis dati à Confessoribus tam viventibus quam defunctis.

1. **O**bservavit jam dudum Gabriel Albaspineus doctissimus Auct., reliquens Antistes lib. 1. tit. 20. „ quod antiquitus Ecclesia nihil rarum aut præiosum habebat, quod non impertiretur Martyribus, de omni quasi eius jure, ac autoritate illi succurrebant: etsi nullum ordinem, nullumve characterem haberent, tamen & solvebant, & ex laicis Episcopi, si non dignitate ac munere, saltem potestate fiebant, eoque æstimationis apud homines pervenerant, ut plus propemodum autoritatis & ponderis, quam vel presbyteri, vel Episcopi haberent. Tertullianus: Quid ergo? „ si Episcopus, si Diaconus, si Vidua, si Virgo, si Doctor, si etiam Martyr „ lapsus à regulâ fuerit: ubi plures facere Martyres, quam Episcopos, „ & presbyteros, atque aliquid suprâ Episcopum addere videtur. „ Huc usque Albaspineus, cui consonat Christianus Lupus in laudatum Tertulliani locum capitis 3. ex libro de præscriptionibus desumptum tradens, Martyrum seu Confessorum summam olim fuisse in Ecclesiâ dignitatem, eumque titulum ab ipsis Episcopis fuisse assumptum, ut habet famosa S. Cypriani Synodus, in quâ legitur: Confessor Iambus „ à Germaniciâ, Confessor & Martyr Iader à Midillâ. Martyr Secundia- „ nus à Thambei. Confessor & Martyr Cyprianus à Carthagine. Quin imò Tertullianum in libro ad Martyres ita ipsos allocutum: Benedicti „ Martyres designati. Ad quæ verba idem Christianus Lupus. „ Vox

Albaspineus.

Tertullian.

Synod. Carthaginiens. 3.

Tertullian.

Lupus.

L 2

„ Bene-

„ Benedictus, erat olim titulus adeo eminens, ut etiam Romanus „ Pontifex non haberet eminentiorem : „ quibus verbis alludit ad Tertullianum de pudicitia, ubi scribit de Zephyrino : *Benedictus Papa.*

2. Neque Martyres solo titulo, sed re ipsa quoque fuerunt auctoritate insignes, id quod præcipue elucebat in pace, quam lapsi dare consueverant tum in aliis regionibus, tum etiam in Africanis. Tertullianus libro ad Martyres in principio agens de bello eorum cum demone, asserit illos pacem habere cum Ecclesia : *quam Pacem, inquit, quidam in Ecclesia non habentes à Martyribus in carcere exorare consueverunt.* Erant Tertulliani temporibus graves in Ecclesia persecutiones, ob quarum evitacionem plerique lapsi à communione Ecclesie separabantur, alij in fide constantes professionem illius etiam in exilio & carcere tuebantur : commeabant vero lapsi ad carceres pacem à Confessoribus petentes, antequam pro Christo mortem obirent ;

Mendoza. „ Ille verò vicissim, inquit Ferdinandus Mendoza in can. 25. Illiberitani Concilij, petentium desideria ponderantes singulorum rationes & merita, delictorumque genera expedientes, pacem nonnullis concedebant, eamque libello seu litteris à se subscriptis signatam ad Episcopum destinabant, qui diligentius examinatis singulorum desiderijs, pœnitentiâ, exomologesi, & manus impositione præviâ, ad communionem eos admittebat. „ Nec aliud indulserat Martyribus Zephyrinus Papa, contra quem Tertullianus jam in hæresim lapsus declamat libro de pudicitia : *at tu jam & in Martyres tuos effundis hanc potestatem, ut quisque ex consensione vincula induit, adhuc mollia in novo custodia nomine, statim ambiunt mœchi, statim adeunt fornicatores, jam preces circumsonant, jam lacrymæ circumstagnant maculati cuiusque, nec ulli magis aditum carceris redimunt, quam qui Ecclesiam perdidit. Violantur viri ac fœmina in tenebris plane ex usu libidinum notis, & pacem ab his querunt, qui de sua periclitantur : alij ad metalla confugiunt, & inde communicatores revertuntur, ubi jam aliud Martyrium necessarium est delictis post Martyrium novis.*

Tertullian.

Tertullian.

3. Ut verò laudatus Tertulliani locus rectè intelligatur, notandum omnino, tria olim in Ecclesia fuisse nominatim delicta, ob quæ delinquentes ab Ecclesie communione separati ad finem usque sine pace manebant, ob mœchiam nimirum, Idololatriam, & homicidium, quæ peccata Tertulliano erant ad mortem, & donare, Deo reservanda, ut loquitur eodem de pudicitia libro. Cum autem Tertulliani tempore S. Zephyrinus Pontifex pacem mœchis pœnitentiâ functis dari

dari permiserat, edito Romæ indulgentiæ decreto ad Africam statim absolutionis usus permeavit, nec ab Episcopis solis, sed & ab ipsis Martyribus in exilio aut carceribus constitutis, qui litteras pacis dare consueverant, mœchi & fornicatores cum lacrymis & præcibus pacem expostulabant. Addit alios ad carceres, alios ad metalla confugisse, unde communicatores revertebantur, & attestantur Lucianus cum alijs Martyribus epistolâ ad Cyprianum inter opera eius XVII.

Scias, inquit, nos universis, de quibus apud te ratio constiterit, quid post commissum egerint, dedisse pacem: & hanc formam per te & alios Episcopis innotescere volumus. Optamus te cum sanctis Martyribus pacem habere. Prasente de Clero, & exorcistâ, & lectore, Lucianus scripsit.

Et idem Lucianus epistolâ inter opera Cypriani 22. ad Celerinum scriptâ: *scire debuisti, quid circa nos actum sit. Cum Benedictus Martyr Paulus adhuc in corpore esset, vocavit me, & dixit mihi: Luciane coram Christo tibi dico, ut si quis post arcessionem meam abs te pacem petierit, des in nomine meo: sed & omnes, quos Dominus in tantâ tribulatione arcescere dignatus est, universi litteras ex compacto universis pacem dimisimus.*

Idem à Luciano petierat Celerinus epistolâ 21. *Rogo itaque Domine, & peto per Dominum nostrum IESVM Christum, ut ceteris collegis tuis meis Dominus referas, & ab eis petas; ut quicumque prior vestrum coronatus fuerit, istis sororibus nostris Numeria & Candida tale peccatum remittant. Hunc Celerinum fuisse quemdam in Africâ Confessorem, colligimus ex litteris D. Cypriani ad clerum Romanum: Lucianum autem fuisse Africanæ cuiusdam civitatis Episcopum, ex Celerini de collegarum mentione colligimus, additque Cyprianus epistolâ 23. Frater noster Lucianus, & ipse unus de confessoribus, fide quidem calidus, & virtute robustus, minus Dominicâ lectione fundatus, quadam conatus est imperiti jam pridem se vulgi auctorem constituens. Ex quibus non solum de Episcopatu Luciani constat per titulum fratris, quo Episcopi collegæ se invicem nuncupare solebant, sed etiam de quodam Luciani in concedendâ pace excessu, de quo anxie quæsitum fuit à peritis.*

4. Audivimus quidem à Tertulliano suprâ, mœchos à Martyribus communicatores reverti. Additque Cyprianus epist. 23. de Luciano, quod epistolam scripserit omnium nomine, quæ omne evangelium solvere videretur: *scripsit enim omnium nomine, inquit, universis eos pacem dedisse, & hanc formam per me alijs Episcopis innotescere velle.* Ex quibus omnibus colligi videtur, mœchos & lapsos pacem accepisse

Lucianus
Martyribus.

Celerinus.

Cyprianus.

Tertullian.

Cyprianus.

Lucianus.

à Martyribus, nec lapsos quidquam petere debuisse ab Episcopis; quam pacis litteris ostensis ab eis in communionem recepi: sed non ita existimandum est insaniisse sanctos Martyres, & Confessores Afros Episcopos. Lucianus, cum respondet ad Celerinum epistolâ editionis Pamelij 22. illo de Pauli litteris pacem continentibus pertractato, addit: *secundum præceptum Pauli & nostrum tractatum, expositâ causâ apud Episcopum, & factâ exomologesi, habeant pacem.* Datâ itaque à Martyribus pace, debebant ad Episcopos accedere lapsi & mœchi, ibique causâ expositâ & confessione delictorum factâ, pacem reverâ accipiebant id est Communionem, à quâ per delicta sua separati fuerant. Nec aliud à lapsis requirit Cyprianus epistolâ 13.

Cyprianus.

Quoniam tamen video, inquit, facultatem veniendi ad vos nondum esse, & jam æstatem cœpisse, quod tempus infirmitatibus assiduâ & gravibus infestat, occurrendum puto fratribus nostris, ut qui libellos à Martyribus acceperant, & prærogativâ eorum apud deum adjuvari possunt, si incommodo aliquo & infirmitatis periculo occupati fuerint non expectatâ præsentia nostrâ apud presbyterum quemcumque præsentem, vel si presbyter repertus non fuerit, & urgere exitus cœperit, apud Diaconum quoque exomologesim facere delicti sui possint, ut manu eis in penitentiam impositâ veniant ad Dominum cum pace, quam dari Martyres litteris ad nos factis desideraverunt. non dabant pacem Martyres, sed eam per litteras ab Episcopis desiderabant, cumque litteras illas pacis ad Episcopos lapsi aut mœchi deferrebant, exomologesim facere debebant suæ conscientia, & per manus impositionem Episcoporum ab excommunicatione soluti pacem accipiebant.

Cyprian.

5. Addit D. Cyprianus, hoc ipsum tempore necessitatis non solum Episcopis, & presbyteris licuisse, verum & apud Diaconum exomologesim delicti sui facere potuisse: quæ verba cum difficultatem pariant, enodari possunt ex ijs, quæ in sequenti ad eisdem presbyteros & Diaconos scripsit epistolâ: *ut qui libellum à martyribus acceperunt, & auxilio eorum adjuvari apud Dominum in delictis suis possunt, si premi infirmitate aliquâ & periculo cœperint, exomologesi factâ, & manu eis à vobis in penitentiam impositâ, cum pace à Martyribus sibi promissâ ad Dominum remittantur.* Cateri vero, qui nullo libello à Martyribus accepto invidiam faciunt, quoniam non paucorum nec Ecclesiæ unius, aut unius Provinciæ, sed totius orbis hac causa est, expectent ante de Domini protectione Ecclesiæ ipsius publicam pacem &c. Quibus ex verbis uti & sequentibus de expectandâ Concilij hac in re sententiâ, colligi-

colligimus, lapsos nondum ab Ecclesiâ ad pœnitentiam fuisse admissos, sed ut ante Zephyrinum mœchos, ita ante scriptas hæc à Cypriano litteras lapsos relictos fuisse benignitati divinæ, à quâ per actum contritionis elicere poterant remissionem peccatorum, quam Episcopi nullatenus concedebant. Et ex hisce intelliges, quid Diaconi in extremâ necessitate circâ lapsos ex indultu Cypriani poterant, quid verò Martyres cum lapsis pacem petentibus agebant. In extremo periculo lapsi tunc solum ad communionem admitti poterant manum imponente Diacono, cum à Martyribus pacem susceperant, quod Cyprianus cum totâ Africanâ Ecclesiâ crederet, remissionem lapsus soli deo reservatam per merita Martyrum à divina bonitate impetrari potuisse, cumque in eius rei signum lapsum aliquis pœnis libellum afferebat, non absolvebat eum Ecclesia, sed Episcopus eum tamquam à Deo Martyrum intercessione absolutum ad communionem admittebat, & manus impositione post exomologesim conscientiæ factam reconciliabat, quod idem defectu presbyteri, Diaconus in extremo mortis periculo poterat.

6. Magna quidem censi debet hæc Martyrum auctoritas, utpote à quibus petebatur peccatorum remissio, juxta illud Celerini confessoris Afri epistolâ inter Cypriani 21. Ad Lucianum, *ut quicumque prior vestrum coronatus fuerit, istis sororibus nostris Numeriæ & Candidæ tale peccatum remittant.* Remissionem peccati lapsus, quam Ecclesia negabat, à Martyribus Afri exposculabant, eo nimirum sensu, ut per Martyrum merita apud Deum interpolita à divinâ bonitate peccati remissio impetrari crederetur. & cum hæc esset Martyrum auctoritas parum huc usque à peritis animadversa, excedebat Lucianus, quod suo & Pauli Confessoris nomine, non Christi, à quo veniam peccatorum obtinebat, libellos pacis concedebat, quod primum est à D. Cypriano epistolâ 23. in Luciano notatum: *Lucianus verò, inquit, Cyprian. circa intelligentiam Dominica Lectionis, ut dixi, minus peritus, & circa invidiam verecundiæ nostræ relinquendam facilitate suâ molestus. Nam cum Dominus dixerit, in nomine Patris, & Filij, & Spiritus Sancti gentes tingui, & in baptismo praterita peccata dimitti; hic præcepti & legis ignarus mandat pacem dari & peccata dimitti in Pauli nomine.* Secundò excesserat Lucianus, quod sine delectu gregatim omnibus lapsis pacem dedisset, unde in eâdem epistolâ conqueritur Cyprianus, quod cum non animadverterit, quid post lapsum singuli egerint, res hæc maiorem conflaverit Episcopis invidiam, *ut nos, inquit,*

inquit, cum singulorum causas audire, & excutere cœperimus, videamur multis negare; quod se nunc omnes jactant à Martyribus & Confessoribus accepisse. Addit exinde ortum in Provinciâ Carthaginiensi tumultum: nam in Provinciâ nostra per aliquot civitates in præpositos impetrus multitudinum factus est, & pacem quam semel cunctis à Martyribus & Confessoribus datam clamitabant, confestim sibi representari coegerunt, territis & subactis præpositis suis.

Cyprianus.

7. Graves erant hi Martyrum excessus, sed & gravior lapsorum exindè subsecutus: cum enim jam ab Episcopis ad Communionem passim non admitterentur ob illa, quæ post lapsum egerant à Martyribus non considerata sed ab Episcopis animadversa, rudiores quidam è plebe non petebant amplius veniam illam ab Episcopis, sed quasi jam data esset à Martyribus, communicabant cum fidelibus, & oblata afferebant communicaturi de sacrificiis. Et contrà hos est, quod D. Cyprianus meritò insurrexit epistolâ 27. Ait in Petro Episcopatum institutum, & Episcopis competere, ut solvant & ligent, Inde, inquit, per temporum & successuum vices, Episcoporum ordinatio, & Ecclesiæ ratio decurrit, ut Ecclesia super Episcopos constituitur, & omnis actus Ecclesiæ per eosdem præpositos gubernetur. Laudat proindè lapsos illos, qui, quamvis libello à Martyribus accepto, ut tamen à Domino satisfactio sua admitti possit, orantes scripserunt mihi, se delictum suum cognoscere, & pœnitentiam veram agere, nec ad pacem temerè, aut importunè properare, sed expectare præsentiam nostram. Arguit verò epistolâ 28. Gaium Diddensem presbyterum, & eiusdem Diaconum, qui communicabant lapsis, & eorum dona offerebant absque eo, quod Episcopi ipsos ad communionem admiserant: unde & conqueritur epistolâ 29. ad clerum Romanum de quorundam prospectâ temeritate, qui pœnitentiam agere, & Deo satisfacere detrectant; litteras ad me fecerunt; pacem non dandam sibi postulantes, sed quasi jam datam sibi vindicantes, quod dicant, Paulum omnibus pacem dedisse. Addit se contrà hæc quam plura reposuisse, utique illa toties à Cypriano petita, Martyres antehac lapsos ad Episcopos remisisse, unde & clerus Romanus in dato ad Cyprianum responso: nam si dandam illis pacem Martyres putaverunt, cur ipsi non dederunt? cur illos ad Episcopum, ut ipsi dicunt, remittendos censuerunt? Urget hoc sæpius & firmat hanc Episcoporum auctoritatem, & de honore debito in Dei Sacerdotem servando adhortatur. Enimverò reconciliatio pœnitentis, quæ ob publicum lapsus crimen publicè fiebat in Ecclesiâ, ad solos Episcopos spectabat

Clerus Rom.
epistolâ 30.

spectabat tamquam ordinarios, eamque authoritatem & sibi, & collegis vindicabat Cyprianus in Africâ.

8. Et ex hisce lucet, admitti non debere, quod de peccatorum absolutione observavit Gabriel Albaspineus lib. 1. cap. 20. scribens, „ quod Martyres etsi nullum ordinem nullumve characterem haberent, tamen & solvebant, & ex laicis Episcopi, si non dignitate „ ac munere, saltem potestate fiebant. „ Quamvis enim verum sit illud Albaspinei, Martyrum quantumvis laicorum auctoritatem merito Martyrij innixam fuisse, hæc tamen sese non extendebat ad absolutionem, quæ solis Episcopis & presbyteris ex communi Ecclesiæ Traditione competeat, sed valebat solum ad obtinendam à Divinâ bonitate remissionem, quàm illi Ecclesia reservat, ut jam ante ostendimus: & hinc provenit, quod Albaspineus annotat: Martyrum commendationem post eorum mortem profuisse, „ quod nimirum consummato per mortem Martyrio meritum illius jam esset „ in tuto collocatum, & per coronam Martyrij vehementer adaugtum. Unde & Celerinus confessor non petit pro Numeriâ & Candidâ à Martyribus pacem, nisi quisquam eorum coronatus fuerit. „ Et Lucianus testatur epistolâ 22. quod Paulus jussit post arcesitionem suam pacem dari ipsius nomine: & Cyprianus scribit epistolâ 23. à Luciano libellos pacis datos nomine Pauli & Aurelij adolescentis tormenta perpesi.

Albaspineus.

Lucianus.

Cyprianus.

9. Coniecit quidem Albaspineus, has pacis literas nemini nisi post mortem Martyrum profuisse: sed nec hoc existimem admittendum, quod constet ex Cypriani epistolâ 23. Lucianum cum Martyribus adhuc in carcere positis pacis literas dedisse, & Lucianum Pauli nomine non modo post excessum, sed Paulo adhuc in carcere posito dedisse: Aurelij quoque adolescentis tormenta perpesi nomine libelli multi dati sunt eiusdem Luciani manu scripti, quod litteras ille non noscet. Neque enim hoc scripsisset Cyprianus de ignorantia litterarum Aurelij, nisi ipso adhuc in vitâ existente Lucianus litteras dedisset ob merita tormentorum, quæ pro fide Aurelius subierat, & quæ tanta credebantur apud Dominum, ut eorum interpositione Deus veniam lapsis indulgeret. Et illi opinioni innixi Episcopi communionem ad preces Martyrum indulgere poterant, donec Ecclesia mitigando rigorem circa lapsos, quos divinæ bonitati reliquerat, jam celebratis sub Cypriano Carthagine & sub Cornelio Romæ Conciliis lapsos inquam ad pœnitentiam admittebat, qui jam non solum ab Episcopis jus communis

Cyprian.

M

nionis

nionis obtinebant, sed & peractâ pœnitentiâ, & exomologesi conscientiæ factâ lapsi absolutionem quoque à peccato impetrabant.

C A P V T V.

De Sacramentorum numero, & usu in
Africanâ Ecclesiâ.

1. Diabolus cultum divinum imitatus umbram Sacramentorum nostrorum idolatris suis præscribit, signanter verò Baptismi, Confirmationis, & Eucharistia, quæ Tertullianus enumerat, & Augustinus omisâ Confirmatione, quam tamen cum reliquis Sacramentis agnovit.
2. Primum Sacramentum Baptismatis, cuius materia, forma, & minister à Tertulliano proferuntur una cum ritibus circâ Baptismum in Africâ receptis.
3. Nec Tertullianus solum sed & D. Cyprianus Baptisma Sacramentum vocavit, & varios eius ritus posteritati consecravit, uti & S. Optatus, Victor Vitenfis, & D. Augustinus.
4. Meminit Cyprianus epist. 70. Chrismatis seu unctionis, quam Pamelius non ad Baptismi sed Confirmationis Sacramentum spectare putat. Baptizatos statim ab Episcopis in Africa non unctione solum, sed & manuum impositione confirmari solitos fuisse, ex Tertulliano, Cypriano, alijsque deducitur: ritus tamen impositionis manuum non fuit adhibitus tanquam essentialis.
5. Tertium Sacramentum est Eucharistia, quod Tertullianus, Cyprianus, Optatus, & D. Augustinus uno ore celebraverunt.
6. Quartum Sacramentum Pœnitentiæ agnoscit Augustinus, & fideles Afri tempore Victoris Vitenfis insigne de illo testimonium posteritati consecrarunt, aliud quoque D. Cyprianus libro de lapsis.
7. Quintum Sacramentum extrema unctionis in Africâ notum fuisse, deducitur ex D. Augustino, & testatur Auctor cuiusdam operis Augustino adscripti.
8. Sextum Sacramentum ordinis à D. Augustino in pluribus locis prædicatur.
9. Septimum Sacramentum Matrimonij à D. Augustino assertum. Adducitur

citur hanc in rem locus Tertulliani de uxore petendâ ab Ecclesiâ, qui etiam exponitur.

1. Q Uod falsitas sit veritate posterior, & Diabolus divina æmulatur mysteria, insigniter demonstrat perantiquus Africanæ Ecclesiæ presbyter Tertullianus, ac scribit contrâ hæreticos cap. 40. *Tertullian.* Diabolus ipsas quoque res Sacramentorum divinorum in Idolorum mysteriis amulatur. Tingit & ipse quosdam: utique credentes & fideles suos. Expiationem de lavacro repromittit. Et si adhuc initiat Mithra, signat illic in frontibus milites suos. Celebrat & panis oblationem. Diabolus ut simia cultum divinum imitatus, Sacramenta Ecclesiæ in idolorum mysteriis exprimebat, Baptismum in lotionem aquarum additâ promissione expiationis per lavacrum, quod Augustinus *pagano* Baptisma *Augustinus.* vocavit: confirmationem in frontis unctione, quâ milites suos Mithræ Persarum numini consecrabat: Eucharistiam denique per panis oblationem, quam in Mithræ mysteriis observabant ethnici, idque Justino Martyre attestante, per imitationem pravi demonis. *Justin. Mart.* Triasacramenta imitata fuit schola diabolica, nec plurium libro de præscriptionibus cap. 36. meminit Tertullianus pro Ecclesiâ. Remittit hæreticos ad Ecclesias Apostolicas, signanter verò ad Romanam, quæ inquit, aquâ signat, Sancto Spiritu vestit, Eucharistiâ pascit. *Tertullian.* Pauciora enumerat D. Augustinus epistolâ 118. ad Januarium: Christus, *Augustin.* inquit, Sacramentis numero paucissimis, observatione facillimis, significatione præstantissimis Societatem novi populi colligavit, sicuti est Baptismus Trinitatis nomine consecratus, communicatio Corporis & sanguinis ipsius, & si quid aliud in scripturis canonicis commendatur. Quibus ultimis verbis alia Sacramenta novæ legis indicat, quæ quamvis nullibi septem simul depredicet, ex eo tamen quod Africanam Ecclesiam Romanæ communioni coniunctam, ab eâque fidem mutuasse fatetur, facili negotio concludimus, septem quoque numero habuisse Sacramenta, quæ sparsim scriptores Afri agnoverunt, & inter eos omnium cori-
pheus S. Hipponensis Episcopus & Ecclesiæ Doctor Augustinus.

2. Ne vero hæc ipsa gratis quisquam dicta existimet, ut suo quæque ordine demonstrentur, habet Romana Ecclesia pro januâ Sacramentorum sacrum Baptisma à Christo institutum, ab Apostolis traditum, ab ipso Tertulliano allatum ordine primum, nec negatum à recentioribus hæreticis, neque neglectum à schismaticis in Africâ Donatistis, sed veneratum, potius, & in pretio habitum. Baptisma

M 2

est,

Tertullian.

est, quod Tertullianus quarto contra Marcionem libro *Sacramentum Baptismatis* vocat in terminis. Et libro de coronâ militis Traditionem non scriptam de eius ritibus expositurus, *aquam*, inquit, *adituri ibidem sed & aliquanto prius in Ecclesiâ sub Antistitis manu contestamur, nos renunciare Diabolo, & pompa, & angelis eius. Dehinc ter mergitamur.* Ultimum hunc ritum libro adversus Praxeam repetit idem Tertullianus, additque à Christo mandatum Apostolis: *ut tingerent in Patrem, & Filium, & Spiritum Sanctum, non in unum: nam nec semel, sed ter ad singula nomina in personas singulas tingimur.* Scribit item libro de Baptismo de speciali Africæ consuetudine, quod dies Baptismo solemniores fuerint Pascha & Pentecostes: *cæterum*, inquit, *omnis hora, omne tempus habile Baptismo: si de solemnitate interest, de gratiâ nihil refert.* & supra: *dandi quidem Baptismum habet jus summus sacerdos, qui est Episcopus. Dehinc presbyteri & Diaconi, non tamen sine Episcopi auctoritate propter Ecclesiæ honorem.* Addit, parvulos tingi potuisse, sed non sine sponzoribus, quos patrinos vocamus, quamvis, inquit Tertullianus, cunctatio Baptismi utilior sit circâ parvulos: *quid enim necesse est sponsores etiam periculo ingeri, qui & ipsi per mortalitatem destituere promissiones suas possunt, & proventu mala indolis falli.* Hæc Tertullianus de materiâ, formâ, & ministro baptismi in omnibus Romanæ Ecclesiæ sensui consona, uti & pleraque de ritibus, in quibus quædam non substantialia reperiuntur nunc temporis mutata, ut de trinâ immersione, quæ jam fit per trinam asperersionem: de tempore Baptismi, quod non servatur paschatis & pentecostis diebus, sed sicut Tertulliano teste *omne tempus habile Baptismo*, ita & nunc omni tempore baptisantur parvuli, exolero illo cunctationis more, quo adolescentes catechumeni expectare jubebantur ætatem, & festum Paschatis ac Pentecostis diem.

Cyprianus.

3. Nec solus Tertullianus est, qui in Africâ de Baptismo testatur: S. Cyprianus Carthaginienſis Episcopus Baptisma sæpius *Sacramentum* vocavit, ac epistolâ 23. In Nomine Patris & Filij & Spiritus Sancti gentes tingi fatetur, cui consonat S. Optatus Milevitanus

S. Optatus.

Episcopus, cum libro 1. adversus Parmenianum in *Trinitate Baptismatis unionem* à catholicis tuetur defensam. Aquam prius à sacerdote sanctificandam colligit ex Cypriano Pamelius, & reverâ in Concilio

Concil. Carthagin.

Carthaginienſi sub Cypriano Sedatus à Tuburbo loquitur de *aquâ sacerdotis prece in Ecclesiâ sanctificatâ*: ac subscribit Victor Vitenſis lib. 2. De persecutione Wandalicâ, ubi agit de quodam miraculo in Baptismo

Epipha-

Epiphaniarum die circa cœcum facto, cum illâ die Episcopus postquam Victor. Vi-
fontem, quo Baptizarentur accedentes ad fidem, benedixisset, oculos à tensis.
naturâ clausos contingeret, atque aquâ ablutos aperiret: quod perinde
accidit, atque revelatum fuerat universis, qui ad solemnem Baptismum
confluxerant, stupentibus ad tantum miraculum. Quo ex loco non
solum fontem Baptismalem ab Episcopo benedictum, sed, ut notat
Garnerius, habemus & Ecclesiam Carthaginiensem à speciali suo more
recessisse de duobus Paschatis & Pentecostis diebus, ac alios solemnem
Baptismi dies admisisse, qualis unus erat epiphaniarum. Exorcismi
quoque ante Baptismum meminscunt Cæcilius à Bilta, & Crescens
à Cirrâ in Carthaginiensi sub Cypriano Concilio: ac D. Augustinus
vel quisquis auctor est libri de dogmatibus cap. 31. Cum sive parvuli
sive juvenes ad regenerationis veniunt Sacramentum, non prius fontem
vita adeant, quam exorcismis & exufflationibus clericorum Spiritus ab eis
immundus abigatur. De interrogatione symboli habet Cyprianus
epist. 70. Ipsa interrogatio, quæ fit in Baptismo testis est veritatis. Nam
cum dicimus: credis in vitam æternam & remissionem peccatorum per S.
Ecclesiam? quod Baptizandi signum domini in fronte accipiebant
non Cyprianus solum, sed & Tertullianus lib. de resurrectione carnis
confitetur, dum scribit: caro signatur ut & anima muniatur; caro
abluatur, ut & anima emaculetur. Oleo quoque unctos fuisse Baptiza-
tos, auctor de ablutione pedum tradidit, cum Deum misericorditer
ablutione & unctione medicinali corruptionis primitiva fermentum expur-
gantem introducit. Ad stipulat Augustinus de Trinitate lib. 15. lo-
quens de Visibili unguento, quo Baptizatos ungit Ecclesia.

4. Meminit & S. Cyprianus in Synodicâ inter epistolas eius 70.
cum disertis verbis scripsit: ungi quoque necesse est eum, qui Baptizatus
sit, ut accepto Chrismate, id est unctione, esse unctus Dei, & habere
in se gratiam Christi possit. Porro autem Eucharistia & unde Baptizati
unguntur, oleum in altari sanctificatur. Verum in notis ad hunc
locum refert Pamelius, eorum sententiam verisimiliorem esse, qui
locum hunc non tam de ritu illo Baptismi, quam de Sacramento
Chrismatis sive Confirmationis seu manu impositionis intelligunt.
Et revera trium illorum Sacramentorum meminit Cyprianus, quorum
meminerat Tertullianus loco superius notato, & quorum secundum
est confirmationis Sacramentum, de quo Tertullianus: s. Spiritu
vestit. Phrasi utitur Tertullianus, quâ Christus usus est resuscitatus
à mortuis: sedete in Civitate, quousque induamini virtute ex alto: Lucæ 24.

Augustin.

Cyprianus.

Pamelius.

Tertullian.

Lucæ 24.

M 3

,, uti

- Lupus. „ uti enim Christum Dominum per *Baptisina*, inquit eruditus Lupus, „ ita per Confirmationem propriè induimus Spiritum S., De utroque hoc Sacramento loquitur Tertullianus libro 1. Adversus Marcionem : creator aqua suos abluit, oleo suos ungit : unctioque illa fiebat per signum Crucis in fronte, unde non solum. Libro 3. adversus Marcionem Sacramentum hoc vocat. *Signaculum frontium*, sed & libro de præscriptionibus testatur, diabolum ritum illum imitatum fuisse, cum *signa in fronte milites suos*. Præclarum est hac de re testimonium Augustini enarratione in psalm. 141. *Multa Sacramenta atque aliter accipimus. Quædam, sicut nostis, ore accipimus, quædam per totum corpus accipimus. Quia vero in fronte erubescitur*, Ibidem crucem Domini accipi testatur, loquens manifestè de Sacramento Confirmationis, quod per unctionem cum crucis signo in fronte confertur. Addit Tertullianus libro de Baptismo, id statim post Baptismum fuisse collatum : *egressi de lavacro perungimur Benedictâ unctione*. Subdit D. Cyprianus per præpositos Ecclesiæ factum : *queritur*, inquit epistolâ 73. ad Jubaianum, *ut qui in Ecclesiâ baptizantur, præpositis Ecclesiæ offerantur, & per nostram orationem ac manus impositionem Spiritum Sanctum consequantur, & signaculo Dominico consummentur*. Eiusdem manus Impositionis meminit Tertullianus libro de Baptismo, & annotat in cap. 36. libri de præscriptionibus Christianus Lupus, non Africanam solam, sed Orientis quoque & Occidentis Ecclesiam utroque ritu, unctionis & manus impositionis usam. Unde non solum colligitur, cur antiquiores traderint, hoc Sacramentum cum manus impositione conferri, sed etiam verum esse, quod auctor libri de Ecclesiasticis Dogmatibus Augustino adscripti testatus fuit : *Si vero parvuli sunt, vel hebetes, qui Doctrinam non capiant, respondeant pro illis qui illos offerunt, juxta morem Baptizandi, & sic manus impositione, & Chrismate communiti, Eucharistia mysteriis admittantur*. Auctor ille licet Augustinus non sit, est tamen perantiquus, & morem primitivæ Ecclesiæ luculenter expressit, quo post Baptisma Confirmationis Sacramentum conferebatur additâ manus impositione Episcopi tamquam ritu non essentiali, utpote quam à plerisque sæculis omisit occidentis Ecclesia, & jam pridem orientalis, ut fufius demonstrat Iacobus Goar in notis ad Eucharologium Græcorum.
5. Eucharistiam auctor libri de Ecclesiasticis Dogmatibus addidit duobus aliis Sacramentis, imitatus hac in re perantiquum Carthaginensem presbyterum Tertullianum, qui libro de præscriptionibus loquens

quens de Deo ait, quod Ecclesiam suam *Eucharistiâ pascit*. Sensum Tertullian. suum clarius exprimit libro de pudicitia: *opimitate Domini Corporis vescitur, Eucharistiâ scilicet*. Et libro de resurrectione carnis: *caro Corpore & sanguine Christi vescitur, ut & anima de Deo suginetur*. Et libro de oratione: *Domini Corpus in pane censetur. Hoc est Corpus meum*. Ac libro de anima: *Dominus vinum in sui sanguinis memoriam consecravit*. Consecrari namque Dominus iussit in sui commemoratio- nem, quod faciens S. Cyprianus Carthaginiensis in Africâ Episcopus, per Diaconum puellæ cuidam de Sacramento calicis fuit infusum, quod libro de lapsis *sanctificatum in Domini sanguine potum* vocavit. Cyprian. Enimverò calicem sanguine Christi repletum singulis diebus bibi solitum alibi declarat, in Sacrificio utique, cuius frequentem mentionem facit epistolâ 63. ad Cæciliam, & de quo ibidem testatur: *tunc Sacramentum spirituale & celeste perficitur*. Atqui Sacramentum hoc est, quod Cyprianus plerisque in locis corpore & sanguine Domini constare asseruit, unde libro de lapsis eorum ora laudat, quæ gustatis *Celestibus cibis post corpus & sanguinem Domini prophana contagia...* respuerunt. Et S. Optatus Milevitanus l. 2. adversus Donatistas eosdem detestatur, quod *jusserunt Eucharistiam canibus fundi*: additque insigne S. Optatus. miraculum ab ultrice omnipotentis manu desuper factum. Nam *ijdem canes*, inquit, *accensâ rabie, ipsos Dominos suos, quasi latrones, sancti corporis reos, dente vindice, tanquam ignotos & inimicos laniaverunt*. Nec mirum Donatistas in altari Corpus Domini invenisse, quod canibus effunderent, quid enim est altare petit S. Optatus libro 6. *nisi sedes Corporis & sanguinis Christi*? De hoc Sacramento est, quod D. Augustinus centena testimonia posteritati consecravit, quorum unum extat lib. 3. de trinitate, cap. 4. *Corpus Christi & sanguinem di-* D. Augustin. *cimus, quod ex fructibus terra acceptum & prece mysticâ consecratum ritè sumimus ad salutem spiritualem in memoriam pro nobis Dominica Pas-* Cyprianus. *sonis*. Quid ultra proferam, cum habeamus Cypriano teste veritatis confirmatricem totam Africam, in qua primævo quidem tempore quotidie Eucharistia sumebatur: *Eucharistiam* inquit Cyprianus lib. de oratione, *quotidiè ad cibum salutis sumimus*. Sequentibus verò sæculis nonnihil hac de pietate remissum est, scribente ad Januarium, epistolâ 118. magno Ecclesiæ Doctore Augustino: *alii quotidie com-* Augustin. *municant Corpori & sanguini Dominico, alij certis diebus accipiunt*.

6. Quartum Sacramentum, quod agnoscit Romana Ecclesia, est Pœnitentiæ à Domino institutum, cum potestatem ligandi & solven-
di

di Apostolis concessit: unde D. Augustinus enarratione in ps. 146. ad illa verba: *alligat contritiones eorum scribit: quæ sunt ista alligamenta? temporalia sacramenta: alligamenta medicinalia sunt contritionis nostræ, sacramenta interim temporalia, quibus habemus consolationem.* Additque alligamenta esse, cum imponenda est manus ab aliquo præposito, quod propriè ad Sacramentum Pœnitentiæ spectat. Unde apud Victorem Vitensem lib. 2. De persecutione Wandalicâ, fideles Afri clamabant ad presbyteros & Episcopos, qui in exilium abducebantur: *quibus nos miseros relinquitis? qui nobis Pœnitentiæ munus collaturi sunt, & reconciliationis indulgentiâ obstrictos peccatorum vinculis soluturi? quia vobis dictum est: quæcumque solveritis super terram erunt soluta & in cælis.* De hoc est, quod Tertullianus loquitur libro de pœnitentiâ, cum asserit, à Deo collocatam in vestibulo pœnitentiæ secundam. eam confessione fieri, quam græci exomologesim vocant, innuit infra, & addit, exomologesim esse prosternendi & humiliificandi hominis disciplinam, in quâ & satisfactio comprehenditur. Paucis hæc omnia comprehendit D. Cyprianus lib. de lapsis: *confiteantur singuli, quæso vos fratres, delictum suum; dum adhuc, qui deliquit, in sæculo est; dum admitti eius confessio potest, dum satisfactio & remissio facta per sacerdotes apud Dominum grata est.* Ubi duas planè Sacramenti Pœnitentiæ partes adducit Cyprianus, additâ absolutione per Sacerdotes imperiendâ, quam nec ipsi Donatistæ negarunt scribente contra Parmenianum sancto Optato lib. 2. *Dum manus imponitis & delicta donatis.* Quod ipsum à fidelibus Afri prædicari apud Victorem Vitensem audivimus suprâ.

7. Sequitur quintum Sacramentum, quod est extremæ unctionis de quo locutus fuit S. Augustinus enarrat. In psalm. 141. cum scriptum reliquit, *multa sacramenta, atque aliter accipimus: quædam, sicut nostis, ore accipimus, quædam per totum corpus accipimus.* Quodnam enim Sacramentum per totum corpus accipimus, quam extremæ unctionis, quod Sacerdos administrat Chrismate ungendo oculos, aures, nares, manus, aliaque membra? de extremâ unctione reverâ locutus est auctor tractatus de beatitudine Catholicæ conversationis: *qui egrotat, in solâ Dei misericordiâ confidat, Eucharistiam cum fide & devotione accipiat, oleumque benedictum ab Ecclesiâ petat, unde corpus suum ungatur, & secundum Apostolum oratio salvabit infirmum.* & lib. 2. de visitatione infirmorum: *effectum huius Sacramenti exprimit ipse Iacobus, dum ait: si in peccatis sit, dimittentur ei. Materiam designavit oleum*

oleum sacrum. Quibus dandum sit Sacramentum, insinuavit dicens: infirmatur quis &c. Extant libri inter opera Augustini, cuius licet non essent, sunt tamen scriptoris perantiqui.

8. Sextum Sacramentum est ordinis, quod auctor libri de operibus cardinalibus D. Cypriano adscripti inter ea Sacramenta enumerat, quæ iterari non possunt: cum enim capite de ablutione pedum auctor anonymus ageret de Sacramentorum stabilitate, addit infra: nemo sacros ordines semel datos renovat. Idem omnino D. Augustinus libro. 2. contra epistolam Parmeniani agens de non iterando Baptismo & ordine ab hæretico collato: utrumque enim, inquit, Sacramentum est, & quâdam consecratione homini datur, illud cum Baptizatur, istud cum ordinatur: ideoque in Catholica utrumque non licet iterari. Et libro. 1. De Baptismo contra Donatistas cap. 1. appellans, Sacramentum ordinationis. Idem planè libro de bono coniugali cap. 24. si fiat ordinatio cleri ad plebem congregandam, etiamsi plebis congregatio non subsequatur, manet tamen in illis ordinatis Sacramentum ordinationis. Plura habet D. Augustinus, & Concilium Carthaginense 4. Quod ordinationis ritus posteritati consecravit, ut fusius suo loco infra.

Auctor anonymus.

Augustinus.

9. Septimum & ultimum est matrimonium, quod Sacramentum esse novæ legis, post Apostolum testatur Augustinus, cum scribit de bono coniugij cap. 4. Quod nuptiæ, quoad populum Dei pertinent, etiam in Sanctitate Sacramenti sint. Et libro 1. De nuptijs ac concupiscentiâ lib. 1. cap. 10. Testatur de Paulo Apostolo: quoddam Sacramentum nuptiarum commendat fidelibus coniugatis. Vnde dicit Apostolus: viri diligite uxores vestras, sicut & Christus Ecclesiam. Et diu ante Augustinum Tertullianus libro de monogamiâ, cap. 5. Christus unam habens Ecclesiam sponsam, secundum Adam & Evæ figuram, quam Apostolus in illud magnum Sacramentum interpretatur, in Christum & Ecclesiam competisse Carnali Monogamiâ per spiritalem. Et ex hisce jam intelligemus, quid sibi voluerit idem Tertullianus libro de monogamiâ: ut igitur in Deo nubas secundum & Apostolum (si tamen vel hoc curas) qualis es id matrimonium postulans, quod eis à quibus postulas, non licet habere, ab Episcopo monogamo, à Presbyteris & Diaconis eiusdem Sacramenti, à viduis, quarum sectam in te recusasti. Agit de hoc loco Gabriel Albaspineus libro 1. observ. 24. Et ait nihil aliud esse, mulieres ab Episcopo, presbyteris, & viduis maritum petere, quam eis nubendi consilium, & futuri coniugis vivendi consuetudinem & mores exponere: quod ipsum statutum fuit & præceptum in Africanâ

Augustinus.

Tertullianus.

Albaspineus.

N

Ecclesiâ,

Tertullian.

Ecclesiâ, ne fidelium quisquam gentili nuberet vel Iudeo, aut hæretico, cum durante persecutionum tyrannide fideles sic facile prodi contigisset: unde & Tertullianus lib. 2. Ad uxorem, non modo eam mulierem increpat, quæ gentili nupserat, verum etiam eos, qui eiusmodi nuptiarum auctores extiterant: *miror consiliatorum pravariationem*. Hæc Gabriel Albalpineus, cuius ratio licet bona sit & vera, aliam tamen addere libet ex ratione Sacramenti, ob quam Ecclesia Africana sese nuptiarum causæ immiscuit, ne quod Sacramentum Paulus à Christo institutum asseruit in Ecclesiâ, per fidelium cum infidelibus nuptias prophanaretur. Et hisce jam habes septem Sacramenta à Romanâ Ecclesiâ huc usque asserta, & vel ex solis Africanæ Ecclesiæ scriptoribus, contrâ omnes novatorum calumnias roborata & firmata.

C A P V T VI.

De sacro supellectili ad sacrificium requisito
& missâ Africanâ.

1. Romana Ecclesiæ ritus in sacrificio observati per omnem Patriarchatum occidentis paulatim introducti, nec Africani à ritibus Romanis alieni.
2. Romana Ecclesia habuit pro sacrificio peragendo altare ad orientem in templo collocatum, quod lintheamine cooperiebatur cum candelis & cruce superpositis, quæ eadem habebat Ecclesia Africana.
3. Habuit insuper Africa libros liturgicos vasa, aurea & argentea, urceola nimirum, & calices.
4. Usus sacrarum vestium à Petro in Romanam Ecclesiam introductus, & à Stephano Papâ pro ministerio sacro præscriptus, unde & apud Africanam vestes sacræ tempore sacrificij usitate.
5. Sacrificium à D. Augustino missa vocatur, quod nomen etiam lege Wandalorum continetur. Suus erat ritus missæ Africanæ, quem similem Mozarabico putavit Cardinalis Bona.
6. Fundamentum Cardinalis Bona videtur, quod Arabes in Hispaniis missâ Mozarabicâ utebantur, eamque ex Africâ secum attulerant.

Verum

Verum Africana Ecclesia stetit ante Arabum in Africam irruptiones, & primis saculis non Mozarabicâ sed Romanâ utebatur liturgiâ.

7. Missa Cathecumenorum ex Tertulliano & Augustino descripta. Ostenditur ex eodem Augustino Dominicam orationem in fine recitari solitam apud Afros, quod ne quis à Romana Ecclesia more alienum fuisse existimet, idem Româ observatum fuit usque ad Gregorium magnum.
8. Aliud testimonium petitur ex psalmis ante missam dici solitis in Ecclesiâ, cumque Caelestinus Pontifex antiphonatum psalmos dici statuisset ante altare, uti nunc fit ante introitum, statim hoc ipsum amplexa est Ecclesia Carthaginiensis obganniente quidem Hilario, sed laudante Augustino, unde clarum fit, Africanam Ecclesiam ritus sacrificij à Romanâ mutuassee.

1. **A**ccuratè observavit ante nos eminentissimus Cardinalis Bona libro. 1. Rerum liturgicarum, cap. 7. Cum Romana Ecclesia præter summum orbis catholici principatum, specialem habuerit in universum occidentem, hoc summorum pontificum, hoc Episcoporum piorumque principum studium, hanc curam fuisse, ut omnes gentes, quæ in occiduis partibus sunt, traditiones & ritus Romanæ Ecclesiæ in ordine missæ sequerentur; ex quo paulatim factum est, ut propriis, si quos habebant, ulibus abrogatis Romanos receperint, adeo ut in plerisque Ecclesiis veterum consuetudinum, non solum nulla remanserint vestigia, sed ipsa etiam memoria evanuerit. Africanam Ecclesiam ut fide, ita & ritibus cum Romanâ convenisse, ex scriptis Tertulliani, Optati, Cypriani, Augustini non obscurè colligimus. huc usque vir eruditus & purpuratus cæterus gloria Cardinalis Bona, qui dum Africanam Ecclesiam cum Romanâ in ritibus convenisse scribit, de primævâ Africæ Ecclesiâ intelligendus est, quod quam verum sit, & antiquorum sententiæ consonum de ritibus in missæ sacrificio, tunc ostendemus, cum prius egerimus de sacro altaris ornamento, ac valis & vestibus sacris ad ministerium sacrificij requisitis.

Card. Bona.

2. Ut itaque à primo incipiam: si Romana Ecclesia olim altare suum habebat collocatum in medio partis istius, quæ orientem respicit: D. Augustinus serm. 46 cap. 1. scriptum reliquit. *Mensa Christi illa in medio posita.* Et Tertullianus in Apologetico, cap. 16. *Inde suspicio, quod innotuerit nos ad orientis regionem præcari.* Si Romæ altaria lintamine cooperiebantur; petit S. Optatus Milevitanus libro 6. *Quis*

Augustin.

Tertullian,

fideliū

- S. Optatus. *fideliū nescit, in peragendis mysterijs ipsa ligna linreamine cooperiri?* si Romæ candelæ accendebantur in usum liturgiæ, acta purgationis
- Gesta purgation. Cæciliani & Felicis edita in appendice post S. Optatum habent: *cum ventum esset ad domum, in qua Christiani conveniebant sedente Paulo Episcopo... Data sunt lucernæ argenteæ septem, cereofala duo: candelæ breves aeneæ cum lucernis suis septem, item lucernæ aeneæ undecim cum catenis suis.* Et apud Victorem Vitensem lib. 2. de persecutione
- Victor Viten. Wandalicâ: *Vidit quidam Fausti Ecclesiam solito in ornatu fulgentem, & dum lataretur tanti fulgoris candore, cereis quoque fulgentibus, pallijsque uelaminum ac lampadibus rutilantem.* Si Romæ crux in altari ponebatur (cum Tertulliano teste, Christiani ad omnem fere actum crucis signo uterentur, & teste Augustino tractatu 118. in Ioannem, nisi adhibitum fuisset sacrificio, quo credentes aluntur, illud ipsum ritè non perficiebatur) quis dubitare poterit, quin crux aliqua materialis etiam super altaribus Africanis fuerit collocata? Tertullianus sanè in Apologetico gentiles refellens, qui nos culpabant ob crucis cultum: *Sed, inquit, & qui crucis nos religiosos putat, consecratus noster erit, cum lignum aliquod propitiatur.* Non negat Tertullianus Christianos religiosè crucem venerari solitos, quin imo fatetur teste Beato Rhenano adversæ religionis fautore, *eius temporis Christianos nihil in templis habuisse præterquam crucis insigne super aram ad orientem versam.* Quod ipsum expressit Gulielmus Beveregius in iconographia templorum primitivæ Ecclesiæ, ubi videmus unicum altare cum cruce in bemate collocatum.
3. Præter hæc omnia altaris ornamenta, usum librorum liturgicorum fuisse in Africâ, ex omnibus illis lucet, quæ de traditione sacrorum codicum Donatistas inter & Catholicos agitata fuerunt. Deplo-
rat S. Optatus, lib. 1. contrâ Parmenianum, quod persecutione exor-
tâ plerique *instrumenta divinæ legis impiè tradiderunt.* Et Gesta pur-
gationis Cæciliani habent de Eugenio: *protulit codices quatuor.* Et de
Felice Sarfore: *protulit codices quinque.* Et cum ventum esset ad Domum
Victorini *protulit codices octo.* Et cum ventum fuisset ad Domum Proie-
cti, *protulit codices quinque maiores, & minores duos.* Inter hos autem
codices aliquos fuisse rituales & liturgicos vel exinde colligitur, quod
omnes hi codices ad Ecclesiam pertinerent, quæ sine liturgicis libris
sacrum perficere non poterat. Succedunt vasa aurea & argentea, quæ
Romana Ecclesia nunc temporis in usum sacrificij adhibet, & Ecclesia
Africana à suis primordiis adhibuit. S. Optatus Milevitanus libro 1.
contrâ

contrà Parmenianum agit de Mensurio ab Imperatore ad comitatum evocato, & scribit illo proficiscente ob timorem persecutionis ornamenta commendata cuidam aniculæ. *Erant enim Ecclesia ex auro & argento quam plurima ornamenta, quæ nec defodere terra, nec secum portare poterat. Illis autem annumeranda fuisse urceola, patenas & calices non solum ex Concilij Carthaginienfis quarti Canone quinto evincitur, ubi Subdiaconum de manu Episcopi patenam & calicem vacuum, ac de manu Archidiaconi Urceolum cum aquâ accipere debere, præscribitur, sed ex actis quoque purgationis Cæciliani, ubi Felice curatore reipublicæ exigente traditi sunt à Paulo Episcopo eiusque Clero: Calices duo aurei, item calices sex argentei, urceola sex argentea. S. Cyprianus quoque epistolâ 63. sese admonitum fatetur, ut in calice offerendo Dominica traditio servetur: quod ipse Dominus in ultimâ cenâ calicem adhibuisset. Tertulliani tempore fideles in calicibus suis figuram pastoris depictam habebant, unde illud libro de pudicitia, cap. 7. procedant pictura calicum vestrorum, & cap. 10. si forte patrociniabitur pastor, quem in calice depingis.*

S. Optatus.

Acta purgation.

Cyprian.

Tertullian.

4. Demum ad ipsas sacerdotum & ministrorum vestes accedamus, quas sacras fuisse & à communi usu distinctas, ex traditione habemus, cuius dum originem ignoramus, eandem ab Apostolis ex regulâ per Augustinum traditâ descendisse dicimus cum eminentissimo Cardinali Bonâ, qui & refert Honorij Augustodunensis desumptum ex gemmâ animæ cap. 89. Testimonium: *sed Clemens tradente Petro Apostolo usum sacrarum vestium ex lege sumpsit; & Stephanus Papa in sacris vestibus missas celebrari constituit. Habet hoc ultimum Honorius Augustodunensis ex Anastasio Bibliothecario, apud quem tamen verba illa longe aliter concepta sunt in vitâ Stephani Papæ: hic constituit, Sacerdotes & levitas vestibus sacratu in usu quotidiano non uti, & nisi in Ecclesiâ tantum. Quæ eadem comparent in secundo Catalogo summorum Pontificum tempore Iustiniani Imperatoris conscripto: Stephanus constituit Sacerdotes & levitas vestes sacratas in usum quotidianum non uti, nisi in Ecclesiâ tantum, quæ verba planum reddunt sensum, ab Honorio depravatum. Ubi enim ille innuit à Stephano decretum cum sacris vestibus missas celebrari, ibi Anastasius Bibliothecarius & auctor 2. catalogi innuunt, à Stephano vetitum, ne extrâ liturgiam aut Ecclesiam sacris vestibus uterentur, quod supponit usum antecedentem sacrarum vestium, prout quoque tradiderat Honorius, narrans eum in Romanam Ecclesiam introductum ex Petri traditione, & Clementis*

Honor. August.

Anastaf. Biblioth.

Catalog. M. S.

- Tertullian.** mentis instituto. Quod si extunc fuerit in Romanâ, quid ni & in Africanâ Ecclesiâ, quæ ritus suos à Romanâ mutuavit? huc infulas trahit Cardinalis Bona libro 1. cap. 24. quarum meminit Tertullianus lib. de monogamiâ, cap. 12. *deponimus infulas*, loquens de clericorum ordinationibus. Gesta purificationis Felicis & Cæciliani testantur à Traditoribus persecutionum tempore inter alia data fuisse vasa Ecclesiæ: *tunica muliebres 82. masortea 38. tunica viriles 16. caliga viriles paria 13. calliga muliebres paria 47.* Et etiam si de hisce vestibus dubitari posset, an ad sacrificium pertinerent, dubitari tamen non finit canon 41. Concilij Carthaginensis 4. quin ministri sacris vestibus induti offerrent, cum illo cautum sit: *ut Diaconus tempore oblationis tantum vel lectionis albâ utatur.* Quod præcisè convenit cum ijs, quæ pro Romanâ Ecclesiâ statuisse Stephanum Papam, audivimus supra. Et de his alijsque Sacerdotum & altaris ornamentis intelligendus est Victor Vitenfis libro 1. de persecutione Wandalicâ, dum scribit, missum à Geiserico Proculum quemdam in Provinciam Zeugitanam, qui coarctaret ad tradendum ministeria divina vel libros cunctos Domini sacerdotes... quibus se non posse tradere clamantibus, ipse rapaci manu cuncta depopulabatur, atque de pallis altaris (proh nefas) camisas sibi & femoralia faciebat. Qui tamen Proculus huius rei executor, frustratim sibi commedens linguam in brevi turpissimâ consumptus est morte: Et hæc quidem de sacro suppellectili ad altare & ministerium sacrificij dicta sufficiant.
- Gesta purification.**
- Canon. 41. Carthag.**
- Victor Vitenfis.**
5. Nunc de ipso sacrificio agendum, quod Africana Ecclesia usitato apud nos vocabulo missam nuncupavit: præclarum huius veritatis habemus testimonium in Concilio Carthaginensi 2. Quod sub Genethlio Carthaginensi ab Africanis variarum Provinciarum Episcopis anno 397. celebratum fuit, & canone 2. Statuit: *reconciliare quemquam in publicâ missâ presbytero non licere.* En totius Africanæ Ecclesiæ iudicium de missâ nostrâ posteritati consecratum, cui suum testimonium adiungit ad initium sæculi 5. Augustinus Africæ lumen præcipuum, cum Sermonem 91. de tempore his verbis intonat: *in lectione quæ nobis ad missas legenda est... fratres Charissimi, audituri sumus, quod filij Israel post transitum maris rubri &c.* Accedit quod Victor Africanæ Ecclesiæ Episcopus l. 2. Wandalicæ persecutionis eam passim usu receptam insinuat, cum hanc Wandalorum legem pro Africâ latam describit: *liberum arbitrium habetis in Ecclesiis vestris missas agere.* de missâ illâ in Ecclesiis Africanis celebrari solitâ contrà Donatistas
- Augustin.**
- Lex Vandalorum.**

Donatistas testatur S. Optatus Milevitanus Episcopus in fine libri 3. Nihil probavit aspectus ex iis, quibus perturbatus erat auditus. *visa est puritas, & ritu solito sollemnis consuetudo perspecta est.* cum viderent divinis sacrificiis nec mutatum quidquam, nec additum, nec oblatum: pax à Deo commendata volentibus est. Et si queras, cuam ritus ille solitus & sollemnis in divinis sacrificiis erat consonus? eminentissimus Cardinalis Bona libro 1. de rebus liturgicis, cap. 6. existimat, quoad præcipua cum iis convenisse, in quibus nulla dissentiebat Ecclesia, cuiusmodi sunt panis & vini præparatio, oblatio, consecratio, consummatio, & ipsius Sacramenti communicare volentibus distributio. Si verò de modo & ritu controversia est, quibus certæ preces, psal-
morum modulationes, ministrorum apparatus, thurificationes, & similia peraguntur, ea ex Augustini regulâ variari potuisse in Africâ: addit cap. 7. Marius Victorinum Afrum lib. 1. adversus Arium, sententiam citare ex liturgiâ Africanâ, quæ in ordine Romano non ex-
tat: sicut, inquit, & in oblatione dicitur, munda tibi populum circum-
vitalem, amulatorem bonorum operum circa tuam substantiam venientem. Fulgentium quoque Ruspensem in fragmentis editis à Sirmondo c. 14. in epistolâ 1. ad Corinth, quodam testimonio liturgiæ Africanæ uti,
„ quod in Romanâ non reperitur. „ Ex quibus, inquit, & ex aliis
„ quibusdam coniecturis suspicor, ritum Africanum illi similem tunc
„ esse, qui in Hispaniâ Mozarabicus dictus est.

S. Optatus.

Victorinus
Afer.

S. Fulgentius

Card. Bona.

6. Quod si quæras, undenam hanc coniecturam desumpserit Car-
dinalis Bona, aliud profectò invenire nequeo, quam Arabes ex Afri-
câ ad Hispaniam transisse, & regno illo occupato ritus suos simul
introduxisse, unde non Afri solum sed Hispani mixtarabes vocati
teste Iacobo de Vitriaco Acconensi Episcopo, ut quam missam Mo-
zarabicam fideles in Hispaniâ habebant, eandem ab Afri mutuarant:
idque attestari videtur Ioan bapt. Grammaye Africæ illustratæ libro 2.
cap. 6. cum dicit: se nolle referre de Veteribus Christianis tam Maroc-
ci quam Tuneti & in Lybiâ degentibus, qui *Mozarabum translatâ in*
Arabicum missâ utuntur. Verum cum Arabes primis Ecclesiæ sæculis,
si qui in Africâ latebant, sub Romanorum imperio constituti essent,
illique ante tempora Christi nati, usque ad ævum Augustini Romanis
legibus parerent, cum pace eminentissimi Cardinalis Bona dixerim,
quatuor primis sæculis missam Mozarabicam in Africâ non fuisse sus-
ceptam, sed potius antiquam Romanam, de qua intelligendus S. Op-
tatus Milevitanus lib. 3. loquens contra Donatistas: *visa est puritas &*
ritu

Grammaye.

ritu solito solemnibus consuetudo perspecta est. Cum viderent divinis sacrificiis nec mutatum quidquam, nec additum, nec ablatum, pax à Deo commendata volentibus est. Quænam autem hæc missa fuerit, si de modo & ritu controversia est, potuit in aliquibus precibus fuisse varia, ut preces à Victorino Afro & Fulgentio Ruspensi ex liturgiâ Africanâ citatæ aliæ quædam sint, quam hodiernæ: si tamen de præcipuis liturgiæ partibus controversia est, eadem omnino fuit, quæ hodierna Romana, idque ne gratis dixisse viderer, ex autoribus Afris antiquissimis Africanam liturgiam repetemus, & cum Romanâ componemus.

7. Perantiquus Tertullianus de missâ Cathecumenorum acturus libro de animâ, jam verò, inquit, prout scripturæ leguntur, aut psalmi canuntur, aut adlocutiones proferuntur. Et S. Augustinus serm. 10. de verbis Apostoli: primam lectionem audivimus Apostoli, deinde audivimus psalmum: post hæc evangelica lectio decem leprosos mundatos nobis ostendit. Quæ omnia non ita intelligenda veniunt, tanquam ad altare more hodie recepto à sacerdote hæc omnia recitarentur, sed à lectore in pulpito, & ut de Celerino lectore epist. 34. scribit Cyprianus, super pulpitem. . . legat præcepta & evangelia Domini. Ibique psalmi canebantur in Ecclesiâ sobriè, ut loquitur Augustinus epist. 119. cap. 18. Id est voce submissâ. Post Evangelium verò Tertulliano testante adlocutiones proferuntur, seu homiliæ ab Episcopis fiebant ad populum, & tunc dimittebantur Cathecumeni, quibus dimissis convertebat se ad altare sacerdos, juxta illud Optati Milevitani: inter vicina momenta, dum manus imponitis & delicta Donatis, mox ad altare conversi Dominicam orationem prætermittere non potestis. Non quod S. Optatus velit, statim orationem Dominicam fuisse à Sacerdote inchoatam, ut plerique contendunt volentes cum Eminentissimo Cardinali Bona, more Africano post canonem Pænitentes fuisse absolutos, sed solum, orationem Dominicam inter cætera recitandam: unde S. Augustinus epist. 59. distinctionem facturum inter preces, orationes, & petitiones in canone contentas, preces, inquit, accipimus dictas, quas facimus in celebratione Sacramentorum antequam illud, quod est in Domini mensâ incipiat Benedici: orationes cum Benedicitur & Sanctificatur, & ad distribuendum comminuitur, quam totam petitionem ferè omnis Ecclesia Dominicâ oratione concludit. Ubi vides more Africano Dominicâ orationem fuisse finem sacrificij, quin imò more per omnem ferè Ecclesiam recepto teste Augustino, ut intelligeremus, non nisi post Sanctifi-

Sanctificationem aut consecrationem, & non nisi post fractionem ac distributionem etiam Romæ orationem Dominicam fuisse recitatam, unde & intelliges, quid sibi voluerit Ioannes Syracusanus Episcopus ad Gregorium magnum, quia orationem Dominicam mox post Canonem dici statuit. Ad quod S. Gregorius nihil aliud reposuit: orationem autem Dominicam idcirco mox post precem dicimus, quia mos Apostolorum fuit, ut ad ipsam solummodo orationem oblationis hostiam consecrarent. Fuit S. Gregorius magnus, qui liturgiam quoad ritus & preces in alium ordinem redegit, & missas de anni circulo illum ad modum, quo nunc Romana legit Ecclesia, composuit, plura quidem ex antiquo ritu relinquens, alia vero mutans: Quam mutationis sortem quoque passa est oratio Dominica, quæ, cum in fine liturgiæ omnium esset ultima, mox post canonem ante hostiæ contractionem fuit collocata. Quâ ex re lucidè colligimus, missam antiquam Romanam eo ordine celebratam, quo vidimus celebratam fuisse Africanam.

Ioan. Syracusan.
Gregor. M.

8. Aliud huius veritatis testimonium habemus ex antiquo ante 900. annos conscripto & hætenus inedito Pontificum catalogo, ubi legitur in Cælestino 1. *Hic constituit, ut antiphona ante sacrificium caneretur, quod non ante fiebat, nisi tantum epistola B. Pauli recitabatur & sanctum Evangelium.* Desumpsit verò ea ipsa auctor catalogi ex alio antiquiore sub Iustiniano Imperatore confecto, qui habet in Cælestino: *Hic fecit ut psalmi centumquingenta deberent ante sacrificium psalli, quod ante non fiebat, nisi tantum epistola Pauli Apostoli & sanctum evangelium, & sic missa celebrabantur.* Eadem ferè verba ex hoc catalogo libro Pontificali inseruit Anastasius Bibliothecarius, ex quibus habemus, ante quintum sæculum Romæ lectis epistolâ & Evangelio missas fuisse inchoatas, sub Cælestino autem non omnes 150. Psalmos, ut habet corruptus catalogi & libri Pontificalis textus, sed aliquos antiphonatum, ut scribit Anastasius Bibliothecarius, legi debuisse, prout nunc introitus inchoante presbytero: *Introibo ad altare Dei.* Et respondente ministro: *ad Deum qui latificat Iuventutem meam, &c.* Hisce verò positis, considerandum testimonium D. Augustini ex libro 2. retract. cap. 11. desumptum, ubi scribit Hilarium Tribunitium in ministros Carthaginienſis Ecclesiæ fuisse irritatum, & morem, qui tunc esse apud Carthaginem cøperat, ut hymni ad altare dicerentur de psalmorum libro sive ante oblationem, sive cum distribuere-tur populo, quod fuisset oblatum, maledicâ reprehensione, ubicumque poterat, lacerabat, asserens fieri non oportere. Et inquit Augustinus:

Catalog. M. S

Catalogus 2.

Augustinus.

Huic

*Huic respondi iubentibus fratribus, & vocatur liber ipse, contra Hilari-
rium. Hic liber sic incipit: qui dicunt mentionem. Meminit huius libri*

Possidius.

Possidius in indiculo: *contra Hilarium de canticis ad altare liber unus.*

Card. Bona.

Periit vero hic liber, aut latet, quod occasionem tribuit Cardinali
„ Bona exclamandi libro 2. cap. 3. „ atque utinam hic extaret, multa

„ enim in ipso haberemus, quibus hic tractatus illustrior redderetur. „

Et ratione illius plura quoque tradit de introitu non satis antiquitati
consona. Veritas autem, ut elucescat, quæro ego, quid sibi voluerit

Augustinus, dum apud Carthaginem morem incœpisse testatur, quo
ante oblationem dicerentur psalmi ante altare? an forsitan Hilarius ar-

guat psalmorum ante sacrificium recitationem? id certè nullo fūco at-
tentare potuisset, cum à Tertulliano presbytero Carthaginienſi audi-

Tertullian.

vimus suprà, ante sacrificium psalmos cantatos: *aut psalmi canuntur.*

Quid ergo increpat? respondeo nihil aliud, quam *ante Altare*: cum
enim lectiones in pulpito legerentur à lectore, psalmi canerentur in

Ecclesiâ, Evangelio lecto, tunc solum ad altare ingrediebatur Sacerdos
liturgiam aut missam fidelium inchoaturus. Cælestinus verò Papa,

cum testibus Amalario & Walfrido psalmos in introitu Antiphona-
tim recitari statuisſet, morem hunc eo ipso Africana recepit Ecclesia:

Cælestini namque tempore vivebat Augustinus, qui tunc obganniente
Hilario morem à Romana Ecclesia amplexum, in Africam introduc-
tū fatetur, & ab ipsis Carthaginienſibus observari cœptum. Et hinc

vides, verissimum esse, Africanam Ecclesiam in ritibus liturgicis adeò
convenisse cū Romanâ, ut etiam attenderit ad omnes eorum mutatio-

nes à summis Pontificibus præscriptas, easque tam citò amplexæ fuerit,
quam constaret editas. Sit proinde aliqua oratio ex liturgiâ Africanâ

per quosdam scriptores Afros allata, quæ nō reperitur in ordine Roma-
no, exinde præfctò concludi nō potest, liturgiam Africanam à Roma-

nâ fuisse diversam. Ordo enim Romanus à septingentis annis putatur
conscriptus, & testimonia Afrorum quintum vel sextum sæculum re-

spiciunt, quibus temporibus & ipsa Romana Ecclesia aliquas preces
habere potuit, quæ à Gregorio magno in Sacramentario, vel in

ordine Romano postea omiſſa sunt.

CAPVT

CAPUT VII.

De ritu Africanæ Ecclesiæ in sacris
ordinationibus.

1. Episcopi Afri à Donatistis accusati, quod ubique collegas instituerent, ut numerum augerent: fuisse tamen in Africâ Ecclesias numerofo clero conspicuas ex pluribus Ecclesiis ostenditur.
2. Ecclesias tam numerofo clero conspicuas ex variis ordinibus constituisse, docent Victor Vitenfis & Optatus Milevitanus. Ordines vero omnes in Africanâ Ecclesiâ fuisse sicut in Romanâ, ex variis Africanorum testimoniis eruitur.
3. Illustre testimonium suppeditat Concilium Carthaginense quartum, quod non modo omnes septem ordines diversis canonibus exhibet, sed & ordinationum ritus Romanæ Ecclesiæ consonos.
4. Ritus ordinationum ex Concilio Carthaginensi 4. à criticis eidem Concilio suppositi creduntur, eo quod veteres canonum collectores Canonum Concilij Carthaginensis 4. non meminerint.
5. Meminit tamen Isidorus & post eum Regino, Burchardus, Anselmus, Ivo Carnotensis, & Gratianus, quibus accedit genuina præfatio Synodi indicans genuinos esse canones, qui de ordinationum ritibus agunt.

1. **O** Biecit in Collatione Carthaginensi numero 65. Petilianus Constantinensis ex parte Donati Episcopus, adedò multiplicatos in suâ Diœcesi fuisse Catholicos Episcopos, ut duos haberet unum scilicet in civitate Constantinensi nomine Fortunatum, & alium extra civitatem Delphinum nomine sibi adversarios; quin imò Adeodatum Donatistarum in civitate Milevitanâ Episcopum tres habere in plebe sibi commissâ competitores, quorum unus in ipsâ civitate Milevitanâ, alter in Tuncensi, tertius Severianus nomine in Ceramulsâ sedem habebant. Addit de Ianuario loci SS. Episcopo Petilianus Donatista n. 117. *In una plebe Ianuarij collega nostri presentis, in una Diœcesi, quatuor sunt constituti contra ipsum, ut numerus scilicet augeretur: constat deinde, cum à catholicis præ paucitate despiciendi penes Imperatores accusarentur, pœnam talionis reddere voluisse, & initio collationis eadem*

de re catholicos Episcopos coram missis Imperatorum voluisse traducere, quamvis & constaret, fideles tanto numero per universam Africam fuisse dispersos, ut obinde in singulis civitatibus Episcopos admiserint: quid repetam Mizoni Episcopi dicecesim? de quâ Maximinus partis catholicæ Episcopus num. 163. collationis: *presbyteros habet, & abundantem populum.* Quid Milevitana Severi Ecclesiam clericis refertam? quid Hipponensem Augustini presbyteris & clero conspicuam, de quibus Augustinus attestatur epistolâ 110. cum constet in unicâ Carthaginiensi civitate fuisse ultrâ quingentos clericos, ut lib. 3. de persecutione Wandalicâ scripsit Victor Vitenis: *universus clerus Ecclesia Carthaginis cade inediâque marceratur ferè quingenti vel amplius.*

2. Ecclesiâ tam numerofo clero conspicuam ex variis ordinibus constituisse, auctor est idem Victor Vitenis libro 1. enumerans, *Episcopos, Presbyteros, Diaconos, & alia Ecclesia membra.* Loquitur omninò cum S. Optato Milevitano libro 2. contra Parmenianum: *certa membra sua habet Ecclesia, Episcopos, Presbyteros, Diaconos, ministros.* Per ministros intelligunt plerique antiquiores Patres Subdiaconos, quamvis hocce loco omnes minores sub Diacono clerici intelligantur. Scribit libro 1. idem Optatus de Maiorino, *qui lector in Diaconio Caciliani fuerat.* Et commentatur Albaspineus, *omnes minores clerici sub Diaconis, Diaconi sub presbyteris, presbyteri sub Episcopis tanquam per classes disponebantur.* Ex quo loco etiam rationem colligere licet, cur libro 3. S. Optatus Subdiaconos & omnes minores clericos in unam classẽ redactos sub ministrorum nomine citavit. Cæterum frequens fit etiam mentio minorum ordinum apud scriptores Africanos. Tertullianus est, qui libro de præscriptionibus clamat contra hæreticos, *hodie Diaconus, qui cras lector.* Cyprianus quoque epistolâ 24. *fecisse me autem sciatis lectorem saturum, & Hypodiaconum Optatum Confessorem,* & epistolâ 76. ad Magnum: *quod hodie etiam geritur, ut per exorcistas voce humanâ & potestate Divinâ flagelletur & uratur, & torqueatur diabolus.* Quæ verba tam clara sunt & perspicua, ut Gulielmus Beveregius in notis ad canonem 10. Antiochenum fateatur, *exorcizare Cypriani diebus peculiare quorundam officium fuisse.* Officium, inquit, cum ordinem dicere debuisset, quandoquidem Cyprianus Pamelio teste alibi exorcistarum ordinis memineat. Meminit quoque epistolâ 28. Favorini Acoluthi, & epistolâ 55. ad Cornelium Papam: *legi litteras tuas, frater carissime, quas per saturum fratrem nostrum*

Collat. Carthagin.

Victor Vitenis.

S. Optatus.

Albaspineus.

Tertullian.
Cyprian.

Beveregius.

Cyprianus.

nostrum Acoluthum misisti. Et infra: nactus tamen occasionem familiarissimi hominis & clerici, per Felicianum Acoluthum. Scripsit hæc ad Cornelium, qui in epistolâ ad Fabium Antiochenum Presbyteris, Diaconis, Subdiaconis, Acoluthis, Exorcistis, & Lectoribus addit Ostiarios, quos solos, ne Africana Ecclesia omisisse videretur, eos omninò addidit Concilium Carthaginense 4. anno 398. sub Aurelio ubi canone 9. Ostiarius cæteris ordinibus accensetur simul cum ritibus ab Africanâ Ecclesiâ in sacris ordinationibus adhiberi solitis.

Cornel. epist.
ad Fabium.

3. Ji autem, ut verbis Concilij proponantur, ante canonem 2. agentem de ordinatione Episcopi, duobus Episcopis Evangeliorum codicem super caput ordinandi tenentibus, unoque benedictionem fundente cum cæteri caput eius manibus tangunt, habentur in Codice Barberino cum hocce titulo:

Recapitulatio ordinationis officialium Ecclesiæ.

Concil. Carthagin. 4.

CANON

III.

Presbyter cum ordinatur, Episcopo eum Benedicente, & manum super caput eius tenente, etiam omnes presbyteri qui præsentés sunt, manus suas juxta manum Episcopi super caput illius teneant.

CANON

IV.

Diaconus cum ordinatur, solus Episcopus, qui eum benedicit, manum super caput illius ponat, quia non ad sacerdotium, sed ad ministerium consecratur.

CANON

V.

Subdiaconus cum ordinatur, quia manus impositionem non accipit, patenam de Episcopi manu accipiat vacuam, & calicem vacuum. De manu verò Archidiaconi urceolum cum aquâ, & mantile, & manutergium.

CANON

VI.

Acoluthus cum ordinatur, ab Episcopo quidem doceatur, qualiter in officio suo agere debeat. Sed ab Archidiacono accipiat ceroferarium cum cereo, ut sciat se ad accendenda Ecclesiæ luminaria mancipari. Accipiat & urceolum vacuum, ad suggerendum vinum in Eucharistiam sanguinis Christi.

C A N O N

VII.

Exorcista cum ordinatur, accipiat de manu Episcopi libellum, in quo scripti sunt exorcismi, dicente sibi Episcopo: accipe & commenda memoria & habeto potestatem imponendi manus super energumenum, sive baptizatum, sive Catechumenum.

C A N O N

VIII.

Lector cum ordinatur, faciat de illo verbum Episcopus ad plebem, indicans eius fidem ac vitam, atque ingenium. Post hac, spectante plebe, tradat ei Codicem, de quo lecturus est dicens ad eum: accipe, & esto lector verbi Dei, habiturus, si fideliter & utiliter impleveris officium, partem cum eis, qui verbum Dei ministraverint.

C A N O N

IX.

Ostiarius cum ordinatur, postquam ab Archidiacono instructus fuerit, qualiter in domo Dei debeat conversari, ad suggestionem Archidiaconi, tradat ei Episcopus claves Ecclesie de altario, dicens: sic age, quasi redditurus Deo rationem pro his rebus, quæ his clavibus recluduntur.

C A N O N

X.

Psalmista, id est cantor: potest absque scientia Episcopi solâ Inſione presbyteri, officium suscipere cantandi, dicente sibi presbytero: vide, ut quod ore cantas, corde credas: & quod corde credis, opere comprobes.

4. Et hæc sunt, quæ ad ordinationum ritum spectant à Concilio Carthaginensi 4. probatum, qui ritus tanquam omnium latinorum antiquissimus refertur à Ioanne Morino in opere de sacris Ecclesie ordinationibus, cui unum memini me legisse, quod obſtaret testimonium, eminentissimi scilicet Cardinalis Bona lib. 1. Rerum liturgicarum, cap. 25. Ubi pro minoribus ordinibus laudat Romanam sub Sylvestro Synodum, & Concilium Carthaginense 4. Sub Anastasio

Card. Bona. „ Canone 6. Et ſequentibus; addit autem: „ non ignoro hæc duo „ Concilia à quibusdam criticis ſuppoſititia cenſeri, ſed quidquid de „ illis ſit, alia ſuperſunt certiora ab Antiquioribus teſtimonia: „ quo loquendi modo non obſcurè innuit, ſe accedere ſententiæ criticorum, quorum unum reperi Chriſtophori Juſtelli in ſuâ ad Codicem

Juſtellus. „ Canonum Africanorum præſatione ita ſcribentis: „ plane repu- „ diandum eſt, nec fides adhibenda Canonibus centum & quatuor, „ quos

„ quos sine auctoritate huic Concilio adscribunt. „ Moveri autem potuit Iustellus ex eo, quod nec Græci, nec Romani, nec ipsis Africanis collectores Canonum ullos umquam ex hisce 104. Concilij quarti Carthaginienſis citarint: non auctor Codicis Canonum Africanorum, qui post Synodum sextam Carthaginienſem floruit, & 19. Concilia Carthaginienſia ab anno 393. Ad annum 419. compilavit: non quoque auctor Concilij vulgò Africani, quod Afri cuiusdam variorum Canonum compilatio est: non Fulgentius Ferrandus Carthaginienſis Archidiaconus, qui sub Iuſtiniano Imperatore breviationem Canonum adornavit: sed nec Dionysius Exiguus, qui Romæ floruit, & Carthaginienſium Synodorum centum triginta & octo Canones collectioni inferuit: non græci demum collectores Canonum, quos ſuis ſcholiis Ioannes Zonaras, Alexius Ariſtenus, & Theodorus Balzamon illuſtrarunt.

5. Magni momenti videri poſſet petitum ex ſilentio antiquorum contrà Canones Concilij Carthaginienſis quarti argumentum, illudque hic ſuſius ad ſua principia recenſerem, niſi diſſertatione ſequenti latius de Concilio Carthaginienſi quarto tractare decreviſſem; ſufficiat itaque occasione Canonum de ſacris ordinationibus ſtatuentium hic ſummatim invaliditatem argumenti negativi ex aliorum monumentorum teſtimoniis convincere. *Auguſto Honorio 4. Et Eutyſchiano Conſulibus, ſexto Idus novembris*, Placuit Aurelio & univerſali Carthaginienſi Concilio ſtatueri, quæ ad ordines Eccleſiaſticos ſpectant, ut fidem facit præſatio illius Synodi edita ex collectione Iſidori Mercatoris, qui à 900. fermè annis floruit, nec ex ſuo cerebro, ſed antiquiori codice eam cum omnibus centum & quatuor Canonibus edere potuit, & debuit. Non ignoro quidem, Iſidori Mercatoris auctoritatem tanti momenti non eſſe apud peritos, quod notum ſit, ipſum in collectione ſua pleraque ſuppoſititia edidiſſe, & ideo cum primus ſit, qui Synodum Carthaginienſem quartam in lucem emiſit, de eâ ab aliquibus dubitari: attamen ſi acta huius Synodi æquâ lance perpendantur, non omnia ſuppoſititia dici poſſe, ſed Canones aliquos huic Synodo, quam certo habitam putamus menſe novembris anno 398. Vindicandos eſſe conſtabit. Genuinos autem Canones genuina præſatio indicavit, cum in Synodo illâ conſtituta monet, *quæ ad ordines Eccleſiaſticos Canonicis neceſſaria ſunt diſciplinis*. Sola ad ordines ſpectantia refert, & cum in tot ritibus Africanam Eccleſiam cum Romanâ conveniſſe oſtendimus, ſi huius Carthaginienſis Concilij de ſacris ordina-

Præſat. Car-
thagin. 4.

ordinationibus decreta cum Gelasij Sacramentario per Morinum edito ; cum libro Sacramentorum Gregorij magni per Hugonem Menardum typis excuso , & cum antiquo ordine Romano , comparaverimus , invenimus profectò, Canones illos de sacris ordinationibus in utrâque Ecclesiâ fuisse receptissimos , & à Romanis eos verbatim mutuatos Afros, quorum Canones ex Concilio Carthaginiensi 4. citarunt post Isidorum Regino Abbas Prumiensis , Burchardus Episcopus Wormaciensis , Anselmus Lucensis , S. Ivo Carnotensis Episcopus , Gratianus monachus in decreto, & omnes ferè recentiores periti , inter quos nec Morinus , nec Hugo Menardus , nec Bailius , nec Baronius ullam de suppositione horum Canonum habuere suspensionem : quod si adhuc animo hæreas , totam Synodorum Carthaginiensium controversiam aggrediamur , & cum inter Africæ Concilia ad Carthaginiense 4. Pervenerimus , ibidem fusius de Canonibus eius agemus.



DISSER-

DISSERTATIO III.

DE

CONCILIIS AFRICANIS,

Eorumque Canonibus cum scholiis & notis.

1. Quatuor genera Conciliorum in Africa, quorum 1. Diocesenum,
2. Provinciale, 3. dicebatur universale.
2. Quartum genus vocabatur plenarium, quod singulis annis 10. Kalend. Septemb. celebrabatur in diversis Provinciis per turnum, quod tamen Africana Ecclesia anno 407. abrogavit.
3. Ad Concilia plenaria non veniebant omnes totius Africa Episcopi, sed media tantum pars eorum.
4. Praclarum huius veritatis exemplum ex collatione desumitur, ex qua & ratio istius redditur.

1.



Uatuor Synodorum genera habita fuisse in Africâ, in dissertatione 2. de Synodis occasione Pelagianorum habitis notat Ioannes Garnerius: earum verò primum genus ab unius civitatis Episcopo cum suis presbyteris & Diaconis, quod apud Cyprianum epist. 46. presbyterium vocabatur, ac Diocesanis nostrorum temporum Synodis correspondet, habitum fuisse. secundum genus erat Conciliorum unius Provinciae sive illud communi Episcoporum Provincialium sententiâ congregaretur, cui senior Episcopus praesidebat, sive per primatis tractatoriam convocatum esset, qui & ipse praerat tanquam Metropolitanus: nomen accipiebat vel à Provincia vel ab urbe, ad quam Episcopi à Primate evocati confluebant, & Provinciale tantum vocari poterat, nec plenarij nomen obtinebat nisi addito Provinciae vocabulo, ut Colligitur ex can. 98. Codicis Africani: *de Concilio plenario cuiusque Provinciae*. Tertium genus, quando ex pluribus Provinciis non tamen omnibus, cuiusmodi fuit Byzacenum ad quod ex Provinciâ Proconsulari missi

P

sunt

sunt Episcopi legati, hocque Africanum sed particulare nominabatur, ut à quarto genere discerneretur, quod universale vocatum est, ad quod nimirum ex omnibus Provinciis Africæ vel Episcopi quilibet, vel delegati conveniebant.

Canon. 18.
Cod. Afric.

can. 73. ibid.

Canon. 95.

2. Quartum genus Conciliorum usitato apud Afros vocabulo dicebatur Plenarium, cuius tam frequens mentio apud D. Augustinum & scriptores Afros. Illius cogendi autoritas erat penes Episcopum Carthaginiensem, & annuatim convocandum erat ex statuto Concilij Hipponensis, ut refertur titulo 18. Codicis Africani: *singulis quibusque annis Concilium convocetur, ad quod omnes Provinciae, quæ primas sedes habent, de Conciliis suis binos, aut quantos delegerint, Episcopos legatos mittant, ut congregato Conventu plena possit esse potestas.* Additur canone 73. eiusdem Codicis: *Dies verò Concilij idem servetur, qui in Hipponensi Concilio constitutus est, id est 10. Kalend. Septemb. & canone 95. quoniam constitutum fuerat in Concilio Hipponensi, ut singulis annis contraheretur Concilium Africa plenarium, non tantum hic apud Carthaginem, verum etiam per diversas Provincias suo ordine; & hoc ita servatum est, ut indiceremus aliquando in Numidiâ, aliquando in Byzacio. At quia hoc laboriosum omnibus fratribus visum est, placuit, ut non sit ultra fatigandis fratribus anniversaria necessitas, sed quoties exegerit causa communis, id est totius Africa, undecumque ad hanc sedem de hac re data litera fuerint, congregandam esse Synodum in eâ Provinciâ, ubi oportunitas persuaserit.* Canon hic 95, constitutus est Honorio 7. & Theodosio 2. Augustis Consulibus, id est an 407. in Carthaginiensi sub Aurelio Primate Concilio, & ex eo habemus, qualiter plenaria Concilia celebrata fuerint modo in unâ, modo in alterâ Provinciâ ordine servato, idque ad 10. Kalend. Septembris, ut vidimus ex canone 73. Sustulit demum hunc morem Africana sub Aurelio Synodus anno 407. & Synodum plenariam non modo singulis annis habendam retraxit, sed ordinem illum Provinciarum in medio Africæ ad mare mediterraneum sitarum exsufflavit, reservante sibi Primate Carthaginiensi & temporis, & loci potestatem, ut ex canon. 95. colligitur.

Garnerius.

„ 3. Quærit Garnerius agens de Conciliis Plenariis: „ quam ob „ causam nulla Catholicorum Synodus Africana legatur plures Epif- „ copos habuisse, quam ducentos & viginti ad summum, cum ta- „ men in Africâ forent plures quingentis Ecclesiæ Episcopales Catho- „ licæ? „ ac reponit, quod „ conveniebat ex singulis Provinciis una „ tantum

, tantum turma, id est, media ferè pars, ex quâ tamen aliqui justas, haberent absentia causas. Et confirmatur id ipsum canone cuiusdam Concilij cap. 76. Codicis Africani relato, ubi expressè statuitur, ut quotiescumque Concilium congregandum est, Primates Provinciarum duas vel tres turmas Episcoporum faciant, *ac de singulis turmis vicissim, quotquot electi fuerint, ad diem Concilij instantissimè occurrant.* Quo ex loco facillimè colligitur, non omnes Episcopos ad Concilium adventasse, sed unam ferè aut alteram turmam Episcoporum ex cæteris electorum, quod ob varias rationes ita fieri conveniebat, ac præsertim ne Pastoribus suis orbatæ Ecclesiæ damni quidquam paterentur: ob Donatistas namque, qui per Africam vigeabant, suam quisque Episcopus vicino Episcopo domi remanenti profecturus commendare solebat Ecclesiam, ob quam disciplinam specialiter in Africâ receptam nulli umquam Concilio plusquam mediam Episcoporum partem adfuisse legimus, cum plusquam quingenti quinquaginta Episcopi fuisse perhibeantur.

Canon. 76.
Cod. Afric.

4. Nec illustriori exemplo hæc omnia confirmari posse existimem, quam desumpto ex collatione Carthaginiensi habitâ anno 398. sub Aurelio Carthaginiensi Episcopo. Cum enim ex eâ constet, præter sedes sexaginta vacantes, in Africâ fuisse quingentas & decem cathedras, quæ Episcopos Catholicos habebant, constat tamen in eâ collatione præsentibus duntaxat fuisse ducentos octoginta quatuor, de quibus Rufinianus scriba dixit: *Catholica partis Episcopi secundum subscriptionem huic brevi insertam, efficiuntur ducenti sexaginta sex, exceptis his, quos dicunt necdum subscripsisse, illos autem, qui necdum subscripserant, post eorum consensum in præsentia cæterorum expressum, constitit fuisse viginti, ut ait Nampius scriba, quos si coniungas cum ducentis sexaginta sex, efficient numerum ducentorum & octoginta quatuor Episcoporum.* Quod si jam quæras, ubi reliqui Episcopi manserunt? Alipius Episcopus Ecclesiæ Catholicæ in eadem collatione primi dici num. 215. rationem reddit: *scriptum sit, ducentos viginti esse absentes, quos aut infirmitas, aut ætas, aut certè necessitas detinuit.* Ducenti viginti Episcopi erant ferè media pars Episcoporum Africæ, illique ob ætatem & necessitatem domi remanserant, quod, ut jam ante monuimus, hunc morem Africa retineret, ut proficiscentibus ad Concilium Episcopis media circiter pars in suis Ecclesiis remaneret, ut donatistas & cæteros lupos à caulibus ovium arcerent, & absentium quoque plebi invigilarent.

Acta Collationis.

Alipius.

CAPVT I.

Brevis Historia de Synodis Africanis, quæ
nullos Canones ediderunt, usque ad
tempora Grati Carthaginienſis
Episcopi.

1. Initio Ecclesia cum recens erat Apostolica traditionis memoria, non indigebant fideles scriptis canonibus, hinc secundo seculo non leguntur Concilia per Africam fuisse celebrata, primumque fuit seculo 3. in causâ rebaptisationis hæreticorum sub Agrippino.
2. Secunda Synodus fuit Lambesitana occasione Privati hæretici, de quâ testimonium Cypriani.
3. Tertia Synodus fuit Carthaginienſis Donati à Baronio alijsque prætermiſſa, qua decrevit clericos tutores vel curatores constitui non posse, ut testis est D. Cyprianus epist. 66.
4. Quarta Synodus habita fuit Carthagine sub D. Cypriano in causâ lapsorum anno 252. de quâ varia apud Cyprianum memoria.
5. Quinta Synodus Carthagine celebrata fuit, in quâ de legitimo Cornelij Pontificatu actum est reiectis Novatiani litteris.
6. Sexta Synodus in causâ Felicissimi & Novatiani pro lapsis.
7. Septima Synodus celebrata fuit anno 255. sub D. Cypriano cum 66. Episcopis, in qua statutum, infantes secundo aut tercio die baptizari posse.
8. Octava Synodus habita fuit in causâ Basilidis & Martialis sub Cypriano.
9. Tres subsequentes Synodi celebrata sunt Carthagine ob exortam de rebaptisandis hæreticis controversiam.
10. Alia Synodus anno 258. ante obitum Cypriani celebrata fuit Carthagine in causâ Contumeliosi Diaconi, & Victoris, qui presbyterum constituerat tutorem: fuit hic Victor Furnitanus Episcopus, qui adfuit Concilio Carthaginienſi 3. in causâ rebaptizationis hæreticorum.

1. **C**um à viris etiam doctissimis sæpius erratum sit in indicandis Africa Conciliis, operæ precium duximus brevem illorum historiam

historiam ab ipsius Africanæ Ecclesiæ exordio repetere, & illa primùm, quæ nullos Canones ediderunt, ob oculos ponere. Viguit initio Ecclesiæ disciplina ab Apostolis tradita, & quia recens erat eorum memoria, non indigebant primitivi fideles scriptis canonibus, & renovatoriis traditionum statutis; hinc Concilia secundo & tertio sæculo in orbe catholico habita nullos Canones ediderunt, sed, si quæ adunata fuerint, vel ad sopiendam hæresim, vel ad componendam circa personas controversiam plerumque celebrata sunt. Prima post Apostolos Concilia, quæ dogmatis definitionem attigerunt, fuere de Paschatis die sub Victore Papâ ad sæculi secundi finem tempore Tertuliani Carthaginienſis presbyteri, qui dum notavit Græcos suo tempore conventus habere consuevisse de rebus Ecclesiæ, morem illum in Africâ nondum receptum fuisse indicavit. Primus Episcoporum conventus, quem novimus, fuit ille, qui sub Agrippino habitus est an. 215. à septuaginta Africæ & Numidiæ Episcopis pro rebaptizandis hæreticis, cuius mentionem faciunt antiquiores scriptores tres Cyprianus epistolâ ad Quirinum, Augustinus libro 4. de Baptismo, cap. 6. & Vincentius Lerinenſis contrâ hæreses cap. 9.

2. Secunda Synodus collocatur à Binnio ad annum 242. & Labbeo ad annum 240. fuitque Lambesitana à 90. Episcopis occasione Privati hæretici celebrata, de quâ Cyprianus epistolâ 55. ad Cornelium Papam: *venisse Carthaginem Privatum veterem hæreticum in Lambesitanâ Colonia ante multos fere annos ob multa & gravia delicta nonaginta Episcoporum sententiâ condemnatum. Antecessorum etiam nostrorum, quod & vestram conscientiam non latet, Fabiani & Donati litteris severissimè notatum.* Addit aliqua Cyprianus de collegio Episcoporum, ad quod Privatus alios suæ partis assumpserat, ex quibus colligitur, Privatum hunc fuisse Episcopum Lambesitanum, cumque hæresibus nobis ignotis esset implicatus, non à Lambesitano Provinciæ Numidiæ Concilio dumtaxat depositum, sed & in Africæ Proconsularis Synodo damnatum fuisse, ex quâ Donatus Carthaginienſis eum editis litteris severissimè notarat.

Cyprianus.

3. Tertia Synodus Africana, quam prætermisit Baronius in suis annalibus, est Carthaginienſis Donati, de quâ Cyprianus epistolâ 66. ad clerum & plebem Furnis consistentem: *jam pridem in Concilio Episcoporum statutum, ne quis de clericis & Dei ministris tutorem vel curatorem testamento suo constituat.* Et infra: *quod Episcopi Antecessores nostri religiosè considerantes & salubriter providentes censuerunt, ne quis*

Cyprianus.

frater excedens ad tutelam vel curam clericum nominaret, ac si quis hoc fecisset, non offerretur pro eo, nec sacrificium pro dormitione eius celebraretur. Antecessores Episcopos nominans Cyprianus locutus videtur de Donato præcessore suo, qui anno 248. ex hac vitâ migravit, ut ante illud tempus Synodus Episcoporum haberi debuerit Carthagine, in quâ cum collegis suis Donatus Carthaginienſis Episcopus de non eligendo in tutorem clerico statuit canonem, id quod nec Binnius in collectione, nec Iustellus in suâ ad Codicem Africanum præfatione animadvertit.

Cyprianus.

4. Subsequitur prima sub Cypriano Synodus in causâ lapsorum, quos, dum Ecclesia non recipiebat ad Pœnitentiam, martyres datò pacis libello passim ad Episcopos mittebant ab iis communioni reddendos, quod dum Cyprianus missis ubique ex latebris suis ad varios litteris pertractarat, post reditum suum (ut sæpius promiserat) consilio cum Episcopis inito causam lapsorum egit, de quibus epistolâ ad Antonianum: *secundum quod ante fuerat destinatum, persecutione sopitâ, cum data esset facultas in unum conveniendi, copiosus Episcoporum numerus, quos integros & incolumes fides sua & domini tutela protexit, in unum convenimus, & scripturis diu ex utrâque parte prolatis temperamentum salubri moderatione libravimus. Ut nec in totum spes communicationis & pacis lapsis negaretur, &c.* Persecutionis Decianæ meminit Cyprianus, quæ anno 252. sopita fuit, cumque statim post persecutionem Synodus hæc adunata extitit, non anno 254. ut cum Baronio putavit Iustellus, sed anno 252. ut insinuat Pamelius, celebratum oportuit: hac in Synodo discussam quoque fuisse causam Felicissimi, fidem facit Cypriani ad Caldonium & Herculanium epistola de abstinendo Felicissimo: cum enim metu persecutionis adhuc lateret Cyprianus, post enarrata varia Felicissimi crimina, qui portionem plebis avelens in monte Carthagini vicino conventicula celebrabat, quæ, inquit, omnia tunc cognoscemus, quando in unum cum collegis plurimis permittente Deo convenerimus. Nec Felicissimi solum, sed & Novati causam hac in Synodo discussam, tradit auctor libelli Synodici: *Synodus Carthagine collecta à Cypriano, qui eius erat Episcopus, aliisque octoginta quatuor Episcopis, quæ Novatum utpote pœnitentiam lapsis negantem abdicavit.*

Libell. Synod.

5. Putat Pamelius, ad hanc eandem Synodum pertinere ea, quorum meminit Cyprianus epistolâ 41. ad Cornelium: litteris nimirum ex parte Novatiani pseudopontificis, aliisque à Cornelio acceptis, Caldonium

donium & Fortunatum Romam destinatos, de quibus Cyprianus. Nam & ego & collega plurimi, qui ad me convenerant, expectavimus adventum collegarum nostrorum Caldonij & Fortunati (quos ad te nuper & Coepiscopos nostros, qui ordinationi tuae affuerant, legatos miseramus) ut eis adventantibus de vero Pontifice constaret. Addit epistolâ 42. Ad eundem Cornelium, sese interim respuisse criminatrices Novatiani litteras, considerantes pariter, inquit, & ponderantes, quod in tanto fratrum religiosoque conventu, confidentibus Dei sacerdotibus, & altari posito, nec legi debeant, nec audiri. Quo ex loco habemus egregium aliquod antiquitatis testimonium de more celebrandi Synodum altari in medio posito: cæterum Caldonium & Fortunatum ad hanc Synodum non fuisse revertsos, colligimus primò ex epistolâ 45. ubi scribit ad Cornelium, sese cum Liberali in Adrumetinam coloniam venisse eo tempore, quo Caldonius nondum redierat, quod certè non fecisset, si Concilium adhuc Carthagine adunatum fuisset. Accedit, quod epistolâ 42. asseveret, post acceptas à Caldonio & Fortunato de legitimâ Cornelij ordinatione litteras, sese per Provinciam hæc eadem collegis singulis indicasse, quo certè opus non fuisset, si collegæ in Concilio adhuc adunati fuissent.

6. Anno 253. Idibus Maij altera Synodus celebrata creditur in causâ Felicissimi, qui omnes omninò lapsos mox ad communionem admittendos, & Novatiani, qui nullos lapsos umquam recipiendos statuebant. Extat Synodica quadraginta duorum Episcoporum apud Cyprianum editionis Pamelij & Rigaltij ord. 54. in quâ petunt patres Africani à Cornelio Papâ, statutum de recipiendis lapsis pœnitentiâ functis paternæ misericordiæ contemplatione firmari. Addit Cyprianus epist. 55. ad Cornelium de Privato: qui cum causam suam apud nos in Concilio, quod habuimus idibus Maiis, quæ proximè fuerunt, agere velle se diceret, nec admissus esset, Fortunatum istum sibi pseudoepiscopum dignum collegio suo fecit, quibus verbis insinuat, Fortunatum operâ Privati in locum Cypriani intrusum anno 253. post hoc Carthaginense Concilium.

7. Anno 255. habitum fuit Concilium Africanum adversus eos, qui circumcisionis instar Baptismum octavo tantum die conferendum statuebant, contrâ quod, inquit Cyprianus epist. 59. ad Fidum, longè aliud in Concilio nostro omnibus visum est. Extat epistola ista cum hac epigraphe Cyprianus & ceteri collega, qui in Concilio affuerant numero 66. Fido fratri salutem, & adstipulatur Augustinus libro 4. contrâ

Cyprianus.

Cyprian.

Cyprian.
Synodica.

D. Augustin. *autem, quam scripsit ad Episcopum Fidum cum sexaginta sex Coepiscopis suis, &c.* cumque Cyprianus infantes etiam secundo aut tertio die baptisari posse constituit, egregium aliquod de Africanæ Ecclesiæ sensu testimonium posteritati contrà anabaptistarum insaniam consecravit.

8. Anno 256. collocat Philippus Labbeus Synodum Africanam in causâ Basilidis & Martialis, eiusque Synodicam nominatis 26. Episcopis refert Pamelius ordine 68. quæ incipit, *cum in unum convenissemus, legimus litteras vestras &c.* Statutum fuit in illo Concilio, quod Basilides Legionensis, & Martialis Asturicensis Episcopi legitime depositi, & ob crimen libellaticum, quod confessi fuerant, ad poenitentiam admissi, frustra tentassent Stephanum Papam facti rei ignarum in partes trahere.

Synodica
Carthagin.
Cyprianus.

9. Anno 257. coactæ fuerunt tres Carthaginienles Synodi pro rebaptisandis hæreticis: cum enim Ianuarius cum Numidiæ Episcopis Concilium celebrasset in Provinciâ suâ, & in controversiam traxisset, an ab hæreticis ad Ecclesiam revertentes iterum baptisandi forent? re ad Cyprianum delatâ coacta fuit prima Carthaginienlis Synodus, cuius Synodica ad Ianuarium & Episcopos Numidas responsoria extat ordin. 70. in quâ Cyprianus cum Proconsularis Provinciæ Episcopis statuunt: *pro certo tenentes, neminem foris baptizari extra Ecclesiam posse.* Meminit huius Synodi ipte Cyprianus epistola 73. ad Iubaianum, & addit: *nunc quoque cum in unum convenissemus tam Provinciæ Africæ, quam Numidiæ, Episcopi numero septuaginta & unus.* Hoc idem denuò sententiâ nostrâ firmavimus, statuantes unum baptisma esse, quod sit in Ecclesiâ Catholicâ constitutum: hæc de secundâ Carthaginienli Synodo, de tertiâ vero extant acta cum hac præfatio-

Acta Synod.
Carthagin.

ne: cum in unum Carthagini convenissent Kalendis Septembris Episcopi plurimi ex Provinciâ Africâ, Numidiâ, Mauritaniâ, cum presbyteris & Diaconibus, præsentē etiam plebis maximâ parte, & lectæ essent litteræ Iubaiani ad Cyprianum factæ, item Cypriani ad Iubaianum rescriptæ, de hæreticis baptizandis, &c. Extant acta huius Synodi inter opera D. Cypriani, eaque retulit D. Augustinus libro 3. de baptismo. contrà Donatistas, ubi & 87. Episcoporum sententiæ de nullitate Baptismi hæretici referuntur, quæ ante Synodum sextam in græcum translatae fuerunt fidem faciente Synodo Trullanâ, quæ hanc erroneam Synodum recepit. Eam Ioannes Zonaras antiquissimam omnium esse erroneè credidit, sed verius reprobata edixit.

10. Anno

10. Anno 258. ante 18. Kalendas Augusti, quibus obiit Cyprianus, aliud Concilium celebratum fuit Carthagine, quod Contumeliosum Rogatiani Diaconum deposuit, & pro Victore, qui Faustinum Presbyterum ausus fuit tutorem constituere, statuit, non esse offerendum post mortem. Extant utriusque rei epistolæ cum hoc exordio: *Graviter commoti sumus ego & collega mei, qui praesentes aderant.* Putavit quidem Binnius, hanc Synodum Carthaginienses tres de rebaptizandis hæreticis præcessisse, sed cum epistolâ Cypriani 66. de Geminij Victoris Furnitani Episcopi obitu mentionem faciat, & in Synodo Carthaginiensi tertiâ numero 58. compareat Geminus à Furnis, debuit necessariò Synodus illa, quæ pro defuncto Geminio Victore offerri prohibet, post Carthaginiensem tertiam celebrata fuisse, adeoque anno 258.

Epist. 65. 66.

C A P U T II.

De origine Donatistarum, & tribus eorum Conciliis ante Macariana tempora.

1. Defectu monumentorum ignorantur Synodi usque ad tempora Donatistarum, qui ex traditione Codicum occasionem schismatis sumpserunt, ut constat ex actis Munacij Felicis, quæ adferuntur ex appendice S. Optati Milevitani.
2. Ex actis Munacij Felicis constat de Silvani traditione, qui à Secundo Numidia Primate in locum Pauli Cirthenfis Episcopus creatus fuit, idque annuentibus traditoribus Episcopis, ut fidem faciunt acta Cirthenfis Concilij ex D. Augustino excerpta.
3. Scholia in Cirthenfis Conciliabuli acta, ubi de tempore, quo celebratum est, aliaque quam plura notatu dignissima exhibentur.
4. Subsequitur Synodus Carthaginiensis 70. Episcoporum sub Secundo Tigistano contra Cacilianum habita, cuius acta compendiosè referuntur ex D. Augustino, & latius videri possunt apud S. Optatum.
5. Tempus Carthaginiensis istius Synodi eruitur ex testimonio S. Optati, & à Baronio rejicitur in annum 306. à Labbeo vero in annum 311. sed minus rectè.
6. Alia Donatistarum Synodus rectius à Labbeo collocatur sub Melchiade

2

vel

vel Eusebio; duravit hoc Conciliabulum per 75. dies, & celebratum fuit à 270. Episcopis ante Macarij persecutionem anno 348. motam.

1. **Q**uia post D. Cyprianum nullum habemus ex Africâ scriptorem, qui res gestas usque ad tertij sæculi finem descripsit, hinc Synodos Africanas non habemus ante tempora Donatistarum, qui ex traditione codicum in persecutione Diocletiani anno 303. sua initia habuere, ut clamant omnia patrum scripta & antiquitatis monumenta. Egregium habemus de hac codicum traditione in gestis Felicis & Cæciliani editis in appendice ad S. Optatum, ubi inseruntur acta Munatij Felicis Cirthensum in Numidiâ Procuratoris, qui iussu Diocletiani Paulum Cirthensem Episcopum cum clero suo tradere coegit, ut sequitur.

ACTA MUNATIJ FELICIS.

Acta Felicis. Diocletiano 8. & Maximiano 7. Consulibus, 14. Kalendas Iunias, ex actis Munatij Felicis F.P.P. Curatoris Colonia Cirthensum. Cum ventum esset ad domum, in quâ Christiani conveniebant, Felix F.P.P. Curator Paulo Episcopo dixit, proferte scripturas legis, & si quid aliud hic habetis, ut praeceptum est, ut iussioni parere possitis. Paulus Episcopus dixit. Scripturas lectores habent, sed nos, quod hic habemus damus. Felix F.P.P. Curator Paulo Episcopo dixit: ostende lectores, aut mitte illos. Paulus Episcopus dixit, omnes cognoscitis. Felix F. P. P. Curator Reipublicæ dixit. Non eos novimus. Paulus Episcopus dixit: novit eos officium publicum, id est Edesius & Iunius exceptores. Felix F. P. P. Curator reipublicæ dixit: manente ratione de lectoribus, quos demonstrabit officium, vos quod habetis, date. Sedente Paulo Episcopo, Montano, & Victore, Deufatelio, & Memorio presbyteris, adstante Marte cum Elio Diacono, Marcucchio, Catullino, Silvano & Caroso Subdiaconis, Ianuario Meraclo, Fructuoso, Migine, Saturnino, Victore & ceteris fossoribus, contra scribente Victore Ausidij in brevi sic: Calices duo aurei: item calices sex argentei: urceola sex argentea: cucumellum argenteum, lucerna Argentea septem: cereofala duo: candela breves anea cum lucernis suis septem: item lucerna anea undecim cum catenis suis: tunica muliebres 82. maforteia 38. tunica viriles 16. caligæ viriles paria 13. caligæ muliebres paria 47. copla rusticana 19. Felix F.P.P. Curator Reipublicæ
* Subdiaconis Marcucchio Silvano, & Caroso * fossoribus dixit, proferte hoc quod habetis.
Silvanus

Silvanus & Carosus dixerunt, quod hic fuit, totum hoc eiecimus. Felix F. P. P. Curator reipublicæ Acuelio, Silvano, & Caroso dixit, responsio vestra actis hæret. Posteaquam perventum est in Bibliothecam, inventa sunt ibi armaria inania. Ibi protulit, Silvanus Capitula argentea, & lucernas argenteas, quod diceret se post orcam eas invenisse. Victor Ausidi Silvano dixit: mortuus fueras, si non illas invenisses. Felix F. P. P. Curator Reipublicæ Silvano dixit, quare diligentius, ne quid hic remanserit. Silvanus dixit, nihil remansit, totum hoc eiecimus. Et cum apertum esset triclinium, inventa sunt ibi dolia 4. & orca sex. Felix F. P. P. Curator Reipublicæ dixit, proferte scripturas, quas habetis, ut præceptis Imperatorum & iussioni parere possimus. Catulinus protulit Codicem unum perminium maiorem. Felix F. P. P. Curator reipublicæ Marcucio & Silvano dixit, quare unum tantummodo codicem dedistis, proferte scripturas, quas habetis. Catulinus & Marcucius dixerunt, plus non habemus, quia Subdiacones sumus, sed lectores habent codices. Huc usque acta de traditione rerum sacrarum, cætera agunt de traditione codicum à lectoribus.

2. Hæc autem ita referre placuit, quod ex ijs constat de Silvano Subdiacono qui post mortem Pauli Episcopi Cirthenfis Episcopus electus est, ob cuius ordinationem adunati XI. Numidiæ Episcopi Synodum habuere, cuius acta reperiuntur apud D. Augustinum libro 3. contra Cresconium. cap. 27. & sunt sequentia:

ACTA CIRTHENSIS CONCILII

Sub secundo Numidiæ Primate.

a* Diocletiano octies & Maximino septies Consulibus, * b quarto no- Acta Cir-
nas martyj * c Cirtha cum * d Secundus Tigistanus prima Cathedra con- thens.
sediſſet * e in domo Urbani, Donatique, idem dixit, probemus nos pri-
mo, & sic poterimus hic ordinare Episcopum * f Secundum. Donato Mas-
culitano dixit, dicitur te tradidiſſe. Donatus respondit, ſcis quantum
me quaſivit * g Florus, ut thurificarem, & non tradidit me Deus in ma-
nus eius frater, ſed quia Deus mihi dimiſit, ergo & tu ſerva me Deo.
Secundus dixit, quid ergo facturi ſumus de Martyribus, quia non tradi-
derunt, ideo & coronati ſunt? Donatus dixit, mitte me ad Deum, ibi
reddam rationem. Secundus dixit: accede unâ parte. Secundus Marino
ab Aquis tibilitanis dixit, dicitur & te tradidiſſe. Marinus respondit,
dedi

dedi Pollo chartulas, nam codices mei salvi sunt. Secundus dixit: transi unâ parte. Secundus Donato Calamensi dixit, dicitur te tradidisse. Donatus respondit, dedi codices medicinales. Secundus dixit, transi unâ parte. Et alio loco Secundus Victori à Ruficcate dixit, dicitur te tradidisse quatuor Evangelia. Victor respondit, Valentianus curator fuit, ipse me coegit, ut mitterem illa in ignem. Sciebam illa delicta fuisse, hoc delictum indulge mihi, & indulgebit mihi Deus. Secundus dixit, transi unâ parte. Et alio loco Secundus Purpureo à Limatad, dicitur te necasse filios sororis tuae duos * h Milei. Purpureus respondit, putas me terreri à te sicut & alteri? tu quid egisti, qui tentus es à curatore & ordine, ut scripturas dares, quomodo te liberaisti ab ipsis, nisi quia dedisti aut iussisti dari quodcumque. Nam non te dimittebant passim, nam ego occidi & occido eos, qui contra me faciunt, ideo noli me provocare, ut plus dicam, scis me de nemine tractare. * i Secundus minor Patruo suo Secundo dixit, audis quid dicat in te, paratus est recedere & schisma facere, non tantum ipse, sed & omnes, quos arguis, quos scio, quia dimittere te habent, & dare in te sententiam, & remanebis solus hereticus, ideo quid ad te pertinet, quis quid egit, Deo habet reddere rationem. Secundus * k Felici à Rotaria Centurioni, & Victori à Garbe dixit, quid vobis videtur? responderunt, habent Deum, cui reddant rationem. Secundus dixit, vos scitis & Deus, sedete. Et omnes responderunt: Deo-gratias. Huc usque acta apud Augustinum, post quæ secuta est ordinatio * l Silvani.

SCHOLION.

3. a * Diocletiano octies & Maximino septies Consulibus. Sed erroneè, illi enim Consules fuere, cum persecutio movebatur anno 303. Quo Paulus Cirthenfis Episcopus adhuc vivebat 14. Kalendas Iunias, ut testantur acta Minutij Felicis supra. Addunt Episcopi Catholici in collatione 3. diei, persecutores adhuc in Africâ sævisse anno 304. cum Donatistas inter & Catholicos conveniebat: Cirthense verò Concilium coactum fuisse post persecutionem, vel ut partis Catholicæ Episcopi in collatione: post Africanorum Martyrum passionem, de quâ Brevic. coll. in Breviculo collationis S. Augustinus: gesta Martyrum quibus ostendebatur tempus persecutionis, Consulibus facta sunt, Diocletiano IX. Et Maximiano VIII. Pridiè idus Februarias: gesta autem Episcopalia decreti Cirthenfis post eorundem Consulatum tertio nonas Martias, anno nimirum 305. quo persecutio finita fuit, postquam Diocletianus & Maximianus purpuram deposuerant privati effecti.

* b.

* b. *Quarto nonas Martij.* S. Optatus libro 1. aliter sentit : post S. Optatus. persecutionem apud Cirtam civitatem (quia basilica necdum fuerant restituta) in domum Urbani Carisi confederunt die 3. Maiarum , sicut scripta Nundinarii tunc Diaconi testantur , & vetustas membranorum testimonium perhibet. Cæterum acta Cirthenſis Concilij , quæ relata fuerunt in collatione Carthaginienſi confirmant , in Martio habita referente D. Augustino in breviculo collationis : *tertio nonas Martias* , Augustin. in ac per hoc *tredecim menses interesse inveniuntur* , plures utique quam Brevicul. *undecim* , quos prius Catholici minus diligenter computando responderant. Loquitur Augustinus de gestis Martyrum notatis Diocletiano 9. & Maximiano 8. pridie idus februarias , & de actis Cirthenſis Synodi , quæ si notata fuissent post eorundem Consulatum die 3. Maiarum , non tredecim sed quindecim menses intervenissent.

* c. *Cirthe.* Fuit Metropolis civilis Provinciæ Numidiæ , hodièque Constantina nuncupatur.

* d. *Secundus Tigiftanus prima cathedra.* Licet Cirthe fuerit Metropolis , Secundum tamen fuisse Primatem Numidiæ ex hoc loco probatur , cui consonat D. Augustinus libro 1. contra Parmenianum : *qui venientes cum Primate suo tunc Secundo Tigiftano.*

S. Augustin.

* e. *In domo Urbani , Donatique.* Basilica enim necdum fuerant restituta , ut scribit S. Optatus , quod in Basilicis Episcopi Concilia celebrarent , & Episcopos ordinarent , quod tunc fieri non poterat , Christianorum Basilicis in persecutione dirutis.

S. Optatus.

* f. *Secundum.* Legendum est , ni fallor , *Silvanum.* Ille enim ordinandus erat Cirthenſis Episcopus.

* g. *Florus.* de eo habet S. Optatus libro 3. quod persecutionis tempore sub Diocletiano & Maximiano iudex fuerit in Provinciâ Numidiæ. *In Numidiâ Florus.*

S. Optatus.

* h. *Milei.* Non fuit nomen sororis , sed carceris juxta illud S. Optati libro 1. Homicida Purpureus Limatenſis , *qui interrogatus de filiis sororis suæ , quod eos in carcere Milei necasse diceretur.* Unde putem ante Milei ponendum in *Carcere* : quod exscriptorum incuriâ in actis prætermisſum.

* i. *Secundus Minor.* Hunc fuisse Numidiæ Episcopum , ex eo colligi videtur , quod in hoc Concilio patruo suo consuluerit non occultè , sed palam loquendo , quod Episcopis competit , unde Secundus tantum petit ab aliis Episcopis , *quid vobis videtur.*

* k. *Felici à Rotariâ centurioni , & Victori à Garbe.* Correctius

S. Optatus

S. Optatus. S. Optatus libro 1. *consulti qui remanserunt, id est Victor Garbiensis, Felix à Rotario, & Nabor à Centurion.* Ad quæ verba Gabriel Albalpineus: aderant in illo Concilio duodecim Episcopi, ut patet in breviculo cap. 17. quorum sex accusarentur: cæteri consulti sunt.

Augustin. in Verum dicit D. Augustinus in Breviculo cap. 17. *illos undecim vel*
Brevicul. *duodecim Episcopos in domum privatam convenire potuisse.* Ii autem numerantur:

- | | |
|---|------------------------|
| 1. Secundus Tigisitanus Numidiæ Primas. | 7. Menalus. . . . |
| 2. Donatus Mafculitanus. | 8. Secundus Minor. |
| 3. Victor Rufficadiensis. | 9. Victor Garbiensis. |
| 4. Marinus ab Aquis Tibilitanis. | 10. Felix à Rotario. |
| 5. Donatus Calamensis. | 11. Nabor à Centurion. |
| 6. Purpurius Limatenfis. | |

Et hi omnes exceptis quatuor ultimis, teste S. Optato, traditores fuere, & sunt undecim illi à D. Augustino memorati, quibus si addas Silvanum ab ipsis ordinandum, habebis duodecim.

* 1. *Silvani.* Idem ille est, qui sub Paulo Cirthenfi Episcopo erat Subdiaconus, & codices tradiderat, ut fidem faciunt acta Minatij Felicis. Hunc autem ordinaverunt Episcopum reluctante populo, unde Victor Grammaticus in gestis purgationis Cæciliani: *clamavi & ego & populus, quod traditor esset.*

Gesta pur-
gation. Cæ-
ciliani.

Augustin. in
Brevicul.

4. Hæc Synodus Cirthenfis, post quam celebrata est alia Carthaginensis septuaginta Episcoporum, ut testatur D. Augustinus in collationis breviculo, qui & acta Synodi vidit nunc deperdita. Eà D. Augustinus in Breviculo collationis tertiæ diei compendiosè retulit hisce verbis. *Et recitatum est à Donatistis Concilium fermè septuaginta Episcoporum contra Cæcilianum apud Carthaginem factum, ubi eum absentem damnaverunt, quod ad eos venire noluerit, tanquam à traditoribus ordinatus, & quia cum esset Diaconus, vinctum afferri Martyribus in custodia constitutis, prohibuisse dicebatur.* Nominati sunt etiam quidam collega Cæciliani, qui traditores asserebantur publicis gestis, quæ tamen gesta non legebantur. Inter hos autem maximè Felix Abtugnensis acerbis accusatus est, ita ut fons malorum omnium diceretur. Deinde sententiæ à singulis dictæ sunt. Primitus à Secundo Tigisitano, qui eorum princeps fuit, deinde à cæteris, quibus expresserunt, se Cæciliano & collegis eius non communicare. Fufius hæc enarrat S. Optatus Milevitanus Episcopus lib 1. qui ex factione Lucillæ contra Cæcilianum indignatæ, ex ambitu Botri & Cælesij per electionem Cæciliani spe obtinendi Sedem

Sedem Carthaginensem privatorum, ex Avaritiâ demum seniorum, qui ne deposita Ecclesiæ ornamenta reddere cogerentur, sese omnes Cæciliano opposuere, evocantes ex Numidiâ Secundum Tigisitanum Primatem, qui unâ cum septuaginta ferme Episcopis Cæcilianum deposuere homicidâ Purpurio sententiam in hæc verba ferente: *exeat huc quasi imponatur illi manus in Episcopatu, & quassetur illi caput de penitentiâ.* Post quem in locum Cæciliani Maiorinum Lucillæ factiosæ fœminæ domesticum Episcopum ordinarunt: Et sic demum altare contrâ altare erectum est huius Concilij tempore.

Purpurius.

5. De tempore autem huius Synodi voluit S. Opatius, post Cirthensem Synodum celebratam fuisse hanc Carthaginensem, idque post indulgentiam à Maxentio missam, de quâ Eusebius libro 8. cap. 25. *Maxentius, qui Romæ Tyrannidem occupare instituit, in ipso imperij sui ingressu fidem nostram se amplecti, quo populo Romano placeret, eumque blanditiis deliniret & assentatione, callidè simulavit. Et eâ de re illis, qui eius parebant imperio in mandatis dedit, ut persecutionem contrâ Christianos remitterent.* Maxentium verò anno 1. Constantini, qui cum anno Christi 306. coincidit, à prætorianis militibus Romæ Augustum denuntiatum fuisse, habet Eusebius in chronico, unde eminentissimus Cardinalis Baronius in eundem annum rejicit Carthaginense Concilium: Baronium in chronologiâ imitatus est Labbeus, in notis tamen marginalibus ad Carthaginense 70. Donatistarum Concilium sub Marcello celebratum anno Christi 306. adjunxit: *immo potius 311. sub Eusebio.* Quod quâ ratione fultum sit, videre non potui.

Eusebius.

Labbeus.

6. Verius forsan erit, quod de alio Carthaginensi Concilio annotavit tomo 1. Conciliorum, quod dum à. 270. Episcopis celebratum Baronius ad annum 308. retulisset, & ex Baronio Binnius cum hocce titulo: *Concilium Carthaginense 2. schismaticorum sub Marcello habitum anno 308.* in margine notavit Labbeus, *sub Eusebio potius, Melchiade, aut Silvestro, imò & post Nicanum, ut quidam volunt, sub Donato Carthaginensi Episcopo.* Sumpserat fundamentum suum Baronius ex epistolâ 48. Augustini, ubi ad Vincentium Cartennensem in Mauritaniâ partis Rogatianæ Episcopum: *Scribit enim ille Tychonius homo, ut dixi, vestre communionis, à ducentis & septuaginta Episcopis vestris Concilium Carthagini celebratum. In quo Concilio per septuaginta & quinque dies postpositis omnibus præteritis limatam esse sententiam, atque decretam, ut traditoribus immensi criminis reis, si Baptizari*

Tit. Concil.

Labbeus.

Augustinus.

tizari nollent, pro integris communicaretur. Deuterium autem Macri-
 nensem Episcopum communionis vestra dicit traditorum plebem congrega-
 tam Ecclesia miscuisse, & secundum statuta illius Concilij à ducentis &
 septuaginta Episcopis vestris facti, fecisse cum traditoribus unitatem, eique
 Deuterio post hoc factum jugiter communicasse Donatum: nec solum huic
 Deuterio, sed etiam universis Maurorum Episcopis per 40. annos, quos
 dicit usque ad persecutionem per Macarium factam traditoribus sine Bap-
 tismo communicasse. Quia mentio fit 40. annorum usque ad persecutio-
 nem Macarij, an. 348. contrà Donatistas motam, crediderunt ex verbis
 Augustini cum Baronio plerique periti, quadraginta annis ante perse-
 cutionem Macarij an. nimirum 308. celebratum fuisse illud Donatistarum
 Concilium: verum Balduinus in historiâ Carthaginienſis collationis
 considerans ducentorum septuaginta Episcoporum multitudinem,
 neque multo plures convenisse post centum annos ad collationem,
 „ suspicatus est omnium primus, „ mendosum esse numerum in Au-
 „ gustino, præsertim cum vix credibile videatur, tam multos tam citò
 „ fuisse Antistites Donatistarum. Itaque suspicabar posse detrahi
 „ ducentos, ut septuaginta tantum relinquantur. „ Hæc ille, cui
 repugnat repetitus ab Augustino 270. Episcoporum numerus, ut ve-
 rosimile maneat, tot Episcopos adventasse, sed non duobus post Ma-
 jorini ordinationem annis, verum tardius, ut notavit Labbeus. Quod
 enim D. Augustinus scribat, Mauros per quadraginta annos usque
 ad tempora Macarij communicasse traditoribus non rebaptizatis,
 nihil facit ad initam Deuterium inter & Donatum concordiam, quæ
 facta est in hoc Concilio Carthaginienſi, quod nullatenus 40. annis
 ante Macariana tempora factum enarratur apud Augustinum: potuerunt
 enim Episcopi Mauri ab anno 308. communicare traditoribus, &
 post aliquot annos à Deuterio idem introductum fuisse in alias Provin-
 cias, ut traditoribus sine rebaptizatione communicetur, probante id
 ipsum Concilio Carthaginienſi jam citato.

Balduinus.

CAPVT

CAPUT III.

De Concilio Carthaginiensi primo, & 14.
eius Canonibus.

1. Synodus prima Carthaginiensis, qua canones posteritati consecravit ex duplici editione superest, & ex utrâque præfatio adfertur.
2. Scholia in præfationem, ubi & notatu dignissima exhibentur.
3. Canones aut capitula 14. ex editione vulgatâ, & ex aliâ ad Codicem Vaticanum à Lucâ Holstenio recensitâ.
4. Canon 1. occasione Donatistarum constitutus de non rebaptisandis hæreticis.
5. Canon 2. occasione circumcellionum de non venerandis aliis, quam verorum Martyrum sepulchris.
6. Canon 3. agit de non habendo in domo suâ subintroductâ muliere aut viro, quæ latius exponuntur.
7. Agit quoque de sanctimonialibus faminis, quæ virginitatem Deo voventes in monasteriis sub præpositâ aut matre in communi vivebant, quæ de re adferuntur plura patrum Africanorum testimonia.
8. Canones 5. & 7. de non ordinandis alterius clericis, & non recipiendis sine pacificis expendantur, & notatu digna adferuntur de Sardienſis Concilij receptione in Africâ, & communione passivâ.
9. Canones 13. & 14. mentionem faciunt Conciliorum Africanorum, quorum acta perierunt.

1. **P**ost Synodos tres à Donatistis in Africâ habitas, Concilium Carthaginienſe hoc capite illustrabimus referendo integra eius acta, eo quod ante nostra tempora in variis collectionum editionibus fuerint corruptissima, & jam pridem à V. CL. Lucâ Holstenio ex vetusto codice Vaticano emendata sint, & semel tantum in appendice ad tomum 2. Conciliorum Philippi Labbei edita.

R

CONCI-

CONCILIIUM CARTHAGINIS AFRICÆ

SUB GRATO EPISCOPO

Celebratum Anno Christi 348.

Editio vulgata in tomis Conciliorum exhibita.

Editio à Luca Holstenio ad Codicem Vaticanum correctæ.

*Concilij primi Carthaginiensis Exordium.**Prefatio.*

CUm Gratus Episcopus Carthaginiensis in Concilio una cum collegis suis confedisset, & qui ex diversis Provinciis Africanis ad Carthaginem convenerunt, Felice Baianensi, Fortunatiano Raptano, Crescente Vageni, Vindiciano Lacobricensi, Abundantio Adrumetino, Privato Vegesilitano, Gaudentio Tufdritano, Patricio Sincensi, Quieto Uticensi, Rumulo Tebestensi, & cæteris, quorum manus continentur, idem Gratus Episcopus dixit. Gratias Deo omnipotenti, & Christo Jesu, qui dedit malis schismatibus finem, & respexit Ecclesiam suam, ut in eius gremium erigeret universa membra dispersa, qui imperavit religiosissimo Constantino Imperatori, ut votum gereret unitatis, & mitteret ministros sancti operis famulos Dei Paulum & Macarium. Dei ergo nutu congregati ad unitatem, ut per diversas Provincias Concilia celebraremus, & universæ Provinciæ Africae hodiernâ die Concilium gratia Dei Carthaginem veniret. Unde considerantibus

CUm Gratus Episcopus Carthaginis in Concilio una cum collegis suis confedisset, qui ex diversis Provinciis Africanis ad Carthaginem convenerunt, Felice Baianensi, Fortunatiano Caplitano, Crescente Bageni, Vindicio Sacubazensi, Abundantio Adrumetino, Privato Begesilitano, Gaudentio Turretamalumeni, Eparchio Siccensi, Quieto Uticensi, Romulo Tebestino, & cæteris, quorum manus continentur, idem Gratus Episcopus dixit: Gratias Deo omnipotenti & Christo Jesu, qui dedit malis schismatis finem, & respexit Ecclesiam suam, ut in eius gremium erigeret universa membra dispersa: qui imperavit religiosissimo * *a* Constantino Imperatori, ut votum gereret unitatis, & mitteret ministros operis sancti famulos Dei * *b* Paulum & Macarium. Ex Dei ergo nutu congregati * *c* ad unitatem, ut * *d* per diversas Provincias Concilia celebraremus, & * *e* universæ Provinciæ Africae hodierno die Concilij gratiâ ad Carthaginem venirent. Unde conside-

tibus vobis cum meâ mediocritate tractentur tituli necessarij, de quibus necesse est, nos, memores præceptorum divinorum & magisterij divinarû scripturarum, contemplantes unitatis tempus, id de singulis definire, quod nec Carthago vigorem legis infringat, nec tamen tempore unitatis aliquid durissimum statuamus.

considerantibus vobis cum meâ mediocritate tractentur * f tituli necessarij, de quibus necesse est nos memores præceptorum divinorum, & magisterij scripturarum sacrarum, contemplantes unitatis tempus, id de singulis definire, quod nec Carthago vigorem legis infringat, nec tamen tempore unitatis aliquid durissimum statuamus.

SCHOLION.

2. * a *Constantino*. Apud Merlinum legitur *Constantio*, sed rectius ad annum 348. Cæsar Baronius legendum putat *Constanti*, qui tunc occidenti & Africæ præerat, & de quo S. Optatus Milevitanus lib. 3. quem enim latet præter te, quia peregrinus es, & potuerunt tibi falsa narrari? aut quis negare potest, rem, cui tota Carthago principaliter testis est, imperatorem Constantem, Paulum & Macarium primitus non ad faciendam unitatem misisse, sed cum eleëmofinis, quibus sublevata per Ecclesias singulas posset respirare, vestiri, pasci, gaudere paupertas.

* b. *Paulum & Macarium*. Hi duo, teste Optato suprâ, missi à Constante, ut Ecclesiis Africæ, quæ valde pauperes erant, eleëmofinis per Imperatorem transmissis succurrerent, & hâc viâ Donatistæ ad unitatem reducerentur. Verum cum Donatus Carthaginienfis Antistes, furore succensus maledicta in Imperatorem effunderet, & nuntios per omnes Africæ Provincias, ne sui aliquid de eleëmofinis acciperent, misisset, ubi Paulus & Macarius Bagaiensem civitatem approximantes per Circumcelliones à Donato Bagaiensi Episcopo immisos impetirentur, à Sylvestro comite armatum militem postularunt, inquit S. Optatus, sicque factum est, ut Circumcellionum audaciam compescuerint, Donatistarum furori obstiterint, plures eorum cœperint, & eos cum ipso Donato relegarint.

* c. *Ad unitatem*. Extinctis enim, aut relegatis plerisque Donatistarum Episcopis, qui plebem in unaquâque civitate dividerant, unitas facta est, Afrorum populo in unam communionis societatem coniuncto.

* d. *Per diversas Provincias Concilia celebraremus*. Ita omnes

R 2

huius

huius Synodi editiones, ex quibus clarum fit, ante hanc Carthaginensem Synodum celebratas fuisse alias per diversas Africae Provincias. Ignoratum id hactenus fuit, sed verum esse ex variis Canonibus patebit.

** e. Et universa Provincia Africa hodierno die Concilij gratiâ ad Carthaginem venirent.* Lectio vulgata habebat: *& universa Provincia Africa hodiernâ die Concilium gratia Dei Carthaginem veniret.* Ex hac corruptâ versione, quam erratum sit ab Abbate Fulienti, audivimus suprâ: cæterum codicis Vaticani lectio per Holstenium publicata indicat, ex universis Africae Provinciis hanc Synodum coactam fuisse. An autem Provinciae legatos suos miserint, an potius turmam Episcoporum, non constat.

Gratus.

** f. Tituli necessarij.* Loquitur Gratus de Canonibus hac in Synodo statuendis, quos ex duplici editione hic subiungimus.

TITULI CAPITULORUM

ET CAPITULA

juxta editionem Vulgatam.

I.

Vt baptismum in Trinitate susceptum non iteretur.

Ergo si vobis placet, consideremus primum titulum rebaptizationis. Unde sanctitatem vestram postulo, ut mentis vestrae placita producat ad descendentem in aquam, & interrogatum in Trinitate secundum Evangelij fidem, & Apostolorum doctrinam, & confesum bonam conscientiam in Deum, de resurrectione Jesu Christi, si liceat iterum interrogari in eadem fide, & in aquâ iterum intingi? Universi Episcopi dixerunt: absit, absit. Illicitas esse sancimus rebaptizationes, & satis esse alienum à sincerâ fide, & Catholicâ disciplinâ.

CAPITULA

ET CANONES

juxta editionem ex Codice Vaticano.

I.

Vt baptismum in Trinitate susceptum non iteretur.

Ergo si vobis placet, consideremus primum titulum rebaptizationis: & sanctitatem vestram postulo, ut mentis vestrae placita producat, an descendentem in aquam, & interrogatum in Trinitatem secundum Evangelij fidem & Apostolorum doctrinam, & confesum bonam conscientiam in Deum de resurrectione Jesu Christi, liceat iterum interrogari in eadem fide, & in aquâ iterum intingui. Universi Episcopi dixerunt: absit, absit. Illicitam enim esse sancimus rebaptizationem, & satis alienam à sincerâ fide, & Catholicâ disciplinâ.

II.

EDITIO VULGATA.

plinâ. Gratus Episcopus dixit : magna beatitudo à Deo Patre per Dominum Christum concessa est tempore nostro, ut liceat religiosi mentibus insinuare Ecclesiasticam disciplinam, ut auditores percipientes regulam rectam & Deo placentem, præmia multorum bonorum percipiant, ut in ipsis Deus in omnibus, & pro omnibus honoretur. Discussus est titulus necessarius rebaptizationis, in quo plus schismatis rabies delitescerebat, & habitâ moderatione, legis vigore, & auctoritate fides custodita est. Illud sanè sapientissimis vestris sensibus insinuare contendo, licet vestra prudentia sit instructa à Deo, & mereatur in pace & unitate consequi desuper munera larga; tamen & ego unus ex vobis, & qui parem vobiscum sollicitudinem gero, propter Ecclesiasticum ordinem illud insinuare curabo.

II.

De Martyrum sepulchris & honorificentia.

Martyrum dignitatem nemo profanus infamet, neque ad passiva corpora, quæ sepulturæ tantum propter misericordiam Ecclesiasticam, commendari mandatum est, redigat, ut aut infanti præcipitatos, aut aliquo tali pacto, aut aliâ ratione peccati disjunctos non ratione vel tempore competenti, quo Martyria celebrentur, Martyrum nomine appellet. At si quis ad injuriam Martyrum, claritati eorum adjungat infamiam, placet eos, si laici sunt, ad poenitentiam

EDITIO CORRECTA.

II.

De Martyrum sepulchris & honorificentia.

Gratus Episcopus dixit : magna beatitudo à Deo Patre per Christum Dominum concessa est tempore nostro, ut liceat religiosi mentibus insinuare Ecclesiasticam disciplinam : ut auditores percipientes regulam rectam & Deo placentem præmia meritorum bonorum percipiant : ut in ipsis Deus in omnibus & pro omnibus honoretur. Discussus est titulus necessarius rebaptizationis, in quo plus schismatis rabies delitescerebat : & adhibita moderatione legis vigor & auctoritas constituta est. Illud sanè sapientissimis vestris sensibus insinuare contendo, licet vestra prudentia sit instructa, & à Deo docta, & mereatur in pace & unitate consequi desuper munera larga, tamen & ego unus ex vobis, & qui parem vobiscum sollicitudinem geram, propter Ecclesiasticum ordinem illud insinuare curabo. Martyrum dignitatem nemo profanus infamet, neque passiva corpora, quæ sepulturæ tantum propter misericordiam Ecclesiasticam commendari mandatum est, redigat; ut aut infanti præcipitatos, aut aliquo tali pacto, aut aliâ ratione peccati disjunctos, non ratione vel tempore competenti, quo Martyria celebrantur, Martyrum nomine appellet : aut si quis ad injuriam Martyrum, claritati eorum adjungat infamiam, placet eos, si laici sunt, ad poenitentiam redigi ; si autem

R. 3

sunt

EDITIO VULGATA.

tentiam redigi: si autem sunt clerici, post commonitionem, & post cognitionem, honore privari. Universi dixerunt: rectè stabilit sanctitas vestra. Hoc & singulis Conciliis statutum est.

III.

Vt Clerici & sanctimoniales fœmina cum extraneis viris vel fœminis non habitent.

Gratus Episcopus dixit: & illud præcipuè, si videtur vestræ dilectioni, cavendum est, ut pastoris cura, quantum debet & potest regularis providentia præmoneat, ut nullis liceat, ab affectu abstinentibus carnali, apud extraneas pariter commorari. Occasiones enim amputandæ sunt peccatorum, & tollendæ omnes suspiciones, quibus subtilitas Diaboli sub prætextu caritatis & dilectionis, incautas animas vel ignaras irretire consuevit. Nullus igitur, nulla-que sanctimonix & virginitati deserviens, propter blasphemiam Ecclesiæ, si vobis placet, in unâ domo cum extraneis penitus commorari debent. Universi dixerunt: qui nolunt nubere, & pudicitix meliorem eligunt partem hæc vitare debent. Et non solum non habitare simul, sed nec habere ad se aliquem accessum. Hoc ergo & lex jubet, & sanctitas vestra commendat, ut in singulis Conciliis statutum est. Gratus Episcopus dixit: ergo persuasio interdum prudentes solet arcere à peccatis, dum imprudentes debet metus huiusmodi constringere, si sanum consilium respuunt,

EDITIO CORRECTA.

sunt clerici, post commonitionem, & post cognitionem honore privari. Universi dixerunt: rectè statuit sanctitas vestra: hoc & singulis Conciliis statutum est.

III.

Vt Clerici vel sanctimoniales fœminæ cum extraneis viris vel fœminis non habitent.

Gratus Episcopus dixit: & illud præcipuè, si videtur vestræ dilectioni, cavendum est, ut pastoris cura, quantum debet & potest regularis providentia, præmuniat, ut nullis liceat ab affectu carnali abstinentibus cum extraneis pariter commorari. Occasiones enim amputandæ sunt peccatorum, & tollendæ omnes suspiciones, quibus subtilitas Diaboli sub prætextu caritatis & dilectionis, incautas animas vel ignaras irretire consuevit. Nullus ergo & nulla, sanctimonix deserviens, propter blasphemiam Ecclesiæ, si vobis placet, in unâ domo penitus commorari non debent. Universi dixerunt: qui nolunt nubere, & pudicitix meliorem eligunt partem, vitare debent, non solum habitare simul, sed nec habere ad se aliquem accessum. Hoc ergo & lex jubet, & sanctitas vestra commendat: hoc & in singulis Conciliis à nobis statutum est. Gratus Episcopus dixit: ergo persuasio interdum prudentes solet arcere à peccatis, dum imprudentes debet metus huiusmodi constringere, si sanum consilium respuunt & salutare mandatum. Si ergo

EDITIO VULGATA.

puunt, & salutare mandatum. Si ergo laici sunt, post commonitionem, si contempserint, à communione separentur. Univerſi dixerunt: placet.

IV.

Vt Clerici cū viduis vel aliis extraneis personis non commorentur.

Gratus Episcopus dixit: etsi infinita sunt, quæ lege præscripta, proficientia sunt disciplinæ, & unusquisque nostrum tractatu assiduo & commonitione frequenti, per singulas qualque species proficientes ad disciplinam, poterit populos invitare; tamen aliqua ex eis propter blasphemias suggerenda sunt à nobis, & in Concilio statuenda. Si videtur vobis, pari sententiâ teneantur etiam hi, qui cum viduis commorantur, & nulla secum germanitate juncti sunt. Univerſi dixerunt: juxta viduos & viduas eadem lex maneat, & sententia.

V.

Vt Clerici vel laici in alterius Ecclesiâ non ordinentur.

Privatus Episcopus Vegeslitanus dixit: suggero sanctitati vestræ, ut statuatis, non licere clericum alienum ab aliquo suscipi sine literis Episcopi sui, neque apud se retinere, nec laicum usurpare sibi de plebe alienâ, ut eum ordinet sine conscientia eius Episcopi, de cuius plebe est. Gratus Episcopus dixit: hæc observantia pacem custodivit. Nam & memini, in sanctissimo Concilio Sardicensi statutum, ut nemo alterius ple-

bis

EDITIO CORRECTA.

ergo laici sunt, post commonitionem, si contempserint, à communione separentur: si clerici sunt, honore priventur. Univerſi dixerunt: placet placet.

IV.

Vt cum viduis vel viduabus extraneæ personæ non commorentur.

Gratus Episcopus dixit: etsi infinita sunt, quæ lege præscripta sunt, proficientia disciplinæ; & unusquisque nostrum tractatu assiduo & commonitione frequenti singulas qualque species proficientes ad disciplinam poterit populos intimare: tamen aliqua ex his propter blasphemias suggerenda sunt à nobis, & in Concilio statuenda. Si videtur vobis, pari sententiâ teneantur etiam hi, qui cum viduis commorantur, & nullâ secum germanitate juncti sunt. Univerſi dixerunt: juxta viduos & viduas eadem lex maneat, & sententia.

V.

Vt Clerici & laici in alterius Ecclesiâ non ordinentur.

Privatus Episcopus Begeslitanus dixit: suggero sanctitati vestræ, ut statuatis, non debere clericum alienum ab aliquo suscipi sine litteris Episcopi sui, neque apud se detinere: sed nec laicum usurpare sibi de plebe alienâ, ut eum ordinet, sine conscientia eius Episcopi, de cuius plebe est. Gratus Episcopus dixit: hæc observantia pacem custodit: nam & memini sanctissimo Concilio Sardicensi similiter statutum, ut nemo

EDITIO VULGATA.

bis hominem usurpet. Sed si fortè erit necessarius, petat à collegâ suo, & per consensum habeat.

VI.

Vt Clerici actus secularium, vel procurationes non suscipiant.

Necasius Episcopus Culusitanus dixit: credo placere suggestionem meam Sanctitati vestræ, & displicere vobis, ut qui serviunt Deo, & annexi sunt clero non accedant ad actus seu administrationem vel procurationem domorum. Gratus Episcopus dixit: & Apostolorum statuta sunt, quæ dicunt; nemo militans Deo, ingerit se negotiis sæcularibus. Proinde aut clerici sint sine actionibus domorum, aut actores sine officio clericorum. Universi dixerunt: hoc observemus.

VII.

Vt Clerici vel laici in Ecclesiâ alienâ non communicent sine litteris sui Episcopi.

Casianus Usulensis Episcopus dixit: statuatur gravitas vestra, ut unusquisque clericus vel laicus non communicet in alienâ plebe, sine litteris Episcopi sui. Gratus Episcopus dixit: nisi hoc observatum fuerit, communio fiet passiva. Nam si cum litteris receptus fuerit, & concordia inter Episcopos servatur, & nemo subtilis, alterius fugiens communionem ad alterum latenter accedit. Universi dixerunt: omnibus provides, & clero & laicis consulis.

VIII.

EDITIO CORRECTA.

nemo alterius plebis hominem sibi usurpet: sed si fortè erit necessarius ordinationi, ut de vicino homo sit necessarius, petat à collegâ suo, & concessum habeat.

VI.

Vt Clerici actus secularium vel procurationes non suscipiant.

Nicasius Episcopus Culusitanus dixit: credo placere suggestionem meam Sanctitati vestræ, & displicere vobis, ut qui serviunt Deo, & annexi sunt clero, non accedant ad actus & administrationem vel procurationem domorum. Gratus Episcopus dixit: & Apostolorum statuta sunt, quæ dicunt: nemo militans Deo ingerat se negotiis sæcularibus. Proinde aut clerici sint sine actionibus domorum, aut actores sine officio Clericorum. Universi dixerunt: hoc observemus.

VII.

Vt clerici vel laici in aliâ Ecclesiâ non communicent sine litteris Episcopi sui.

Cassianus Usulensis Episcopus dixit: statuatur gravitas vestra, ut unusquisque clericus, vel laicus, non communicet in aliâ plebe sine litteris Episcopi sui. Gratus Episcopus dixit: nisi hoc observatum fuerit, communio fiet passiva. Nam si cum litteris receptus fuerit: & concordia inter Episcopos servatur, & nemo subtilis alterius fugiens communionem ad alium latenter accedit. Universi dixerunt: omnibus provides, & clero & laicis consulens.

VIII.

EDITIO VULGATA.

VIII.

Vt implicati negotiis alienis ante redditam rationem Clerici non ordinentur.

Magnus Episcopus Astyagensis dixit : quid dilectioni vestræ videtur ? procuratores & actores , etiam per se tutores pupillorum , si debeant ordinari ? Gratus Episcopus dixit : si post deposita universa & reddita ratiocinia , actus vitæ ipsorum fuerint probati in omnibus , debent & cum laude cleri (si postulati fuerint) honore munerari. Si enim ante libertatem negotiorum vel officiorum , ab aliquo sine ordinatione fuerint ordinati , Ecclesia infamatur. Universi dixerunt : rectè omnia statuit sanctitas tua. Ideoque ita est & nostra ista quoque sententia.

IX.

Vt laici Clericos actores vel ratiocinatores sibi non constituent.

Metus Caunenensis Episcopus dixit : rectè statutum est , ut obnoxij alienis negotiis non ordinentur. Tamen dimissi & gratias referre debent , & à Clericorum injuriâ temperare. Et ipsis non liceat clericos nostros eligere apothecarios vel ratiocinatores. Gratus Episcopus dixit , nulli dubium est , quod omnes vel Domini , vel procuratores , vel quicumque præsent , cum audierint saluberrima instituta Concilij , & sibi esse consultum , nec impeditum , propriam debebunt temperare injuriam in clericis nostris. Quod si injuria constitutionis

EDITIO CORRECTA.

VIII.

Vt implicati negotiis alienis , ante redditam rationem Clerici non ordinentur.

Magnus Episcopus Aptungensis dixit : quid dilectioni vestræ videtur , procuratores & actores , tutores etiam seu curatores pupillorum , si debeant ordinari ? Gratus Episcopus dixit : si post deposita universa , & reddita ratiocinia , actus vitæ ipsorum fuerint comprobati in omnibus , debent & cum laude , cleri , si postulati fuerint , honore munerari. Si enim ante libertatem negotiorum vel officiorum ab aliquo sine consideratione fuerint ordinati , Ecclesia infamatur. Universi dixerunt : rectè omnia statuit sanctitas tua : ideoque tua , nostra quoque est sententia.

IX.

Vt laici Clericos actores vel ratiocinatores sibi non constituent.

Metus Tacanenensis Episcopus dixit : rectè statutum est , ut obnoxij negotiis alienis non ordinentur : tamen etsi dimissi & gratias referre debent , & à clericorum injuriâ temperare. Et ipsis non liceat vel dominis , clericos nostros eligere apothecarios , vel ratiocinatores. Gratus Episcopus dixit : nulli dubium est , quod omnes , vel domini , vel procuratores , vel quicumque præsent , cum audierint saluberrima instituta Concilij , & sibi esse consultum , nec impeditum , propriam quoque inhibebunt injuriam in clericis nostris. Quod si in injuriam

S

constitu

EDITIO VULGATA.

tutionis Imperatoriæ clericos inquietandos putaverint, si defensio Ecclesiastica nos non deridet, pudor publicus vindicabitur. Universi dixerunt: saluberrimæ provisiones debuerunt à tanto concedi Concilio.

X.

Ne Episcopus alterius Episcopi plebes vel fines usurpet.

Felix Episcopus Baianensis dixit: nullus debet collegæ suo facere iniuriam. multi enim transcendunt sua, & usurpant aliena, ipsis invitis. Gratus Episcopus dixit: avaritiæ cupiditatem, radicem omnium malorum esse, nemo est, qui dubitet. Proinde inhibendum est, ne quis alienos fines usurpet, aut transcendat Episcopum collegam suum, aut usurpet alterius plebes, sine eius petitu, quia inde cætera mala omnia generantur. Universi dixerunt: placet, placet.

XI.

De Clericis contumacibus, & de numero judicantium presbyterorum & Diaconorum.

Elpidophorus Cuizitanus Episcopus dixit: statuatur sanctitas vestra, ut clerici, qui superbi vel contumaces sunt, coerceantur, ut qui minores maioribus irrogaverunt injurias, metum habeant. Gratus Episcopus dixit: manifestum est, illum non esse Dei, qui humilitatem contemnit, sed diaboli, qui superbiæ inventor & princeps est. Unde si quis tumidus vel contumeliosus extiterit in maiorem natu, vel aliquam causam habuerit,

à tri-

EDITIO CORRECTA.

constitutionis imperatoriæ clericos inquietandos putaverint: & defensio Ecclesiastica non deerit, & pudor publicus vindicabitur. Universi dixerunt: saluberrimæ provisiones debuerunt tanto condi Concilio.

X.

Vt Episcopus alterius Episcopi plebes aut fines non usurpet.

Felix Episcopus Baianensis dixit: nullus debet collegæ facere injuriam: multi enim & transcendunt suas, & usurpant alienas plebes ipsis invitis. Gratus Episcopus dixit: avaritiæ cupiditatem, radicem omnium malorum esse nemo est, qui dubitet. Proinde inhibendum est, ne quis alienos fines usurpet, aut transcendat Episcopum collegam suum, & usurpet alterius fines, sine eius petitu, quia inde cætera mala omnia generantur. Universi dixerunt: placet, placet.

XI.

De Clericis contumacibus, & de numero judicantium Episcopum, presbyterum, & Diaconum.

Elpidophorus Cuiccalitanus Episcopus dixit: statuatur sanctitas vestra, ut clerici qui superbi vel contumaces sunt coerceantur, qui minores maioribus irrogaverunt injurias, ut metum habeant disciplinæ. Gratus Episcopus dixit: manifestum est, illum non esse Dei, qui humilitatem commendat, sed diaboli, qui superbiæ inventor & princeps est. Unde si quis tumidus vel contumeliosus extiterit in maiorem natu vel aliquam

quam

EDITIO VULGATA.

à tribus vicinis Episcopis, si diaconus est, arguatur: presbyter à sex: si Episcopus à duodecim confacerdotibus audiatur. Univerſi dixerunt Episcopi: contemptus debet contumaciæ & superbiæ in omnibus frangi, causa verò pro personis à statuto numero audiatur.

XII.

Vt pacta inter Episcopos inita custodiantur.

Antigonus Episcopus Madaurensis dixit: gravem injuriam patior, & credo dolere sanctitatem vestram contumeliam meam, & computare communem injuriam. Optantius, cum se repræsentaret, pactum mecum habuit, & divisimus plebes. Manuscriptiones nostræ tenentur & pittacia. Contrà hoc pactum circuit plebes mihi attributas, & usurpat populos, ut illum Patrem, me vitricum nominent. Gratus Episcopus dixit: factum hoc dolendum est, ut in se illiciat populorum imperitorum animas contrà disciplinam, contrà Evangelicam traditionem, contrà pacis placita. Nam si sibi id posse contingere arbitraretur, numquam profectò in fratrem aliquis deliquisset. Vnde aut inita pacta suam obtineant firmitatem, aut conventus, si se non cohibuerit, Ecclesiasticam sentiat disciplinam. Univerſi dixerunt: pax servetur, pacta custodiantur.

XIII.

Vt non liceat Clericis sanerare.

Abundantius Episcopus Adrumetinus dixit: in nostro Concilio statutum est,

EDITIO CORRECTA.

quam causam habuerit, à tribus vicinis Episcopis, si diaconus est, qui arguitur; si presbyter, à sex; si Episcopus, à duodecim confacerdotibus audiatur. Univerſi dixerunt: contundi debet contumacia, & superbia in omnibus frangi: causæ verò pro personis ab statuto numero audiatur.

XII.

Vt pacta inter Episcopos inita custodiantur.

Antigonus Episcopus Madaurensis dixit: gravem injuriam patior, & credo dolere sanctitatem vestram contumeliam meam, & computare communem injuriam. Optantius cum se repræsentaret, pactum mecum habuit, & divisimus plebes, manus nostræ tenentur & pittacia. Contrà hoc pactum circuit plebes mihi adtributas, & susurrat populis, ut illum Patrem me vitricum nominent. Gratus Episcopus dixit: factum hoc dolendum est, ut in se illiciat populorum imperitorum animos contrà disciplinam, contrà Evangelicam traditionem, contrà pacis placita. Nam si sibi posse contingere arbitraretur, numquam profectò in fratrem deliquisset. Vnde inita pacta suam obtineant firmitatem: aut conventus si se non cohibuerit, Ecclesiasticam sentiet disciplinam. Univerſi dixerunt: pax servetur, pacta custodiantur.

XIII.

Vt non liceat Clericis sanerare.

Abundantius Episcopus Adrumetinus dixit: in nostro Concilio statutum

S 2

est,

EDITIO VULGATA.

est, ut non liceat clericis fœnerari: quod si & sanctitati tuæ, & huic Concilio videatur, præsentî placito designetur. Gratus Episcopus dixit: novellæ suggestiones, quæ vel obscuræ sunt, vel sub genere latent, inspectæ à nobis, formam accipient. Cæterum de quibus apertissimè divina scriptura sanxit, non differenda sententia est, sed potius exequenda. Proinde quod in laicis deprehenditur, id multo magis in clericis oportet prædamnari. Vniuersi dixerunt: nemo contrà Prophetas, nemo contrà Evangelia facit sine periculo.

XIV.

Vt laici contemptores Canonum excommunicentur; Clerici verò honore priuentur.

Gratus Episcopus dixit: juxta statuta Concilij & meæ mediocritatis sententiam, placet facere rerum omnium conclusionem. Vniuersi tituli designati & digesti, teneant sententias suas. Sanè credo vos retinere, multis Conciliis à Patribus nostris & traditionem temerariam esse damnatam, & rebaptizationis impietatem esse puniendam: quas res etiam nostro Concilio credo jam terminum accepisse. Reliqua verò, quæ vel facta, vel dicta, superius comprehensa sunt, vel aliis Conciliis conscripta, quæ secundum legem inveniuntur, custodire nos oportet. Si quis verò statuta supergressus corruperit, vel pro nihilo habenda putaverit, si laicus est communione; si clericus est honore priuetur. Vniuersi dixerunt:

Gratus

EDITIO CORRECTA.

est, ut non liceat clericis fœnerare: quod etiam si sanctitati tuæ, & huic Concilio videatur, præsentî placito designetur. Gratus Episcopus dixit: novellæ suggestiones, quæ vel obscuræ sunt, vel sub genere latent inspectæ, à nobis formam accipient. Cæterum, de quibus apertissimè divina scriptura sanxit, non ferenda sententia est, sed potius exsequenda. Proinde quod in laicis reprehenditur, id multo magis debet in clericis prædamnari. Vniuersi dixerunt, nemo contrà Evangelia facit sine periculo.

XIV.

Vt laici contemptores Canonum excommunicentur; Clerici, honore priuentur.

Gratus Episcopus dixit: juxta statuta Concilij: & meæ mediocritatis sententiam placet facere omnium rerum conclusionem. Vniuersi tituli designati & digesti teneant sententias suas. Sanè credo vos retinere, multis Conciliis à patribus nostris & traditionem esse damnatam, & rebaptizationis impietatem esse puniendam: quas res etiam nostro Concilio credo jam terminum accepisse reliqua verò, quæ vel facta vel dicta, superius comprehensa sunt, vel aliis Conciliis scripta secundum legem inveniuntur, custodire nos oportet. Si quis verò statuta supergressus corruperit, vel pro nihilo habenda putaverit, si laicus est, communione; si clericus est honore priuetur. Vniuersi dixerunt placet, placet.

Gratus

EDITIO VULGATA.

xerunt : placet, placet. Gratus Episcopus dixit : superest jam , ut placita omnium nostrum , quæ ad consensum vestrum sunt scripta , vestra quoque subscriptione firmetis. Vniuersi dixerunt : & consensisse nos , Concilij huius scripta testantur , & subscriptione nostrâ consensus declarabitur noster. Et subscriperunt.

EDITIO CORRECTA.

Gratus Episcopus dixit : superest jam ut placita omnium vestrum , quæ ad consensum vestrum sunt scripta , vestrâ quoque subscriptione firmetis. Vniuersi dixerunt : & consensisse nos Concilij huius scripta testantur , & subscriptione nostrâ sensus declarabitur noster. Et subscriperunt.

EXPLICIT CONCILIUM SUB GRATO.

SCHOLION.

4. Titulus Canonis primi est : *ut Baptismus in Trinitate susceptum non iteretur.* Sed corruptum esse vel mancum , grammatici ipsi discernent : agit Canon de rebaptizatione hæreticorum , quæ una ex præcipuis difficultatibus fuit , quæ Africanam Ecclesiam umquam exagitauit. Ab Agrippini tempore cæpit hic error Carthagine , & durauit usque ad Cyprianum , sub quo Africani Antistites pro rebaptizatione hæreticorum irruerunt in Zelum sed non secundum scientiam : hinc Catholici de veritate edocti respuerunt , ut parte 2. antiquitatis illustratæ ex antiquorum testimoniis evicimus : soli schismatici fuerunt , qui ex sopitis cineribus novum incendium excitarunt præeunte eorum fautore Donato , qui in Romanâ sub Melchiade Synodo convictus fuit de rebaptizatione : *confessus est* , inquit S. Optatus , *se rebaptizasse.* Et hunc errorem imbuentes Donati sequaces , huius Concilij temporibus non hæreticos solum , sed & Catholicos ad schisma suum pertractos rebaptizabant , somniantes apud solam partem Donati remansisse Ecclesiam , & extrâ eam sinistrè Baptizari , ubicumque initiarentur. Et contra hunc Donatistarum errorem intonat Gratus Carthaginienlis Episcopus hocce in Canone : interrogatum in Trinitatem , & sic Baptizatum secundum fidem & doctrinam Apostolorum , non esse rebaptizandum. *illicitas esse sancimus* , inquiunt Patres huius Concilij , *rebaptizationes , & satis esse alienum à sincerâ fide & Catholicâ disciplinâ.* Et hisce discussum esse titulum necessarium rebaptizationis , in quo plus schismatis rabies delitescerebat.

S. Optatus.

5. Titulus Canonis secundi est : *de Martyrum sepulchris & honorificentia.*

Canon 2.

§ 3

ficentia, & Canon ipse juxta editionem vulgatam incipit ab illis verbis: *Martyrum dignitatem nemo prophanus infamet.* &c. Verum in editione ex codice Vaticano incipit à verbis longè anterioribus, quæ Canoni primo attribuuntur in editione vulgatâ, ab illis nimirum: *Gratus Episcopus dixit: magna beatitudo &c.* Nec facile discernere est, ad quem Canonem ista Grati interlocutio sit referenda, materia enim rebaptizationis suadet, interlocutionem spectare ad primum Canonem: sed cum nullus Canon hac in Synodo statutus sit, quin nomen Episcopi præse ferat, exordium Canonis secundi ab illis verbis sumendum esse, *Gratus Episcopus dixit*, cum fundamento positum videtur in editione per Lucam Holstenium ad codicem Vaticanum recensitâ. Quidquid interim sit, cum titulus de Martyrum honorificentia mentionem faciat, verba Canonis huc spectantia incipiunt, ubi incipit Canon in editione vulgatâ: *Martyrum dignitatem nemo prophanus infamet.* Occasionem verò huius Canonis dederunt circumcelliones, qui ante unitatem, ut loquitur S. Optatus, lib. 3. per loca singula vagabantur, & nullâ præfectorum reverentia servos manumittebant, ære alieno oppressos liberabant à creditoribus, & ex ipso genere fuerunt, qui sibi percussores sub cupiditate falsi Martyrij in suam perniciem conducebant. Inde etiam illi, qui ex altorum montium cacuminibus viles animas proiicientes, se præcipientes dabant. Hæc Optatus, cui consonat plerisque in locis D. August. signanter verò epist. 68. ubi clerus Hipponensis scribit ad Ianuarius de circumcellionibus: *si quas mortes sibi ultro ingerunt, nobis volunt esse invidiosas, vobis gloriosas. . . . vivunt ut latrones, moriuntur ut circumcelliones, honorantur ut Martyres.* Atqui ne eorum fraude deciperentur fideles Afri, vetitum est hoc Canone, ut nemo in insaniam præcipitatos, nec aliquo tali pacto aut aliâ ratione peccati discretos, non ratione vel tempore competenti, quo Martyria celebrantur, Martyrum nomine appellet. Concludit Canon hoc & singulis Conciliis statutum est. Planè confirmant patres Africani, ante hanc Synodum universalem totius Africæ, Concilia Provincialia celebrata fuisse in singulis Provinciis, quod nimirum Catholici Episcopi post unitatis tempus Macarij & Pauli sollicitudine concessum, à circumcellionibus per vias ubique infestissimis jam liberati tractare poterant de rebus Ecclesiæ in Synodis.

S. Optatus.

Clerus Hipponenf.

Canon 3.

6. *Ut clerici vel sanctimoniales femina &c.* Verba Canonis 3. huc spectantia sunt. Nullus ergo & nulla sanctimonia deserviens, propter blasphemiam Ecclesiæ, si vobis placer, in una domo penitus commorari non debent.

debent. Vniuersi dixerunt: qui nolunt nubere & pudicitia meliorem eligunt partem, vitare debent non solum habitare simul, sed nec habere ad se aliquem accessum. Hoc ergo & lex iubet, & sanctitas vestra commendat: hoc & in singulis Conciliis à nobis statutum est. Singularum iterum Provinciarum Concilia laudant Episcopi Africani, quibus statutum est, id quod Gratus commendabat, adduntque id lege iustum, Canone nimirum tertio Nicæno, ubi prohibetur clero, subintroductam habere mulierem. Ulterius aliquid statuit hic Canon 3. Carthaginienſis cum vetat, à nullà sanctimonie & Virginitati deserviente haberi posse subintroductum aut extraneum in domo virum, ob scandalum, nimirum vitandum, ob quod canone 4. idem omnino viduis vetatur. Enimvero cum Afri essent ad libidinem proni, & quisque de altero suspicatur id, quod ipse facit, contigit facile præsumi ab infidelibus, hæreticis & schismaticis Afriſ, tales libidini esse obnoxios, uti & fuisse sæpius, ad D. Cyprianum retulerat Pomponius, cui D. Cyprianus respondit epistolâ 62. *nec pati virgines cum masculis habitare, non dico si mul dormire, sed nec simul vivere.*

Cyprianus.

7. *Vel sanctimoniales fœminæ.* Eas D. Cyprianus epistolâ 62. describit, quæ ex fide se Christo dicaverunt: ex quibus clarum est, à tempore Cypriani fuisse fœminas, quæ virginitatem suam Domino dicabant habitantes in privatis parentum domibus. Cæterum post hanc Synodum fuisse etiam in locis communibus, quibus Abbatissæ, quas Afri Matres vocabant, præerant, indicat S. Optatus libro 2. loquens de Urbano Formenſi & Fælice Idicrenſi incestis partis Donati Episcopis: *invenerunt matres, quas de castimonialibus fecerunt mulieres.* Egregium habemus hæc de re testimonium apud D. Augustinum epistolâ 109. ubi monacharum præpositam matrem vocat, & monachas matrem mutare conatas redarguit, hortaturque, ne præpositam aliam velint, sub quâ, inquit, in monasterio illo per tam multos annos perseverante & numero, & atate crevistis, quæ vos mater non utero sed animo suscepit. Addit regulam monachis servandam, in quâ præcipuum est pudicitie & virginitatis documentum, quod dum Vandalorum Rex Hunericus explodebat, præcepit, inquit Victor Vitenſis libro 2. *sacras virgines congregari, dirigens Vandalos cum suæ Gentis obstetricibus ad inspicienda. . . . ubi nec matres aderant: cumque variis tormentis suspensas affligerent, petebant: Dicite quomodo Episcopi vobiscum concumbunt & clerici vestri.* Hæc de Vandalis Victor Vitenſis non tam enarrat, quam sanguineis oculis deplorat præbens manifestum exemplum, unde novatores

S. Optatus.

S. Augustin.

Victor Vitenſis.

tores nostri didicerunt sua contra sanctimoniales nostri temporis convicia.

Canon 5.
Gratus.

8. *Vt clerici vel laici in alterius Ecclesiâ non ordinentur.* Addit in ipso Canone 5. Gratus Carthaginensis: *nam & memini in sanctissimo Concilio Sardicensi statutum, ut nemo alterius plebis hominem usurpet.* Ex quo non modo colligitur, hanc Carthaginensem Synodum celebratam fuisse post Sardicensem, cui Gratus cum 36. Africæ Episcopis adfuerat anno 347. sed & domum reducem Sardicensis Concilij decreta in tantâ veneratione habuisse, ut ea sibi & toti Africanæ Ecclesiæ pro normâ & regulâ posuerit, quod Parisiensis Archiepiscopi de Marca sententiam de non receptis sæculo 4. canonibus Sardicensibus destruit. *Vt clerici, vel laici in Ecclesiâ alienâ non communicent sine litteris sui Episcopi.* Est antiquum Ecclesiæ statutum, quod nemo sine pacificis sui Episcopi recipiatur in alienâ Ecclesiâ, & addit Gratus in canone 7. *nisi hoc observatum fuerit, communio fiet passiva.* Ad quod ultimum verbum in margine editionis vulgatæ habetur. Fortè *passim*. Sed retinenda est lectio *passiva*. Per quod Africani Episcopi nihil aliud innuere volebant, quam aliâs communionem fidelium detrimentum passuram: sic in canone 2. huius Synodi legimus: *Passiva Corpora*: quibus expriment patres, corpora Martyrum tormentis enecata, & sic detrimentum passa.

Canon 13.

9. *Vt non liceat Clericis fœnerare.* Canon 13. incipit: *Abundantius Episcopus Adrumetinus dixit: in nostro Concilio statutum est, ut non liceat Clericis fœnerare: quod etiam si sanctitati tuæ & huic Concilio videtur, presenti placito designetur &c.* Quo ex Canone habemus, cum Adrumetum sit civitas Provinciæ Byzacenæ, Abundantium Adrumetinum locutum fuisse de Synodo Provinciali Byzacenâ, quæ una fuit ex iis, quas per diversas Africæ Provincias tempore unitatis coactas diximus parum ante hanc Synodum: earum tamen acta perierunt cum Canonibus, quos in ijs statutos certum est ex dictis. *Vt laici contemptores Canonum &c.* Gratus hocce Canone conclusionem facturus: *sane credo vos, inquit ad Patres, retinere multis Conciliis à patribus nostris & traditionem esse damnatam, & rebaptizationis impietatem esse puniendam: quas res etiam nostro Concilio credo jam terminum accepisse.* Verum quænam illa sint Concilia Africana, in quibus rebaptizationis impietas punienda statuebatur, huc usque ignoramus, nisi dicere velimus, Gratum loqui de patribus Afris, qui cum Cœciliano interfuere Concilio Romano sub Melchiae,

Gratus.

de, & Arelatenſi primo ſub Sylveſtro, quamvis & in illis Conciliis nulla pœna pro rebaptizatione conſtituta inveniatur. Quidquid autem ſit, hanc Synodum contrà Donatiſtas præcipuè coactam fuiſſe, lucet ex laudatis Grati verbis, quibus ſubiungit: *Reliqua verò, quæ vel facta, vel dicta ſuperius comprehenſa ſunt, vel aliis Conciliis ſcripta ſecundum legem inveniuntur, cuſtodire nos oportet.* Quibus iterum indicat, alia Concilia etiam Africana canones conſtituiſſe, & conſequenter, hoc, licet primum ſit, quod nobis reſtat, reverà tamen primum non eſſe, quod Canones in Africâ edidit.

CAPUT IV.

De ſecundo Carthaginenſi Concilio ſub Genethlio anno 390.

1. Editio vulgata huius Synodi corruptior eſt eâ, quàm ex recognitione Luca Holſtenij typis mandavit Læbbius. Præſatio ex utrâque editione adfertur cum notis ad conſideratione digna.
2. Canones tredecim ex utrâque editione adiunguntur, ex quibus juxtâ ſe invicem poſitis lucidè conſtat, de corrupto editionis vulgata textu plerique in locis.
3. Scholion in Canones, ac primò cur patres prius de fide & præſertim Trinitatis, quam de diſciplinâ agant.
4. Canon ſecundus in vulgatâ editione ſtatutus perhibetur ab Aurelio, ſed in aliâ ad Codicem Vaticanum correctâ ab Epigonio, unde corruiſſe error de tempore huius Synodi à Binnio aliſque poſt Baronium amplectus. Meminit Epigonius Concilij, quod aliud quoque fuit, quam Binnius credebat.
5. Addit Epigonius, tres Gradus eſſe, quibus continentia lex ſemper annexa fuit, quod & in Africâ obſervatum; teſtimonia Africanorum, qui meminerunt uxorum, quas præſbyteri habuerunt, intelligenda ſunt de uxoribus, quas duxerant nondum ad ſacros ordines promoti.
6. Canon tertius juxtâ duplicem editionem expenditur, & quoad Chriſmatiſ conſecrationem notatu digna adferuntur.
7. Etiam quoad puellarum conſecrationem, & reconciliationem pœnitentium à præſbytero non faciendâ quadam in lucem proferuntur: agi-

tur autem hoc canone de publicis pœnitentibus publicè absolvendis.

8. *Canone quarto agitur de pœnitentibus in articulo mortis secretò absolvendis; ubi & aliqua notatu digna circa cetera in canone contenta, uti & circa Canonem sextum.*
9. *Canon octavus ab Alypio Tagastensi Episcopo & Provincia Numidia legato fertur statutus, sed editio ad Codicem Vaticanum recensita loco Alipij habet Felicem Selemfelitanum, unde & argumentum Baronij pro transferendo huius Synodi tempore corrui.*
10. *Quæ in canonibus nono, decimo, & duodecimo notatu digna occurrunt, breviter referuntur.*

1. **C**orruptissima quoque extabat in vulgatâ Conciliorum editione hæc Synodus Carthaginensis, quam Holstenius ad Codicem Vaticanum recensuit, & sic correctam nuper publici juris fecit Philippus Labbeus in appendice ad tomum 2. Conciliorum: præfatio ex utrâque editione his verbis continetur.

PRÆFATIO.

EDITIO VULGATA.

Gloriosissimo Imperatore Valentino Augusto IV. & Theodosio viris clarissimis consulibus, 14. Kalendas Iunij Carthagine in Basilicâ Perpetuâ restitutâ, cum Genedius Episcopus unâ cum Victore Abderitano, & alio Victore Puppitanensi, & cæteris Coepiscopis suis Provinciarum diversarum confedisset, Genedius Episcopus dixit.

PRÆFATIO.

EDITIO CORRECTA.

Gloriosissimo Imperatore * a Valentino Augusto III. & Neoterio V. C. consulibus 16. Kalendas Iulias Carthagine in Basilicâ Perpetuâ restitutâ, * b cum Genethlius Episcopus unâ cum Victore Abderitano, & alio Victore Puppitanensi, & cæteris Coepiscopis suis * c Provinciarum diversarum confedisset.

SCHOLION.

* a. *Valentiniano Augusto 3. & Neoterico V. C. Consulibus.* Editio Vulgata habebat, *Valentiniano Aug. 4. & Theodosio. V. C. Consulibus*, quod erroneum esse ex eo collegit Binnius, quod nusquam Valentinianus cum Theodosio Consulatum gesserit, sed cum Neoterio anno 390. Quia autem putabat Baronius Theodosij nomen retinendum esse, qui cum Valentiniano Cæsare Consulatum gessit anno 425. cum

Baronius.

eum subsecutus Severinus Binnius putavit, in hunc annum reiiciendum esse hoc Concilium, quod licet inter Carthaginensia sæcundi nomen obtineat, verè post omnia Carthaginensia Concilia celebratum fuisset ultimum. Verum Theodosij nomen librariorum vitio irrepsisse, lucet ex Codice Vaticano, ubi loco *Theodosij*, legitur: *Neoterico*, qui verè cum Valentiniano Consulatum gessit anno 390. quo item anno hæc Synodus celebrata fuit non ordine ultima, sed ut nomen præ se fert, verè secunda.

* b. *Cum Genethlius*. Antiqua editio habebat *Genedius*, sed corruptè, cum legendum sit *Genethlius*, qui fuit Carthaginensis Episcopus. Eum Valerio successisse, ex corruptis huius Synodi actis putavit Baronius, & ex eo Binnius. Verum hoc in causâ fuit totius erroris postponendi hanc Synodum. *Genethlius* non successor sed antecessor fuit *Valerij*, ut alibi notamus.

* c. *Provinciarum diversarum*. Ex quibus colligitur, hanc Synodum fuisse universalem totius Africæ, quæ Canones tredecim statuit, quos hic subiungimus ex utrâque editione.

EDITIO VULGATA.

CAPITULA

I.

Ut Trinitas credatur & prædicetur.

2. Omnipotenti Deo gratias refero, qui permisit, ut secundum commune Concilium habitum in prætorio, etiam juxtâ tenorem petitionis litterarum mearum, ad Carthaginem pro fide atque utilitate Ecclesiasticâ veniretis, licet non omnes. Tamen quoniam Caritas totum persuadet, ut qui corpore sunt absentes, nobiscum in Spiritu videantur esse conjuncti: idcirco Deo propitio, quia præsentis estis, pari professione fides Ecclesiastica, quæ per nos traditur, in hoc cœtu glorioso primitus confitenda est. Tunc demum ordo Ecclesiasticus singulorum ex consensu omnium est extruendus

EDITIO CORRECTA.

CANONES

I.

Ut Trinitas credatur & prædicetur.

Genethlius Episcopus dixit: omnipotenti Deo gratias refero, qui permisit, ut secundum commune consilium habitum in præterito, etiam juxtâ tenorem petitionis litterarum mearum, ad Carthaginem pro fide atque utilitate Ecclesiasticâ veniretis. Et si non omnes, tamen quoniam Caritas totum persuadet, ut qui corpore sunt absentes, nobiscum in Spiritu videantur esse conjuncti: idcirco Deo propitio, quia præsentis estis, pari professione fides Ecclesiastica, quæ per nos traditur, in hoc cœtu glorioso primitus confitenda est: tunc demum ordo Ecclesiasticus singulorum, ex con-

T 2

sensu

EDITIO VULGATA.

duſ atque roborandus, ut fratrum & Coepiscoporum noſtrorum nuper promotorum mentes de his, quæ proponenda ſunt, roborentur. Et ſicut à patribus certâ diſpoſitione accepimus, ut Trinitatem quam in noſtris finibus conſecratam retinemus, Patris, & Filij, & Spiritus Sancti unitatem, quæ nullam noſcitur habere notitiam, ſicuti didicimus, ita Dei populos inſtruamus. Ab univerſis Episcopis dictum eſt: planè ſic accepimus, ſic tenemus, fidem Apoſtolicam ſequentes.

II.

Vt caſtitas à levitis, & ſacerdotibus cuſtodiantur.

Aurelius Episcopus dixit: cum in præterito Concilio de continentia & caſtitaſ moderamine tractaretur, gradus iſti tres conſcriptione quâdam caſtitaſ per conſecrationes annexi ſunt. Episcopos, inquam, præbyteros, & Diaconos, ita placuit, ut condecet ſacroſanctos Antiftites, & Dei ſacerdotes, nec non & levitas, vel qui Sacramentis divinis inſerviunt, continentes eſſe in omnibus, quo poſſint ſimpliciter, quod à Deo poſtulant, impetrare, ut quod Apoſtoli docuerunt, & ipſa ſervavit antiquitas, nos quoque cuſtodiamus. Ab univerſis Episcopis dictum eſt: omnibus placet, ut Episcopi, præbyteri, & Diaconi, vel qui Sacramenta contrectant, pudicitia cuſtodes, & etiam ab uxoribus ſe abſtineant. Ab omnibus dictum eſt, placet, ut in omnibus, & ab omnibus pudicitia

EDITIO CORRECTA.

ſenſu omnium eſt aſtruendus. Ad corroborendas autem fratrum & Coepiscoporum noſtrorum nuper promotorum mentes, ea proponenda ſunt, quæ à patribus certâ diſpoſitione accepimus: ut Trinitatis, quam noſtris ſenſibus conſecratam retinemus, Patris, & Filij, & Spiritus Sancti unitatem, quæ nullam noſcitur habere differentiam, ſicut didicimus, ita Dei populos inſtruamus. Ab univerſis Episcopis dictum eſt: planè ſic accipimus, ſic tenemus, fidem Apoſtolicam ſequentes.

II.

Vt caſtitas à levitis, & ſacerdotibus cuſtodiantur.

* a Epigonius Episcopus Bullenſium Regionum dixit: cum in * b præterito Concilio, de continentia & caſtitaſ moderamine tractaretur, * c gradus iſti tres, qui conſtrictione quâdam caſtitaſ per conſecrationes annexi ſunt, Episcopos, inquam, præbyter, & Diaconus, tractatu pleniore, ut pudicitiam cuſtodiant, doceantur. Genethlius Episcopus dixit: ut ſuperius dictum eſt, decet ſacroſanctos Antiftites, & Dei ſacerdotes, nec non & levitas, vel qui Sacramentis divinis inſerviunt, continentes eſſe in omnibus: quo poſſint ſimpliciter, quod à Deo poſtulant impetrare: ut quod Apoſtoli docuerunt, & ipſa ſervavit antiquitas, nos quoque cuſtodiamus. Ab univerſis Episcopis dictum eſt: omnibus placet, ut Episcopi, Præbyteri, & Diaconi, vel qui Sacramenta contrectant, pudicitia

EDITIO VULGATA.

pudicitia custodiatur, qui altari inser-
viunt.

III.

*Vt Chrisma & benedictio puellarum,
& reconciliatio pœnitentium à
presbyteris non fiant.*

Fortunatus Episcopus dixit: si jubet
sanctitas vestra, suggero. Nam memini
præterito Concilio fuisse statutum, ut
Chrisma vel reconciliatio pœnitentium,
nec non & puellarum consecratio à pres-
byteris non fiant. si quis autem emerferit
hoc faciens, quid de eo statuendum sit?
Aurelius Episcopus dixit: audivit dig-
natio vestra suggestionem fratris & Coe-
piscopi nostri Fortunati, quid adhuc
dicitis? ab universis Episcopis dictum
est. Chrismatis consecratio & puellarum
consecratio, à presbyteris non fiant vel
reconciliare quemquam in publicâ missa,
presbytero non licere, hoc omnibus
placet.

IV.

*Vt presbyter pœnitentem iussus ab
Episcopo suo reconciliet.*

Aurelius Episcopus dixit: si quisquam
in periculo fuerit constitutus, & se re-
conciliari divinis altaribus petierit, si
Episcopus absens fuerit, debet utique
presbyter consulere Episcopum, & sic
periclitantem eius præcepto reconciliare,
quam rem debemus salubri Concilio
corroborare. Ab universis Episcopis
dictum est: placet, quod sanctitas vestra
neces-

EDITIO CORRECTA.

pudicitia custodes, etiam ab uxoribus
se abstineant: ut in omnibus & ab om-
nibus pudicitia custodiatur, qui altari de-
serviunt.

III.

*Vt Chrisma & benedictio puellarum
& reconciliatio pœnitentium à
presbyteris non fiant.*

Numidius Episcopus Maxulitanus
dixit: si jubet sanctitas vestra, suggero,
nam memini præteritis Conciliis fuisse
statutum, ut Chrisma vel reconciliatio
pœnitentium, nec non & puellarum con-
secratio, à presbyteris non fiant. Si quis
autem emerferit hæc faciens, quid de
eo statuendum sit? Genethlius Episco-
pus dixit: audivit dignatio vestra sugge-
stionem fratris & Coepiscopi nostri Nu-
midij: quid adhuc dicitis? ab universis
Episcopis dictum est: * a Chrismatis
consecratio, & * b puellarum consecra-
tio, à presbyteris non fiant: vel * c re-
conciliare quemquam in publicâ missa
presbytero non licere, hoc omnibus placet.

IV.

*Vt presbyter pœnitentem iussus à suo
Episcopo reconciliet.*

* a Genethlius Episcopus dixit:
* b si quisquam in periculo fuerit consti-
tutus, & se reconciliari divinis altari-
bus petierit, * c si Episcopus absens
fuerit, debet utique presbyter consule-
re Episcopum, & sic periclitantem eius
præcepto reconciliare. Quam rem debe-
mus salubri consilio corroborare. Ab
universis Episcopis dictum est: placet

T 3

omni-

EDITIO VULGATA.

necessario nos instruere dignata est.

V.

Vt Diœcesis, quæ Episcopum numquam habuit, non habeat.

Felix Episcopus Selemselitanus dixit: etiam, si hoc placet sanctitati vestræ, insinuo, ut Diœceses, quæ numquam Episcopos acceperunt, non habeant: & illa Diœcesis, quæ aliquando habuit, habeat proprium. Et si accedente tempore, crescente fide, Dei populus multiplicatus desideraverit proprium habere rectorem, eius videlicet voluntate, in cuius potestate est Diœcesis constituta, habeat Episcopum. Secundum autem hanc prosecutionem sanctitas vestra æstimet, quid fieri debeat. Genethlius Episcopus dixit: si placet insinuatio fratris & Coepiscopi nostri Felicis, ab omnibus confirmetur. Ab universis Episcopis dictum est, placet.

VI.

Vt qui criminibus implicati sunt, Clericos non accusent.

Numidius Episcopus Massylitanus dixit: præterea sunt quam plurimi non bonæ conversationis, qui existimant maiores natu vel Episcopos, passim vagèque in accusationem pulsandos; debent tam facile admitti, nec ne? Aurelius Episcopus dixit: placet ergo Caritati vestræ, ut is qui aliquibus sceleribus irretitus est, vocem adversus maiores natu non habeat accusandi? ab universis Episcopis dictum est: si criminolus est,

non

EDITIO CORRECTA.

omnibus, quod sanctitas vestra necessario nos instruere dignetur.

V.

Diœcesis, quæ Episcopum numquam habuit, non habeat.

Felix Episcopus Selemselitanus dixit: etiam, si hoc placet sanctitati vestræ, insinuo, ut Diœceses, quæ numquam Episcopos habuerunt, non habeant: & illa Diœcesis, quæ aliquando habuit, habeat proprium. Et si accedente tempore, crescente fide, Dei populus multiplicatus desiderabit proprium habere rectorem: eius videlicet voluntate, in cuius potestate est Diœcesis constituta, habeat Episcopum. Secundum autem hanc prosecutionem, sanctitatis vestræ est, æstimare, quid fieri debeat. Genethlius Episcopus dixit: si placet insinuatio fratris & Coepiscopi nostri Felicis, ab omnibus confirmetur. Ab universis Episcopis dictum est: placet, placet.

VI.

Vt qui criminibus implicati sunt, Sacerdotes vel clericos non accusent.

Numidius Episcopus Maxulitanus dixit: præterea sunt quam plurimi non bonæ conversationis, qui existimant, maiores natu vel Episcopos, passim vagèque in accusatione pulsandos. Debent tamen facile admitti contra Apostolicam regulam nec ne? Genethlius Episcopus dixit: placet ergo Caritati vestræ, ut is, qui aliquibus sæcularibus irretitus est, vocem adversus maiorem natu non habeat accusandi? ab universis Episcopis dictum

dictum

EDITIO VULGATA.

non admittatur. Omnibus placet.

VII.

*Vt qui excommunicatum alterius
susceperit, excommunicetur.*

Felix Episcopus Selemselitanus dixit:
illud autem vestrae suggero sanctitati,
ut si qui pro facinoribus suis de Ecclesia
pelluntur, & ausi fuerint ad comitatum
pergere aut ad judicia publica profilire,
aut forsitan Ecclesiae catholicae limina
conturbare, si Episcopus vel clericus
cuiuslibet plebis, eos sine consensu
susceperit, de his quid censetis? Epi-
gonius Episcopus Bullensium Regionum
dixit: si quis Episcopus Communionem
tenens catholicam, huiusmodi homines,
vanis blandimentis incedentes, temere
susceperit, sciat cum his se rectissime
depravatum vel damnatum. Genedius
Episcopus dixit: ergo recte suggerunt
fratres & coepiscopi, ut qui merito
facinorum suorum ab Ecclesia pulsi sunt,
si ab aliquo Episcopo aut presbytero vel
clerico fuerint in communionem suscepti,
refugientes sui Episcopi regulare judi-
cium, etiam ipse pari cum eis crimine
teneatur obnoxius. Ab universis Epif-
copis dictum est: omnibus placet.

VIII.

*Vt si presbyter excommunicatus
sacrificare praesumpserit,
anathematizetur.*

Alypius Episcopus Ecclesiae Tagastensis,

EDITIO CORRECTA.

dictum est: si crimosus est, non admit-
tatur, ut accuset. Omnibus placet.

VII.

*Vt qui excommunicatum alterius
susceperit, excommunicetur.*

Felix Episcopus Selemselitanus dixit:
illud autem vestrae suggero sanctitati, ut
si qui pro facinoribus suis de Ecclesia
pelluntur, & ausi fuerint ad comitatum
pergere, aut ad judicia publica profilire,
aut forsitan Ecclesiae catholicae limina
adtentare: si Episcopus vel clericus cu-
iuslibet plebis eos sine consensu suscepe-
rit, de his quid censetis? Epigonius
Episcopus Bullensium Regionum dixit:
si quis Episcopus communionem tenens
catholicam, huiusmodi homines vanis
blandimentis incedentes, temere susce-
perit, sciat cum his se reiectis esse de-
pravatum, transiens sortem eorum.
Genethlius Episcopus dixit: ergo recte
suggerunt fratres & Coepiscopi, ut
qui merito facinorum suorum ab Ecclesia
pulsi sunt, si ab aliquo Episcopo aut
presbytero, vel clerico fuerint in com-
munionem suscepti, refugientes sui Epif-
copi regulare iudicium, etiam ipse pari
cum eisdem crimine teneatur obnoxius.
Ab universis Episcopis dictum est: om-
nibus placet.

VIII.

*Vt si presbyter excommunicatus sa-
crificare praesumpserit,
anathematizetur.*

Felix Episcopus Selemselitanus dixit:
nec

EDITIO VULGATA.

sis, legatus Provinciæ Numidiæ, dixit: nec illud prætermittendum est, ut si quis forte presbyter ab Episcopo suo correptus, aut excommunicatus, timore vel superbiâ inflatus, putaverit separatim Deo sacrificia offerenda, vel aliud erigendum altare contrâ Ecclesiasticam fidem disciplinamque crediderit, non exeat impunitus. Valentinus primæ sedis Provinciæ Numidiæ, dixit: necessariò disciplinæ Ecclesiasticæ & fidei congrua sunt, quæ frater noster Alypius profectus est. Proinde quid exinde videtur vestræ dilectioni, edicite: si quis presbyter contrâ Episcopum suum inflatus schisma fecerit, anathema sit. Ab universis Episcopis dictum est: si quis presbyter à Præposito suo excommunicatus vel correptus fuerit, debet utique apud vicinos Episcopos conqueri, ut ab ipsis eius causa possit audiri, ac per ipsos suo Episcopo reconciliari. Quod nisi fecerit, sed superbiâ (quod absit) inflatus discernendum se ab Episcopi sui communionem dixerit, ac separatim cum aliquibus schisma faciens, sacrificium Dei obtulerit, anathema habeatur, & locum amittat. Nihilominus & de civitate & congregatione, in quâ fuerit, longius repellatur, ne vel ignorantes, vel simplices mentes serpentinâ fraude decipiat; quoniam secundum Apostolum: Ecclesia una est, una fides, unum Baptisma. Et si querimoniam justam adversus Episcopum habuerit, inquirendum erit.

IX.

EDITIO CORRECTA.

nec illud prætermittendum est, ut si quis forte presbyter ab Episcopo suo correptus aut excommunicatus, timore vel superbiâ inflatus, putaverit separatim Deo sacrificia offerenda, vel aliud erigendum altare contrâ Ecclesiasticam fidem disciplinamque crediderit, non exeat impunitus. Genethlius Episcopus dixit: necessariò disciplinæ Ecclesiasticæ & fidei congrua sunt, quæ Felix frater noster profectus est. Proinde quid exinde videtur vestræ dilectioni, edicite. Ab universis Episcopis dictum est: si quis presbyter à præposito suo excommunicatus, vel correptus fuerit: debet utique apud vicinos Episcopos conqueri, ut ab ipsis eius causa possit audiri, ac per ipsos suo Episcopo reconciliari. Quod nisi fecerit, sed superbiâ, quod absit inflatus, discernendum se ab Episcopi sui communionem duxerit, ac separatim cum aliquibus schisma faciens, sacrificium Deo obtulerit, loco amisso anathema habeatur. Nihilominus & de civitate & congregatione in quâ fuerit, longius depellatur, ne vel ignorantes, vel simplices mentes serpentinâ fraude decipiat. Quoniam secundum Apostolum, Ecclesia una est, una fides, unum Baptisma. Et si querimoniam justam adversus Episcopum habuerit, inquirendum erit.

IX.

EDITIO VULGATA.

I X.

Vt si presbyter inconsulto Episcopo agenda celebraverit, honore privetur.

Numidius Episcopus Massylitanus dixit: in quibusdam locis sunt presbyteri, qui aut ignorantes simpliciter, aut dissimulantes audacter, præsente & inconsulto Episcopo, complurimis in domiciliis agent agenda, quod disciplinæ incongruum cognoscit esse sanctitas vestra. Genedius Episcopus dixit: fratris & Coepiscopi nostri dignæ suggestioni respondere non immeretur: ab universis Episcopis dictum est: quisquis presbyter inconsulto Episcopo agenda in quolibet loco voluerit celebrare, ipse honori suo contrarius existit.

X.

Quanti debeant judicare Sacerdotem, atque levitem.

Felix Episcopus Selemfelitanus dixit: etiam hoc adijcio secundum statuta veterum Conciliorum, ut si quis Episcopus (quod non opinamur) in reatum aliquem incurrerit, & fuerit ei nimia necessitas, non posse plurimos congregare, ne in crimine remaneat, à duodecim Episcopis audiatur, & à sex presbyteris, & à tribus Diaconibus cum proprio suo Episcopo. Genedius Episcopus dixit: quid adhuc dicit sanctitas vestra? ab universis Episcopis dictum est, à nobis veterum statuta debere servari.

XI.

EDITIO CORRECTA.

I X.

Vt si presbyter inconsulto Episcopo agenda celebraverit, honore privetur.

Numidius Episcopus Maxulitanus dixit: in quibusdam locis sunt presbyteri, qui aut ignorantes simpliciter, aut dissimulantes audaciter, præsente & inconsulto Episcopo, complurimis in domiciliis agent agenda: quod disciplinæ incongruum cognoscit esse sanctitas vestra. Genethlius Episcopus dixit: fratris & Coepiscopi nostri suggestioni respondere non morentur. Ab universis Episcopis prædictum est: quisquis presbyter inconsulto Episcopo, agenda in quolibet loco voluerit celebrare, ipse honori suo contrarius existit.

X.

Quanti debeant judicare Sacerdotem atque levitam.

Felix Episcopus Selemfelitanus dixit: etiam hoc adijcio secundum statuta veterum Conciliorum, ut si quis Episcopus, quod non optamus fieri, reatum aliquem incurrerit, & fuerit ei nimia necessitas non posse plurimos congregare Episcopos: ne in crimine remaneat, à duodecim Episcopis audiatur, & à sex presbyteris, & à tribus Diaconis cum proprio suo Episcopo. Genethlius Episcopus dixit: quid adhuc dicit sanctitas vestra? ab universis Episcopis dictum est, dignum est, à nobis veterum statuta debere servari.

V

XI.

EDITIO VULGATA.

XI.

Vt nullus Parochiam alienam præsumat.

Victor Episcopus Abderitanus dixit: roboranda est Ecclesiastica disciplina, ne quisquam Episcoporum alterius plebes vel diocesim suâ importunitate pulsare debeat. Qui hoc facere tentaverit, quemadmodum coercendus est? Genedius Episcopus dixit: & lex sancta prohibet, & ipsa veritas definit, non debere quemquam aliena concupiscere. Proinde, quid etiam vobis omnibus placeat, propriâ voce signate. Ab universis Episcopis dictum est: placet, secundum divinæ legis & sancti Evangelij auctoritatem, ut nemo nostrum alienos limites transgrediatur.

XII.

Vt sine consultu Metropolitanus nullus ordinetur Episcopus.

Numidius Episcopus Massylitanus dixit: alij Episcopi usurpatione quâdam existimant, contempto Primatu cuiuslibet Provinciæ suæ, ad desiderium populi, Episcopum ordinare, sine litteris ad se primæ cathedræ manantibus, neque postea acceptis. Quid de hoc statuit sanctitas vestra? Genedius Episcopus dixit: quoniam communis est honorificentia, quam unicuique servari oportet, id ipsum fraternitati vestræ convenit pronuntiare. Ab universis Episcopis dictum est: placet omnibus, ut inconsulto Primatu cuiuslibet Provinciæ, tam facile nemo præsumat, licet cum

EDITIO CORRECTA.

XI.

Vt nullus Parochiam alienam præsumat.

Victor Episcopus Abziritanus dixit: roboranda est Ecclesiastica disciplina, ne quisquam Episcoporum, alterius plebes, vel diocesim, suâ importunitate pulsare, terminosque sibi statutos conetur excedere. Qui hoc facere tentaverit, quemadmodum coercendus est? Genethlius Episcopus dixit: & lex sancta prohibet, & ipsa veritas non finit, quemquam aliena concupiscere: proinde quod etiam vobis omnibus placeat, propriâ voce signate. Ab universis Episcopis dictum est: placet, ut secundum divinæ legis & sancti Evangelij auctoritatem, nemo nostrum alienos limites transgrediatur.

XII.

Vt sine consultu Metropolitanus nullus ordinetur Episcopus.

Numidius Episcopus Maxulitanus dixit: aliqui Episcopi usurpatione existimant, contempto Primatu cuiuslibet Provinciæ suæ, ad desiderium populi Episcopum ordinare, neque litteris ad se primæ Cathedræ manantibus, neque potestate acceptâ. Quid de hoc statuet sanctitas vestra? Genethlius Episcopus dixit: quoniam communis est honorificentia, quam unicuique servare oportet, de hoc ipso fratres, vestrum est pronuntiare. Ab universis Episcopis dictum est: placet omnibus, ut inconsulto Primatu cuiuslibet Provinciæ, tam facile nemo præsumat, licet cum multis Episcopis,

EDITIO VULGATA.

cum multis Episcopis, in quocumque loco sine eius (ut dictum est) præcepto Episcopum ordinare. Si autem necessitas fuerit, tres Episcopi, in quocumque loco sint, cum Primatis præcepto ordinare debeant Episcopum.

XIII.

Vt qui contra professionem & subscriptionem suam venerit, in Concilio deponatur.

Genedius Episcopus dixit: omnia ergo, quæ à vestro cœtu gloriosissimo statuta sunt, placet, placet, ut custodiantur ab omnibus. Genedius Episcopus dixit: si (quod non opinamur) ab aliquo fuerint violata, quid statuitis, quod fieri debeat? ab universis Episcopis dictum est: qui contra suam professionem vel subscriptionem venerit, ipse se ab hoc cœtu separabit. Genedius Episcopus dixit: gratulemur Domino nostro præstante, quod pro statu Ecclesiæ Catholicæ cuncta nos salubri consilio servanda decrevimus. Et ideo, quæ ab omnibus sunt dicta, propriâ debemus subscriptione firmare. Ab universis Episcopis dictum est, fiat, fiat. Et subscripserunt.

EDITIO CORRECTA.

copis, in quocumque loco sine eius, ut dictum est, præcepto Episcopum ordinare. Si autem necessitas fuerit, tres Episcopi in quocumque loco sint, cum Primatis præcepto ordinare debebunt Episcopum.

XIII.

Vt Episcopus, qui contra suam professionem in Concilio habitam venerit, deponatur.

Genethlius Episcopus dixit: omnia ergo, quæ à vestro cœtu gloriosissimo statuta sunt, placet ab omnibus custodiri? ab universis Episcopis dictum est: placet, placet, custodiantur ab omnibus. Genethlius Episcopus dixit: si, quod non opinamur, ab aliquo fuerint violata, quid statuitis, quod fieri debeat? ab universis Episcopis dictum est: qui contra suam professionem vel subscriptionem venerit, ipse se ab hoc cœtu separabit. Genethlius Episcopus dixit: gratulor Domino nostro præstante, quod pro statu Ecclesiæ Catholicæ cuncta nos salubri consilio servanda decrevimus. Et ideo quæ ab omnibus sunt dicta, propriâ debemus subscriptione roborare. Ab universis Episcopis dictum est: fiat, fiat. Et subscripserunt.

EXPLICIT CONCILIUM SUB GENETHLIO.

SCHOLION.

3. Agunt in primis patres de fide, & statuunt: *patri professione fides Ecclesiastica, quæ per nos traditur, in hoc cœtu glorioso primitus* Canon 1.

V 3

confi-

constitenda est : tunc demum ordo Ecclesiasticus singulorum , ex consensu omnium est astruendus. Non recedunt Patres Africani ab antiquâ Ecclesiæ consuetudine , sed eam potius exemplo suo confirmant , dum in Synodo suâ prius de fide agere instituunt , quam de disciplinâ Ecclesiasticâ. Inter cætera verò fidei mysteria Sanctissimæ Trinitatis unitatem credendam & prædicandam proponunt , quod hoc fidei mysteriû ab Arianis alijsque hæreticis jam dudum in Africâ fuisset oppugnatum : redierat jam inde ab anno 389. ex Italiâ Augustinus ad fidem conversus , & debellare cœperat omnes per Africam dispersos hæreticos : Trinitatis mysterium non semel sed sæpius cum animarum lucro prædicarat , & ad tanti viri exemplum incitati Patres Africani statuunt de Trinitatis unitate prædicandâ contrâ Arianos & Arianæ hæreseos fautores statuentes quamdam in Trinitate differentiam.

Canon 2.

4. * a Epigonius Episcopus Bullensium Reginum , ut habet canon ex Codice Vaticano , non vero Aurelius , qui nondum huius Concilij tempore erat Episcopus , sed post Genethlium successit. Binnius erroneam Aurelij lectionem retinens , ut sententiam Baronij de celebratâ hac Synodo anno 425. in extremâ senectute Aurelij defenderet , excogitavit , ante hanc Synodum Genedium ab Aurelio onus Episcopale suscepisse , propterea quod duos Sedis Carthaginiensis Episcopos Aurelium & Genethlium hac in Synodo memoratos simul esse non licuerit. Verum nullius hæc momenti sunt : nec Aurelius in genuinis huius Synodi actis comparet , & sicubi hoc canone Aurelius habetur in vulgatâ editione , ibi Epigonius Bullensium Reginum Episcopus substituendus est ex editione ad Codicem Vaticanum recentitâ.

* b Cum in præterito Concilio de continentia & castitatis moderamine tractaretur. Binnius putat id intelligendum de Concilio Africano , quod Castino atque Victore Consulibus anno 1. Cælestini Pontificis , qui est Christi 424. celebratum fuit. Verum Concilium vulgò Africanum à Binnio indicatum non est particulare Concilium , sed compilatio alicuius Anonymi Afri , qui ex hac Synodo alijsque Carthaginiensibus sua statuta desumpsit. Unde Concilium ab Epigonio Bullensium Reginum Episcopo indicatum , debet esse aliquod Carthaginiense ante annum 390. celebratum , cuius acta perierunt aut latent , quod mirum esse non debet , quandoquidem plurima Concilia Africana sub Cæciliano , Grato , & Genethlio celebrata fuerint , quorum Canones perierunt.

5. * c Gradus isti tres. Loquitur Epigonius de Episcopis , presbyteris ,

byteris, & Diaconis, ut verba subsequencia ostendunt: & illos ex Apostolico instituto continentiae legi fuisse obstrictos adeò verum erat, ut Genethlius Carthaginienſis subiunxerit: *ut quod Apostoli docuerunt, & ipsa servavit antiquitas, nos quoque custodiamus.* Neque refert, Tertullianum Carthaginienſem presbyterum scripsisse libros duos ad Vxorem, ne post obitum suum alteri nuberet: Caldonium epistolâ 19. inter opera Cypriani, testari Felicem, qui presbyterium ministrabat sub Decimo, cum Victoriâ conjuge suâ, extorrem tactum: D. Cyprianum epistolâ 49. ad Cornelium Papam narrare de Novato Carthaginienſi presbytero, quod ab eo uterus uxoris calce percussus, & abortione properante in parricidium partus expressus. Hos omnes namque nihil aliud voluisse, quam ex matrimonio junctis ad Sacerdotium fuisse promotos, rectè annotat Pamelius addens, nullibi scriptum reperiri, hos postea matrimonio usos: quod omnis antiquitas semper tradiderat, continentiae legem sacris illis ordinibus esse annexam, unde & canon: *Pudicitia custodes etiam ab uxoribus se abstineant.*

Genethlius.

Tertullian.

Caldonius.

Cyprianus.

6. Quoad Canonem tertium differunt in primis editiones de eius auctore, vulgatâ cum nominante Fortunatum, correctâ verò Numidium Maxulitanum, qui addit, se meminisci, *præteritis Conciliis fuisse statutum.* &c. Vulgata editio habet: *præterito Concilio*, quod Binnius putat fuisse Concilium vulgò dictum Africanum. Verum cum illud posterius sit, nec verè Concilium extiterit, ex hocce Fortunati Maxulitani testimonio cogimur dicere, ante hanc Synodum unam, vel plures alias Carthaginienſes celebratas fuisse, quarum decreta licet consideratione digna, non extant. Subdit Canon nomen Genethlij, cum haberetur nomen Aurelij, sed corruptè, ut jam notavimus.

Canon 3.

* a. *Chrismatis confectio.* Auctor libri de unctione Chrismatis inter opera D. Cypriani extantis, *hodie...* inquit de die cœnæ, *sacrum Chrisma conficitur, in quo mixtum oleo balsamum.* Cæterum, quo manifestum fiat, S. Chrisma consecratum fuisse in Africâ, D. Cyprianus in Synodicâ suâ ad Episcopos Numidas epistolâ 70. loquitur, *de Chrismate id est unctione*, & addit: *unde baptisati unguuntur oleum in altari sanctificatum.* Et D. Optatus Milevitanus lib. 7. adversus Parmenianum: *oleum nominant, illum scilicet liquorem, qui ex nomine Christi conditur, quod Chrisma, postquam conditum est, nominatur.* loquitur de Donatistis, quos ne solos Chrisma habuisse putares, conqueritur S. Optatus, *Chrisma Catholicorum à Donatistis exterminari,*

Auctor libri
de unctione.
Chrism.

Cyprianus.

S. Optatus.

nari, ubi Chrisma Donatistarum à Catholicis recipiebatur. Si nos exterminaremus à vobis confectum oleum, merito nos muscas morituras appellare possetis: sed dum quod à vobis unctum est, tale servamus, quale suscipimus: musca moritura esse non possumus. Hinc libro 2. arguit Donatitas, quod Ampullam quoque Chrismatis per fenestram, ut frangerent, jactaverunt. Audiant Hæretici, & ponant hæc omnia cum iis, quæ in hunc usque diem servat Romana Ecclesiæ, videantque, num ab Antiquâ disciplinâ deviat, quod D. Gregorius magnus in sacramentariò suo præscribit feria 5. *sedente Pontifice in sellâ suâ: & preparantur ampullæ duæ cum oleo, quarum melior defertur pontifici, & accepto balsamo & commiscitato cum oleo, manu suâ impleat eam. Et infra: tunc offertur Pontifici oleum, & benedicit eum, &c.*

Gregor. M.

7. * b Et puellarum consecratio. Præclarus extat locus apud S. Cyprianum de Felice Idicrensi partis Donatistarum Episcopo, à quo comprehensam puellam deplorat, cui mitram ipse imposuerat, à quâ paulo ante pater vocabatur, eandemque incessarit. Mitra, inquit Albaspineus, indumenti & tegminis genus, quo, quæ Deo dicata essent, utebantur. Et mitram illam imponebant Episcopi in earum benedictione, ut fecerat Felix, unde in canone 3. additur: à presbyteris non fiant. S. Gregorius Magnus in Sacramentario: *Benedictio virginis ab Episcopo dicenda*, ad quæ verba Hugo Menardus: *Episcopi est virginis consecrare.*

Cyprian.

Albaspineus.

Gregor. M.

Hugo Menard.

* c Vel reconciliare quemquam in publicâ missâ presbytero non licere. Ex Codice Canonum Ecclesiæ Africanæ tit. 6. restitui tò in, quod in editione ex Codice Vaticano non comparet. Cæterum Gabriel Albaspineus Aurelianensis Episcopus commentarium ad hunc canonem edidit super illa verba: *reconciliatio pœnitentium.* „ Reconciliare pœnitentem, inquit, nihil aliud est, quam pœnitenti absolutionem tribuere, aut ad fidelium, aut ad Eucharistiæ communionem adsciscere: quæ reconciliationes fiebant, aut in Ecclesiâ exacto pœnitentiæ spatio, aut domi seu intrâ privatos parietes nondum absoluti, to, cum pœnitentes in apertum vitæ discrimen adducerentur. „ De priori hoc in canone agitur, qui dum pœnitentium reconciliationis meminit, non agit de omnibus peccatoribus peccata sua confiteri volentibus, sed solum de confessis, qui pœnitentium numero accensebantur, & in Africâ non solebant absolvi, nisi inter missarum solemnias, unde illud S. Optati Milevitani libro 2. *dum manus impositis & delicta donatis, mox ad altare conversi Dominicam orationem pratermittere*

S. Optatus.

non

non potestis. Unde etiam addit canon : in publicâ missa. De secundo agit canon 4. huius Synodi.

8. *Ut presbyter pœnitentem iussus à suo Episcopo conciliet.* Canon ad Codicem Vaticanum à Lucâ Holstenio correctus sic intonat : * a Genethlius Episcopus dixit : si * b quisquam in periculo fuerit constitutus, & se reconciliari divinis altaribus petierit, si * c Episcopus absens fuerit, debet utique presbyter consulere Episcopum, & sic periclitantem eius præcepto reconciliare, quam rem debemus salubri consilio corroborare, &c.

* a Genethlius. Editio vulgata & Codex Canonum Ecclesiæ Africanæ habent : Aurelius, sed erroneè.

* b Si quisquam. Nimirum pœnitentium, qui ante peractum pœnitentiæ suæ tempus de vitâ periclitantur, ut notat Gabriel Albaspineus.

* c Si Episcopus absens fuerit. Cum enim pœnitentium reconciliatio spectaret ad Episcopum, debebat presbyter Episcopum consulere ubi fieri poterat, & eius præcepto reconciliare. Cæterum ubi tempus non erat adeundi Episcopum, sed periculum in morâ esset, quid tum fieri deberet, non exprimit canon, quod notum esset, in Ecclesiâ Dei semper custoditum fuisse, ut in articulo mortis nulla sit reservatio, atque ideo omnes sacerdotes quoslibet pœnitentes ab omnibus peccatis, censurisque absolvere possint. Ut declarat S. Tridentinum Concilium.

Titulus canonis 6. est, ut qui criminibus implicati sunt, clericos non accusent. Canonem verò positum à Numidio Episcopo Massylitano habet vulgata eius editio : sed ex Codice Vaticano legit Holstenius : Maxulitanus, quo etiam modo legimus in Codice Canonum Ecclesiæ Africanæ Græco-latino. Fit insuper in canone mentio Aurelij, cuius loco ponendum : Genethlij.

9. *Ut si presbyter excommunicatus sacrificare præsumpserit, anathematizetur.* In editione vulgatâ incipit canon : Alypius Episcopus Ecclesiæ Tagastensis, legatus Provinciæ Numidiæ dixit : nec illud prætermittendum est, &c. Eadem in Codice Canonum Ecclesiæ Africanæ latino : cumque Alypius, Valentiniano 4. & Neoterio Consulibus tantum presbyter extiterit, & non nisi quatuor annis post prædictorum Consulatum Episcopus ordinatus fuerit, colligit ex eo Cardinalis Baronius, Synodum hanc anno 390. istis Consulibus celebrari non potuisse. Verum Codex Ecclesiæ Africanæ in Græco non habet Alypium, sed Aurelium : ΑΥΡΗΛΙΟΣ. Additur quidem Alipius postea in græco, sed manifesto errore, nam canon ille juxta antiquum Codicem penes Labbeum extantem nec priori loco habet Aurelium, nec secundo Alypium,

Canon 4.

Trid. Concil.

Canon 6.

Canon 8.
Edit. vulgata.

Cod. Grecus.

Editio Cor-
recta.

pium, sed utroque Felicem, sicque & Codex Vaticanus à Lucâ Holstenio inventus: *Felix Episcopus Selemselitanus dixit: nec illud pratermittendum est, ut si quis forte presbyter ab Episcopo suo correptus, aut excommunicatus, tumore vel superbiâ inflatus, putaverit separatim Deo sacrificia offerenda, vel aliud erigendum altare contra Ecclesiasticam fidem disciplinamque crediderit, non exeat impunitus. Genethlius Episcopus dixit, necessario disciplina Ecclesiastica & fidei congrua sunt, quæ Felix frater noster persecutus est. Proinde. &c. Vides etiam ultimo loco, ubi Alipius habebatur in græco, Felicem legi in Codice Vaticano.*

Canon 9.

10. *Vt si presbyter inconsulto Episcopo agenda celebraverit, honore privetur. Verba Canonis sunt: Numidius Episcopus Maxulitanus dixit: in quibusdam locis sunt presbyteri, qui aut ignorantes simpliciter, aut dissimulantes audaciter presente, & inconsulto Episcopo complurimis in domiciliis agant agenda: quod disciplina incongruum cognoscit esse sanctitas vestra. Genethlius Episcopus dixit &c. Agenda, inquit Canon, & quæ illa? sane alia esse non videntur, quam quæ Episcopi pastoris officio functi tunc agere solebant per domos, & presbyteri non nisi ab Episcopis iussi, quale supra audivimus reconciliationem moribundi.*

Canon. 10.

Quanti debeant judicare sacerdotem atque levitam? Canon 10. incipit juxta editionem ex Codice Vaticano. Felix Episcopus Selemselitanus dixit, etiam hoc adiicio secundum statuta veterum Conciliorum. . . ut Episcopus, à duodecim Episcopis audiatur, & à sex presbyter, & à tribus Diaconus, cum proprio suo Episcopo. Vulgata Canonum editio habebat: à duodecim Episcopis audiatur, & à sex presbyteris, & à tribus Diaconibus, verum corruptus est textus, & Canon hic firmavit vetus statutum Canonis XI. Concilij Carthaginensis sub Grato: à tribus vicinis Episcopis, si Diaconus est, arguatur: presbyter à sex. Si Episcopus à duodecim consacerdotibus audiatur. Vt sine consultu Metropolitanis nullus ordinetur Episcopus. Metropolitanis Habet titulus in cunctis codicibus; & Canon tam vulgatæ editionis, quam correctus ad Codicem Vaticanum: Primatis: idque verbo apud Afros usitato, qui propriè non habebant Metropolitanos in singulis Provinciis, sed Primates. Pars huius Canonis refertur tit. 13. codicis Ecclesiæ Africanæ.

Canon 11.

CAPVT

CAPUT V.

De quatuor Donatistarum Conciliis post medium sæculi 4. quorum meminerunt
D. Optatus, & S. Augustinus.

1. Donatista à Iuliano apostatâ Basilicas recipiunt, & cum furore revertuntur, ut ex S. Optato colligitur.
2. Meminit S. Optatus Concilij Thevestini, cuius nulla memoria apud collectores Conciliorum: fuit Conciliabulum Donatistarum, post quod Donatista inter se divisi sunt Primiano novum schisma constante, occasione cuius tria alia Donatistarum Conciliabula facta commemorat Augustinus.
3. Meminit Augustinus Concilij Carthaginiensis, quod etiam Cavernense dicitur, & ex quo superest Synodica Maximinianistarum ex D. Augustino hic sine aliorum verborum mixtione allata.
4. Adduntur nota ad præcipua huius Synodica loca, quæ expositione aliquâ indigent, aut ad illustrandam Donatistarum historiam faciunt.
5. Secundum Concilium, cuius meminit D. Augustinus, est Cabarsusitanum, ad quod nullatenus spectat Synodica jam relata, ut omnes hucusque periti crediderunt. Aliud enim Concilium fuisse, quod apud Cavernas Sufis, aliud, quod Cabarsusi celebratum est, variis rationibus ostenditur.
6. Tertium fuit Bagaiense, cuius fragmenta ex variis D. Augustini locis excerpta hic referuntur.
7. Subnectuntur scholia ab Bagaiensis Conciliabuli fragmenta, in quibus & notatu maximè digna.

1. **L** Icet audivimus Gratum anno 348. testantem de unitate per Macarium aliosque Constantis Imperatoris ministros Ecclesiis Africæ concessâ, non obindè tamen penitus extincti fuere Donatistæ, sed ut animadvertit Balduinus in historiâ collationis, Iuliano Apostatâ iis Basilicas, quas Constantinus antea abstulerat, restituyente, magis atque magis insolescere cœperunt. Eorum furorem graphicè describit S. Optatus Milevitanus Episcopus, libro 2. ubi juxta Priorium, Al-
X baspincum,

S. Optatus.

baspineum, & Baronium loquens de Juliano Apostatâ ait: *Imperator vobiscum vota sinistra concipiens, ex famulo Dei factus est minister inimici, apostatam se edictis suis testatus est; quem precibus rogastis, ut reverti possetis. Quas preces, si vos negatis misisse, nos legimus. Nec difficultatem praeiit, quem rogastis, ire praecepit pro voto suo, quos intellexerat ad disturbendam pacem cum furore esse venturos. Erubescite si ullus est pudor. Eadem voce vobis libertas est reddita, quâ voce idolorum patefieri iussa sunt templa. Eisdem penè momentis vester furor in Africam revertitur, quibus diabolus de suis carceribus relaxatur. Et huc quo-*

S. Augustin.

que alludens D. Augustinus epistolâ 166. contrâ Donatistas: *Julianus defector Christi & inimicus supplicantibus vestris Rogatiano & Pontio, libertatem perditioni partis Donati permisit. Denique tunc reddidit Basilicas haereticis, quandò templa demoniis, eo modo putans Christianum nomen posse perire de terris, si unitati Ecclesiae, de quâ lapsus fuerat, invideret, & sacrilegas dissensiones liberas esse permetteret. Rogatianus, & Pontius, quorum meminit Augustinus, erant partis Donati Episcopi, quibus epist. 48. addit Cassianum: ille enim unâ cum clero schismatico legationem miserat ad Julianum Apostatam, quo Donatistas ab exilio revocante, & iis Basilicas restituyente, factum est, quod S. Optatus enarrat seu potius deplorat lib. 2. contrâ Parmenianum. Venistis rabidi, venistis irati membra laniantes Ecclesiae: subriles in seductionibus, in cadibus immanes, filios pacis ad bella provocantes. De sedibus suis multos fecistis extorres, cum conductâ manu venientes, Basilicas invadistis. Multi ex numero vestro per loca plurima (quae sub nominibus dicere longum est) cruentas operati sunt caedes, & tam atro-*

S. Optatus.

ces, ut de talibus factis, ab illius temporis iudicibus relatio mitteretur. Addit inter alia, Diaconos Catholicos in Ecclesiâ Lemelleni auctoribus Felice Diabensi, & Januario Pistensi super altare occisos, de quâ re, inquit, Primosus Episcopus Catholicus loci suprâ memorati in Concilio vestro apud Thevestinam civitatem questus est, & querelas eius dissimulanter audistis.

2. Meminit hoc loco S. Optatus Concilij, cuius nulla memoria apud collectores: illud tamen in Thevestinâ civitate celebratum clarius testari non potuit S. Milevitanus Episcopus. Donatistarum fuisse conventiculum, nemo rectè negavit, quot tamen Episcoporum, non apparet. Celebratum videtur paulo post rescriptum Juliani, quo Donatistae iussi sunt sedibus restitui, quod anno 362. adscribit Baronius. Ubi enim Donatistae reversi sunt multarum caedium

cædium rei, & primo ingressu castellum Lemellense invaserant cum Diaconorum nece, Primosum ad primum Conciliabulum retulisse credendum est, quod Donatistæ post restitutionem apud civitatem Thevestinam habuerunt, ut de partis suæ Ecclesiâ cuncta disponerent. Post quæ ipsi tandem Donatistæ inter se divisi novum schisma conflarunt, & alium contrâ Primianum Parmeniani in schismate sedis Carthaginienſis successeſſorem substituerunt, qui & Primianum accusavit, de quo D. Augustinus lib. 4. contrâ Cresconium: Maximianus Primianum Augustinus. & vos omnes affirmat à parte Donati, in quâ ipse permansit, schisma fecisse, & recitat decreta Conciliorum. Primum quod apud Carthaginem à 43. factum est, quo pradamnatus est Primianus. Alterum quod * Cabarsufi centum vel amplius vestri tunc Episcopi concluderunt, quo * Cebarsufi. perfecte pleniusque damnatus est. Cui talia documenta proferenti, quid respondebis, nisi maioris autoritatis esse Bagaiense Concilium, in quo 310. eundem Maximianum & eius socios damnaverunt, quando Primianus non apud eos tanquam purgandus dicebat causam, sed cum eis tanquam iudex innocentissimus confidebat, proferebat sententiam contrâ Maximianum, & 12. socios eius, quibus presentibus ordinatus est. Paucis plura complectitur D. Augustinus, ac primo Concilium Carthaginienſe à 43. Episcopis, cuius acta periëre præter Synodicam, quæ quia in tomis Conciliorum non reperitur, lubet eam ex D. Augustino repetere, & non interpolatam subiungere.

SYNODICA MAXIMINIANISTARUM,

Ex Conciliabulo Cavernensi.

3. * a Sanctissimis fratribus atque collegis per universam Africam, hoc Synod. Cavernensis
est per Provinciam Proconsularem, Numidiam, Mauritaniam, Byzace-
nam, & Tripolim constitutis, sed & presbyteris, & Diaconibus, universis apud August.
plebibus in veritate Evangelij nobiscum militantibus. Victorinus, Fortuna-
tus, * & Victorianus, Migginus, Saturninus, Constantius, Candorius, * Dele &.
Innocentius, Cresconius, Florentinus, * Salvius, alius Salvius, Donatus, * Salvianus.
Geminius, Prætextatus, Maximianus, Theodorus, Anastasius, Donatianus,
Donatus, alter Donatus, Pomponius, Pancratius, Ianuarius, Secundinus,
Paschasius, Cresconius, Rogatianus, alius Maximianus, Benenatus, Gaianus,
Victorinus, Guntasius, Quintasius, Felicianus, Salvius Migginus, Procu-
lus, Latinus, & ceteri, qui in Concilio apud * b Cavernas Susis fuimus,

in Domino aeternam salutem. Nemo qui nesciat, fratres dilectissimi, de sacerdotibus Domini non tantum modo propria voluntatis, sed divina legis impulsu, tam in reos sententiam dicere, quam innocentibus inflictam jure ab eis ac merito submovere. Non levi enim periculo subiacebit, quis-
 * confutare. quis aut reo pepercerit, aut innocentem * confiteri pertentavit, maxime
 Exod. 23. cum scriptum sit, Innocentem & justum non occides, & purgatione non
 * Admoneri. purgabis reum. Hoc igitur edicto legis * admoniti necesse nos fuerat Pri-
 miani causam, quem plebs S. Carthaginensis Ecclesia Episcopum fuerat in ovile Dei sortita, seniorum litteris eiusdem Ecclesiae postulantibus au-
 dire atque discutere sub eo: ut explanatis omnibus, aut innocentem, quod ob-
 tabile fuerat, purgaremus, aut nocentem certe ostenderemus suis meri-
 tis esse damnatum. Optatissimum enim nobis fuit, ut plebs sancta Car-
 thaginiensis Ecclesia eo se lateretur Episcopo sublimatam, qui in omnia san-
 ctus, & in nullo reprehensibilis haberetur. Propterea utique talem esse
 oportet Domini sacerdotem, ut quod populus pro se apud Deum non value-
 rit, ipse pro populo mereatur, quod poposcerit, impetrare; quia scriptum
 est: si peccaverit populus orabit pro eo sacerdos, si autem sacerdos pecca-
 verit, quis orabit pro eo? Scandala igitur Primiani, & ipsius nequitia
 singularis sic in se caeleste iudicium provocavit, ut horum criminum au-
 thorem necesse esset penitus amputare, qui recens ordinatus impietatem
 schismatis facere non metuit, * c Presbyteros supradictae plebis ad conju-
 rationem impiae conspirationis impellens, hoc ab eis velut precario jure
 postulavit, ut ad damnandos quatuor Diaconos, viros egregios ac singu-
 laribus meritis approbatos, Maximianum scilicet, Rogatianum, Donatum,
 *conspirarent itemque Salganum * consentirent, ut incunctanter ei promitterent accom-
 modare consensum. Cuius illi mala praesumptione stupefacti, cum rem silen-
 tio refellissent, per se cogitatum scelus non dubitavit implere, usque adeo,
 ut in Maximianum Diaconum virum, sicut omnibus notum est, innocen-
 tem, sine causa, sine accusatore, sine teste absentem, ac lecto cubantem,
 sententiam putaret esse promendam, quia jam pridem clericos non dissi-
 mili furore damnaret. Nam cum incestos contra legem decretaque omnium
 sacerdotum communioni sanctae adiungeret, cumque obsistente maxima
 parte plebis, etiam seniorum nobilissimorum litteris conveniretur, ut per
 se corrigeret, quod admiserat, sua temeritate possessus emendare con-
 tempsit. His itaque permoti seniores Ecclesiae supradictae, ad universum
 chorum litteras legatosque miserunt, quibus non sine lacrymis deprecati
 sunt, ut ad se ferventius veniremus, quo perpenso libramine intentioni-
 bus exploratis, existimatio Ecclesiae purgaretur. Ad hanc proinde cum se-
 cundum

cundum memoratorū litteras * d veniremus, notā suā ille ratione fervescens adventum nostrum penitus declinavit : qui usquequaque rebeli animo recalcitrans in malo permansit , ut conductā multitudinem perditorum , atque impetratis officialibus Basilicarum januas obsedissent , qui ingrediendi nobis atque agendi solemnia interdicerent facultatem &c. (post quā sequitur damnatio.) Decrevimus omnes sacerdotes Dei prasente Spiritu Sancto , hunc eundem Primianum : primò quia super vivos Episcopos alios subrogavit : quod incestos cum sanctorum communione miscuerit : quod presbyteros ad conjurationem in eādē constringere pertentavit : quod Fortunatum presbyterum in cloacam fecerit mitti , cum agrotantibus baptismo succurrisset : quod communionem Demetrio presbytero denegavit , ut cogeret filium abdicare : quod idem presbyter obiurgatus sit , quod Episcopos hospitio suscepisset : quod supradictus Primianus multitudinem miscerit , quā Christianorum domos everteret : quod obfessi sunt Episcopi simul & clerici , & postea ab eius satellitibus lapidati sint : quod in Basilicā casti sint seniores , quod indignè ferrent Claudianistas ad communionem admitti : quod innocentes clericos , putaverit esse condemnandos : quod se nobis audiendum noluerit exhibere , cum Basilicarum fores , ne ingrederemur , multitudine & officialibus intercluserit : quod legatos à nobis ad se missos injuriose reiecerit : quod loca multa vi primo , dehinc auctoritate judiciariā usurpavit : prater alia illicita eius admissa , quæ pro honestate styli nostri silvimus , à sacerdotali choro perpetuò damnatum esse decrevimus , ne eo palpato Dei Ecclesia aut contagione aut aliquo crimine maculetur. Quod idipsum Paulus Apostolus exhortatur & admonet : precipimus autem vobis fratres in nomine Domini nostri IESU Christi , ut discedatis ab omni fratre inordinatè ambulante , atque adeo non immemores puritatis Ecclesiæ , conducibile existimavimus , omnes sanctos consacerdotes & omnes clericos , & omnes populos , qui se Christianos meminerunt , hanc nostrā tractatoriā commoneri , ut omnes eius communionem , utpote damnati , diligenti curā horreant. Ipse enim de suo interitu rationem reddet , qui hoc nostrum decretum non audiendo tentaverit violare. Placuit sane nobis & Spiritui Sancto , quod tempus tardis ad convertendum reservetur sub eo , ut quique consacerdotum vel clericorum suæ salutis immemores à * e die octavā Kalendarum Ianuarii minus à Primiani damnati communione recesserint , tali sententiā constringantur. Laici quoque nisi se à supradictō die damnationis illius , intra diem Paschæ futura ab eius se consortio separaverint , non posse quemquam nisi per pœnitentiam , siquidem meminerint Ecclesiæ , reformari.

Victorinus Munaciensis Episcopus subscripsi.
Fortunatus Dionysianensis Episcopus subscripsi.
Victorianus Carabinensis Episcopus subscripsi.
Florentius ab Adrumeto Episcopus subscripsi.
Migginus Belepantaria Episcopus subscripsi.
Innocentius Thebaltensis Episcopus subscripsi.
Miggin pro collegâ meo Salviano Presbitano Episcopo subscripsi.
Salvius Ausacensis Episcopus subscripsi.
Donatus Sabratenensis Episcopus subscripsi.
Gemelius à Tanabeis Episcopus &c.
Prætextatus Assuritanus &c.
Maximianus Stabatenensis &c.
Dacianus Camicetensis &c.
Donatus Fiscianensis &c.
Theodorus Vfulensis &c.
Victorianus iubente collegâ Agnosio Episcopo subscripsi.
Donatus Cebresutanus Episcopus.
Natalius Thelensis Episcopus.
Pomponius Macrianensis &c.
Pancratius Balianensis &c.
Ianuarius Aquenensis &c.
Secundus Iacundianensis &c.
Pascasius à Vico Augusti &c.
Cresconius Coniustiacensis &c.
Rogatianus Episcopus &c.
Maximianus Erumminensis &c.
Benenatus Tugucianensis &c.
Ritanus Episcopus &c.
Gaius Tigualensis &c.
Victorinus Leptimagnensis &c.
Guntasius Benefensis &c.
Quintasius Capiensis &c.
Felicianus Musticanus &c.
Victorianus ex delegatione subscripsi.
Magginus Episcopus subscripsi.
Latinus Mugiensis Episcopus &c.
Proculus Girbitanus Episcopus &c.
Donatus Sabratenensis Episcopus pro fratre & collegâ meo Marratio subscripsi.
Procu-

Proculus Girbitanus pro collegâ meo Gallono subscripsi.
 Secundanus Prifianensis Episcop. &c.
 Elpidius Tusdritanus &c.
 Donatus Samurdacensis &c.
 Getulicus Victorianensis &c.
 Annibonius Robautensis &c. item Annibonius petitus à collega meo Augendiarenſi Episcopo subscripsi.
 Tertullus Abitenſis &c.
 Primilianus . . . Episcop. &c.
 Secundinus Arufianensis &c.
 Maximus Pitanensis &c.
 Crescentianus Murenſis &c.
 Donatus Belinenſis &c.
 Perſeverantius Tebertinus &c.
 Faustinus Binensis &c.
 Victor Attiburitanus Episcopus subscripsi. * f omnes numero 53.

SCHOLION.

4. Hæc Synodica, quam D. Augustinus pro Cæciliani causâ contrâ Donati partem urget iis rationum momentis, quæ factioni ruborem adferre debuerunt. Cæterum quo magis schisma Donatistarum innotescat, placet breves annotationes adiungere.

* a. *Sanctissimis fratribus.* Scribunt ad Donatistas, qui non sanctissimi sed schismatici erant, per omnes Africæ Provincias, quas quinque nominant utramque Mauritaniam pro unâ Provinciâ sumendo, disperſos.

Labbeus.

* b. *Apud Cavernam Sufis: Caverna Sufis,* inquit Labbeus in indice Conciliorum Africæ, locus Carthagini vicinus, aut potius corruptè scriptum *Cavernas Sufis* pro *Cabarsufi*. Et hoc ultimum in usum suum suscipientes Balduinus alique periti, existimarunt Synodicam Cavernæ Sufis esse illius Concilij, quod D. Augustinus lib. 4. contrâ Cresconium cap. 6. Cabarsuffitanum vocavit. Verùm *Cavernas Sufis* & *Cabarsufas* diversa loca esse, videbimus infrâ, ut rectè Synodicam unius, alteri adscribendam non putemus.

* c. *Presbyteros dictæ plebis ad coniurationem impiæ conspirationis impellens.* Loquuntur de Carthaginienſi Concilio, quod Primianus cum partis

partis suæ presbyteris Carthaginiensibus contrà quatuor Diaconos habuit initio sui Pseudoepiscopatus circà annum 393. in quo & damnavit Maximianum novi schismatis auctorem absentem, & lecto cubantem.

*d. *Veniremus.* Evocati à clero & senioribus Carthaginiensibus Donatistæ Episcopi, primùm Carthaginem venerunt, ubi Primianus Basilicas quasdam obtinens eos ab earum ingressu arcessebat, cum inquit, *conductâ multitudine perditorum, atque impetratis officialibus Basilicarum januas obsedissent, qui ingrediendi nobis atque agendi solemnia interdicerent facultatem.* Lacuna hic est apud D. Augustinum, qui testatur multo plura de Primiano dicta, nec dubito, quin adiecerint, tentatam à Primiano vim in causâ fuisse, quod extrâ Carthaginem apud Cavernam Sufis Concilium celebrarint.

*e. *A die octavâ Kalendarum Ianuariarum.* Alius codex habet à die octava Kalendarum juliarum, usque ad diem octavum Kalendarum Ianuariarum.

*g. *Omnes numero quinquaginta tres.* Nec plures aut pauciores subscripti reperiuntur: ex quibus apparet, loco quadraginta trium Episcoporum, restituendum esse apud D. Augustinum, quinquaginta trium. Idque facillè fieri potuit, ut exscriptorum incuriâ loco 53. poneretur in libris contrà Cresconium 43. qui apud Carthaginem convenerunt, & Primianum prædamnarunt.

5. Secundum Concilium, cuius meminit Augustinus lib. 4. contrà Cresconium, est Cebarsuffitanum centum vel amplius Episcoporum credebatur in primis Balduinus & cum eo Justellus, Synodicam ex Augustino superius relatam, esse huius Concilij, quod Primianum amplius damnavit: sed contrà facit, quod prior Synodica scripta sit apud Cavernam Sufis juxtâ Carthaginem: Synodus Cebarsuffitana verò habita fuerit in civitate Cebarsuffæ Provinciæ Byzacenæ longè à Carthagine distante. Secundò quod in Synodica illa profiteantur Episcopi, sese ad instantiam seniorum Carthaginem venisse, ut de Primiano sententiam ferrent, quam sese tunc primò tulisse, clamat totus tractatoriæ contextus: ubi econtrà Synodus Cebarsuffitana amplius perfectiusque damnavit Primianum: quis autem credet, si Primianus antea damnatus fuisset, Maximianistas in suâ tractatoriâ mentionem facturos non fuisse. 3. quod Concilio apud Carthaginem celebrato tantum 43. vel ut testatur Synodica, 53. Episcopi adfuerint, ubi constans est D. Augustini sententia, Concilio Cebarsuffitano adfuisse

fuisse centum aut plures: alterum, inquit lib.4. contra Cresconium cap.6. *centum vel amplius vestri tunc Episcopi concluderunt*, & infra Augustinus. cap.7. *postea centum Episcopi iudicaverunt*. Et enarratione in psalm.36. *centum vel quot fuerunt, qui damnaverunt à parte Maximiani Primianum*. Quartò quod in Synodicà tantum mentio fiat Maximiani tanquam Diaconi absque eo, quod illius ad sedem Carthaginensem electionis meminerit, ubi tamen à centum Episcopis apud Cebarsussam in locum Primiani susceptus fuit Maximianus: ita enim D. Augustinus libro de hæresibus cap.69. *Apud Carthaginem Maximianus contra Primianum ab eiusdem erroris centum fere Episcopis ordinatus*. Apud Carthaginem, inquit, quod illius Episcopus esset electus à centum Episcopis, quorum duodecim in civitate Carthaginensi postea Maximianum ordinarunt, ut patebit ex actis Bagaiensis Concilij, quod tertio loco ponit Augustinus, ex cuius tertio contra Cresconium libro capite 53. & sequentibus fragmenta nobis restantia repetemus.

FRAGMENTA BAGAIENSIS CONCILII.

6. Cum omnipotentis Dei & Christi eius voluntate in Ecclesiâ * a Bagaiensi Concilium gereremus, Gamalius, Primianus, Pontius, Secundianus, Ianuarius, Saturninus, Felix, Pegafius, Rufinus, Fortunius, Crispinus, Florentius, Optatus, Donatus, Donatianus & ceteri numero * b trecenti & decem, placuit Spiritui Sancto, qui in nobis est, pacem firmare perpetuam, & * c schismata refecare sacrilega. Deinde cum multa in Maximianistas horrenda evomisset, paulò post prosequitur: Maximianum, fidei amulum, veritatis adulterum, Ecclesiæ matris inimicum, Dathan, Chore, & Abiron ministrum, de pacis gremio sententiæ fulmen excussit, * d & quem adhuc eundem debiscens terra non sorbuit, ad maius supplicium superis reservavit. Raptus enim pœnam compendio lucraverat funeris, usuras nunc graviores colligit fœnoris, cum mortuus interest vivis. Nec solum hunc sceleris sui mors iusta condemnat, trahit etiam ad consortium criminis plurimos catena sacrilegij, * e de quibus scriptum est: venenum aspidum sub labijs eorum &c. ... Nollemus quidem tanquam è proprii corporis iuncturâ praeidi, sed quoniam tabescentis vulneris putredo pestifera plus habet in abscissione solaminis, quam in remissione medicaminis inventa est causa salubrior, ne per cuncta membra pestilens irrepât virus, ut compendioso dolore natum decidat vulnus. Famosi ergo criminis reos, Victorianum Carcabianensem, Martianum sullestinum, Beianum

Acta Concil.
Bagaiensis.

X

Baianen-

Baianensem, Salvium Aitaphensem, Theodorum Vsulensem, Donatum Sabratensem, Migginum Belephantariensem, Pretextatum Assuritanum, Salvium Membresitanum, Valerium Melzitanum, Felicianum Musticanum, & Martialem Pertusensem: qui funesto opere perditionis vas sordidum collectâ faculentia glutinarunt: sed & clericos aliquando Ecclesia Carthaginiis, qui dum facinori intersunt, illicito incestui lenocinium praeberunt, Dei praesidentis arbitrio universalis Concilij ore veridico damnatos esse cognoscite. Eos autem, quos sacrilegi surculi non polluerent plantaria, id est, qui à Maximiani capite proprias manus verecundo pudore fidei retraxerunt, ad matrem Ecclesiam redire permisimus. Ac ne angustum redeuntibus tempus spem salutis arctata diei pressura subducatur, agnoscen-
tibus quibus licet, manentibus praecedentibus statutis universis * f in diem octavarum Kalendarum Ianuariarum proximè futurarum agnitionis pandimus januam, ut integri honoris ac fide regressi habeant fundamenta, etiamsi quisquam ingredi nequiverit pigra segnitia, sciat sibi ad omnes veniales aditus suâ voluntate viam esse subductam. Manebit enim circa eos dicta sententia, & post prestitum diem redeuntibus fixa poenitentia.

SCHOLION.

7. * a. *Bagaiensi.* Bagai civitas est Numidia, in cuius Ecclesia celebratum fuit hoc Donatistarum Conciliabulum.

* b. *Numero trecenti & decem.* Omnes, inquit D. Augustinus, partis Donati Episcopi.

Augustin.

* c. *Schismata. Multa,* inquit D. Augustin. lib. de hæresibus c. 69. & inter ipsos facta sunt schismata, & ab eis se diversis cætibz alij atque alij separarunt. Nominat ibi præcipuum schisma Maximiani, & l. 4. contra Cresconium cap. 60. alia schismata facta sunt ex vobis, sicut Rogatenses in Mauritania Casariensi, Urbanenses in quadam Numidia particulâ, & alia nonnulla.

* d. *Excusit.* Erat hic lacuna, uti & alia post to * *Sacrilegij,* quas supplevi ex D. Augustino lib. 4. contra Cresconium, cap. 4.

* e. *Famosi ergo.* 12. nimirum Maximiniani socij, qui, inquit D. Augustinus lib. 4. contra Cresconium, cap. 31. eundem Maximianum praesentes ordinaverant.

Augustinus. * f. *In diem octavarum Kalendarum Ianuariarum proximè futurarum.* Ergo, inquit D. Augustinus libr. 3. contra Cresconium cap. 56. à die octavo Kalendarum Maiarum post Consulatum Theodosij Augusti ter, Consulatu

fulatu Augustorum Arcadij 3. & Honorij iterum, qui est dies Concilij Bagaïensis, usque ad octavum Kalendarum Ianuariarum, qui dies est dilationis, octo menses fermè numerantur. Arcadius 3. & Honorius iterum Consules fuere anno 394. unde constat, quo anno & Mense celebratum fuit Bagaïense Concilium, in quo Maximianus à Donatistis fuit damnatus cum duodecim eius ordinatoribus, ex quibus Musticani & Assuritani Episcopos suos coegerunt, ut ad Primiani communionem reverterentur, quod & eos fecisse variis in locis urget D. Augustinus.

C A P U T VI.

De Concilio Hipponensi anno 393. Theodosio 3. & Abundantio Coss. ubi de Synodi illius Canonibus, an sint supposititij?

1. Breviarium Synodi Hipponensis insertum Synodica Carthaginensis Concilij, quæ adfertur juxta editionem ex Codice Monasterij S. Bavonis.
2. Prefationem subsequuntur Canones Hipponenses abbreviati in editione vulgarâ, sed integri in editione ex Codice Canonum ad varia M. SS. recensitâ, quam typis emisit in appendice ad opera Leonis magni Paschasius Quesnellius.
3. Editio Quesnellij expenditur, & supposititiam esse, paucis indicatur, ac præsertim ex eo, quod juxta titulum solum Breviarium Canonum Hipponensium in Carthaginensi tertio sit editum.
4. Breviarium illud exhibetur in editione vulgarâ, quam sine ullâ suppositionis suspitione admiserunt Baronius, Spondanus, Perronius, Labbeus alijque conciliorum collectores.
5. Verum re graviore lance perpensâ longè aliter judicandum censemus de Breviario Hipponensi, & Synodica Carthaginensi. Synodica enim ipsa non est Carthaginensis Concilij, sed Byzaceni, ex quo transmissa fuit ad Aurelium, qui ineptè illi subscriptus habetur.
6. Secundo, quia Synodica habet, dum in Carthaginensi urbe conveni-

T 2

remus,

remus, ubi potius Mizonius cum Provincia Byzacena Episcopis in Byzacio Metropoli convenerint.

7. Tertio, quia Symbolum Nicanum in breviario Synodico relatum non convenit cum versione latinâ, eique additum sit: per Virginem.
8. Quarto, quod referat: abbreviationes factas in Concilio Carthaginiensi tertio. Cum constet factas in Concilio Byzaceno.
9. Quinto quod ea, quæ à maioribus referuntur in Concilio Hipponensi statuta, non reperiantur in isto Breviario.
10. Sexto, quod exceptis tribus omnes tituli in Breviario relati sint potius Carthaginiensis 3. quam Hipponensis Concilij, cumque Epigonius testetur tantum unicum de Paschate titulum ex Hipponensi decerptum Canonibus Carthaginiensibus fuisse adjunctum, vel ex hoc solo constat de suppositione Breviarij Hipponensis, uti etiam ex Aurelij subscriptione, qui Synodo Byzacena non adfuit.
11. Neque ob hac tamen aliquid detrahitur auctoritati Hipponensis, aut Synodica Byzacena, cum certum sit, Synodum Hippone celebratam fuisse, in quâ D. Augustinus de fide & Symbolo Apostolorum disputavit.
12. Præter acta de fide, statuti quoque fuerunt in Synodo Hipponensi canones aliquot, quorum primus est de Paschate, tertius verò refertur à Fulgentio Ferrando, qui inter Hipponenses canones non reperitur.
13. Quintus, octavus, & nonus Canones Hipponenses adferuntur ex eodem Fulgentio Ferrando, & nequaquam in Breviario Hipponensis Synodi reperiri monstrantur.
14. Aliud Hipponensis Synodi statutum ex aliis antiquitatis monumentis profertur de Concilio plenariò per turnum in Provinciis habendo.
15. Et hac esse genuina Hipponensis Synodi statuta memoria posteritatis consecrata, non vero alia ex aliis Synodis deprompta.

1. **E**rat in Collectionibus Conciliorum post Synodum Carthaginiensem tertiam Synodica cum Breviario Hipponensis Concilij edita per Crabbum ex vetusto Codice Monasterij S. Bayonis Flandriæ civitatis, cui Paschasius Quesnellus capite 2. Codicis à sese in appendicè ad Opera Leonis editi hunc titulum præfixum refert: *Canones Carthagini habiti sub die iduum Augustarum Attico & Casario Consulibus.* Codex Oxoniensis legit: *sub die nonarum Augusti.* At Binnius, Collector regius, & Philippus Labbeus hunc ei titulum præfixerunt.

Canones

Canones Concilij Carthaginienſis , habiti ſub die
Iduum Auguſtarum circa tempora Siricij Papæ

* a Attico & Caſario Coſſ. & Epiſtola Au-
relij & Muſonij ad Epiſcopos.

* b Dilectiſſimis fratribus & Coepiſcopis diverſarum Provinci-
arum Numidia , Mauritania utriusque , Tripolis ; & Provincia Procon-
ſularis , * c Aurelius , * d Muſonius , & Cateri Epiſcopi :

* Mizonius.

Eccleſiaſtica utilitatis cauſa , dum in * e Carthaginenſi urbe conve-
niremus in unum , à plerisque ſuggeſtum eſt , ea qua in Concilio Hipponenſi
* f jam dudum maturata ſunt , & legitime ad corrigendam diſci-
plinam ſalubriter geſta & ſtatuta noſcuntur , effrenatâ temeritate quoſ-
dam minime cuſtodire. Ad huiusmodi verò excuſandos exceſſus ; illud
ab aliquibus pratendi , quod ea , qua jam dudum legibus ſtatuta ſunt ,
ignorantes pratermiſerint. Ob quam rem hac communi * Concilio per uni-
verſam Provinciam Byzacenam , in notitiam cunctis deducenda cenſui-
mus , ut * in his quiſquis * de cetero temerator extiterit , ſciat ſe ſtatus
ſui operatam fuiſſe jacturam. * g Brevem vero ſtatutorum (in quo omnia
videntur eſſe complexa & quadam diligentius * cuſtodita) huic Epiſto-
la ſubdi fecimus , ut compendio , qua decreta ſunt , recenſentes , ſollicitius
obſervare curemus. Optamus vos fratres in Deo ſemper benevalere , & noſtri
memores eſſe. Et manu ſenſ * Muſonij : Optamus vos fratres beatos ſem-
per in Deo Gaudere , & noſtri memores.

* Conſilio.

* abhinc.
deſt * de ca-
tero.

* Conſtituta.

* Mizonij.

2. Hæc Synodica juxta antiquum Codicem Monafterij Sancti Ba-
vonis , additis dumtaxat in margine ijs , in quibus variat lectio Codi-
cis Bibliothecæ Oxoniensis , ex quo uti & aliis M. SS. hanc Synodi-
cam cum ſtatutis Concilij Hipponenſis nuperrimè edidit in appendice
ad opera Leonis magni capite 2. Codicis canonum Paſchaſius Queſnel-
lius : nec ingratum futurum arbitror , cum utraque editio differat in
multis , ſi utramque hic ſubjungamus.

EDITIO VULGATA EX CODICE M.S.

Monasterij S. Bavonis.

Statuta Concilij Hipponensis breviate, & quadam eorum in Concilio Carthaginiensi cum Byzacenſis Episcopis collata & diligentius pertractata hæc sunt.

Nicæni Concilij professio & fides recitata & confirmata est, quæ ita se habet.

Credimus in unum Deum patrem omnipotentem, visibillum, & invisibillum factorem. Et in unum Dominum nostrum Jesum Christum, filium Dei, natum de Patre unigenitum, homouſion, hoc est de substantiâ Patris, Deum de Deo, lumen de lumine, Deum verum de Deo vero, natum non factum, unius substantiæ cum Patre, per quem omnia facta sunt, sive quæ in cælo, sive quæ in terrâ. Qui propter nos homines, & propter nostram salutem descendit. Incarnatus est, homo factus est per virginem. Passus est, & resurrexit tertiâ die. Ascendit in cælum, venturus judicare vivos & mortuos. Et in Spiritû Sanctum. Eos autem, qui dicunt, erat quando non erat, & priusquam nasceretur, non erat: & quia ex ullis non extantibus factus est, aut ex aliâ substantiâ, dicentes mutabilem & convertibilem filium Dei; hos anathematizat Catholica Ecclesia, & Apostolica disciplina.

Concilij

EDITIO NOVA EX CODICIBUS M.SS.

Biblioth. Thuaneæ, Oxoniensis, &c.

Statuta Concilij Ipponiensis breviate, & quadam eorum in Concilio Carthaginiensi cum Bizacenſis Episcopis collata & diligentius pertractata, hæc sunt.

Nicæni Concilij professio & fides recitata & confirmata est.

Placuit etiam propter controversiam quæ sæpè solet oboriri, ut omnes Africanæ Provinciæ observationem diei Paschalis ab Ecclesiâ Carthaginiensi curent accipere.

Cresconius Villarensis Episcopus, qui Tubunienſis Ecclesiæ cathedram tenuisse dicebatur, plebe suâ, hoc est, Villarensis Ecclesiæ jussus est esse contentus.

Ex hoc placuit, ut à nullo usurpentur plebes alienæ.

Primates proprium Mauritania Sitenſis, cum id postularet, habere permissa est in longinquiorebus Mauris.

Cæteri primæ sedis Episcopi ex Concilio Episcopi Carthaginiensis Ecclesiæ Primates Provinciarum suarum constituendos esse professi sunt, si aliqua altercatio fuerit.

Quæ in Concilio Africano sunt promulgata, in hoc Carthaginiensi Concilio confirmantur.

Incipit

EDITIO VULGATA.

*Concilij Hipponensis Abbreviationes
facta in Concilio Carthagi-
niensi * III.*

1. Placuit etiam propter errorem, qui sæpè solet oboriri, ut omnes Africanæ Provinciæ observationem diei Paschalis ab Ecclesiâ Carthaginiensi curent accipere.

2. Carth. 3. IV.
Ut lectores populum non saluent.

3. Carth. 3. III.
Ut clerici instructi promoveantur.

4. Carth. 3. v.
Ut Sacramenta Catechumenis non dentur.

5. Carth. 3. VI.
Corporibus defunctis Eucharistia non detur.

6. Carth. 3. II.
Ut per singulos annos Concilium convocetur.

EDITIO NOVA.

Incipit brevis statutorum.

1. Ut lectores populum non saluent. Et ut ante 25. ætatis annos nec clerici ordinentur. Ut primum scripturis divinis eruditi vel ab infantia instructi propter fidei professionem & assertionem clerici promoveantur.

2. Ut ordinatis Episcopis aut clericis prius statuta Concilij inculcentur ab ordinatoribus eorum: ne se aliquid contra statuta Concilij fecisse pœniteant.

3. Ut etiam per solemnissimos Paschales dies Sacramentum Catechumenis non detur nisi solitum salis: quia enim fideles per illos dies Sacramentum non mutant, nec catechumenos oportet mutare.

4. Ut corporibus defunctorum Eucharistia non detur: dictum est enim à Domino: accipite & edite; cadavera autem nec accipere possunt, nec edere. Inde cavendum est, ne mortuum etiam baptizari posse fratrum infirmitas credat: cum Eucharistiam dari mortuis animadverterit.

5. Ut propter causas Ecclesiasticas, quæ ad perniciem plebium sæpè veterascunt, singulis quibusque annis Concilium convocetur: ad quod omnes Provinciæ, quæ primas sedes habent ex Concilijs suis ternos legatos mittant: ut & minus invidiosi,

Si

EDITIO VULGATA.

EDITIO NOVA.

7. Carth. 3. VII.
Si Episcopus accusatus fuerit, ad
Primates Provincie causam suam re-
ferat.

8. Carth. 3. VII.
Episcopus accusatus, si ad Conci-
lium anniversarium non venerit, senten-
tiam damnationis sue tulisse iudicetur.

invidiosi, minusque hospitibus sumtuosi
conventus plena possit esse autoritas.
Et ut de Tripoli, propter inopiam
Episcoporum, unus Episcopus veniat.

6.

Ut quisquis Episcopus accusatur, ad
Primates Provincie ipsius causam defe-
rat accusator: nec a communione suspen-
datur, cui crimen intenditur; nisi ad
causam suam dicendam Primatis litteris
evocatus minimè occurrerit; hoc est,
intra spatium mensis, ex die qua eum
litteras accepisse constiterit. Quod si
aliquis veras necessitatis causas probave-
rit, quibus eum occurrere non potuisse
manifestum sit, causæ suæ dicendæ intrā
alterum mensem integram habeat facul-
tatem. Verum post mensem secundum
tamdiu non communicet, donec expur-
getur.

7.

Si autem nec ad Concilium univer-
sale anniversarium occurrere voluerit,
ut vel ibi causa eius terminetur, ipse in se
damnationis sententiam dixisse iudice-
tur. Tempore sanè, quo non commu-
nicat, nec in suā plebe communicet.
Accusator autem eius, si numquam die-
bus causæ dicendæ defuerit, a commu-
nionē non removeatur. Si verò aliquan-
do defuerit, restituito communioni
Episcopo, ipse removeatur. Ita tamen,
ut nec ipsi adimatur facultas causæ pera-
gendæ, si se ad diem occurrere, non
noluisse, sed non potuisse probaverit.
Sane placuit illud, ut cum agere cœperit
in Episcoporum iudicio, si fuerit pro-
bata

Presby-

bata

EDITIO VULGATA.

EDITIO NOVA.

9. & 10. Carth. 3. viii.

Presbyter si accusatus fuerit, cum quinque collegis ex vicinis Episcopis causa sua discutiatur, Diaconus cum duobus.

11. Carth. 3. ix.

Episcopo aut clerico, si fuerit crimen institutum.

12. Carth. 3. x.

Ut Iudices Ecclesiastici ad alios iudices

8.

bata accusatoris persona culpabilis, ad accusandum vel agendum non admittatur, nisi proprias causas, non tamen Ecclesiasticas dicere voluerit.

Si autem Presbyteri vel Diaconi fuerint accusati, adiuncto sibi ex vicinis locis legitimo numero collegarum; id est, in presbyteri nomine, quinque; & in Diaconi, duobus: Episcopi ipsorum causam discutiant eadem die, vel dilationum, vel à communione remotionum & discussione personarum inter accusatores & eos, qui accusantur, formâ servatâ. Reliquorum autem causas etiam solus Episcopus loci agnoscat & finiat.

9.

Sanè quisquis Episcoporum vel clericorum, cum in Ecclesiâ ei fuerit crimen institutum, vel civilis causa fuerit commota; & is relicto Ecclesiastico iudicio, publicis judiciis purgari voluerit: etiamsi pro illo fuerit prolata sententia, locum suum amittat, & hoc in criminali iudicio. In civili verò, perdat quod evicit; si locum suum obtinere voluerit. Cui enim ad eligendos iudices undique Ecclesiæ patet auctoritas, ipse se indignum fraterno consortio iudicat, qui de universâ Ecclesiâ malè sentiendo, de iudicio sæculari poscit auxilium: cum privatorum Christianorum causas Apostolus ad Ecclesias deferri, atque ibi determinari præcipiat.

10.

Hoc etiam placuit: ut si à quibuscumque

Z

que

EDITIO VULGATA.

dices causam non provocent.

13. Carth. 3. xi.

Ut filij clericorum spectacula non exhibeant.

14. Carth. 3. xii.

Ut filij Episcoporum hæreticis non jungantur.

15. Carth. 3. xiv.

Ut Episcopi vel clerici filios suos non ejciant.

16. Carth. 3. xiii.

Ut Episcopi vel clerici nihil conferant rerum suarum nisi catholicis.

17. Carth. 3. xv.

Episcopus, Presbyter, aut Diaconus, non sint conductores.

Ut

EDITIO NOVA.

que iudicibus Ecclesiasticis ad alios iudices Ecclesiasticos, ubi est maior auctoritas fuerit provocatum, non eis obsit, quorum fuerit soluta sententia, si convinci non potuerint vel inimico animo iudicasse, vel aliquâ cupiditate vel gratiâ depravari esse. Sanè si ex consensu partium iudices electi fuerint, etiam à pauciore numero, quam constitutum est, non liceat provocari.

11.

Ut filij Episcoporum & clericorum spectacula secularia non exhibeant, nec spectent (licet hoc semper Christianis omnibus indictum sit, ut ubi blasphemix sunt, non accedant) quandoquidem à spectaculis arcentur.

12.

Ut gentilibus vel etiam hæreticis & schismaticis filij Episcoporum, vel quorumlibet clericorum matrimonio non jungantur.

13.

Ut Episcopi vel clerici filios suos à suâ potestate per emancipationem exire non sinant; nisi de moribus & ætate eorum fuerint securi, ut possint ad eos jam propria pertinere peccata.

14.

Ut Episcopi vel clerici in eos, qui Christiani Catholici non sunt, etiam si consanguinei sint, nec per donationes, nec per testamentum, rerum suarum aliquid conferant.

15.

Ut Episcopi, Presbyteri, & Diacones non sint conductores aut procuratores

EDITIO VULGATA.

EDITIO NOVA.

18. Carth. 3. xvii.
Ut clerici cum extraneis foeminis non habitent.

19. Carth. 3. xviii.
De sacris gradibus,

20. Carth. 3. xix.
De lectoribus,

21. Carth. 3. xx.
Ut clericum alienum nemo retineat.

22. Carth. 3. xxii.
Ut clericus non ordinetur, antequam probatus sit.

res privatorum: neque ullo negotio tali victum quarant, quo eos peregrinari, vel ab Ecclesiasticis officiis avocari necesse sit.

16. Ut cum omnibus omnino clericis extraneæ foeminæ non cohabitent; sed solæ matres, avia, materteræ, amitæ, & sorores, & filia fratrum & sororum, & quæcumque ex familiâ domesticâ necessitate, etiam antequam ordinentur, jam cum eis habitabant. Vel si filij eorum, ordinatis jam parentibus, uxores acceperint, aut non habentibus servis in domo, quas ducant, aliunde ducere necessitas fuerit.

17. Ut Episcopi, Presbyteri, & Diaconi non ordinentur, priusquam eos, qui sunt in domo eorum Catholicos Christianos fecerint.

18. Ut lectores usque ad annos pubertatis legant: deinceps autem, nisi uxores custoditâ pudicitia duxerint, vel continentiam professi fuerint, legere non sinantur.

19. Ut clericum alienum, nisi concedente eius Episcopo, nemo audeat vel retinere, vel promovere in Ecclesiâ sibi creditâ. Clericorum autem sibi nomen etiam lectores retineant.

20. Ut nullus ordinetur nisi probatus, vel Episcoporum examine, vel populi testimonio.

Ut

Z 2

Ut

EDITIO VULGATA.

23. Carth. 3. xxiii.

Ut in precibus nec Pater pro Filio ,
nec Filius pro Patre nominetur.

24. Carth. 3. xvi.

Ut nullus clericus amplius recipiat ,
quam dedit.

25. Carth. 3. xxiv.

In Sacramentis aliud non offeratur ,
quam panis & vinum aquâ mixtum.

26. Carth. 3. xxv.

Vt Episcopi, presbyteri, aut clerici ad
viduas vel virgines soli non accedant.

EDITIO NOVA.

21.

Ut nemo in precibus vel Patrem pro
Filio, vel Filium pro Patre nominet : &
cum altari assistitur , semper ad Patrem
dirigatur oratio. Et quicumque preces
sibi aliunde describit , non eis utatur ,
nisi prius eas cum instructoribus fratri-
bus contulerit.

22.

Ut nullus clericorum amplius recipiat ,
quam cuiquam commodaverit , live
pecuniam det , live quamlibet spe-
ciem.

23.

Vt in Sacramentis corporis & sangui-
nis Domini nihil amplius offeratur, quam
Dominus tradidit , hoc est panis & vi-
num aquâ mixtum. (Primitiæ vero seu
mel & lac , quod uno die solemnissimo
pro infantium mysterio solet offerri ,
quamvis in altari soleant offerri , suam
tamen habent propriam benedictionem ,
ut à sanguinis & corporis Dominici Sa-
cramento distinguantur) nec amplius de
primitiis offeratur , quam de uvis &
frumentis.

24.

Vt clerici vel continentes ad mulie-
res & viduas , nisi ex iussu vel permisso
Episcoporum non accedant , vel pres-
byterorum ; & hoc non soli faciant , sed
cum clericis , aut cum his , cum quibus
Episcopus aut presbyter iusserit. Nec
ipsi Episcopi aut presbyteri soli habeant
accessum ad huiusmodi fœminas , sed
aut ubi clerici præsentés sunt , aut graves
aliqui christiani.

Vt

Vt

EDITIO VULGATA.

EDITIO NOVA.

27. Carth. 3. xxvi.

Vt primæ sedis Episcopus princeps sacerdotum non appelletur.

28. Carth. 3. xxvii.

Clerici in tabernis non manducant nec bibant.

29. Carth. 3. xxviii.

Vt Episcopus trans mare non proficiscatur.

30. Carth. 3. xxix.

Vt à jejunis altaris Sacramenta celebrentur.

31. Carth. 3. xxx.

Vt in Ecclesiâ neque Episcopus, vel clerici conviventur.

32. Carth. 3. xxxii.

Vt presbyter inconsulto Episcopo, non reconciliet pœnitentem.

25.

Vt primæ Sedis Episcopus non appelletur Princeps Sacerdotum, aut summus sacerdos, aut aliquid huiusmodi; sed tantum primæ Sedis Episcopus.

26.

Vt clerici edendi vel bibendi causâ tabernas non ingrediantur, nisi peregrinandi necessitate.

27.

Vt Episcopi non proficiscantur trans mare, nisi consulto primæ Sedis Episcopo suæ cuiusque Provinciæ: ut ab eo præcipuè possint formatas sumere. Hinc etiam dirigendæ sunt litteræ Concilij ad transmarinos Episcopos.

28.

Sacramenta altaris non nisi à jejunis hominibus celebrentur, excepto die anniversario, quo cœna Domini celebratur. Nam si aliquorum pomeridiano tempore defunctorum sive Episcoporum, seu clericorum commendatio faciendâ est, solis orationibus fiat, si illi qui faciunt, jam pransi inveniuntur.

29.

Vt nulli Episcopi vel clerici in Ecclesiâ conviventur: nisi fortè transeuntes hospitij illic necessitate reficiant: populi etiam ab his conviviiis, quantum potest fieri prohibeantur.

30.

Vt pœnitentibus secundum differentiam peccatorum, Episcopi arbitrio pœnitentiæ tempora decernantur. Et ut presbyteri inconsulto Episcopo non reconcilient pœnitentes: nisi absentiam

Z 3

Episcopi

Vt

EDITIO VULGATA.

33. Carth. 3. xxxiii.
Vt virgines gravioribus sceminis commendentur.

34. Carth. 3. xxxiv.
Vt ægrotantes baptizentur.

35. Carth. 3. xxxv.
Vt reversis reconciliatio non negetur.

36. Carth. 3. xxxvi.
Vt presbyter chrisma non conficiat.

37. Carth. 3. xxxvii.
Vt in alienâ civitate clerici non morentur.

38. Carth. 3. xxxviii.
Scripturæ canonicæ in Ecclesiâ legendæ, quæ sint, & præter quas aliæ non legantur.

Vt

EDITIO NOVA.

Episcopi & necessitate cogente. Cuiuscumque autem pœnitentis publicum & vulgatissimum crimen est, quod universa Ecclesia noverit, ante absidem manus ei imponatur.

31.
Vt virgines sacræ cum parentibus, à quibus custodiebantur, privatæ fuerint, Episcopi vel Presbyteri providentiâ gravioribus sceminis commendentur, ut simul habitantes invicem se custodiant: ne passim vagando Ecclesiæ lædant estimationem.

32.
Vt ægrotantes, si pro se respondere non possint, cum voluntatis eorum testimonium hi, qui sui sunt, periculo proprio dixerint, Baptizentur.

33.
Vt scenicis vel apostaticis conversis vel reversis ad Deum gratia vel reconciliatio non negetur.

34.
Vt Presbyter non consulto Episcopo virgines non consecret; Chrisma verò numquam conficiat.

35.
Vt clerici in alienâ civitate non immorentur, nisi causas eorum justas Episcopus loci, vel Presbyteri locorum perviderint.

36.
Vt præter scripturas Canonicas nihil in Ecclesiâ legatur sub nomine divinarum scripturarum. Sunt autem Canonicæ scripturæ: Genesis. Exodus. Leviticus. Numeri. Deuteronomium. Jesu Nave. Judi-

EDITIO VULGATA.

EDITIO NOVA.

Judicum. Ruth. Regnorum libri quatuor. Paralipomenon libri duo. Job. Psalterium Davidicum. Salomonis libri quinque. Duodecim libri Prophetarum. Esaias. Jeremias. Daniel. Ezechiel. Tobias. Judith. Hester. Helder libri duo. Novi autem testamenti Evangeliorum libri quatuor. Actus Apostolorum, liber unus. Pauli Apostoli epistolæ tredecim. Eiusdem ad Hebreos una. Apocalypsis Joannis. Ita ut de confirmando isto Canone transmarina Ecclesia consulatur. Liceat etiam legi passiones Martyrum cum anniversarij dies eorum celebrantur.

39. Carth. 3. xxxix.

Vt Episcopus minus quam à tribus Episcopis non ordinetur.

37.

Placuit etiam : ut quoniam præcedentibus Conciliis statutum est, ne quis Donatistarum cum honore suo recipiatur à nobis ; sed in numero laicorum propter salutem , quæ nulli deneganda est ; tantum autem inopiæ clericorum ordinandorum in Africâ patiuntur Ecclesiæ , ut quædam loca omninò deserta sint : fervetur quidem in istis, quod jam antea traditum est : sed exceptis his , quos aut non rebaptizasse constiterit , aut qui cum suis plebibus ad communionem catholicam transire voluerint. Sic enim scriptum est : *quod duobus si convenerint Christianis , quidquid petierint , impetrabunt.* Non oportet dubitari, quod remoto scandalo dissensionis in universæ plebis unitate , pacis compensatione & sacrificio caritatis aboleantur , qui maiorum suorum auctoritatem sequentes , repetitionem Baptismi commiserint. Sed hanc rem placuit non confirmari , priusquam

De

40.

De his, qui in nullo testimonio se
baptizatos noverunt, ut baptizentur.

41.

Vt Donatistæ in numero laicorum
recipiantur.

Sequitur Capitulum seu statutum.

Placuit etiam, ut quia in præcedenti-
bus Conciliis statutum est, ne quis
Donatistarum cum honore suo recipia-
tur à nobis, sed in numero laicorum;
propter

38.

quam exinde transmarina Ecclesiæ con-
fulatur.

Honoratus & Urbanus Episcopi dixe-
runt: & illud nobis mandatū est: ut quia
proximè fratres nostri Numidiæ Episcopi
duo ordinare præsumserunt Pontificē,
non nisi à duodecim censeatis celebrari
Episcoporum ordinationem. Aurelius
Episcopus dixit: forma antiqua servabi-
tur, ut non minus quam tres sufficiant,
qui fuerint destinati ad Episcopum ordi-
nandum. Propterea quia & in Tripoli
fortè, & in Arzugi interiacere videntur
barbaræ gentes: nam in Tripoli, ut
asseritur, quinque sunt Episcopi tantum-
modo, & possunt fortè de ipso numero
vel duo necessitate aliquâ occupari: dif-
ficile est enim, ut de quolibet numero
omnes possint occurrere: numquid de-
bet hoc ipsum impedimento esse Eccle-
siæ utilitati? nam & in Ecclesiâ, ad quam
dignata est vestra sanctitas convenire,
crebra ac penè per omnem diem Domi-
nicam ordinandos habemus Episcopos.
Numquidnam frequenter duodecim, vel
non multo minus advocare possum Epis-
copos? sed faciliè est mihi duos meæ par-
vitati vicinos: quapropter cernit me-
cum caritas vestra, hoc ipsum observari
non posse. Sed illud est statuendum; ut
quando ad eligendum Episcopum con-
venerimus, si quando contradictio fue-
rit oborta, quia talia tractata sunt apud
nos, non præsumant ad purgandum eum,
qui ordinandus est, tres jam: sed postu-
lentur ad numerum supradictorum unus
vel

EDITIO VULGATA.

propter salutem, quæ nulli deneganda est, (tantum autem inopiæ clericorum ordinandorum in Africâ patiuntur Ecclesiæ, ut quædam loca omnino deserta, sint,) servetur quidem in istis, quod jam antea creditum est: sed exceptis his, quos aut non rebaptizasse constiterit, aut qui cum suis plebibus ad communionem Catholicam transire voluerint. Sic enim scriptum est: quod duobus si convenerit Christianis, quicquid petierint, impetrabunt. Non oportet dubitari, quod remoto scandalo disensionis universæ plebis, invitata pacis compensatione & sacrificio caritatis, aboleantur, quæ maiorum suorum auctoritatem sequentes, repetitione Baptismi commiserunt.

Sed hanc rem placuit non confirmari prius, quam exinde transmarina Ecclesia consulatur. Et aliâ manu: Aurelius Episcopus Carthaginensis, placitis à nobis omnibus confirmatis, exceptis emancipationibus, de quibus consulendum censuimus, relictis & agnitis, subscripsi.

Muzonius Episcopus, placitis superius comprehensis emancipatione ad tractatum meliorem dilatâ, subnotavi, primæ sedis Episcopus Provinciæ Byzacenæ.

Victorianus Episcopus plebis Mascilianensis subscripsi.

Lupianus Episcopus plebis Tamugadenensis subscripsi.

Ninus Episcopus plebis Tubaltanensis subscripsi.

Philolo-

EDITIO NOVA.

vel duo, & in eadem plebe, cui ordinandus est, discutiantur primo personæ contradicentium; postremò etiam illa, quæ obijciuntur, pertractentur: & cum purgatus fuerit sub conspectu publico, ita demum ordinetur. Si hoc cum vestræ sanctitatis animo concordat, roboretur vestræ dignationis responso. Et ab universis Episcopis dictum est: satis placet.

39.

Item placuit de infantibus quoties certissimi testes non inveniuntur, qui eos Baptizatos esse sine dubitatione testentur, neque ipsi sunt idonei per ætatem de traditis sibi Sacramentis respondere, absque ullo scrupulo hos esse Baptizandos: ne ista trepidatio eos faciat Sacramentorum purgatione priuari. Hinc enim legati Maurorum fratres nostri consuluerunt, quia multos tales à barbaris redimunt. *Et alia manu.*

Aurelius Episcopus Ecclesiæ Carthaginensis, placitis à nobis omnibus confirmatis, exceptis emancipationibus de quibus consulendum censuimus, relictis & agnitis subscripsi.

Mizonius Episcopus placitis superius comprehensis, emancipatione ad tractatum meliorem dilatâ, subnotavi, primæ sedis Episcopus Provinciæ Byzacenæ.

Victorianus Episcopus plebis Mascilianensis subscripsi.

Lupianus Episcopus plebis Tambitanæ subscripsi.

Ninus Episcopus plebis Tubaltianensis subscripsi.

A a

Philolo-

EDITIO VULGATA.

Philologus Episcopus plebis Adu-
metanæ subscripsi.

Ferox Episcopus Macriensis sub-
scripsi.

Hoc modo & omnes subscripserunt,
qui huic Concilio interfuerunt.

EDITIO NOVA.

Philologus Episcopus plebis Adu-
metanæ, subscripsi.

Ferox Episcopus plebis Macrianensis
subscripsi.

Hoc modo & omnes subscripserunt,
qui huic Concilio interfuerunt.

EXPLICIUNT CANONES CARTHAGINENSIS CONCILII.

Quesnel.

Tit. Hippon.

3. Habes hic demum Synodicam Concilio Carthaginiensi tertio tributam ex duplici editione, quarum prima reperitur in tomis Conciliorum, alia verò, quam novam vocamus, capite 2. Codicis canonum editi à Paschasio Quesnellio in appendice ad opera Leonis magni : notat verò Quesnellius dissertat 12. cap. 2. Caput secundum à temporibus Innocentij Papæ primi, & Augustini Hipponensis Episcopi Codici Canonum à se edito fuisse insertum, ut paulò post tempus, quo celebratum est Hipponense Concilium, eo quo relatum est ordine, Codici Canonum Romanæ Ecclesiæ fuisset adjunctum. Verum pæce viri eruditi dixerim, Synodicam prout ex capite 2. Codicis retulimus, tam antiquam esse, & sub tanto Sedis Apostolicæ Pontifice Romæ probatam, haud facile crediderim. Habet hæc Synodica quædam de Cresconio Villarense Episcopo, quæ can. 38. Concilij Carthaginiensis tertij longè aliter concepta sunt; habet insuper in Breviario Hipponensis Concilij complura capitula, quæ mutila sunt vel interpolata : unum sufficiat ordine 36. de scripturis canonicis, in quo omittuntur libri Machabeorum, & Epistolæ canonica Petri Apostoli duæ, Joannis tres, Judæ Apostoli una, & Jacobi una. Deinde quod caput est, referuntur in istâ editione omnes integri canones, cum titulus præ se ferat : *statuta Concilij Ipponensis Breviata*. Unde si aliqua ex duabus editionibus amplectenda foret, non illa, quæ integros canones retulit, sed editio potius vulgata amplectenda foret, quæ solum Canonum Hipponensium Breviarium continet.

4. Illud tanè ante nostra tempora cum Synodica Carthaginiensi omnes Conciliorum collectores Concilio Carthaginiensi 3. tribuerunt, cui & cum illis eminentissimus annalium parens Baronius abbreviationem Canonum Hipponensium attribuit, eiusque mentem Illustrissimus Apamearum in Galliâ Episcopus Henricus Spondanus in hoc
,, compen-

„compendium redegit ad annum 393. num. 5. „quod vero ad san- Spondanus.
 „citos ibi unum & quadraginta canones attinet, constat ex eis confe-
 „ctum esse Breviarium, quo iisdem facilius innotescerent; idque de-
 „creto Concilij Carthaginiensis postea celebrati Cæsario & Attico
 „Coss. ubi & habetur intextum. „Eadem lucidè admittit Galliæ
 splendor Perronius cap. 48. replic. contrà Angliæ regem, ubi dum
 plurimos canones legit in Concilio Carthaginiensi 3. quorum tituli re-
 periuntur in Hipponensi Breviario, indubitatum habuit, Canones
 Hipponenses in Concilio Carthaginiensi tertio fuisse repetitos & varios
 variè ibidem adauctos vel expolitos. Placuit quandoque hæc virorum
 eruditorum opinio, jamque notas in omnes Hipponensis Breviarii
 titulos confeceram, cum ecce, re sagaciori mente perpensâ constitit, Sy-
 nodicam etiam istam cum Breviario subjuncto, si non supposititiam,
 saltem interpolatam esse, quod ijs rationum momentis probandum iri
 confidimus, quæ nemo prudens contempserit.

5. Ac primò quidem inscribitur epistola Synodica Episcopis Nu-
 midia, Mauritania utriusque, Tripolis, & Provincia Proconsularis, omis-
 sâ provinciâ Byzacenâ; cuius alia ratio afferri non potest, quam quod
 hæc Synodica ab Episcopis Byzacenis scripta sit ad aliarum Provinciarû
 Episcopos etiam Proconsularis, cuius Metropolitanus tunc temporis
 erat Aurelius, qui, ut fidem faciunt acta Africana per Auctorem Con-
 cilij vulgò Africani, Dionysium Exiguum, Zonaram, & Balzamonem
 relata, testatus est in Concilio Carthaginiensi 3. litteras fratrum By-
 zacenorum & Muzonij ad se transmissas, ut ibidem legerentur. Unde
 sequuntur duo, Aurelium in primis inscriptioni Synodicæ contrà
 auctorum fidem haberi insertum: Synodicam insuper falsò præ se ferre
 titulum Carthaginiensis Concilij, cum sit Byzaceni, ut rectè animad-
 vertit in notis ad Codicem Africanæ Ecclesiæ Christophorus Iu-
 stellus.

6. Secundò, quod ipsa Synodica habeat: *dum in Carthaginiensi urbe*
conveniremus. Cum constet ex actis Africanis per Græcos memoratos
 posteritati consecratis, Synodum hanc habitam fuisse in Byzacio Me-
 tropoli civili Provinciæ Byzacenæ, unde Synodica illa ad Carthagi-
 nem missa est: τὰ γράμματα τὸν ἀπὸ τῆς Βυζακίας ἀδελφῶν ἡμεῶν. *Littera Synod. By-*
zacena.
 fratrum nostrorum ex Byzacio. Quæ quamvis non de civitate Byzacii
 sed Provinciâ Byzacenâ intelligerentur, adhuc erroneum esset, ipsos
 in epistolâ scripsisse, se in Carthaginiensi urbe convenisse, ubi ipsimet
 attestantur in eâdem suâ Synodicâ, Concilium illud Provinciæ Byza-
 cenæ

cenæ fuisse : *hæc communi Concilio, inquit, per universam Provinciam Byzacenam in notitiam cunctis deducenda censuimus.*

Labbeus.

7. Tertio, quod Symbolum fidei Nicenæ ibidem adiungatur tanquam Concilij Hipponensis, ad quod jam dudum notatum est à collectoribus, non convenire cum versione latinâ istius Symboli, praterquam quod nonnulla addita aut adempta liquidò constat. Ita ex Crabbo Labbeus. Et reverà legitur in hoc Symbolo : *homo factus est per virginem*, quod ultimum, *per virginem*, nec habetur in Græco, nec in ullo latino textu Symboli Nicæni : quibus addo, Symbolum fidei in Hipponensi Concilio referri debuisse occasione D. Augustini, qui ibidem de fide & Symbolo disputavit, cumque ex discursu seu disputatione illâ hucusque extante constet, D. Augustinum coram patribus Hipponensibus non egisse de Symbolo Nicæno sed Apostolorum, verosimile videri, à patribus Hipponensibus Symbolum à D. Augustino expolitum adis fuisse insertum.

Muzonius.

8. Quartò, quod ante breviarium Canonum ponatur : *Concilij Hipponensis abbreviationes factæ in Concilio Carthaginiensi* 3. cum non solum acta Africana referant, Aurelium in Concilio Carthag. 3. dixisse, sese breviarium Hipponensium Canonum recepisse à fratribus Byzacenis, sed id ipsum testetur Mizonius Byzacij Primas in Synodicâ superioris relatâ, ubi scribit : *brevem vero statutorum huic Epistola subdi fecimus.*

9. Quintò, quod nullus eorum, qui Concilij Hipponensis meminerunt, vel unum ex omnibus titulis (primo de Paschate excepto) agnoverit pro titulis Canonum Hipponensium, quin cuncti potius alios retulerint, qui in breviario illo non reperiuntur. Quatuordecim annis tantum post Concilium Hipponense celebratum fuit Carthaginiense sub Aurelio, qui refert in Hipponensi Concilio statutum fuisse, de Concilio plenario singulis annis per diversas Africa Provincias habendo, quod nullibi reperitur in breviario Hipponensi. Concilium Carthaginiense 5. affirmat, idem X. Kalend. Septembris pro annuo Concilio statutum in Hipponensi Synodo, prout refertur in Codice Canonum Ecclesiæ Africanæ sub tit. 73. quod non magis reperitur in breviario quam prius. Et si hæc levia videantur, addo Fulgentij Ferrandi Carthaginiensis Diaconi testimonium, qui dum omnium Africanorum Conciliorum statuta habuit, ex Concilio Hipponiregensi retulit Canones quatuor, tertium, nimirum, quintum, octavum, & nonum, quos si cum titulis quatuor breviarii Hipponensis Synodi

compo-

componas, toto cœlo differre reperies, & non solum tertio, quinto, octavo & nono ibidem relatis non convenire, sed nec inter quadraginta & unum titulos Breviarij Hipponensis reperiri, animadvertes.

10. Sextò, quod in breviario Hipponensis Synodi referantur tituli, quorum Canones statuti sunt in Concilio Carthaginiensi tertio, ut patet ex triginta septem Canonibus, qui inter 40. Breviarij ex Carthaginiensi tertio desumpti sunt, ut notavimus numero Romano ad singulos breviarij titulos. Ratio autem firmatur ex actis Concilij Carthaginiensis tertij relatis ab omnibus, qui collectionem Conciliorum Africæ sub Africani Concilij nomine promulgarunt, quibus testantibus post relectum Hipponensis Concilij breviarium: *Epigonius Episcopus dixit: in hoc breviario, quod decerptum est de Concilio Hipponensi, nihil arbitramur esse emendandum vel assuendum, nisi ut dies sanctæ paschæ tempore Concilij innotescat.* Quo ex Canone habemus, nihil ex statutis Hipponensibus relatum fuisse inter Canones Concilij Carthaginiensis 3. quam illud, quod de paschate tractat: cumque omnes tituli in breviario contenti inveniantur & aucti reperiantur in Concilio Carthaginiensi 3. lucet profectò, titulos illos constituisse non Hipponensis Synodi breviarium, sed Carthaginiensis potius tertiæ, in quâ eorum Canones tribus exceptis reperiuntur, ut in margine annotavimus.

Epigonius.

Septimò & ultimò, quia Aurelius iterum subscriptus habetur, qui Synodo Byzacenæ non adfuit, eiusque Synodicæ proinde subscribere non potuit, multo minus tanquam Synodicæ Concilij Carthaginiensis tertij, in quò de Emancipatione statutum fuit Canone 14. quem titulum suppositor salvum voluit, & ad pleniorum tractatum reservatum fuisse adiunxit.

11. Neque hæc scribo, ut quidquam Concilij Hipponensis auctoritati detraham, aut Synodicam Byzacenam numquam editam fuisse evincam, sed solum, ut demonstrem, vel Synodicam Byzacenam cum subscriptionibus esse interpolatam, vel cum Breviario eidem inserto aliam fuisse, quam post Synodum Carthaginiensem 3. ex Codice S. Bavonis exhibetur. Synodus namque ipsa habita fuit: *Imperatore Theodosio Augusto 3. & Abundantio Viri Cl. Coss. VIII. idus Octobris Hipponeregio in secretario Basilica pacis.* Ita auctor Concilij vulgò Africani, Dionysius Exiguus in codice Canonum, & acta Africana in Græcum translata, ac per Joannem Zonaram, Balzamonem, & Aristenum

Possidius.

Augustinus.

commentariis illustrata. Fuerunt autem Theodosius & Abundantius Consules anno 393. quibus factum est Hippone Concilium plenarium Africae, de quo Possidius Calamensis in vitâ Augustini cap. 7. per idem tempus coram Episcopis hoc illi iubentibus, qui plenarium totius Africae Concilium Hippone agebant, de fide & Symbolo presbyter adhuc Augustinus disputabat. Erant tunc temporis variae per Africam haereses seminatae, & contra has D. Augustinus adhuc presbyter in Synodo plenaria totius Africae de fide & Symbolo disputavit, cuius discursus adhuc extat inter eius opera tomo 3. inscriptus, de fide & Symbolo, & incipiens hisce verbis: *quoniam scriptum est & Apostolica disciplina robustissimâ autoritate firmatum, &c.* Quod enim hic idem sit, qui à D. Augustino habitus fuit in Hipponensi Concilio, ipse testatur est Augustinus libro 1. retract. cap. 17. per idem tempus coram Episcopis hoc mihi iubentibus, qui plenarium totius Africae Concilium Hipponeregio agebant, de fide & Symbolo presbyter disputavi. Quam disputationem nonnullis eorum, qui nos familiarius diligebant, studiosissime instantibus in librum contuli . . . hoc opus sic incipit, *quoniam scriptum est.* Explicat in eo opere contra Arianos, Manicheos, aliosque haereticos Symbolum fidei non ijs verbis, quibus conceptum est in Nicæno Concilio, sed quibus huc usque Symbolum Apostolorum referre consuevit Ecclesia, ut lucidè colligitur ex eodem tractatu extante tomo 3. operum D. Augustini, ubi & idem ad margines notatur.

Canon 1.
Hipponenf.

12. Nunc ad Canones Hipponenses accedamus, quorum unum fuisse de Paschate, in actis Concilij Carthaginienfis tertij refert Epigonius Episcopus, ut jam sæpius audivimus supra; sed quotus canon fuerit, non constat, nisi quod reperiatur initio supposititij Breviarij, & iisdem ferè verbis in 3. Carthaginienfi Concilio referatur ordine primus: *placuit ergo in principio propter errorem, qui sæpè solet oboriri, ut omnes Africana Provincia Episcopi observationem Paschalem ab Ecclesiâ Carthaginienfi curent accipere.* Hæc juxta canonem 1. Carthaginienfis 3. & rectius fortè. Quam supposititium Hipponensis Breviarium, quod in utraque editione hunc canonem inchoavit: *placuit etiam.* Ac si alij canones illum præcessissent. Quod si in hoc correctior sit lectio Carthaginienfis Concilij, lectio tamen Breviarij correctior est quoad illa: *omnes Africana Provincia, omisso nomine Episcopi.* Quia addito Episcopi nomine indicatur, solius minoris Africae seu Proconsularis Provinciae Episcopos à Carthaginienfi Ecclesiâ debuisse obser-

observationem diei Paschalis accipere, cum potius omnibus Provinciis Africanis cura illa imposita fuerit.

Quis canon secundus fuerit, ignoratur: tertium habemus ex Breviatione Canonum Fulgentij Ferrandi, qui titulo 54. refert: *ut si quis Episcopus à Synodo fuerit excommunicatus communicare non audeat, & si fecerit, spem restitutionis non habeat.* Concil. Antiochen. tit. 4. Concil. Hipponiregien. tit. 3. quæ ad expositionem hujus canonis spectant, fulius diximus in notis ad sacrum Antiochenum Concilium breviter (ut spero) typis mandandum. Hic solum animadverto, Hipponensem hunc canonem, si cum 3. in Breviario superius relato, cuius titulus est: *ut clerici instructi promoveantur*, componas, utrumque toto cælo differre, & nullatenus idem statuere.

13. Quinti Canonis Hipponensis compendium refertur ab eodem Fulgentio Ferrando sub titulo 34. *ut Episcopi sive Presbyteri ea, quæ sunt in locis ubi ordinantur, ad alia loca non transferant, nisi causas ante reddiderint.* Concil. Hipponiregiense tit. 5. pone juxta hunc, titulum 5. breviarj, *Corporibus defunctis Eucharistia non detur*, & judicet æquus lector, num breviarium Hipponense genuinum sit. Addit idem Ferrandus titulo 198, *ut accusator si in loco, ubi est ille, qui accusatur, violentiam timuerit, locum sibi proximum eligat* Concil. Hipponiregiensi tit. 5. ex quo habemus eodem Canone Hipponensi 5. statutum fuisse, accusare licitum Episcopos & sacerdotes, qui ex locis ordinationis suæ bona Ecclesiæ aut propria ante rationem de iis redditam transferunt, & si accusator sibi timeat in loco, ad quem transit Presbyter ille aut Episcopus, locum sibi proximum eligere posse, ut tuto accusationem prosequatur. Octavus Canon exhibetur per eundem Ferrandum titulo 35. *ut Episcopi quidquid nomine suo comparaverint, cogantur Ecclesiæ refundere: quidquid autem eis donatur, cui voluerint conferant.* Concil. Hipponiregiensi tit. 8. est quædam explicatio Canonis 24. Antiocheni, & nullatenus consonat tit. 8. breviarj, quo statutum perhibetur, *ut si Episcopus accusatus ad anniversarium Concilium non venerit, sententiam damnationis suæ tulisse judicetur.*

Nonus Canon Hipponensis tribus titulis refertur à Ferrando tit. 38. *ut Episcopus Matricis non usurpet, quidquid fuerit donatum Ecclesiis, quæ in Diocesi constitutæ sunt*, Concil. Hipponiregien. Tit. 9. & tit. 47. *ut Episcopi rem Ecclesiæ sine primatis Consilio non vendant.* Concil. Carthag. tit. 5. Concil. Hippon. tit. 9. & titulo demum 95. *ut Presbyteri rem Ecclesiæ sine Consuetudine Episcopi non vendant.* Concil.

Anquiri-

Anquiritano tit. 15. Concil. Hipponiregiensi tit. 9. ex quibus constat, Canone 9. Hipponensi statutum fuisse de rebus Ecclesiæ non alienandis, idque veritum Presbyteris, Episcopis, & Metropolitanis, ut non uno sed tribus locis tradidit Fulgentius Ferrandus, qui ante annos mille centum & quinquaginta breviationem Africanorum Canonum Carthagine in civitate Africanæ regionis principe conscripsit.

Aurelius in
Concilio
Carthagin.

14. Quid ultra laudatos Canones statuerit Hipponense Concilium non meminit Ferrandus, alia tamen statuta ibidem edita fuisse, fidem facit celebratum Honorio 7. & Theodosio 2. Coss. Carthaginense Concilium, cuius acta referuntur à Dionysio Exiguo aliisque Canonum Africanorum collectoribus græcis & latinis: in illo enim Aurelius dixisse perhibetur: *quoniam constitutum fuerat in Concilio Hipponensi, ut singulis annis contraheretur Concilium Africa plenarium: non tantum hic apud Carthaginem verum etiam per diversas Provincias suo ordine, & hoc reservatum est, ut indiceremus, aliquando in Numidiâ, aliquando in Byzacio.* Addit Concilium Carthaginense Vincentio & Fravitâ Coss. dies verò Concilij idem servetur, qui in Hipponensi Concilio constitutus est, id est X. Kal. Septembris. Ex quo ultimo colligitur, etiam diem plenarij Concilij annuè habendi fuisse determinatum in Concilio Hipponensi, quamvis ignoremus, quo Canone id statutum sit, & an uno vel pluribus.

Baronius.

15. Cæterum hæc sunt genuina Hipponensis Concilij acta, quæ reperire potui, suspicatus multo plura latere, cum verissima sit Cæsaris „ Baronij ad an. 393. sententia: „ patres ex omnibus Africæ Provin- „ ciis Hipponem advenisse, ut collapsam Disciplinam Ecclesiæ in „ integrum restituerent, quod quidem adeo efficaciter præstiterunt, „ ut cæteræ, quæ postea in Africâ celebratæ sunt Synodi, ex Hip- „ ponensi tamquam Archetypo quodam complura fuerint mutua- „ tæ. „ Eius statuta in Concilio Byzaceno sub Muzonio fuerunt in compendium redacta, & pro innovatione Carthaginem transmissa, ubi anno 397. in Concilio plenario firmari meruerunt sub Aurelio Carthaginensi Episcopo, post quæ & Concilium Milevitanum anno 402. Arcadio & Honorio August. Coss. dixit, consensum omnium patrum concordare complacitis decretorum, quæ jam dudum vel in Hipponensi Synodo firmata sunt, vel postmodum meliore Concilio apud Carthaginem definita. De statutis Hipponensibus jam egimus præsentis capite, de Carthaginensibus agendum sequenti.

Syn. Milevit.

CAPVT

C A P U T VII.

De Concilio Carthaginiensi 3. anno 397.
Consulibus Cæsario & Attico. Vna
cum scholiis ad præcipuos ex 50.
eius Canonibus.

1. Conciliis duobus prætermisſis agitur de Carthaginiensi tertio, cuius præfatio editionis vulgata adfertur, uti & alia ex Codice Canonum Africanorum longè correctior.
2. Ex correctiori præfatione statuitur de tempore huius Synodi, quod 5. Kalend. Sepembris anno 397. retinendum ducimus: corrigitur Codex Canonum, in quo canon de non navigando sine formatâ præfationi subijcitur, ubi rectius canon de Paschate collocatur.
3. Alij 22. Canones attribuuntur in Codice Canonum Africana Ecclesia huic Synodo Carthaginiensi tertia, sed plures illi attribuendos putamus, reiecto fundamento Cardinalis Perronij rationem reddentis, cur in Codice tantum 23. Canones huic Synodo tribuantur.
4. Tituli quinquaginta canonum huius Concilij proferuntur omisſis integris canonibus ob prolixitatem evitandam, sed additis ad præcipuos Scholiis.
5. Canon 2. de Concilio singulis annis habendo exponitur, & Carthaginiensi 3. vindicatur.
6. Canon 4. prohibet lectoribus, populum salutare, quod fusiſus exponitur.
7. Canon 5. agit de sacramento cathecumenorum etiam per solemnissimos dies non mutando. Sacramentum autem cathecumenorum sal intelligitur, & canon ulterius explicatur.
8. Canon 6. agit de Baptismo vel Eucharistiâ mortuis non dandis, & ratio adjungitur cum aliis notatu dignis.
9. Canon 11. vetat filiis sacerdotum spectacula, quorum quatuor erant genera. Hacque semper Christianis prohibita fuisse, ex Tertulliano, Cypriano, & Augustino stabilimus.
10. Canon 25. agit de oblatione faciendâ pro Sacramento corporis & sanguinis Domini, ubi insigne Africana Ecclesia pro Sacramento Eu-

B b

haristia

charistia testimonium ulterius exponitur, & quâ occasione editum sit, perhibetur.

11. Canon 26. de primo Sedis Episcopo non vocando principe Sacerdotum, scholio illustratur.
12. Canon 27. de tabernâ à clericis non frequentandâ, etiam ethnici imperatoris statuto firmatur.
13. Canon 29. de missâ à jejuniis celebrandâ latius exponitur, & præclara pro religione nostrâ de sacrificio altaris, & commemoratione defunctorum testimonia in eo contenta suis momentis expenduntur.
14. Canon 30. agit de non convivando in Ecclesiâ, quo ad ipsâ Ecclesiasticis interdiciuntur.
15. Canon 31. tractat de pœnitentiâ juxta peccatorum modum imponendâ, quod pro pœnitentibus publicis Episcopi arbitrio relictum fuisse pluribus ostenditur.
16. Canon 38. agens de translationibus Episcoporum mentionem facit Synodi Capuensis, de quâ ulterius inquiritur, & notatu digna adferuntur.
17. Canon 47. agit de scripturis Canonicis, & quia canon ad Bonifacium Papam confirmandus transmittitur, putarunt plerique cum Baronio Synodum Carthaginiensem tertiam non statuisse hunc canonem. Verum & hunc & omnes alios 50. Canones esse huius Concilij cum Peronio asseritur, & Iustelli argumento contra præsentem canonem factò respondetur.
18. Canones 48. & 50. scholiis illustrantur, & quædam ad tempus & subscriptiones huius Synodi annotantur.

Vulg. præfatio Synodi.

1. **N** On hæreo in Concilio Carthaginienfi Arcadio 3. & Honorio Coss. anno 394. habito sub Aurelio, cuius post Hipponense Concilium meminerunt Ferragines Canonum Africanorum Græcæ & latinæ. neque in Concilio Adrumetino, ad quod ex laudato Carthaginienfi Concilio Episcopi legati directi sunt, quod de ijs duobus Conciliis nihil nobis restare videatur: pergo itaque ad Carthaginienfe 3. quod dum plura statuit, maiorem difficultatem in tantâ canonum Africanorum confusione viris eruditis reliquit. Exstat proemium huius Synodi verbis sequentibus: *Cæsario & Attico viris clarissimis Consulibus, Kalendas Septembris Carthagine in secretario Basilicæ Restitutæ. Cum Aurelius Episcopus una cum Episcopis consedisset, adstantibus etiam Diaconibus, constituta sunt hæc, quæ in præsentî Concilio definita sunt.*
Sequun-

Sequuntur Capitula, ac 1. placuit ergo in principio propter errorem, qui saepe solet oboriri ut omnes Africana Provincia Episcopi observationem Paschalem ab Ecclesia Carthaginiensi curent accipere. Hæc juxta vulgarem huius Synodi editionem, cuius præfatio pluribus verbis concepta est in collectionibus canonum Africanorum tam græcis quam latinis, ex quibus eam subdo, quæ ante mille centum & quinquaginta annos edita fuit à Dionysio Exiguo :

P R Æ F A T I O.

Casario & Attico VV. CC. consf. quinto Kalend. Septemb. Carthagine in secretario Basilica restituta cum Aurelius Episcopus una cum Episcopis confedisset : adstantibus etiam Diaconibus, advenientibus quoque Victore Senepuppiense, Tuto Migirpense, Evangelo Assuritano.

Præfatio Synodi Carth. 3 edita in Codice Canon.

Aurelius Episcopus dixit : post diem præstitutam Concilij confedimus, ut recordamini fratres beatissimi, & arbitramur omnium Provinciarum per Africam legationes convenisse ad diem, ut dixi, præstitutam nostri tractatus : sed cum sacerdotum nostrorum epistola Byzacenorum fuisset recitata, vel quid mecum iidem, qui tempus & diem Concilij præveniant, tractassent, vestra charitati legeretur ; lecta est etiam à fratribus Honorato & Urbano, qui nobiscum hodiè Concilium participantur legatio Sitifensis Provincia destinata. Frater etiam Reginus Ecclesia Vegeisellitana litteras ad Parvitatem meam datas Crescentiani prima Sedis, ut ipse insinuat, Numidiarum, & Aurelij Coepiscoporum nostrorum : in quibus scriptis vestra mecum charitas recognoscit promississe eosdem, quod aut ipsi dignarentur venire, aut ad hoc Concilium fuissent ex more destinati legatos : sed hoc quia minimè factum videtur, diu se detineri de longinquo venientes legati Mauritania Sitifensis non posse testantur : & ideo fratres, si vestra charitati videtur littera fratrum nostrorum Byzacenorum, sed & breviarium, quod eidem epistola adjunxerunt, ad hunc cœtum conrogatum legantur, ut si quâ forte illic movere charitatis vestra animum possunt, in eodem Breviario, quâ diligentius fuerint animadverta, in melius reformatur. Hoc enim frater & Coepiscopus noster prima Sedis, vir perspectus merito sua gravitatis, atque prudentia, Mazonius scribens ad meam parvitatē postulavit. Si ergo placet, quæ tractata sunt legantur, & singula, à vestra charitate considerentur.

Quod nihil de Hipponensi Concilio sit emendandum.

Epigonius Episcopus dixit : in hoc Breviario, quod decerptum est de Concilio

cilio Hipponensi, nihil arbitramur esse emandandum, vel assuendum, nisi ut dies Sanctæ Paschæ tempore Concilij innotescat.

2. Hæc collectio Canonum Africanorum & longè correctiora, quam quæ in ipsius Synodi actis referuntur. Dicitur coacta Attico & Cæsario consulibus anno nimirum 397. idque quintò Kalend. Septembris juxta statutum Concilij Hipponensis de celebrando Concilio plenariò *X. Kal. Septembris*. Cum enim ad illum diem convocatum fuisset Concilium & nondum omnes Provinciarum legati adessent, Zitifensis Provinciæ legatis paulò post adventantibus, quinto Kalendas Septembris inchoatum est, ut in suâ præfatione indicat Aurelius: unde Concilium vulgò Africanum corrigendum venit, dum Canonem de non navigando sine formatâ Primatis attribuit *6. Kal. Julij*, quidquid eminentissimi Cardinales Baronius & Perronius existiment, retinendum potius esse *6. Kal. Julij*. Cum enim de die alicuius Synodi disputatur, illud sequi debemus, quod plures & melioris notæ codices testantur: sed acta in primis ipsius Synodi tertiæ Carthaginensis habent: *5. Kalendas Septembris*. Et collectio Canonum Africanorum idem confirmat apud Dionysium Exiguum collectorem latinum, & Joannem Zonaram ac Theodorum Balzamonem collectores Græcos, quin imò auctor Concilij vulgò Africani, qui dum convenisse asserit *5. Kalend. Septembris*, erroneum esse demonstrat, quod postea refert de Episcopis sine formatâ navigare prohibitis *6. Kalend. Julias*. Illud enim ipsum statutum, est canon 28. Concilij Carthaginensis tertij, qui ab auctore Concilij vulgò Africani loco non suo refertur, ut Cardinalis Perronius rectè animadvertit. Cum enim initio Concilij Aurelius proponebat legendum Breviarium Hipponensis Concilij, cunctæque eius statuta recitata essent, statim sequitur in actis Carthaginensium Synodorum à Dionysio Exiguo, Ioanne Zonarâ, & Theodoro Balzamone relatis: *quod nihil eorum quæ in Hipponensi Synodo acta sunt, sit corrigendum: Epigonius Episcopus dixit, &c.* Inter quem canonem & Aurelij allocutionem, ut rectè Perronius cap. 49. *il ne peut avoir rien d'interposé.*

3. Cæterum, quia auctor Concilij vulgò Africani non illum tantum canonem, qui agit de navigando sine formatâ, sed alias Conciliorum præfationes interposuisset, uti Concilij Carthaginensis Honorio 4. & Eutychiano Consulibus, & alterius Carthaginensis post Consulatum Flavij Stiliconis, post quæ sequitur definitio Epigonij suprà relata de non mutando aliquid in Breviario Hipponensi, ex eo, inquit Perronius

Perronius eap. 48. occasionem sumpsit eminentissimus Cardinalis Bar-
 ronius rectè statuendi tam canonem ab Epigonio statutum ,
 quam 22. sequentes attribuendos Concilio Carthaginiensi post Con-
 sulatum Stiliconis celebrato, ubi viginti duos priores constat esse Con-
 ciliij Carthaginiensis tertij Attico & Cæsario Cons. habiti, quod autem
 tantum 23. Canones tertij Carthaginiensis referantur in Concilio vul-
 gò Africano aut Codice Canonum Ecclesiæ Africanæ, rationem red-
 dit Perronius, quia auctor Codicis non inseruit canones Carthagi-
 nienſis 3. nisi illos, qui avoient adjousté quelque amplification, ou modi-
 fication aux Canons du Concile d'Hippone. Ex quo lequeretur 23. cano-
 nes Hipponenses renovatos fuisse, & novis additamentis relatos inter
 canones Carthaginiensis tertij, quod, pace Perronij dixerim, æquè
 ex suppositio aut interpolato monumento asseritur. Innititur enim
 hoc totum Breviario Hipponensis Synodi, quod Synodica Byzace-
 næ adjunctum fuisse putatur, & post hanc Carthaginiensem tertiam
 refertur ex Codice S. Bavonis, ubi referuntur unus & quadraginta
 tituli tanquam Hipponensis Concilij, cum sint reverà Carthaginien-
 sis tertij, in quo ubi relatum fuisset Hipponensis Breviarium, à toto
 Concilio statutum est: quod nihil eorum, quæ in Hipponensi Synodo acta
 sunt, sit corrigendum, addente Epigonio Bullensis regionis Episcopo:
 ex omnibus Breviarij titulis nihil emendandum, vel in aliquo assuen-
 dum, nisi ut dies Sancta Pascha tempore Concilij innotescat. Quod ad Epigonius.
 canonem Hipponensem additum fuisse in canone primo Carthaginien-
 sis tertij, fidem facit canon eius 41. ubi Aurelius testatur, à Concilio id
 suprà statutum fuisse: unde evincimus, canonem primum Concilij
 Carthaginiensis non esse illum, qui in eius actis vulgaris extat, sed
 qui in collectione tam græcorum quam latinorum Codicum reperitur.
 4. Cæterum ne lectorem canonum Carthaginiensium notitiâ fru-
 stremus, quinquaginta canonum titulos huic Concilio tributos subjun-
 gemus, omissis ob prolixitatem cavendam integris canonibus, sed
 additis ob maiorem claritatem, ad præcipuos titulos canonibus &
 scholiis.

TITULI CAPITULORUM.

1. Vt comprovinciales Episcopi de Pascha suum inquirent Primatem.
2. Vt per singulos annos Concilium fiat.
3. Vt Episcopus priusquam ordinetur, Canones agnoscat.

Bb 3

4. Vt

4. *Vt levita & virgines ante 25. annos non consecrentur.*
5. *Vt Sacramentum Cathecumenis non praebeatur.*
6. *Vt baptisumus mortuis, vel Eucharistia non detur.*
7. *Vt Episcopus accusatus, ubi, vel infra quod tempus examinetur.*
8. *De presbyteris & Diaconibus, quanti Episcopi eos audiant.*
9. *Vt clerici publica judicia non appellent.*
10. *Si à quoquam ab aliis iudicibus Ecclesiasticis ad alios iudices & Ecclesiasticos maioris auctoritatis provocatum fuerit, non obesse prioribus diversas sententias proferentibus.*
11. *Vt filij clericorum ad spectacula non accedant.*
12. *Vt clericorum matrimonii infideles non socientur.*
13. *Vt clerici de rebus suis nihil infidelibus conferant.*
14. *Vt clerici filios suos à suâ potestate exire non sinant, nisi atate & moribus comprobatos.*
15. *Vt clerici non sint conductores vel negotiatores.*
16. *Vt clerici non sint usurarij.*
17. *Vt cum clericis extranea femina non cohabitent.*
18. *Vt clerici non ordinentur, nisi omnes, qui cum eis sunt, fideles existant.*
19. *Vt clerici cum ad pubertatem venerint, aut conjugium aut castitatem profiteantur.*
20. *Vt plebes alienas alius Episcopus non usurpet.*
21. *Vt nullus Episcopus alienum clericum audeat retinere vel ordinare.*
22. *Vt nullus clericus ordinetur, nisi fuerit probabilis.*
23. *De precibus & orationibus.*
24. *Vt in sacrificio tantum panis & calix offeratur.*
25. *Ne clerici vel continentes ad viduas vel virgines soli habeant accessum.*
26. *Vt prima Sedis Episcopus princeps sacerdotum non appelletur.*
27. *ut clerici tabernas non ingrediantur.*
28. *Vt Episcopus sine formatâ Metropolitani longius non proficiatur.*
29. *Vt missa à jejuniis celebretur.*
30. *Vt nullus in Ecclesiâ convivetur.*
31. *Vt pœnitentibus juxta peccatorum modum pœnitentia detur.*
32. *Vt presbyter præter iussa vel absentiam Episcopi non reconciliet pœnitentes.*
33. *De custodiâ sacrarum virginum.*
34. *De baptizandis agrotis, qui jam loqui non possunt.*
35. *Ne Apostatis vel histrionibus conversis pœnitentia negetur.*

36. *Vt presbyter Chrisma non conficiat.*
37. *Vt clerici sine necessitate in alienâ civitate non immorentur.*
38. *Vt non liceat fieri translationes Episcoporum.*
39. *Vt non presumant duo Episcopi ordinare Pontificem.*
40. *Vt dum Episcopus eligitur, si contradictores habeat, quinque sacerdotes convenient.*
41. *Vt per singulos annos convenientes Episcopi ad Concilium, etiam de Paschali solemnitate à Primate suo informantur.*
42. *Vt non accipiat alium Episcopum plebs, quæ in Diœcesi semper subjacuit.*
43. *Vt qui, plebe suâ contemptâ, ad Concilium venire detractant, & plebem, & honorem amittant.*
44. *Vt clericum alienum nullus sibi presumat Episcopus ordinare.*
45. *Vt Episcopus, qui plures habet clericos, ei, qui eget, ad ordinandum postulatus, largiatur.*
46. *Vt Episcopus in Diœcesi factus, solum eam plebem teneat, in quâ extitit ordinatus.*
47. *Vt præter scripturas canonicas nihil in Ecclesiâ legatur sub nomine divinarum scripturarum.*
48. *De Baptizandis Donatistis.*
49. *Vt ea, quæ quis in Ecclesiastico positus gradu acquisivit, Ecclesiæ conferantur.*
50. *Vt gesta Concilij Episcoporum subscriptionibus confirmentur.*

SCHOLIA IN CANONES

5. *Vt per singulos annos Concilium fiat.* Licet exscriptores primum Canon 2. de Paschatis die Canonem à Concilio Hipponensi mutuarunt, & Carthaginiensia Concilia duo testentur, in Hipponensi Synodo actum fuisse de celebrando singulis annis Concilio, non obinde tamen credendum, hunc Canonem secundum pariter ut primum esse Concilij Hipponensis. Hipponense enim statuerat de plenario Concilio singulis annis in diversâ Africæ Provincia celebrando, hoc Carthaginiense verò tantum statuit Canone 2. omnes Provinciis, quæ Primates habent, ad annum Concilium ternos legatos mittere debere exceptâ Tripoli, ex quâ, cum quinque tantum in eâ essent Episcopi, unius legatio sufficeret. Unde Canon hic & sequentes omnes, non sunt Hipponensis, sed Carthaginiensis Concilij.

6. *Vt*

- Canon. 4. 6. *Vt levita, & virgines ante 25. annos non consecrentur. Additur in ipsomet Canone, & ut lectores populum non saluent. Quod ut rectè intelligatur, notandus locus S. Optati lib. 3. ubi scribit tractatum Episcopalem, seu sermonem ab Episcopo haberi cum geminatâ salutatione. Non enim aliquid incipit Episcopus ad populum dicere, nisi primum in nomine domini populum salutaverit. Sicut autem Episcopi in suis tractatibus, ita lectores in suis lectionibus volebant populum salutare, quod Gabriel Albaspineus ulterius exponit ad hunc Canonem Concilij Carthaginienſis 3. ubi veterem morem invaluisse scribit, ut non Diaconi sed lectores epistolas & evangelia in solemnî missæ sacrificio pronuntiarent, ut probat ex Cypriano epist. 5. lib. 2. edit. Antiq. Et Canone 8. Carth. 4. & Toletano 1. can. 2. vel inter lectores ita ut Evangelia & Apostolum non legat. Antequam autem evangelij pronuntiandi initium faceret olim lector, elatâ voce proferebat, Pax vobis, perinde atque hodierno die Diaconus dicit: dominus vobiscum. Quia verò antiqui patres hanc ceremoniam vocabant divinam salutationem, quam Episcopis competere tradidit S. Optatus, patribus Hipponensibus visum est, ne amplius, pax vobis, usurpent, seu quod idem est, populum saluent. Innocentius epist. 86. in fine: non licet presbyteris coram Episcopo populum benedicere aut salutare. Ex quo loco constat, id etiam presbyteris ereptum fuisse, neque hodie presbyteri, sed Episcopi dumtaxat & Abbates salutant populum cum istis verbis, pax vobis.*
- Canon 5. 7. Titulus Canonis 5. agit de non dando Sacramento catechumenis, & Canon ipse in vulgatâ editione huius Synodi habet: item placuit, ut etiam per solemnissimos Paschales dies Sacramentum Cathecumenis non detur, nisi solitum sal: quia si fideles per illos dies Sacramentum non mutant, nec Cathecumenis oportet mutari. Extat iisdem fermè verbis in breviario Hipponensi edito per Quesnellium suprâ cap. 3. in libro tamen septimo capitularium Caroli magni numero 190. canon ille parum aliter conceptus habetur: ut per * solemnissimos, nisi mos Paschales dies Sacramentum Cathecumenis non detur, nec eis qui à liminibus Ecclesiæ sunt exclusi, neque eis ante canonicam reconciliationem, qui publicam gerunt pœnitentiam, sed tantum benedictum sal à sacerdotibus pro communione tribuatur. Et quia fideles per illos dies Sacramenta non mutant, nec Cathecumenos vel publicè pœnitentes oportet mutare. Quid autem per hæc innuatur, pluribus disputat in notis ad hunc Canonem Gabriel Albaspineus, cuius hæc est sententia: cum

* Solemnissimos.

cum olim fideles offerrent panem, vinum, lac, mel, sal, & oleum, ex quibus quædam in corpus & sanguinem Christi consecrabantur, ut panis & vinum, alia in Eulogias, ut reliquæ panis, quæ benedictæ porrigebantur fidelibus in signum communionis, alia demum in *Sacramenta Cathecumenorum*, ut vocant D. Innocentius & S. Augustinus, qualia erant mel, lac, & præcipuè sal, quo cathecumeni initiabantur, & quod ipsis benedictum dari solebat, ut eo refecti paulatim ad eucharistiæ fidem erigerentur. Volunt igitur Patres, inquit Albaspineus, præter salis solitum Sacramentum nihil aliud per illos octo solemnissimos paschales dies cathecumenis dari, quod scilicet illis diebus mel aut lac non offerretur à fidelibus, sed solum panis & vinum: sal autem reservatum ex aliis anterioribus oblationibus tunc dabatur. Hæc ferè Albaspinens. Theodulphus Aurelianensis Episcopus in libello de ordine Baptismi publicato per Hugonem Menardum in Sacramentario Gregorij magni scribit numero 5. & idcirco hi, qui baptizandi sunt, salem in Sacramento accipiunt. Ad quæ verba notat Hugo Menardus, agi ibi de sale, cathecumenorum Sacramento, de quo D. Augustinus lib. 1. confessionum cap. 11. quod parvulus audierat de fide in Christum, & signabar, inquit, jam signo crucis, & condiebar eius sale. Addit Hugo Menardus canonem Concilij Carthagin. suprâ, & annotat, ex Concilio supracitato unicum erat cathecumenorum Sacramentum nempe sal, quod numquam mutari debet, neque per solemnissimos Paschales dies, quia fideles, id est baptizati, per dies illos non mutant Sacramentum, neque hoc Concilio panis benedictus prohibitus est cathecumenis, sed ne mutetur eorum Sacramentum etiam per dies Paschales, quia etiam his diebus baptizati non mutant. Hæc interpretatio Hugonis Menardi: cui consonat Cardinal. Bona libro 1. rerum liturgicarum cap. 16. num. 3. qui mutationem salis in panem benedictum prohiberi scribit, & forsan rectius quam Albaspineus de mutatione salis in mellis aut lactis Sacramentum, quod mel & lac dari consueverit jam baptizatis, ut testis est Tertullianus, qui ubi trinam immersionem descripsisset libro de Coronâ militis. Inde, inquit, suscepti, lactis & mellis concordiam prægustamus. Et sic intelliges, quid velit canon 40. farraginis græcæ: primitia autem, sive mel sive lac, ex more offerantur uno die consueto ad infantium mysterium.

Innocent. 1.

Albaspineus.

Gregor. M.

Augustin.

Hugo Menard.

Tertullian.

Cod. græcus.

8. Vt baptismus mortuis vel Eucharistia non detur. canon incipit in Concilio Carthaginensi 3. Item placuit ut Corporibus defunctorum Eucharistia

C c

charistia

*charistia non detur. Dictum est enim à Domino : accipite & edite : cada-
vera autem nec accipere possunt nec edere. Ratio in canone allata convin-
cens est, & longè superat illam, quâ alij moti pœnitentes, ne sine
communione decederent, post obitum communicabant credendo piâ
simplicitate, ipsos Ecclesiæ eâ communione conciliari. Cæterum
non Eucharistiam tantum sed & baptismum quoque mortuis aliqui sim-
pliciores conferebant, de quo pergit canon : cavendum est etiam, ne
mortuos baptizari posse fratrum infirmitas credat, cum Eucharistiam mor-
tuis non dari animadverterit. Canon 4. Hipponensi Synodo tributus ex
Codice M. S. Oxoniensi legit : cum Eucharistiam dari mortuis animad-
,, verterit. Et utraq; lectio,, (inquit Quesnellius in scholio) sen-
,, sum habet non ineptum. Poterant enim rudiores Christiani, qui
,, Eucharistiam mortuis non baptizatis, non dari animadvertebant,
,, hoc ita fieri existimare propter defectum baptismatis, & inde bap-
,, tizari eos posse, ut post baptismatis consecrationem, Eucharistia
,, quoque munere donarentur. Poterant, & qui dari videbant Eucha-
,, ristiam mortuis, inde in hunc errorem labi, posse etiam eos baptiza-
,, ri, qui sine baptismatis gratiâ decessissent. ,, Et hoc posterius magis
probat, uti & lectionem ei respondentem omisâ particulâ negativâ :
non.*

Quesnel.

Canon 11.

9. *Vt filij Clericorum ad spectacula non accedant. canon extans in
Concilio Carthaginienſi 3. Vt filij Episcoporum vel clericorum spectacu-
la secularia non exhibeant, sed nec spectent, quandoquidem à spectaculo
& omnes laici prohibeantur. Semper enim Christianis omnibus hoc inter-
dictum est, ut ubi blasphemi sunt, non accedant. Cum Ecclesia non-
dum Imperatores numeraret inter filios suos, quatuor genera spectacu-
lorum erant in usu, circus, ubi cursus equorum & quadrigarum; thea-
trum, ubi scenicæ voluptates; agon, ubi agonales; & munus, ubi
homines pugnabant cum bestiis : de quibus ubi quidam apud Tertul-
lianum dixissent, non ita apertè definitum esse : non in circum ibis,
non in theatrum, agonem, munus non spectabis : reposuit libro de spe-
ctaculis hanc Davidicam vocem : felix qui non abiit in Concilium im-
piorum, & in viâ peccatorum non stetit, & in Cathedrâ pestium non
sedit. Ex quo concludit à contrario : infelicem, qui in quodcumque
Concilium impiorum abierit, quale existimat omne spectaculorum ge-
nus à gentilibus exhibitum, quod integro de spectaculis libro tanquam
idololatriam execratur. Idem Tertullianum subsecutus D. Cyprianus*

Tertullian.

Cyprianus.

Carthaginienſis Episcopus exclamans libro suo de spectaculis, *hæc om-
nia*

nia inventa demoniorum esse, quod ipsum in libris de Civitate Dei sæpius urget D. Augustinus, à Patribus edoctus, semper Christianis omnibus spectacula fuisse interdicta. Cæterum agit specialiter de filiis Episcoporum & clericorum, quod Ecclesia, ut rectè vir eruditus Christianus Lupus in can. 24. Trullanum, semper in illos maiorem Lupus. sibi auctoritatem attribuerit. Quod autem canon dicat: *spectacula non exhibeant*, rationem dat Ioannes Zonaras in can. 15. ferraginis Græcæ, quod equi & bestię ad spectacula alebantur in quodam loco, cui civis aliquis præfici solebat: *rerum igitur huiusmodi curatores esse sacerdotum filios, hic canon vetat.* Zonaras.

10. *Ut in sacrificio tantum panis & calix offeratur.* Canon verò: *ut in* Canon 25.
Sacramentis Corporis & Sanguinis Domini nihil amplius offeratur, quam ipse Dominus tradidit, hoc est panis & vinum aqua mixtum. Nec amplius in sacrificiis offeratur quam de uvīs & frumentis. Egregium sanè Africane Ecclesiæ pro veritate Eucharistiæ testimonium: loquitur canon de oblatione in ipsomet sacrificio à sacerdote faciendâ, cui aliud vetat offerre & consecrare, quam *panis & vinum aqua mixtum*, quæ consecratione fiunt Sacramenta Corporis & Sanguinis Domini. Loquitur etiam de oblatione fidelium, qui ad sacram Synaxim convenientes panem & vinum secum adferre consueverant, quæ sacrificij pars dicuntur à Sirmondo, quod ea per sacerdotem consecrata postea fumerent, unde Tertullianus lib. de exhortatione Castitatis cap. 7. omnes sacerdotes esse dixit, & non quod omnes potestatem consecrandi haberent, ut anonymus quidam perperam explicavit egregiè à Petavio confutatus diatribâ de potestate consecrandi. Et illis jubetur, nil *amplius in sacrificiis offerre quam de uvīs & frumentis*, quæ verba defunt in vetustis quibusdam Codicibus, ubi illorum loco post *aqua mixtum*, legitur sicut can. 23. Breviarij Hipponensis suprà: *primitiæ vero seu mel* Canon 24.
& lac, quod uno die solemnissimo pro infantis mysterio solet offerri, quamvis in altari offeratur, suam tamen habent propriam benedictionem, ut à Sacramento Dominici Corporis aut sanguinis distinguantur, nec amplius de primitiis offeratur, quam de uvīs & frumentis. Quo ex canone colligimus rationem statuti: cum enim mel & lac semel tantum in anno in die Paschalis festivitatis offerri solebat, quo solemne baptisma celebrari, & egressis è sacro fonte mel & lac dari consueverat, ut annotat Cardin. Bona libro 2. cap. 8. & cum aliqui illud offerendum presbytero afferrent unâ cum pane & vino, occurrit canon Carthaginienſis: in sacrificio tantum offerendum panem & vinum, primitias frugum vero,

Cc 2

lac,

lac, mel, ac similia certo die offerenda, sed propriis orationibus benedici, ut à Sacramento Dominici Corporis & Sanguinis distinguantur.

- Canon 26.** 11. *Vt primæ Sedis Episcopus princeps sacerdotum non appelletur.* Canon verò est. *Vt primæ Sedis Episcopus non appelletur princeps sacerdotum, aut summus sacerdos, aut aliquid huiusmodi, sed tantum primæ Sedis Episcopus.* Olim Episcopos in Africâ vocatos fuisse summos sacerdotes, colligere licet ex Tertulliano lib. de Baptismo: *Summus sacerdos, qui est Episcopus.* Eos quoque principes sacerdotum dictos, attestatur S. Optatus Milevitanus libro 1. contrâ Parmenianum: *ipsi apices & principes omnium Episcopi.* Unde Donatistæ in collatione 3. diei (cuius Breviculum refertur ab Augustino) obijciunt Catholicis, quod Cæcilianus Carthaginiensis Episcopus in suâ ordinatione non expectaverit adventum Secundi Numidiæ Primatis, *ut princeps à principe ordinaretur.* Hæc de Metropolitanis aut eorum loco constitutis Episcopis, de quibus ad suppressendam omnium titulorum ambitionem, Patres Carthaginienses vetarunt: Episcopum primæ Sedis nominari principem sacerdotum. Unde etiam factum est, Metropolitanos Africæ solum vocatos fuisse primæ Sedis Episcopos, seu Primates.

- Canon 27.** 12. *Vt clerici tabernas non ingrediantur.* Canon verò: *Vt clerici edendi vel bibendi causâ tabernas non ingrediantur, nisi peregrinationis necessitate impulsî.* Statutum vere aureum, quod utinam observaret clerus nostri temporis, qui si canone Africanæ Ecclesiæ non trahatur ad observantiam regulæ, vel ethnici imperatoris monitu perfundatur rubore, qui epistolâ ad Ursacium sacerdotem Galatiæ, *Sacerdotem, inquit, hortare, ne accedat ad spectacula, neve in tabernâ bibat.* Carolus magnus Ecclesiæ disciplinam in Gallis & occidente restauraturus libro 1. capitulo 14. de monachis & clericis renovandum ducit, quod in Concilio Laodicensi, nec non in Africano præcipitur, *ut Monachi vel clerici tabernas non ingrediantur, edendi vel bibendi causâ.* Utinam; utinam; clerici quidam nostro tempore non indigerent simili renovatorio decreto.

- Canon 29.** 13. *Vt missa à Iejunis celebretur.* Canon vero huic titulo respondens est vigelimus nonus Carthaginiensis tertij: *ut Sacramenta altaris nonnisi à jejunis hominibus celebrentur, * a excepto uno die anniversario, quæ cæna Domini celebratur.* Nam si aliquorum pomeridiano tempore * b defunctorum, sive Episcoporum, seu clericorum, sive caterorum commendatio facienda est, solis orationibus fiat, si illi qui faciunt, jam

* c. pransi

* c. *pransi* inveniantur. Theſaurus antiquitatis latet hoc in canone pro Catholica religione. Ac primò quidem communionem non niſi à jejunis celebrandam, quod ab Apoſtolica Eccleſià Africa cum fide mutuavit, unde Tertullianus lib. 2. ad uxorem cap. 5. *non ſciat maritus, quid ſecreto ante omnem cibum guſtes.* Ante omnem cibum, inquit, ſeu jejuna. Clarius Cyprianus epittolà 63. ad Cæcilium, ubi ſibi obijcit: *non manè ſed poſt cœnam mixtum calicem obtulit Dominus.* Numquid ergò Dominicum poſt cœnam celebrare debemus, ut ſic mixtum calicem frequentandis Dominicis offeramus? Ac reponit: *Chriſtum offerre oportebat circa vèſperam diei, ut horà ipſà ſacrificij oſtenderet occaſum & vèſperam mundi nos autem reſurrexerunt Domini manè celebramus.* Non poſt cœnam, ſed manè ante cibum, ſacrificium offerri conſueviſſe, docet Cyprianus, quam conſuetudinem univerſalis Eccleſiæ fuiſſe teſtatur epittolà 118. D. Auguſtinus: *in univerſà Eccleſià, inquit, à jejunis ſemper accipitur. Et hoc enim placuit Spiritui Sancto, ut in honorem tanti Sacramenti in os Chriſtiani prius Dominicum corpus intraret, quam cateri cibi. Nam ideo per univerſum orbem mos iſte ſervatur.*

Tertullian.

Cyprianus.

S. Auguſtinus.

* a. Excepto uno die anniverſario, quo cœna Domini celebratur. Quæſierat à D. Auguſtino Ianuarius, quid per quintam feriam ultima hebdomadis Paſcha fieri debeat, an offerendum ſit mane, & rursus poſt cœnam, propter illud quod dictum eſt: *ſimiliter poſtquam cœnatum eſt? an jejunandum, & poſt cœnam tantummodo offerendum? an etiam jejunandum, & poſt oblationem, ſicut facere ſolemus, cœnandum?* Ac reſpondet Auguſtinus: cum nec in ſacrâ ſcripturâ quæſtiones illæ reſolvantur, nec tota per Orbem Eccleſia in more aut conſuetudine concordet, ſed iſtius generis ſint, quæ per loca regionesque variantur, *faciat, inquit, quiſque, quod in eâ Eccleſiâ, in quam venit, invenerit.* Et infrà: *nonnullos probabilis quadam ratio delectavit, ut uno certo die per annum, quo ipſam cœnam Dominus dedit, tanquam ad inſignioremmemorationem poſt cibos offerri & accipi liceat corpus & ſanguis Domini.* Agit hic D. Auguſtinus de Afris, qui juxta canonem ſuprà citatum, die cœnæ poſt cibum communicabant, cui D. Auguſtinus atteſtatur, ſe nolle contradicere: *ſed nulli etiam contradicere audemus.*

Ianuarius.

Auguſtinus.

* b. *Defunctorum.* De orationibus pro defunctis agunt patres Africani, teſtimonium, quo præclarius deſiderari non poteſt contrà hæreticos noſtri temporis. cæterum addunt *Episcoporum ſive clericorum*, quod illi pomeridiano tempore ſepeliri conſueverant, ut etiam nunc moris eſt in Eccleſiâ.

Cc 3

* c. *Pransi*

* c. *Pransi inveniantur*. Lucet ex hoc loco, etiam pomeridiana sacrificia in usu fuisse per Africanam Ecclesiam, ut docuit Card. Bona lib. 1. rerum liturg. Cap. 21. § 3. cæterum offerri non poterant nisi à jejunis, unde si pransi non fuissent sacerdotes etiam pomeridiano tempore Sacramenta corporis & sanguinis domini in altari offerre poterant pro defunctis. Eant jam calvinistæ, & novatores omnes, ac Ecclesiam nostram de missâ pro defunctis novitatis arguant, ubi Ecclesiam Africanam canone sæpius firmato ante mille ducentos & octoginta annos id tradidisse conspiciant, quod Catholici sacerdotes in Ecclesiâ nunc temporis celebrant.

Canon 30. 14. *Vt nullus in Ecclesiâ convivetur*. Canon verò: *ut nulli Episcopi vel clerici in Ecclesiâ conviventur, nisi fortè transeuntes hospitiorum necessitate illic reficiantur. Populi etiam ab huiusmodi conviviiis, quantum fieri potest, prohibeantur*. Cum Felix curator sub Diocletiano ingressus esset domum, in quâ Christiani conveniebant, cum apertum esset triclinium, inquit gesta Cæciliani & Felicis, *inventa sunt ibi dolia 4. & orca sex*. Quod nimirum Ecclesia Cirtensis, more tunc temporis recepto, etiam locum haberet, in quem Christiani simul conveniebant, & Agapes celebrabant. Sæpius id in Ecclesiâ fiebat, commendantibus simul cum Episcopo clericis, & cunctis fidelibus, quem morem pro clero aufert canon Carthaginienfis, posteaque sublatum etiam pro populo videbimus infra.

Canon 31. 15. *Vt pœnitentibus juxta peccatorum modum pœnitentia detur*. Canon verò: *ut pœnitentibus secundum peccatorum differentiam Episcopi arbitrio pœnitentia tempora decernantur*. Mirè confirmat canon antiquum Ecclesiæ morem de pœnitentiâ publicâ: cum quisquam peccata sua confessus erat sacerdoti ad id constituto, & inter peccata aliqua essent, pro quibus publica pœnitentia erat agenda, non poterat sacerdos ille publicæ pœnitentiæ tempus statuere, sed ad Episcopum debebat accedere, illique gravitatem peccati exponere, qui secundum peccatorum differentiam decernebat, quanto tempore pœnitens in unoquoque gradu manere deberet flendo delicta, & consuetis doloris signis emendationem vitæ promittendo. Nondum constituti videbantur hoc tempore omnes canones pœnitentiales, quibus juxta gravitatem delictorum imponebantur diuturniora pœnitentiæ tempora, sed id ipsum Episcopi arbitrio committebatur, qui primis Ecclesiæ sæculis pœnitentium curam in se suscipiebat, ut indicat quoque canon sequens ordine 32. *ut presbyter inconsulto Episcopo non reconciliet pœnitentem*,

rentem, nisi absente Episcopo, & necessitate cogente. Ad quæ verba Gabriel Albaspineus annotat: in toto pœnitentiæ cursu per quatuor gradus distincto præter crebras manuum impositiones, quibus acceptis dimittebantur cum cathecumenis, fuisse duas absolutiones, aut duplex reconciliationis genus, minus nimirum, quod in fine tertij gradus, & maius quod in fine quarti concedebatur. Cumque maior reconciliatio, quâ in publicâ missâ ad finem quarti gradus pœnitentes communioni & Sacramentis altaris restituebantur, numquam fiebat à presbyteris, putat Albaspineus intelligendum de minori reconciliatio-
Albaspineus.

16. *Vt non liceat fieri translationes Episcoporum.* Canon verò: illud autem suggerimus mandatum nobis, quod etiam in Capuensi plenariâ Synodo videtur statutum: non liceat fieri rebaptizationes, & reordinationes, vel translationes Episcoporum. Nam Cresconius Villaregiensis Episcopus, plebe suâ derelicta, Tubuniensem invasit Ecclesiam &c. Codex aliquis legebat, *Capensi*, sed retinenda lectio *Capuensi*, quam etiam habet Dionysius Exiguus sub tit. 48. & Ferrago græca apud Zonaram & Balzamonem *ἐν τῇ συνόδῳ τῇ ἐν Καπῳῳ* in Synodo Capua. Habita fuit ista Synodus tempore Siricij Papæ, illique adfuit D. Ambrosius, qui una cum Episcopis transmarinis compluribus, ut colligere licet ex datâ ipsius ad Siricium Papam epistolâ, adeoque cum Episcopis quoque Afris contrâ Donatistas, & Arianos decreverat, illicitas esse rebaptizationes, & reordinationes, vel translationes Episcoporum. Attulerant secum Episcopi Afri hæc Synodi Capuensis decreta, ut Donatistarum tunc latè in Africâ dominantium erroribus obviarent, cumque Cresconius Mauritaniæ Sitifensis Episcopus in ultimum de translationibus impegisset, Honoratus & Urbanus eiusdem Provinciæ legati hac occasione statutum Capuensis Synodi citarunt, & contrâ Cresconium obedire reluctantem brachium sæculare interpellari posse, à Concilio Carthaginienli tertio obtinuerunt.

Canon 38.

Can. Synod. Capuens.

17. *Vt præter scripturas Canonicas, nihil in Ecclesia legatur sub nomine divinarum scripturarum.* Enumerantur omnes sacræ scripturæ libri Canonici, & additur: hæc etiam fratri & consacerdoti nostro Bonifacio vel alii earum partium Episcopis pro confirmando isto canone innotescat, quia à patribus ista accepimus in Ecclesiâ legenda. Liceat etiam legi passionēs Martyrum, cum anniversarij dies eorum celebrantur. Et

Canon 47.

cx

- ex hoc canone permotum credo Christophorum Iustellum in præfatione ad Codicem Canonum Ecclesiæ Africanæ, ubi : „ falluntur, „ qui huic Concilio ascribunt quinquaginta canones, quorum 21. tantum ad illud pertinere reperiuntur : reliqui vero ferè omnes ascribendi sunt Concilio Carthaginiensi, quod 22. post annis an. Domini 419. tempore Bonifacii P. R. habitum fuisse verba canonis 47.
- Iustellus.** „ evidenter arguunt. „ Eodem ex fundamento motus Baronius, quia in hoc Canone Bonifacii Papæ mentio fit, Canonem Carthaginiensi sub Bonifacio Concilio tribuit, & addit in notis Binnius : *verissimum itaque est, quod suprà notavimus, hæc Synodo canones aliarum plurium Synodorum coagmentatos fuisse.* Verum his omnibus jam dudum respondit Eminentissimus Cardinalis Perronius cap. 38. contrà Angliæ Regem, cuius sententiam in notis suis ad Baronium laudat
- Baronius.** „ Apamearum Episcopus Henricus Spondanus, ubi : „ omnes illos 50. Canones verè conditos fuisse (in Carthagin. 3.) egregiè demonstrat, & vitium collectoris in exprimendo nomine Bonifacii Papæ in canone de libris canonicis aperit. „ Rationes Perronii non repeto, contrà quæ multa habeo, quæ meritò opponerentur : hoc solum addo, primam Iustelli rationem de omisso hoc canone inter unum & viginti canones ex tertiâ Carthaginiensi Synodo in Ferragine latinâ & græcâ, non subsistere, quod omnium eorum, qui canones Africanos in compendium redegerunt, primus sit Ferrandus Carthaginiensis Diaconus, qui tit. 228. refert : *ut præter scripturas canonicas nihil in Ecclesiâ legatur Concil. Laodic. tit. 57. Concil. Carthagin. tit. 45.* Et titulo sequenti 229. addat : *ut liceat passionibus Martyrum legere in natalibus eorum Concil. Carthagin. tit. 46.* quibus citationibus non respicit ad Concilium Carthaginiense 3. ubi tit. 47. duo illa simul constituta reperiuntur, sed ad Concilium vulgò Africanum, seu collectionem Canonum Ecclesiæ Africanæ, ubi canone 46. in hunc usque diem legimus : *liceat etiam legi passionibus Martyrum*, cum anniversarij dies eorum celebrantur. Ubi notanda particula *etiam*, quæ alia quædam respicit in Ecclesiâ legi permissa, nec ulla alia sunt quam scripturæ canonicæ, ut canone 47. Concilio Carthaginiensis 3. perhibetur, & clarius canone 36. Breviarij Hipponensis, ubi post scripturas canonicas passionibus Martyrum unico canone referuntur. Aliter illa in Codice Canonum Ecclesiæ Africanæ disposita erant ante Ferrandum Carthaginiensem Diaconum, ut quæ de scripturis canonicis statuta erant, sub titul. 45. & quæ de passionibus Martyrum adduntur, sub tit. 46.
- Binnius.**
- Spondanus.**
- Ferrandus.**
- Canon 46. Codicis.**

tit. 46. essent collocata. Ex quibus constat, Dionysium Exiguum ordinem mutasse, dum omisso de scripturis canonicis statuto solum titulum 46. de passionibus Martyrum retulit, cuius collectio subindè in græcum translata solum titulum 46. suo loco retinuit. Unde ex eo quod titulus de scripturis canonicis in Ferraginetam græcâ quam latinâ non inveniatur, nullatenus concludi potest, canonem illa de re statutum non esse Carthaginienſis 3. sed potius econtrâ statui debeat, cum constet fuisse omisſum. Quod si autem illi canoni in Concilio Carthaginienſi 3. additum fuit, ut de eo confirmando transmarina Ecclesia consuleretur, non Bonifacio sed Siricio legendum esset, idipsum innuente sequenti canone 48. ubi Siricij Papæ facta est mentio.

18. De Baptizandis à Donatistis. Agit Canon de pueris, qui cum apud Donatistas baptizati erant, jam evectioris ætatis ad fidem conversi promoveri petunt ad clerum. Et de Donatistis, uti habetur in Canone, placuit, ut consulamus fratres & consacerdotes nostrum Siricium & Simplicianum. Cumq; Siricium Papam, & Simplicium Mediolanensem tantum simul Episcopos fuisse constet sub consulatu Attici & Cæsarij, collegit ex hoc canone Perronius illis Consulibus Concilium Carthaginienſe 3. celebratum fuisse, & nos adiungimus, Bonifacij nomen in superioris canonis textum irrepsisse, & substituendum eius loco Siricij, sub quo verè Concilium Carthaginienſe 3. celebratum fuit.

Canon 48.

Canone 50. & ultimo huius Synodi enumerantur aliqui, qui eidem subscripserunt: & subscripserunt Aurelius Episcopus Ecclesia Carthaginienſis huic decreto consensu & relecto subscripsi. Epigonius Episcopus Bullenſis regionis subscripsi. Augustinus Episcopus plebis Hipponaregiensis subscripsi. Similiter & omnes Episcopi quadraginta quatuor numero, subscripserunt. Quibus ex verbis habemus D. Augustinum anno 397. fuisse Hipponensem Episcopum, illumque adfuisse huic Synodo tamquam Byzacenæ Provinciæ legatum: Celebratum enim fuit per legatos Provinciarum cum Aurelio Carthaginienſi & aliis Proconsularis Provinciæ usque ad 44. Episcopis.

Canon 50.

CAPUT VIII.

De Concilio Carthaginiensi 4. anno 398.
Honorio 4. & Eutychiano Coss.

1. Concilium Carthaginiense 4. ex duobus M.SS. Codicibus à Crabbo editum, cuius præfatio una cum titulis Canonum hic eduntur.
2. Quæstio movetur à Iustello de genuitate Canonum Concilio Carthaginiensi tertio tributorum, eiusque fundamentum.
3. De genuitate non dubitavit Baronius, quem secutus Perronius varia pro genuitate canonum argumenta profert, quorum unum de omis in collectione canonum Africanorum hisce statutis ulterius exponitur, & novâ ratione firmatur.
4. Nec soli canones ad sacros ordinationes spectantes, sed alios quoque ex 104. ad hanc Synodum spectare, suadet ex eo, quod pleraque canonum statuta convenient statui Africana tunc temporis Ecclesia. Firmatur id ex canone 1. contra hæreses tunc in Africâ grassantes constituto, & si quod dubium moveri possit de hæresi Pelagianâ; id etiam exponitur, & non ob stare monstratur.
5. Secundo firmatur id ipsum ex canone 20. iubente Episcopis, verbi Dei prædicationi vacare. In Africâ enim soli Episcopi tractatus habebant ad populos, & non nisi Valerij temporibus introductum est, sacerdotes præsentem Episcopo conciones dixisse. Adfertur testimonium Possidij, quod ex loco Augustini firmatur.
6. Ex dictis supra exponitur canon 24. de excommunicatione latâ in eos, qui durante tractatu de auditorio exeunt.
7. Titulus canonis 43. agit de persecutionibus infidelium, canon tamen ipse ne quidem agit de persecutionibus infidelium. Agit de tribulationibus Catholicorum, quod tempori congruit, cum Circumcelliones huius Synodi temporibus per Africam grassantes Catholicos ubique affligerent, ut ex S. Optato, & D. Augustino probatur.
8. Canon 44. prohibet clericis comam nutrire, nec vetat barbam radere, quod gracissimum saperet. Canon constitutus est contra quosdam Monachos, qui criniti incedebant, ut curiosè ex D. Augustino eruitur: quamobrem verò in canone non Monachorum sed clericorum mentio facta

Ita sit, ulterius inquiritur, & ratio à Baronio allatâ novâ consideratione firmatur.

9. Canon 51. statuit clericos etiam artificio victum quærere, quod contra Monachos ex scholâ Euchitarum & Masilianorum erumpentes statutum fuit, contra quos etiam librum conscripsit D. Augustinus. Statuti hæc de re canones tres indicant, non omnes 104. canones eiusdem esse Concilij.

10. Canones sexagesimus primus, sexagesimus octavus, & septuagesimus contra Donatistas statuti sunt, quibuscum alij canones temporibus Synodi congruunt, ut, si statuta huic Synodo adscripta, eiusdem non essent, antiqua tamen forent.

1. **C**oncilium hoc habemus editum à Petro Crabbo ex duobus Codicibus M. S. S. quorum unus spectabat ad cœnobium Gemblacense, & alius ad monasterium S. Bavonis Flandriæ civitatis, idque cum sequenti præfatione.

Statuta Ecclesiæ Antiqua.

Augusto Honorio 4. & Eutychiano Consulibus, sexto idus Novembris, cum Aurelius Episcopus in Concilio universali Carthagine in secretario cum omnibus consecratoribus suis consedisset, placuit cum eo cunctis, qui fuerunt in eadem sanctâ Synodo constituere hæc, quæ ad ordines Ecclesiasticos Canonicis sunt necessaria disciplinis. Ibi in principio constitutum est, qualis ordinari debeat Episcopus.

TITULI CAPITULORUM.

1. Qualiter debant Episcopi ordinari.
2. Qualiter consecrentur Episcopi.
3. Qualiter presbyteri ordinentur.
4. Quemadmodum Diacones constituantur.
5. Quemadmodum Subdiaconi ordinentur.
6. Quemadmodum Acolyti ordinentur.
7. Qualiter exorcistæ constituantur.
8. Qualiter lectores fiant.
9. Qualiter ostiarii ordinentur.
10. Qualiter Psalmistæ.
11. Qualiter virgines sanctimoniales.
12. Qualiter viduæ vel sanctimoniales ad baptisterium ordinentur.

D d 2

13. Quali-

13. Qualiter sponsi & sponsa benedicentur.
14. De cellulâ sacerdotis.
15. De victu & habitu sacerdotis.
16. Vt Episcopus libros gentilium non legat.
17. Vt Episcopus indigentium curam per presbyteros & Diacones agat.
18. Vt Episcopus testamentorum tuitionem non suscipiat.
19. Vt Episcopi pro rebus sacularibus non litigent.
20. Vt Episcopus tantum divinis vacet.
21. Vt Episcopus ægotans pro se legatum ad Synodum mittat.
22. Vt Episcopus sine testimonio clericorum & plebis clericos non instituat.
23. Vt Episcopus causas, clericis presentibus, audiat.
24. Vt quando Episcopus verbum facit, nullus discedat.
25. De discordantibus Episcopis.
26. Vt Episcopus dissidentes concordare compellat.
27. De Episcopo vel clerico in alio loco non transferendo.
28. De damnatione Episcoporum à Synodo tractandâ.
29. De Episcopo, qui alicui crimen obiecerit.
30. Quod irrita sit sententia Episcoporum in absentem.
31. Qualiter res Ecclesiæ ab Episcopo habeantur.
32. De irritis distractionibus Episcoporum.
33. De Episcopis vel Presbyteris, ut à cuiuscumque Ecclesiâ in ordine suo recipiantur.
34. De primatu confessus Presbyterorum cum Episcopo.
35. De confesso Presbyterorum in Ecclesiâ cum Episcopo.
36. Vt Presbyteri Parochiani aut per se, aut per alios, qui sacra tractant, Chrisma ab Episcopo petant.
37. De obedientiâ Diaconorum erga Presbyteros.
38. Vt Diaconus Eucharistiam iussu Presbyteri ministret.
39. Vt Diaconus iubente Presbytero sedeat.
40. Vt Diaconus coram Presbyteris interrogatus respondeat.
41. Vt Diaconus tempore tantum officij albam induat.
42. De clericis, qui pro fide tentati sunt.
43. De his qui pro fide ab infidelibus persecutiones passi sunt.
44. De tonsurâ clericorum.
45. De habitu clericorum.
46. De continentia clericorum.
47. De incestu clericorum.

48. De

48. De clericis, qui extrà necessitates ad nundinas vadunt.
49. De vigiliis clericorum.
50. De clericis ab officio continentibus.
51. De clericis, ut artificio victum quarant.
52. De clericis, qualiter sibi victum & vestitum quarant.
53. Ut artificiolum & litteras discant clerici, qui operari possunt.
54. De clericis invidis.
55. De clericis accusatoribus.
56. De clericis adulatoribus & proditoribus.
57. De clericis maledicis.
58. De clericis frequenter litigantibus.
59. De clericis discordantibus.
60. De clericis turpiloquis seu vagis.
61. De clericis per creaturas jurantibus.
62. De clericis inter epulas cantantibus.
63. De clericis sanis jejunia polluentibus.
64. De his, qui studiosè Dominico die jejunant.
65. De Pascha suo tempore celebrando.
66. Ut clericus ab Episcopo injustè damnatus recurrat ad Synodum.
67. De seditiosis aut usurariis, ne clerici fiant.
68. Ut ex pœnitentibus ordinatus clericus deponatur.
69. Ut Episcopus vidua, vel repudiata maritum ad clerum promovens, deponatur.
70. Ut clericus hæreticorum convivium vel consortia fugiat.
71. Quod hæreticorum cœtus non Ecclesia, sed conciliabulum sit.
72. Quod cum hæreticis nec orandum sit nec psallendum.
73. Quod cum excommunicatis communicans vel orans excommunicetur.
74. de Pœnitentium lege.
75. de negligentioribus Pœnitentibus.
76. de poscentibus Pœnitentiam, si postea obmutescant.
77. de Pœnitentibus, ut in morte viaticum accipiant.
78. de Pœnitentibus, si post viaticum supervivant.
79. de Pœnitentibus, si casu aliquo moriantur.
80. de manus impositione super Pœnitentes.
81. Ut Pœnitentes mortuos efferant & sepeliant.
82. Ut Pœnitentes semper genua flectant.
83. de senibus honorandis.
84. Usque ad missam catechumenorum nullus Ecclesiam ingredi prohibeatur.

Dd 3

85. Ut

85. Ut qui Baptizandi sunt, nomen dent, & à vino & à carne abstineant.
 86. Ut nuper Baptizati castè & continenter vivant.
 87. De Catholicis qui causas apud infideles proponunt.
 88. De his, qui Ecclesiâ prætermisâ ad spectacula pergunt.
 89. De his, qui auguriis vel incantationibus vel judaicis superstitionibus serviunt.
 90. De energumenis.
 91. Item de energumenis.
 92. De victu energumenorum.
 93. Ut oblationes discordantium non recipiantur.
 94. Ut oppressorum pauperum oblationes non suscipiantur.
 95. De his, qui oblationes defunctorum Ecclesiis fraudant.
 96. De accusatore & accusato.
 97. De eo, qui religiosis fœminis præficitur, ut probetur.
 98. Ut laicus præsentibus clericis non doceat.
 99. Ut mulieres publicè docere non præsumant.
 100. Ut mulieres Baptizare non præsumant.
 101. De viduis adolescentibus & infirmis.
 102. Ne clerici viduarum familiaritati associantur.
 103. De viduis, quæ Ecclesiæ stipendiis sustentantur.
 104. De viduis, quæ professæ continentiam prævaricata sunt.

2. Gravis est quæstio de actis præsentis Synodi, quæ cum nullibi apud antiquiores latinos, & nec ab auctore Concilij vulgò Africani, nec à Fulgentio Ferrando Carthaginienſi Diacono, nec à Dionysio Exiguo Abbate Romano, nec ab iis, qui codicem Canonum Ecclesiæ Africane in græcum transtulere, ulla illorum facta sit mentio, supposititia credita sunt à nonnullis viris eruditioribus, quibus viam aperuit Christophorus Justellus præfatione in Codicem Canonum „ Africanæ Ecclesiæ : „ quod fingunt, inquit, de alio Concilio „ Carthaginienſi, quod quartum vocant, & Honorio 4. & Euty- „ chiano Consulibus convenisse narrant, planè repudiandum est, nec „ fides adhibenda canonibus 104. quos sine auctoritate huic Concilio „ adscribunt. „ Annotat insuper Philippus Labbeus, hunc titulum Concilio præfixum : *Statuta Ecclesiæ antiqua*, ita conceptum esse in Codice Barberino : *statuta orientis antiqua*. Et cum multi canones hac in Synodo reperiantur, quæ aut sumpti sunt ex Conciliis orientalis Ecclesiæ, aut orienti potius quam occidenti convenire videantur, non

Justellus.

Labbeus.

non deerunt forsan, qui eminentissimum Cardinalem Bona meritò de suppositione huius Synodi dubitasse existimabunt.

3. Scio quidem, annalium Parentem Barronium de hac Synodo nullatenus dubitasse, sed centum & quatuor canones à ducentis quatuordecim Episcopis anno 398. *Honorio 4. & Eutychemio Consulibus 6. idus Novembris* statutos admisisse, cuius sententiam cap. 48. contra Angliæ Regem laudat Perronius quatuor rationibus hos canones vindicare studens Concilio Carthag. 4. quarum duæ priores argumenta opposita dissolvunt, & duæ posteriores argumenta sua conficiunt. Dicit in primis ex eo, quod in ferragine latinâ, quam Dionysius Exiguus, & græci imitati sunt, non habeantur canones huius Concilij, non obinde concludendum esse, quod sint supposititij, quandoquidem plures Africanarum Synodorum canones referat Ferrandus, quarum Synodorum nulla mentio facta reperitur in Concilio vulgò Africano aut ferragine latinâ. Deinde auctorem Concilij Africani centum dumtaxat canones referre voluisse, inter quos collocare non poterat canones 404. huius Synodi, nisi numerum excedendo: illos insuper referre noluisse, quod necesse non esset canones de ordinationibus corpori canonum inferi, cum omnes Ecclesiastici & specialiter Episcopi illos continuò præ manibus habebant. Verum pace Perronij dixerim, infirma sunt hæc duo responsionum momenta, cum ideò potius corpori canonum inferi oportuissent, quod juxta illos canones Episcopi ordinare deberent, & auctor more suo non omnes, sed aliquos Concilij canones decerpere potuisset, adeoque nisi aliud obstasset, & in corpus canonum redigere. Ad aliud itaque confugiendum est fundamentum, quod si à me petatur? illud fuisse existimem: quod huius Concilij tempore religio erat, silentio obvolvère arcana fidei & Sacramentorum mysteria, ut patet ex Innocentio 1. ideò formam Sacramenti confirmationis epistolæ suæ ad Decentium Eugubinum inferere detrectantis, *ne magis prodere videretur, quam ad Consultationem respondere.* Verum quidem est in huius Concilij canonibus conscriptas haberi sacrarum ordinationum materias & formas, sed id necessarium fuit Ecclesiæ Africanæ, tum ne ab avito ordinationum ritu deflecteret, tum, ut quid hac in re traditum sit, statuto canone confirmaret. Cavebat tamen Ecclesia Africana, ne ritus illi publicitus circumferrentur, quod in causâ fuisse existimem, non Africani Concilij auctorem solum, & qui eius postea collectionem retulerunt, sed nec ipsum Fulgentium Ferrandum in breviatione

Perronius.

Innocent. 1.

canonum

S. Isidorus.

canonum ullam huius Concilij mentionem fecisse, quod post eius dumtaxat tempora Concilium illud editis libris publicatum fuerit, cuius canonem 7. citavit sæculo septimo S. Isidorus Hispalensis Episcopus de offic. Eccles. lib. 2. cap. de exorcist. *Exorcistæ, cum ordinantur, inquit, accipiunt, ut dicit canon, de manu Episcopi libellum, in quo scripti sunt exorcismi, &c.* Quæ sunt ipsissima verba canonis 7. Carthaginienſis 4. & post hæc Synodum hanc citatam fuisse ab Hincmaro Remensi, Burchardo, Ivone, & Gratiano, rectè notavit Perronius.

Præfatio Synodi.

4. Et hæc quidem de canonibus ad sacros ordinationum ritus spectantibus, quos reverà huius Concilij putamus, licet privatus quidam huius centum & quatuor canonum collectionis auctor fuisset, & sub hoc titulo, *statuta Ecclesiæ Antiqua* alios tam orientis quam occidentis Ecclesiæ canones collocasset. Id enim inprimis colligitur ex præfatione Carthaginienſis huius Synodi, in quâ expressè asseritur, Aurelium Carthaginienſem Episcopum unà cum Episcopis statuisse

Canon 1.

ea, quæ ad ordines Ecclesiasticos canonicis necessaria sunt disciplinis. Et quamvis hæc verba dubium ingerere possint, an alia statuta præterquam de sacris ordinationibus tractantia huic Synodo sint attribuenda, non contemnendum tamen videtur, quod ante me animadvertit Perronius, pleraque huius Synodi statuta convenire statui Africanæ Ecclesiæ istius temporis; ac primo quidem canone petendum dicitur ab Episcopo: si credat totam Trinitatis Deitatem coessentialem, & consubstantialem? Quod contrà Arianos positum tunc ubique per Ecclesiam dispersos. Item si novi & veteris testamenti unum eundemque credat auctorem & Deum? quod petebatur ad exclusionem Manicheorum tunc per Africam vagantium, & teste Augustino libro de Hæresibus cap. 46. apud Carthaginem præcipuè abominanda suæ sectæ scelera exercentium: plura nefaria namque in commixtione perpetrantes generationem impediabant, unde, inquit Augustinus, nuptias sine dubio condemnant, contrà quos & hoc in capite petitur ab ordinando Episcopo: si nuptias non improbet? Item petitur: si extrà Ecclesiam Catholicam nullus salvetur? Quod contrà Donatistas positum est, qui extrà Ecclesiam universalem in parte Africæ meridionalis constituti suis salutem promittebant, & latè per omnem Africam dispersi magno in numero habitabant. Unum tantum additur: si in Baptismo omnia peccata, id est tam illud originale contractum, quam illa, quæ voluntariè admissa sunt, dimittantur: Quod contrà hæresim Pelagianam constitutum esse, nemo dubitare potest: cum autem Pelagius anno 411. ad Africam

Augustinus.

cam

cam venerit, & non nisi anno 412. ab Aurelio damnatus reperiatur in Synodo Carthaginiensi, meritò queritur, quí fieri potuerit, quod anno 398. contrà Pelagij hæresim pro ordinatione interrogati sint Episcopi? verum cum in confesso sit apud omnes, ante Pelagium scripsisse eius discipulum Cælestium, & ante omnia hæresis Pelagianæ capita librum conscriptum fuisse contrà peccati originalis traducem, qui ad Africam mitti potuit, antequam auctores ad Africam pervenerunt: quandoquidem in primo Concilij Carthaginiensis capite de solo contrà originalis peccati traducem errore fiat mentio, lucet profectò, Capitulum hoc editum fuisse ante manifestata cætera Pelagianæ hæreseos capita, cum solus contrà peccati traducem error innotuisset ex libro Cælestij, qui non anno circiter 402. ut putat Garnerius dissert. 1. de primis auctoribus hæresis Pelagianæ, scriptus fuit, sed ante an. 398. ut fidem facit præsentis Synodi capitulum 1. quod in antiquo Codice Barberino vocatur, *præfatio Capitulorum de sacris ordinationum ritibus*, quæ capitula Synodo Carthaginiensi quartæ extrà omne dubium putamus adscribenda.

5. Habetur tit. 20. ut Episcopus tantum divinis vacet: Canone autem, ut Episcopus nullam rei familiaris curam ad se revocet, sed lectioni, & orationi, & verbi Dei prædicationi tantum vacet. Quod quantum Africanæ Ecclesiæ conveniat, nemo eruditus ignorat: constat enim Africam præ cæteris orbis Catholici regionibus habuisse prædicantes Episcopos, & Apostolicam ad Timotheum de prædicando verbo doctrinam diligentius observasse. Vocabant Afri conciones ad populum *tractatus Episcopales*, & cum Donatistæ de Macario somniasent, quod ad populum concionatus fuisset, respondet S. Optatus libro 3. contrà Parmenianum: & locutum eum esse aliquid in populo constat, sed insinuan alii alicuius rei causâ, non tamen tractandi, quod est Episcoporum. Id adeò proprium fuisse Episcopis Afri censent cum Baronio eruditi, ut usque ad tempora D. Augustini in Africâ solos Episcopos prædicasse existiment, & numquam presbyteros nisi in absentia Episcoporum. Durasse aiunt consuetudinem usque ad tempora Valerij Hipponensis Episcopi, qui cum græcus erat, & linguam latinam non satis ad prædicandum noverat, Augustinum suo loco prædicare permisit. Gaudebat Valerius, inquit Possidius Calamentis Episcopus in vita Augustini cap. 5. quod sibi divinitus homo concederetur talis, qui posset verbo Dei & doctrinâ salubri Ecclesiam Dei adificare: cui rei se homo naturâ græcus, minusque latinâ linguâ & litteris instructus, minus utilem per-

Canon. 20.

S. Optatus.

Possidius.

E e

videbas.

videbat. Et eidem presbytero potestatem dedit coram se in Ecclesiâ Evangelium prædicandi ac frequentissimè tractandi contrâ usum quidem & consuetudinem Africanarum Ecclesiarum, unde etiam ei nonnulli Episcopi detrahebant. Sed ille vir venerabilis ac providus, in orientalibus Ecclesiis id ex more fieri sciens, utilitati Ecclesiæ consulens, obrectatorum non curabat linguas, dummodò factitaretur à presbytero, quod à se Episcopo impleri minimè posse cernebat. Addit quod Augustini exemplo acceptâ ab Episcopis potestate presbyteri nonnulli coram Episcopo populi tractare cœperunt verbum Dei. Hæc Possidius, loquens proculdubio de Carthaginensi Ecclesiâ, in quam Aurelius Carthaginensis Episcopus eundem morem introduxit; quem laudat ipse Augustinus epistolâ 77. & præcipuè, inquit, de sermone presbyterorum, qui te præsentè populo infunditur. Sicque correctus mos ille, quem D. Hieronymus epist. 2. ad Nepotianum sugillaverat. *Pessima consuetudinis est, in quibusdam Ecclesiis tacere presbyteros, & præsentibus Episcopis non loqui.*

Augustin.

6. Cæterum hocce ex loco alius canon exponi potest, cuius titulus ordine 24. sic habet: *ut quando Episcopus verbum facit nullus discipulus dat.* Verum ubi titulus habet Episcopus, ibi canon legit sacerdos. *Sacerdote verbum faciente in Ecclesiâ, qui egressus de auditorio fuerit, excommunicetur.* Si titulus ille solus mendax inveniretur, Episcopi loco Sacerdotis nomen substituere non auderem: sed cum errores alij in titulos huius Concilij irreplerint, corrigere non omittam. Fateor quidem, fideles olim Episcopos suos magnâ attentione auscultasse, & non sine notâ al quâ exire licuisse; verû cum apertæ essent januæ Ecclesiæ usque ad missam cathecumenorum, ante quam tractatus habebantur ab Episcopis, tantumne crimen dicemus, de Ecclesiâ durante tractatu Episcopali exire, ut obinde excommunicatio ferretur in egredientes? putarem itaque more in Africâ mutato, ubi sacerdotes quidam præsentè Episcopo prædicabant, aliquos contrâ indignatos fuisse, & quia acquiescere nolebant huic disciplinæ noviter introductæ, ubi presbyteri prædicare incipiebant, exisse de Ecclesiâ, quorum temeritati ut occurreret Aurelius, statuit hunc canonem 24.

Canon 43.

7. *De his qui pro fide ab infidelibus persecutiones passi sunt.* Si titulus canonici conveniret, & canon 43. de persecutione ab infidelibus morâ ageret, nihil amplius requireretur ad canones alteri Concilio longè anteriori adscribendos, quandoquidem integro fermè sæculo ante Synodum 4. Carthaginensem persecutiones infidelium per Africam cessarint. Verum de persecutione aut infidelibus, ne verbum quidem in canone 43.

none 43. qui ita se habet : *Christianum Catholicum*, qui pro *Catholica* Canon 43.
fide, & pro *Ecclesiastica re*, & *Christianâ religione* tribulationes pati-
 tur, honore omni à sacerdotibus honorandum. Etiam & per *Diaconum*
 ei victus administratur. Alij perversti Codices hunc canonem ita le-
 gunt: *Christianum Catholicum*, qui pro *Catholica fide* tribulationes pa- Alia Lectio.
 titur, omni honore à sacerdotibus honorandum, etiam in quotidiani vi-
 „ tui ministerio. Ad quæ Severinus Binnius: „ jugis illa Africanæ Ec- Binnius.
 „ clesiæ persecutio Donatistis authoribus concitata, quâ plures Catho-
 „ lici ab ijsdem gravissima paterentur, hisce canonibus occasionem
 „ dedisse videtur. „ Nec vana Binnij divinatio : Donatistas enim &
 præcipuos eorum assecclas circumcelliones Catholicis in Africâ fuisse
 infestissimos, in tertio contrâ Parmenianum Donatistarum principem
 libro scribit S. Optatus : currebant per omnes nundinas, ubi ære alieno
 oppressos liberabant à creditoribus, & nolentes metu mortis impelle-
 bant : vias publicas obstruxerant & armis instructi, dominos de ve-
 huculis suis excussos ante mancipia sua dominorum locis sedentia ser-
 viliter currere impellebant : erant rabidi, irati, subtiles in seductioni-
 bus, in cædibus immanes, ut fidem facit S. Optatus libr. 2. addens de S. Optatus.
 tempore Juliani apostatæ, quod multi ex eorum numero per loca plu-
 rima *cruentas operati sunt cædes*, in Ecclesiâ Lemellensi ab ijs *super*
altare Catholici Diaconi occisi sunt, in Mauritanîæ civitatibus eorum
 instantiâ *mortui sunt in uteris matrum, qui fuerant nascituri*. Et ne
 crederes, hæc illis tantum temporibus accidisse, adest nobis Augu-
 stinus, qui variis locis de Donatistarum violentiis conqueritur, signan-
 ter vero epistolâ 50. ad Bonifacium comitem, cuius auxilium contrâ
 eos implorat, ut multa pecuniaria ijs imponeretur, à quibus aliquas
 violentias Ecclesia Catholica ulterius pateretur. Profert exemplum
 Maximiani Vagiensis Episcopi à Donatistis variis vulneribus ad mor-
 tem usque percussi, & omittere se fatetur, quam multa horrenda Epif-
 copi & clerici perpeffi sunt, quod quorundam oculi extincti sunt, & Augustin.
 cuiusdam Episcopi manus & lingua præcisa est, nonnulli etiam trucidati.
 Et cum hæc aliaque legimus in D. Augustino, mirari non debemus
 canonem 43. tempore D. Augustini loquutum de tribulatione pro
 Christianâ religione perpessâ. Patres verò incipiunt Canonem ; *Chri-*
stianum Catholicum, ut innuerent illum contrâ Donatistas statutum,
 quibuscum controversia fuit de nomine Catholici, quo fideles ab ipsis
 erant distincti, vide Collationem Carthaginensem.

8. Titulus 44. agit de tonsurâ clericorum. Canon vero habet : *cleri-* Canon 44.
cus

E c 2

cus

cus nec comam nutriat, nec barbam. Codex Gemblacensis legit, nec barbam tondeat, barberinus vero Codex, nec barbam radat, sicuti etiam legit Frontoduceus: quæ lectio si tenenda foret, jam constaret canonem hunc græcismum sapere, quin imo impositæ à schismaticis calumniæ vires addere, cum jam inde à tempore Michaelis Cerularij schismatici græci latinis pro crimine imponant, quia *barbam radunt*. quod certè fūco aliquo obliicerent, si antiquitus ratio barbæ canone prohibita fuisset. Sed appagè cum tali lectione, to nec inquit conjunctionem *Coma & barba*, de quibus statuit canon, quod eas clericus non nutriet, & pleraque exemplaria non addunt, *radat* aut *tondeat*, ac meritò: quia canon constitutus est contrà clericos, qui comam nutrire volebant, idque quâ occasione factum sit, jam investigabimus. Monachos tondi aut radi consuevisse, ex antiquorum monumentis patet, nec probatione indiget, cum D. Augustinus ex Italiâ monachatum in Africam introducens monachos tondi præceperit: advenerant quidem ante tempora D. Augustini eremitæ aliqui aut monachi de Ægyptiorum cœnobiis & Hierosolymorum Ecclesiis Carthaginem, sed adeo rarò, ut sacrilegus Carthaginensium populus eos tamquam novum aliquid exciperet, sicut innuit Salvianus lib. 8. de providentiâ, ubi addit de monachis per Augustinum introductis, quod *intrâ Africa civitates, & maxime intrâ Carthaginis muros palliatum & pallidum, & recisis comarum fluentium júbis ad cutem tonsum videre, tam infelix ille populus quam infidelis sine convitio atque execratione vix poterat*. Atque hinc factum putem, aliquos ex monachis crinitos incedere voluisse, de quibus D. Augustinus libro 2. retract. cap. 21. quod *criniti erant quidam eorum*. Loquitur D. August. ex opere monachorum, ubi cap. 31. ob contentiones & jurgia inter monachos hac de re exorta ad instantiam Aurelij Carthaginensis Episcopi ita in eos invehitur. *An ita vocandum est, ut nec tonsores operentur? an quia evangelicas volucres imitari se dicunt, quasi depilari timent, ne volare non possint. Verear in hoc vitio plura dicere propter quosdam crinitos fratres, quorum præter hoc multa & pænè omnia veneramus. Sed inquires, quorsum hæc omnia de monachis, ubi canon agit de clericis? scio responsionem eminentissimi Cardinalis Baronij. Monachismum in Ecclesiâ Africanâ huius Concilij tempore ascitum fuisse in clerum, & Imperatorem Theodosium lib. 32. eod. de Episcopis & clericis, hoc anno 398. rescriptisse, si quos Episcopi deesse sibi clericos arbitrantur, ex monachorum numero rectius eos ordinandos fore: nec improbo*

improbo solutionem sed ulterius confirmo. Cum enim passim huius Concilij tempore monachi in clerum assumerentur, & inter illos plerique essent ex crinitis, voluerunt etiam comam nutrire & sine tonsurâ ad ordinum gradus promoveri, quod hoc canone prohibitum innuit titulus, *de tonsura clericorum*. Quod si tamen cuiquam id minus ardeat, addi potest, crinitos illos comam & barbam longiores gestasse quod eas post Episcopalem tonsuram ex quâdam sinistrâ sacræ scripturæ interpretatione numquam amplius radi sinerent, quâ ex re nè idem tumultus in clero oriretur, qui inter monachos fuerat, cautum est hoc canone, ne clericus comam nutriret, aut barbam, sed si non raras saltem præcisas, & more cleri Africani, ex parte aliquâ decurtatas gestarent.

9. Titulus 51. *clericus quantumlibet verbo Dei eruditus, artificio victum querat*. Non mea, primum, sed Eminentissimorum Cardinalium Baronij & Perronij sententia est, hunc canonem cum sequentibus statutos fuisse contrâ quosdam monachos, qui ex scholâ Euchitarum & Massilianorum eruperant errantes, monachos & clericos manibus operari non posse, contrâ quos D. Augustinus librum suum *de opere monachorum* composuit, cuius rationem reddit lib. 2. retract. cap. 21. ut de opere Monachorum librum conscriberem, illa me necessitas compulit, quod cum apud Carthaginem monasteria esse cœpissent, alij se suis manibus transgebant obtemperantes Apostolo, alij vero ita ex oblationibus religiosorum vivere volebant, ut nihil operantes unde necessaria vel haberent, vel supplerent, sed potius supplere præceptum evangelicum existimarent atque jactarent, ubi Dominus ait: respicite volatilia cæli, & lilia agri. Vnde etiam inter laicos inferioris propositi, sed tamen studio ferventes existere cœperant tumultuosa certamina, quibus Ecclesia turbaretur, aliis hoc, aliis illud defendentibus. Hæc de monachis, qui dum sapius in clerum cooptati nec artificio victum quærebant, nec alios quærere sinebant, occasionem dedere Patribus Africanis statuendi hunc canonem, quem sequuntur eadem de re duo alij canones 52. & 53. ex quibus lucet non omnes centum & quatuor canones unius Concilij esse posse, quando quidem unum Concilium tres canones eadem de re constituisse, verosimile non videatur.

10. Quid plura? canon 61. statuit: *clericum per creaturas jurantem acerrimè obiurgandum, si persistit in vitio excommunicandum*: quod huius Concilij tempori congruit, cum occasio canonis desumi potuit ex Donatistis, de quibus ad Parmenianum Donatistarum

Canon 51.

Augustin.

Canon 61.

E c 3

Episco

S. Optatus. Episcopum sanctus Optatus lib. 2. *per vos jurant & personas vestras jam pro Deo habere noscuntur. . . . sacrilegium impietati commixtum, dum homines per vos jurantes libenter auditis.* Hoc enim sacrilegium ne committerent clerici catholici, & sic Donatistarum errorem foverent, rectè obviare potuit canon; uti & canon 68. *ex pœnitentibus clericus non ordinetur alteri Donatistarum errori, qui omnis generis homines etiam clericos & Episcopos inter pœnitentes collocabant, de quo latius ad canones Concilij Carthag. 5. Can. 70. clericus hæreticorum & schismaticorum tam convivium quam sodalitates evitet equaliter.* Quod tempore Donatistarum, qui schismatici vocabantur, aptatum constat. à canone 74. usque ad 80. quibus agitur de pœnitentibus, quæ statuta sunt, referuntur non solum à Burchardo, Ivone Carnotensi, & Gratiano in decreto 26. quæst. 6. & 7. sed etiam magnâ ex parte probantur à Leone 1. epist. 91. ad Theodorum, & intimæ antiquitati consona esse, in notis ad canonem 78. & 80. tuetur Gabriel Albaspineus. Can. 84. *ut Episcopus nullum prohibeat ingredi Ecclesiam, & audire verbum Dei, sive gentilem sive hæreticum, sive judeum usque ad missam Cathecumenorum.* Ex quo patet canonem statutum fuisse, dum paganismus nondum extinctus erat in Provinciis Christianis, ut notat Cardinalis Perronius, quocum existimo, statuta omnia licet huic Synodo non essent adscribenda, pleraque tamen antiqua esse, & tempore huius Synodi convenientia. Subscribunt Aurelius Carthaginensis Episcopus, Donatianus Talabricensis primæ sedis, & Augustinus Hipponensis, qui cum cæteris Episcopis mense Novembri convenire potuerunt, quod tunc Gildone (qui tyrannidem contrà Imperium in Africâ assumpserat) sublato annua Synodus celebrata sit, quæ hucusque celebrari non valuerat, quidquid Baronium secuti complures existimarint, hoc eodem anno 6. Kalend. Iunij aliam Synodum plenariam Carthagine habitam fuisse.

CAPVT

C A P V T IX.

De Concilio Carthaginiensi post Consulatum
Honorij 4. & Carthaginiensi 5. an. 400.
post Consulatum Manlij & Eu-
tropij habito.

1. Concilium Carthaginiense anno 399. habitum, in quo legatis ad Imperatorem proficiscentibus multa commissa sunt, quæ alteri Synodo tribuuntur.
2. Synodus Carthaginiensis dicta quinta, cuius præfatio & tituli canonum adferuntur.
3. Habet præfatio hanc Synodum habitam fuisse postconsulatum, qui postconsulatus anxie à viris eruditus quesitus, ut patet ex Baronij & Perronij sententiis.
4. Vtriusque sententiæ ad trutinam revocata à vero deviare noscuntur, neque post Consulatum Stiliconis ut putat Perronius, neque post Consulatum Casarij & Attici, ut credebat Baronius, sed post consulatum Manlij habitam fuisse hanc Synodum, verosimilius videtur.
5. Canon 3. agit de sacerdotibus & levitis, ut ab uxoribus se contineant, ubi inquiritur etiam de continentia Subdiaconorum, quos in Africâ ab uxoribus suis abstinere debuisse ostendimus.
6. Canon XI. agit contra errorem Donatistarum de manu non imponendâ lapsis sacerdotibus, cuius disciplina ratio adducitur, & variis Patrum Africanorum testimoniis comprobatur.
7. Canon XV. agit de Idololatriis per Imperatores destruendis, ex quo cum Baronius argumentum desumat pro tempore huius Synodi mutando, latius de Idolorum destructione variis temporibus mandatâ, pertractatur.

1. **N**on hærebo in Concilio Carthaginiensi post Consulatum Honorij Augusti 4. & Eutychiani 5. anno 399. quinto Kalendas Maias celebrato, ubi legationem fulceperunt Epigonius & Vincentius ad Honorium Imperatorem, ut pro confugientibus ad Ecclesiam

siam rescriptum impetrarent, quod lib. 34. de Episcopis & clericis Cod. Theodosiani reperitur, de quo agit Baronius ad annum 399. numero ult. extat huius Synodi præfatio in Concilio vulgò Africano, nec aliud statutum refertur in eâ, quam de legatione ad Imperatores transmissâ, quamvis, ut rectè Perronius, alia complura hâc in Synodo statuta fuerint malè à suo capite in Collectionibus Canonum Africanorum avulsa, & Concilio post Consulatum Flavij Stiliconis tributa apud Dionysium & in collectione græco-latina. Canones verò huius Synodi putamus eos esse, quibus aliquid ab Imperatoribus petendum innuitur, & quorum tituli referuntur à Dionysio Exiguo sub num. 58. de reliquiis idolorum vel templis ab Imperatoribus abolendis. Sub num. 60. de paganorum convivio. Sub num. 61. de spectaculis ut die Dominico vel ceteris Sanctorum festivitibus minimè celebrentur. Sub num. 63. de histrionibus Christianis factis. Sub num. 64. de manumissionibus in Ecclesiâ celebrandis, ab imperatore postcendum. Et sub numero 65. de Equitio damnato Episcopo. Cui canoni subscribunt Aurelius Carthaginiensis Episcopus, & alij, qui huic Synodo anno 399. interfuerunt.

2. Restat, ut hoc Capite de Synodo Carthaginiensi 5. agamus, cuius hæc est præfatio: post Consulatum placuit, ut die sextâ Kalendarum Iunij Carthagine in secretario Basilica restituta subter inserta statuerentur. Cum Aurelius Episcopus una cum Episcopis suis consedisset, adstantibus Diaconibus, constituta sunt hæc, quæ in sequenti Concilio definita sunt.

TITULI CAPITULORUM.

1. De clericis ad testimonium non pulsandis.
2. De clericis pro crimine suo damnatis, ut à quolibet non defensentur.
3. De sacerdotibus & levitis, ut ab uxoribus se contineant.
4. De rebus Ecclesiæ sine Consilio Metropolitanæ Episcopi non alienandis.
5. Ut nullus Episcopus relictâ Cathedrâ in Diœcesi resideat.
6. De his qui nullo testimonio se baptizatos noverunt, ut Baptizentur. Similiter de consecratione Ecclesiarum faciendum est.
7. De tempore Paschali seu Concilij.
8. De intercessoribus, ne cathedram morientis Episcopi diu retineant, sed infra annum sacerdotem provideant.
9. De defensore Ecclesiarum à principe postulando.

10. Vt Episcopi ad diem Concilij occurrant.
11. Vt lapsis Sacerdotibus manus sicut laicis non imponatur.
12. De clericis excommunicatis, quamdiu eis asserere liceat innocentiam suam.
13. De clericis vel Monachis ab alio Episcopo ordinatis.
14. De Basilicis, quæ sine Martyrum reliquiis dedicata sunt.
15. De idololatriis destruendis.

3. Habet præfatio : post Consulatum placuit, ut die 6. Kalend. Iunij. quæ manca esse, nemo eruditus ignorat : Eminentissimus Cardinalis Baronius ad annum 398. alium ordinem Carthaginiensium Synodorum secutus, hanc Synodum inter Carthaginienses, quæ Canones edidère, non quintam sed tertiam dici debere existimat, celebratamque fuisse ante Synodum 4. eodem cum illâ anno 398. quod in manuscripto Codice reperiatur : post Consulatum Cæsarij & Attici die 6. Kalend. Iunij. Cæsarius namque & Atticus Consules fuere anno 397. quorum postconsulatus incidit in annum 398. verum huic sese opponunt novi Canonum Africanorum editores, & signanter Christophorus Justellus in præfatione ad Codicem Canonum Africanæ Ecclesiæ, „ ubi : „ hanc Synodum post Consulatum Flavij Stiliconis coactam „ fuisse ipsa acta Synodi indicant, quæ ita exordiuntur in Collectio- „ ne M. S. Isidori Mercatoris, quam penes nos habemus. post Con- „ sulatum Flavij Stiliconis 16. Kalend. Iulias. „ Laudat hæc tacito auctoris nomine Eminentissimus Cardinalis Perronius contra Angliæ regem cap. 48. & concludit hanc Synodum non tertiam, sed verè quintam esse, & habitam anno 401. qui fuit annus post Consulatum Stiliconis : addit testimonium D. Augustini ex epistolâ 236. ad Xantippum, ubi refert tanquam canonem nouissimè editum, quo statuitur, ut quoties clerici damnati infra annum causam non egerint, nulla eorum vox postea penitus audiat, quæ sunt verba canonis 12. huius Carthaginiensis quinti. Jam verò innuit Augustinus anno, quo scripsit hanc epistolam ; Pascha 8. idus Iulij haberi debuisse, quo die Pascha tempore Episcopatus Xantippi Numidiæ Primatis non celebrabatur, nisi anno 402. & juxta quæ anno 401. præcedenti Concilium Carthaginense 5. celebrari debuit.

Codex M.S.

Collect Isid. Mercatoris.

Augustin.

4. Et hæc quidem duæ Eminentissimorum Cardinalium sententiæ, quarum neutra sine difficultate defendi potest. Sicut enim sententia Baronij mutat ordinem Conciliorum Carthaginiensium, contra fidem

Ff

antiquo

antiquorum codicum, ita sententia Perronij collocat hanc Synodum post Consulatam Stiliconis, contra codicum Africanæ Ecclesiæ testimonia. Quomodo enim anno 401. haberi potuit 6. Kal. Iunij, aut 16. Kal. Iulij Concilium Carthaginienſe 5. ubi codex canonum Africanorum 16. Kal. Iulias post Consulatam Stiliconis refert aliud Concilium inferius memorandum? habet quidem antiquus codex Iſidori Mercatoris post Consulatam Stiliconis, ſed alij codices legunt: post Consulatam Caſarij & Attici, ex quorum Codicum varietate colligimus, ab alijs hæc poſtea addita fuiſſe, & ab ipſo Iſidoro Mercatore tantum conſcriptum fuiſſe, post Consulatam; quod exemplar, quo uſus eſt, Conſules non habebat annotatos. Quia tamen Iſidorus in Hiſpaniâ ſcribens tempus huius Synodi annotare voluit, notam temporis ibidem receptam addidit: *arâ 438.* quæ coincidit cum anno 400. incarnationis Dominicæ, quo anno nullum aliud Africanum Concilium celebratum habemus, & cui ſi Concilium Carthaginienſe 5. vendicemus, omnes difficultates ſuperabimus, quæ moveri poſſunt tam circâ ordinem Conciliorum Africae, quam reſcripta Imperatorum de abolendis Idololatriæ reliquijs, ut ex ſcholio Canonis 15. conſtabit.

SCHOLIA CANONUM.

Canon 5. 5. Habet titulus 3. de ſacerdotibus & levitis, ut ab uxoribus ſe contineant. Canon verò: præterea cum de quorundam clericorum, quamvis erga uxores proprias, incontinentiâ referretur, placuit Episcopos, & præſbyteros, & Diaconos ſecundum propria ſtatuta, etiam ab uxoribus continere, quod niſi fecerint, ab Eccleſiaſtico removeantur officio. Ceteros autem clericos ad hoc non cogi, ſed ſecundum uniſcujuſque Eccleſiæ conſuetudinem obſervari debere. Extat hic canon etiam in Concilio vulgò Africano, & pro his verbis, ſecundum propria ſtatuta, legit: ſecundum priora ſtatuta, quæ ſi requiras? invenies canonem 2. Concilij Carthaginienſis ſub Genethlio, ubi ad instantiam Epigonij Bullenſium Regionum Episcopos, ab uniſerſis Episcopis dictum eſt: omnibus placet, ut Episcopos, præſbyteri & Diaconi, vel qui Sacramenta contrectant, pudicitia cuſtodes, etiam ab uxoribus ſe abſtineant ubi notanda ſunt: vel qui Sacramenta contrectant, ſub quibus etiam Subdiaconos comprehendendi putamus, quos & in 3. canone Concilij Carthaginienſis 5. editionis Vulgatæ omiſſos fuiſſe ab exſcriptoribus, fidem facit idem canon à Dionyſio Exiguo inter Carthaginienſes relatus ſub tit. 25. ubi:

Aurelius

Aurelius Episcopus dixit: addimus fratres charissimi præterea, eum de Cod. Canon. quorundam clericorum, quamvis lectorum erga uxores proprias incontinentiâ referretur, placuit, quod & in diversis Conciliis firmatum est, ut Subdiaconi, qui sacra mysteria contrectant, & Diaconi, presbyteri, sed & Episcopi secundum propria statuta, etiam ab uxoribus se contineant, ut tanquam non habentes videantur esse, quod nisi fecerint ab Ecclesiastico removeantur officio. Ceteros autem clericos ad hoc non cogi, nisi maturiori ætate. Quibus verbis hunc canonem etiam retulit Cresconius Episcopus Africanus tit. 109. suæ collectionis, qui si non sit huius Carthaginensis, saltem alicuius posterioris meritò habendus erit, ex quo discimus in superioribus Conciliis statutum fuisse, ut Subdiaconi & maioris ordinis clerici ab uxoribus se contineant, quod referri debet ad secundum canonem Carthag. secundi, & tertium Carthaginensis quinti, ut & rectè censeamus, in vulgatâ canonis 3. editione supra laudatâ ab exscriptoribus omissum fuisse nomen Subdiaconi.

6. Titul. 11. ut lapsi sacerdotibus manus sicut laicis non imponatur. Canon 11. Verba canonis huc spectantia sunt: item confirmatum est, ut si quando presbyteri vel Diaconi in aliquâ graviore culpâ convicti fuerint, quâ eos à ministerio necesse fuerit removeri, non eis manus tanquam pœnitentibus vel fidelibus laicis imponatur, &c. Politus est canon, ne error Donatistarum in Ecclesiam Catholicam irreperet, & contrâ antiquam Ecclesiæ disciplinam manus Episcopis & maioris ordinis clero imponeretur in pœnitentiam. Primus, qui hoc ausus fuit contrâ maiorum statuta in Ecclesiâ Africanâ, fuit Homicida Purpurius, de quo S. Optatus libro 1. refert, quod solitâ malitiâ fretus contrâ Cæcilianum hanc sententiam tulerit: *exeat huc, quasi imponatur illi manus in Episcopatu, & quassetur illi Caput de pœnitentia.* Secundus vero reperitur Donatus à Calis Nigris Carthaginem translatus, qui & condemnatus fuit à Melchiade Papâ: quod confessus sit, se rebaptisasse & Episcopis lapsi manum imposuisse: quod ab Ecclesiâ alienum est. Extat sententia apud eundem Optatum libro 1. qui & graviter notat libro 2. Donati sequaces, ubi: *invenistis pueros, de pœnitentiâ sauciastis, ne aliqui ordinari potuissent.* Ut enim D. Augustinus epistolâ 50. ad Bonifacium: *ut constitueretur in Ecclesiâ, ne quisquam post alicuius criminis pœnitentiam clericatum accipiat, vel ad clericatum redeat, vel in clericatu maneat, non desperatione indulgentia, sed rigore factum est disciplina.* Pluribus agit Gabriel Albalpineus Aurelianensium Antistes observat. 5. & 6. in Optatum de huius disciplinæ capite: refert

Ff 2

verba

- S. Optatus. verba S. Optati : multis notum est , & probatum persecutionis tempore , Episcopos aliquos inertia & confessione Dei delapsos thurificasse , & tamen nullus eorum , qui evaserunt , aut manum lapsis imposuit , aut ut genua figerent , imperavit . Et notat , quod à veteri Ecclesiæ disciplinâ alienum sit , ut loquitur Melchiades Papa , imponi pœnitentiam Episcopis , & maioris ordinis clericis : ratio est , quia non conveniebat Episcopo , Presbytero , aut Diacono , qui aliena potius peccata tempore sacrificij , quam propria defflere debebant , inter flentes , eiulantes , & humi jacentes extrâ Ecclesiæ limina conspici in primo Gradu , vel in secundo cum Cathecumenis à magistris fidei instrui , vel in tertio publicis & solemnibus exorcismis purgari , qui ad purgandum erant constituti , unde gradus pœnitentiæ in Ecclesiam introductæ sunt , simul excipi oportuit ob ordinis dignitatem maiorum clerum , ad quod alludit D. Augustinus suprâ : *sed rigore factum est discipline*. Hinc itaque rectè statuit Siricius Papa epistolâ ad Himerium Tarracensem Episcopum cap. 14. *illud quoque nos par fuit providere , ut sicut pœnitentiam agere cuiquam non conceditur clericorum , ita & post pœnitudinem ac reconciliationem nulli umquam laico liceat honorem clericatus adipisci*. Vivebat Siricius tempore Donatistarum , qui dum Episcopos inter pœnitentes collocabant , simul eosdem deponebant ; unde S. Optatus contrâ illos , quod jugulaverint inter pœnitentiam , & lauciverint Episcopos ac sacerdotes , quod assumebant alios in clerum ex pœnitentibus contrâ eandem Ecclesiæ disciplinam , quam tuetur Canon 68. Concilij Carthagin. 4. *ex pœnitentibus (quamvis sit bonus) clericus non ordinetur . Si per ignorantiam Episcopi factum fuerit , deponatur à clero , quia se ordinationis tempore non prodidit fuisse pœnitentem*.
- Augustin. Canon 15. 7. Titul. 15. De idololatriis destruendis . Canon verò : *item placuit ab Imperatoribus gloriosissimis peti , ut reliquia Idololatriæ non solum in simulachris , sed in quibuscumque locis , vel lucis , vel arboribus omnimodè deleantur*. Aurelius Episcopus Ecclesiæ Carthaginis suprâ comprehensis in nostro Concilio statutis subscripsi . Similiter septuaginta duo Episcopi subscripserunt . Agit canon de reliquiis Idololatriæ destruendis , quod cum anno 399. Honorius Imperator edito ad Apollodorum Africæ vicarium rescripto fieri mandavit , putavit ex eo Baronius , hanc Synodum anteriorem esse huius Imperatoris rescripto , & consequenter tertiam esse , non quintam , & anno 398. Kalend. Junij habitam ante quartam Carthaginensem . Verum à Baronio hac in re declinat Eminentissimus Cardinalis Perronius , qui animadvertit , Canonem § 8. Codicis

Codicis Ecclesiæ Africanæ esse Concilij Carthaginienſis an. 399. post
 Consulatum Honorij 4. & Eutychiani, ad cuius petitionem Hono-
 rius Imperator reſcripto ad Apollodorum Africæ Proconſulem extante
 in Cod. Theodoſiano præcipit, idola gentilium à templis auferri, &
 ſacrificia eorum tolli, ædificia tamen integra conſervari: *decernimus*
enim, ut adificiorum quidem ſit integer ſtatus. Hoc autem cum an. 399.
 factum ſit, anno 400. alia Synodus Carthaginienſis, quæ quinta di-
 citur, potuit petiſſe ab Imperatoribus, *ut reliquiæ Idololatriæ non*
ſolum in ſimulachris, ſed in quibuſcumque locis, vel lucis, vel arboribus
omnimodè deleantur. Erant enim arbores, quos vetuſtate ſacrari cre-
 debant Gentiles, de quibus Quintilianus lib. 10. *quaſi ſacras vetuſtate*
quercus adoramus. Et Tacitus de Germanis: *lucos ac nemora conſe-*
crant, Deorumque nominibus appellant. Et D. Auguſtinus ſerm. 241.
 de tempore: *quicumque in agro ſuo aut villâ, aut juxta villam aliquam*
arbores aut aras, vel qualibet fana habuerit, ubi miſeri homines ſolent
aliqua reddere, ſi non eas deſtruxerit vel ſucciderit, in illis ſacrilegiis
qua ibi facta fuerint, ſine dubio particeps erit. Et hoc eſt, quod Africa-
 ni tanquam idolorum reliquias deleri poſtularunt in Synodo Car-
 thaginienſi. 5. ex quo eam imperatorum ediſtis poſterioreſ concludit
 Perronius. *Car, inquit, quant au decret, ou eſtoit requiſe la deſtru-*
ction des temples baſtis aux champs, & qui n'apportoient aucun ornement
aux villes, le quel ſemble devoir avoir precede l'edit des empereurs ad-
dreſſe au Preſect d'orient, il n'eſt point dans le cinquieme Concile de
Carthage en chef, mais dans la ſeul raphodie des Conciles d'Affrique,
qui à tranſferè ce Canon, & pluſieurs autres du Concile tenu apres le
Conſulat d'honorius & Eutychianus, d'ou fut decernée la premiere lega-
tion vers les Empereurs, ou Concile tenu apres le Conſulat de ſtelicon, ou
fut decernée la ſeconde. Hæc accuratè Eminentiffimus Cardinalis Per-
 ronius, cuius ſententiam per omnia laudavimus uno excepto, de
 Concilio Carthaginienſi 5. habito poſt Conſulatum Stiliconis, cum
 celebratum fuiſſe Stilicone Conſule, indicaverimus ſuprà, & poſt
 Conſulatum Stiliconis alia celebrata ſint Carthaginienſia Concilia, de
 quibus infrà.

Lex Honorij

Synod. Car-
thagin.

Quintilianus

Tacitus.

S. Auguſtin.

Perronius.

CAPVT X.

De variis Conciliis Africæ, quorum aut ordo
immutatus, aut canones supposititij,
vel deperditi, usque ad Collatio-
nem Carthagine habitam.

1. Concilio Carthaginiensi post Consulatam Flavij Stiliconis canones attribuantur, qui non sunt illius: præfatio istius est genuina, & præclarum præbet de Africana Ecclesia erga Sedem Apostolicam reverentiâ argumentum.
2. Eodem Consulatu idus Septembris habita est alia Synodus Carthagine, cuius præfatio adfertur cum alio luculentiori de subiectione erga Sedem Apostolicam testimonio.
3. Synodo illi attribuuntur Canones 20. quorum quatuor dumtaxat priores ipsius esse dignoscuntur. Canon 3. adfertur, qui meminit Concilij transmarini hætenus ignoti, cuius acta inquiruntur, & statuta de super Africana Ecclesia fusius expenduntur.
4. Anno 402. habita est Synodus Milevitana 1. cuius præfatio adfertur, & in Concilio vulgò Africano corrupta monstratur, uti & male Synodo Milevitana 2. tributa ostenditur. Præfationem subsequuntur Canones 6. quorum tituli adferuntur.
5. Canones illi non extant suo ordine in collectionibus tam græcis quam latinis, canon namque primo loco positus, est canon secundus occasione Xantippi & Victorini editus, de quibus fusius tractatur additâ expositione canonis tertij.
6. Canon quartus Milevitanus agens de Consule annotando in litteris ordinationum Episcopaliū statutus est occasione eiusdem Xantippi & Victorini, idque ut in posterum similis contentio evitaretur.
7. Ab anno 403. ad annum 405. tria Concilia habita sunt, de quibus parum aut nihil superest.
8. Anno 407. Concilium Carthagine fuit, cui apud Dionysium Exiguū sexdecim canones tribuuntur.
9. Canon 10. mentionem facit Seniorum à novâ Germaniâ, occasione cuius

cuius hic latius agitur de senioribus Ecclesia, præter quos etiam seniores laicos fuisse, putat Iustellus.

10. Canone 11. & 12. mentio fit Romana Ecclesia, cui Africana Ecclesia in formatis suis ad transmarinas partes transmissis subiectionem debitam ostendit.

11. Cætera Concilia usque ad Collationem Carthaginiensem nihil continere alicuius momenti, & quadam à suo tempore amota, ex variis indiciis monstratur.

I. **E**xtat Concilium Carthaginiense post Consulatum Fl. Stiliconis anno 401. 16. Kal. Julias habitum, quod refertur initio Concilij vulgò Africani, in quo ei subiicjuntur 32. canones, quos collectores huius Concilij esse putarunt, cum pro maximâ parte sint canones Concilij Carthaginiensis 3. Dionysius Exiguus titulum huius Synodi collocans sub num. 57. Codicis, ei subiicit 9. canones, quod idem servatum est in Codice Africano Græco latino, cum tamen quidam illorum canonum reperiantur esse Concilij Carthaginiensis anni 399. ut capite præcedenti annotavimus. Præfationem itaque huius Synodi canonibus non suis imperitè præfixam putamus, nihilque certò illi adscribi posse, quam legationem, quæ destinata fuit ad Romanum & Mediolanensem Episcopos, de quâ Aurelius in eadem præfatione: eligendum esse unum à nostro numero consacerdotum, qui auxiliante Domino orationibus vestris & has ipsas necessitates suscipere possit, & gnaviter peragendas implere, perrecturus ad transmarinas Italia partes, ut tam sanctis fratribus & consacerdotibus nostris venerabili sancto fratri Anastasio sedis Apostolica Episcopo, quam etiam sancto fratri Venerio sacerdoti Mediolanensis Ecclesia, necessitatem ipsam, ac dolorem, atque inopiam nostram valeat intimare. Ex his enim sedibus hæc fuerat prohibitum, quod noverint communi periculo providendum, maxime quia tanta indigentia clericorum est, multaque Ecclesia ita deserta sunt, ut ne unum quidem Diaconum vel inlitteratum habere reperiantur. Plura habemus ex hac Aurelij allocutione: ac præsertim cleri inopiam per regiones Africæ, quod Donatistæ tunc temporis latè diffusi omnes ferè Ecclesias occupassent. Verum quidem est, procurante Aurelio & adiuvante Augustino plerosque Donatistas conversos fuisse, sed cum eos ad clerum promoveri vetasset Anastasius Papa in Concilio Italico, cui Venerius Mediolanensis subscripserat, legationem ad illos mittendam dixit Aurelius, ut Donatistæ conversi ad Eccle-

Præfatio
Carthagin.
anno 401.

fiam

Aurelius.

siam promoveri possent ad ordines, de quo fufius Aurelius sub hoc titulo 57. collectionis Africanæ: ut parvuli apud Donatistas baptizati, in Catholicâ Ecclesiâ clerici ordinentur. Sed hoc inquit maiori fratrum supradictorum considerationi dimittendum censeo, ut prudentiori suo Concilio nostrâ suggestionis sermonem, cum perpenderint, quid de hac re eis placeat, nos informare dignentur. Tantum de his, qui infantes baptizati sunt, satagimus, ut nostrâ, si placet, in iisdem ordinandis consentiant voluntati. Instat planè Aurelius, rem hanc transmarinis Episcopis indicandam, ut quid agendum sit, decernerent: cumque caput Ecclesiæ agnoscerent Pontificem, ab Anastasio Papâ in Concilio Italiæ constituto meritò decisionem rei expectant Patres Africani.

Præfat. Con-
cil. Carthag.
anno 401.

2. Sequitur in collectionibus canonum Africanorum apud Græcos & latinos collectores Concilium Carthaginienſe eodem anno habitum post Consulatum Fl. Stiliconis idus septembris. Eius præfatio extat apud Dionysium Exiguum, & ita se habet: *Vincentio & Flavito VV. CC. Conf. idus Septembris, Carthagine in secretario Basilica restituta, cum in Concilio congregati in Ecclesiâ Carthaginienſi consediſſemus ex Africanis omnibus Provinciis Episcopi, id est Aurelius eiusdem sedis Episcopus cum collegis suis, quos eorum subscriptio manifestat: recitatis Epistolis beatissimi fratris & consacerdotis nostri Anastasii, Ecclesiæ Romanæ Episcopi, quibus nos paternæ & fraternæ Charitatis sollicitudine, ac sinceritate adhortatus est, ut de hæreticorum & schismaticorum Donatistarum insidiis & improbitatibus, quibus Africanam Ecclesiam Catholicam graviter vexant, nullomodo dissimulemus. Gratias agimus Domino nostro, quod illi optimo, ac sancto Antistiti suo tam piam curam pro membris Christi, quamvis in diversitate terrarum, sed in unâ compage corporis constitutis, inspirare dignatus est. Scripserant Patres Africani litteras ad Anastasium & Venerium, quibus Pontificem reposuisse alias, fidem faciunt acta huius Synodi: perierunt tamen vel latent istæ Anastasij Papæ responſoriæ, quas Patres hac in Synodo recipiunt tanquam à summo Ecclesiæ Præfule conscriptas ex paternâ sollicitudine, piam curam pro membris Christi in transmarinâ Africæ parte constitutis gerente: nec illustrioribus verbis prædicare poterant illum, quem omnis sub cælo Ecclesia nunc in Romano Pontifice agnoscit, Apostolicæ Cathedræ principatum.*

3. Huic præfationi subiiciuntur tituli, quorum 1. sub num. 66. ut cum Donatistis lenius agatur. 2. sub num. 67. de litteris mittendis iudicibus, ut ea, quæ inter Donatistas & Maximianistas acta sunt, innorescant.

rescant. 3. sub num. 68. ut clerici Donatistarum in Ecclesiâ Catholicâ suscipiantur in clero. Et 4. sub num. 69. ut legatio ad Donatistas componenda pacis gratiâ dirigatur. Sequuntur alii tituli sexdecim ulque ad num. 86. qui tam apud Dionysium Exiguum, quam alios collectores Græcos malè huic Synodo attribuuntur, cum inter illos reperiantur undecim canones desumpti ex Concilio Carthaginiensi 5. soli itaque quatuor citati spectant ad hanc Synodum, quæ uti contrâ Donatistas coacta fuit, ita & quatuor illos canones pro causâ Donatistarum posuit tertio statuens sequentia: deinde placuit, ut litteræ mittantur ad fratres, Canon 3.
 & Coepiscopos nostros, & maxime ad sedem Apostolicam, in quâ præsidet memoratus venerabilis frater & collega noster Anastasius, quo noverit habere Africam magnam necessitatem propter Ecclesiæ pacem & utilitatem: ut ex ipsis Donatistis quicumquè clerici correcto Consilio ad Catholicam unitatem transire voluerint, secundum uniuscuiusque Episcopi Catholici voluntatem atque Consilium, qui in eodem loco gubernat Ecclesiam, si hoc paci Christiana prodesse visum fuerit, in suis honoribus suscipiuntur, sicut prioribus eiusdem divisionis temporibus factum esse, manifestum est. Quod multarum & penè omnium Africanarum Ecclesiarum, quibus talis error exortus est, exempla testantur: non ut Concilium, quod in transmarinis partibus de hac re factum est, dissolvatur: sed ut illud maneat circa eos, qui sic transire ad Catholicam volunt, ut nulla per eos unitatis compensatio procuretur. Per quos autem vel omni modo perfici, vel adjuvari manifestis fraternarum animarum lucris Catholica unitas in locis, in quibus degunt, visa fuerit, non eis obstat, quod contrâ honores eorum, quamvis salus nulli interclusa sit, in transmarino Concilio statutum est; id est ut ordinati in parte Donati, si ad Catholicam correcti transire voluerint, non suscipiantur in honoribus suis secundum transmarinum Concilium: sed exceptis his, per quos Catholica unitati consulitur. Meminit canon Concilij transmarini, cuius nulla memoria in tomis Conciliorum, vel apud scriptores Ecclesiasticos reperitur. Cum tamen anno 401. ex Concilio Carthagin. 16. Kalend. Julias legatio transmissa fuisset ad Anastasium Papam pro Donatistis ab errore conversis ad sacros ordines promovendis, habitum fuit Romanum aut Italicum Concilium, cui Venerius Mediolanensis interfuit cum aliis Episcopis, ex quo Anastasius Papa litteras transmisit nomine suo, quæ recitatae fuerunt hac in Synodo eas afferente eodem legato in Africam ad suos reduce, quarum compendium refert Aurelius in præfatione: recita- Aurelius,
 tis epistolæ beatissimi fratris & consacerdotis nostri Anastasij Ecclesiæ Ro-

mana Episcopi, quibus nos paterna & fraterna caritatis sollicitudine ac sinceritate adhortatus est, ut de hæreticorum & schismaticorum Donatistarum insidiis, & improbitatibus, quibus Africanam Ecclesiam Catholicam graviter vexant, nullo modo dissimulemus. Statuerat igitur Concilium Iralicum, non dissimulandum esse cum Donatistis, quod canon 3, citatus inculcat: in transmarino iudicio statutum est, ut ordinati in parte Donati, si ad Catholicam correcti transire voluerunt, non suscipiantur in honoribus suis. Laudant hoc decretum patres Africani, & venerantur hoc solum excepto, quod ob penuriam cleri dispensetur cum ijs, per quos Catholica unitati consulitur, vel ut antea dixerant, per quos unitatis compensatio procuratur. Eos enim in suis honoribus suscipi, petunt ab Anastasio, sicut tempore Cæciliani & Donati statutum fuerat à Melchiade Papâ, de quo Augustin. epistolâ 162.

Augustinus.

Sanitatis recuperanda optionem liberam fecit, ceteris paratus communicatorias litteras mittere, etiam ijs, quos à Maiorino ordinatos esse constaret: ita ut quibuscumque locis duo essent Episcopi, quos dissensio geminasset, eum confirmari vellet, qui fuisset ordinatus prior, alteri autem eorum plebs alia regenda provideretur. Et hoc est quod in exem-

Patres Africani in Cod.

plum allegant Patres Africani, cum dicunt: sicut prioribus eiusdem visionis temporibus factum est. An autem summus Pontifex Anastasius secundò rogatus Africanæ Ecclesiæ id ipsum indulserit, monumentorum defectu decerni nequit, perierunt enim Pontificis illius acta & decreta, quorum unum dumtaxat refertur ab Anastasio Bibliothecario in Pontificali: & hoc constituit, nullâ ratione transmarinum hominem in clericatus honorem suscipi, nisi quinque Episcoporum designaret chirographos, quia & eodem tempore Manichei inventi sunt in urbe Româ.

Anastaf. Bibliothec.

Præfat Synodi Milevit.

4. Anno 402. habita fuit prima Synodus Milevitana, cuius præfatio extat apud Dionysium Exiguum sub num. 85. & incipit: Gloriosissimis Imperatoribus Arcadio & Honorio Augustis 5. Consulibus sexto Kalendar. Septembris in civitate Milevitana, in secretario Basilicæ cum Aurelius Episcopus Ecclesiæ Carthaginis in Concilio universali confedisset adstantibus Diaconibus. Iisdem planè verbis incipit in Codice Canonum Ecclesiæ Africanæ Græcè latinè edito: sed apud Concilium vulgò Africanum legitur: Gloriosissimis Imperatoribus Arcadio & Honorio Augg. Viris Clariss. Coss. ubi, ut rectè notat Baronius, errore imperitorum librorum loco V. C. numeri notæ, qua exprimitur quintus eorumdem Consulatus, scriptum fuit: Viris clarissimis, cuiusmodi nomenclatura abhorret ab Imperatoribus. Et tamen cum hac vitiatâ

Conc. Afric.

Baronius.

Conclu-

Consulum notâ reperitur eadem præfatio ante Concilium Milevitanum 2. novo plane errore, utpote quæ vindicanda sit non anno 416. quo Consules fuere Theodosius Aug. 7. & Iunius Quartus Palladius, sed Concilio Milevitano anni 402. quo Consules fuere Arcadius & Honorius Augusti quintum. Additur in eadem præfatione apud Dionysium Exiguum, apud auctorem Concilij vulgò Africani, & Codices Canonum Africanorum græcolatinos, relecta fuisse & ab Episcopis probata decreta, quæ jam dudum vel in Hipponensi Synodo firmata sunt, vel postmodum meliore Concilio apud Carthaginem definita, ac sequuntur apud eosdem tituli sequentes.

1. De Episcoporum ordine, ut qui posterius ordinati sunt, prioribus se non audeant anteferre.
2. De Archivo & Matriculâ Numidiæ.
3. De Quod vult Deo Episcopo.
4. De Maximiano Episcopo.
5. Ut Episcopi, qui ordinantur, ab ordinatoribus suis epistolas accipiant, quæ diem & Consulem præferant.
6. De his, qui vel semel in Ecclesiâ legerint, ab aliis non posse promoveri.

5. De his autem canonibus, quamvis dubitari non possit, constat tamen eos in Concilio vulgò Africano, & apud Dionysium Exiguum ac collectores græcos non rectè sub numeris suis dispositos, ut ex eo colligimus, quod post laudata præfationis verba: *Adstantibus Diaconibus*, sine ullo titulo sequatur: *Aurelius Episcopus dixit, quoniam Ecclesiâ Sanctæ unum est corpus*, Et reliqua de Hipponensis & Carthaginensis Synodorum decretis confirmandis, quæ non fuerunt pars præfationis, sed Canonis primi Milevitani incipientis per illa verba: *Aurelius Episcopus dixit*. Nec gratis hæc dici, fidem facit Fulgentius Ferrandus Carthaginensis Diaconus, qui in breviatione canonum refert sub titul. 78. *ut nullus Episcopus prioribus suis se audeat antepone*, Concilio Milevitano titulo 2. Ex hoc enim habemus, canonem qui ordine primus refertur à Dionysio & aliis, non primum esse, sed secundum, adeoque *de confirmandis Hipponensis & Carthaginensis Conciliorum decretis* fuisse titulum Canonis 1. & de non anteponendo prioribus suis Episcopo, esse titulum Canonis 2. qui constitutus fuit occasione Xantippi Tagonenfis civitatis, & Victorini alterius urbis Numidiæ Episcopi de primatu contendentium. Putat Eminentissimus Cardinalis Baronius, & post eum Justellus in notis ad can. 86. Codicis Africani,

Augustin.

cani, Numidiam in duas Provincias fuisse divisam juxta fidem præfationis Synodi sextæ Carthaginienſis, quæ meminit *duarum Numidiarum*, cumque Ecclesia in Provinciarû divisione ordinem Imperij sequeretur, contrâ Xantippum primatum aſſumpſiſſe Victorinum tamquam alterius Numidiæ Senioreſem Episcopum, ac illud improbaſſe Auguſtinum epiſtolâ 217. ad Victorinum. Verum agit D. Auguſtinus de contentione Xantippum inter & Victorinum, qui ultimus Numidiæ Episcopos ad Concilium convocabat tractatoriâ ad omnes Numidiarum Episcopos tranſmiſſâ, & illi Concilio intereſſe renuit Auguſtinus rogans, ut Victorinus prius inſtare dignetur, *ut, inquit, inter tuam ſanctimoniam & ſenem Xantippum concorditer conſtet, quis veſtrum debeat convocare Concilium.* Quo loquendi modo D. Auguſtinus innuit, quæſtionem fuiſſe de Primatu totius Numidiæ, non partis alicuius in Provinciam redactæ. Et certè mentio *duarum Numidiarum* in præfatione ſextæ Carthaginienſis Synodi eſt vitioſa, cum illis temporibus Numidiam unicam dumtaxat fuiſſe Provinciam, clarum fiat ex Notiâ Imperij tempore Arcadij & Honorij confeſſâ, juxta quam Sextus Rufus in breviario unius tantum Provinciæ Numidiæ meminit. Aliunde itaque petenda eſt ratio contentionis, ex ætate nimirum aut tempore ordinationis, ex quâ pendebat Primatus in Africanis Provinciis: & hoc eſt, quod D. Auguſtinus ante omnia inquiri poſtulat, ut Episcopos in unum convocati, *quis eorum verum dicat, agnoſcant.* Hocque eſt, quod cum conſtituiſſet in Concilio Milevitano 1. occaſionem dedit canoni 2. *ut nullus Episcopus prioribus ſe audeat antepone*, quod contrâ Victorinum ſtatutum fuit, qui repertus erat junior ordinatione quam Xantippus. Quod autem hæc obſervatio noſtra veritati conſonet, docet canon huius Synodi non ſecundus ſed tertius de Archivo & Matriculâ Numidiæ: *Deinde placuit omnibus Episcopis, qui in hoc Concilio ſubſcripſerunt, ut Matricula & Archivus Numidiæ, & apud primam ſedem ſit, & in Metropoli, id eſt Conſtantinâ.* Apud primam Sedem, inquit canon, innuens unicam tantum ſedem Primatus honore conſpicuam in Numidiâ reperiri, & quamvis addatur: *in Metropoli Conſtantinâ*, id eatenus non additur, ut duplex Primatus in Numidiâ innuatur, ſed ut Primatus Eccleſiaſticus à Metropoli civili non pendere monſtretur in Africâ, cum in eius Provinciis penderet ex ætate Senioris Episcopos, qualis erat tunc Xantippus vel Conſtantinæ Metropolis, ut putat cum Baronio Juſtellus; vel Tagonenſis, ut ſcribit epiſtolâ 217. D. Auguſtinus.

6. Quinto.

6. Quinto titulo habetur apud collectores suprà de ordinando Episcopo, ut ab ordinatoribus suis epistolas cum die & Consule notatas accipiant, quem canonem citat Fulgentius Ferrandus sub titulo 10. non tanquam quintum, sed quartum Milevitanum, *ut Episcopus ordinatus ab ordinatore suo litteras subscriptas accipiat, ordinationis eius diem simul & Consulem continentes.* Concil. Milevitano tit. 4. sequi ergo debet hic canon post illum, qui statuit Numidiæ Archivum etiam in Metropoli Constantinâ servandum. Cum enim illo canone Victorino Primatum obtendenti abnegatum esset Archivum, & in civitate Metropolitana; ac penes Xantippum Provinciæ Primatem custodiri debere statutum fuisset, pergit hic canon similis contentions fomitem extinguere, pro quo statuit, in ipsius Episcopi ordinatione litteras ab ordinatoribus Episcopis conscribendas *continentes Consulem & diem.* Illis enim epistolis conscriptis, ubi de primatu contentio oriretur, jam facile erat difficultatem sopire, cum ex notâ Consulis de anno, & ex notâ diei constaret de antiquiore ordinationis tempore. Cæterum ex hoc canone patet, qualiter Africana Ecclesia ante Dionysium Exiguum subnotare solebat statuta Ecclesiastica, Consulum nimirum notâ iisdem subnexâ. Neque refert Donatistas apud D. Augustinum in breviculo collationum tertiæ diei pro Cirthenfi Conciliabulo sine Consulum notâ appellasse ad consuetudinem maiorum, asserentes *hanc esse Ecclesiasticam consuetudinem, ne dies & Consules decretis Episcoporum conscriberentur, legi volentes etiam Concilium Cypriani, ut hoc probarent.* Hæc enim vana erant, ut notat Augustinus, & non nisi ad moras neccendas proposita. Acta enim Martyrum ab ipsis Donatistis fabricata, & in appendice ad S. Optatum edita, habebant Consulem & diem, de quibus num. 435. collationis 3. diei. Neque Melchiadis Concilium tantum in causâ Cæciliani Consulum notam habebat, sed & ipsum Cirthense Conciliabulum, & multo plura Concilia in vetustis Archivis tunc latentia, ut suspicati sunt Episcopi Catholici.

Canon 4.
Milevitanus.

Donatistæ.

7. Restat jam paucis agere de Conciliis Africæ post primum Milevitanum habitis tempore Innocentij 1. quæ octo recensentur, ac primum anno 403. *Gloriosissimo Imperatore Theodosio Augusto & Romanor. V. C. Conf. VIII Kal. septembris Carthagine in Basilicâ regionis 2.* ubi legatio ad Anastasium Papam transmissa in Africam redux, quid sedi Apostolicæ placuisset in recipiendis ad ordines Donatistis exposuit, & Donatistarum præpositos à singulis Episcopis conveniendos statutum fuit, una cum formâ conventionis Donatistarum,

Concil. Carthag. an. 403.

Gg 3

quâ

quâ ipsis præsentari deberet tractatus inter legatos utriusque partis. Anno 404. aliud Concilium refertur à Collectoribus canonum Africanorum; quod legationem adversus Donatistas tractatum respuentes misit ad Imperatores cum commonitorio, quo rogant Patres tuitionem pro Catholicis contrâ Donatistas & circumcelliones, ac leges renovari de multâ pecuniariâ aliisque. Incipit: *Gloriosissimo Imperatore Honorio Augusto VI. Consule VI. Kalendas Iulias Carthagine &c. Anno sequenti 405. Stilicone secundo & Anthemio VV. CC. Coss. X. Kalendas Septembris.* Alia Synodus habita fuit, cuius brevium extat in Concilio vulgò Africano sub tit. 61. & apud Dionysium Exiguum sub tit. 94. in quo & recitata littera Papa Innocenti, ut Episcopi ad transmarina pergere facile non debeant, quod contrâ appellationes statutum non fuit, sed contrâ crebras Episcoporum Africae profectio- nes trans mare, etiam ad Imperatores pro causis Ecclesiasticis.

Carthagin.
anno 407.

8. Anno 406. habitum non fuisse plenarium Africae Concilium, vel ex eo colligere licet, quod nulla illius apud collectores reperiatur memoria, & anno sequenti 407. in Concilio *Gloriosissimis Imperatoribus Honorio 7. & Theodosii iterum Augustis Consulibus idus Iunias Carthagine habito*, abrogatum sit Hipponensis Concilij statutum de singulis annis contrahendo Concilio Africae plenario, & decretum, illud loco & tempore habendum, quando urgebit necessitas. Cæterum quia plures canones huic Synodo attribuantur, placet titulos eorum ex Dionysio Exiguo hic subnectere, ut & ea, quæ aliquid conside- ratione dignum continent, notis illustremus.

1. Concilium universale non nisi necessitate faciendum.
2. Ut ab electis iudicibus provocare non liceat.
3. De legationibus diversarum Provinciarum.
4. De executoribus Ecclesie.
5. Ut ab Imperatoribus postuletur advocatorum defensio pro causis Eccle-
sia.
6. Ut sit legatio libera.
7. Protestatio Maurorum Pontificum de Primofo.
8. De plebibus, quæ numquam Episcopos habuerunt.
9. De plebibus vel diocesis ex Donatistis conversis.
10. De suggestione Maurentij Episcopi.
11. De Pacificandis Ecclesiis Romanâ & Alexandrinâ.
12. De his, qui uxores, aut quæ viros dimittunt, ut sic maneat.
13. De precibus ad Altare dicendis.

14. De

14. De his qui publicorum judiciorum cognitionem ab Imperatore poposce-
runt.

15. De his qui cum in Africâ non communicant, voluerint trans mare
subrepere.

16. Vi pergentes ad comitatum causam suam vel Carthaginiensi, vel
Romano Pontifici insinuare procurent.

9. Titulo 10. agitur de suggestione Maurentij Episcopi, qui à
senioribus Ecclesiæ accusatus erat, quos & Proinde Xantippus Primas
Numidiæ iussit ad hoc plenarium Concilium occurrere, & cum
querentur hi, quos adesse voluit à Diaconis pro foribus, id est Seniores
à novâ Germaniâ, ac minimè invenirentur, secundo vel tertio requisiti:
propterea censuit sanctum Concilium, ut litteræ ad eundem senem Xan-
tippum prærogentur, quo nòverit voluntati plebis memorata nullomodo in-
juriam Episcopi succumbendum. Refert hæc placuit ob nomen Senio-
rum, quorum frequens mentio in Conciliis & monumentis Africanis.
Tertullianus in Apologetico: præfident probati quique Seniores hono-
rem istum non prætio, sed testimonio adepti. S. Optatus lib. 1. agens de
de Mensurio ad comitatum pergente: ornamenta Ecclesiæ fidelibus
Senioribus commendavit. Et post ordinationem Cæciliani: convocantur
suprà memorati Seniores, qui faucibus avaritiæ commendatam ebiberant
pradam. Nundinarius Cirthenlis Diaconus in gestis purgationis Cæ-
ciliani & Felicis de Sylvano, quod traditor esset, ideoque, inquit
in eius ordinatione, vos Seniores clamabatis: exaudi Deus civem no-
strum. ille traditor est. Et antea: quod omnes vos Episcopi, Presbyteri,
Diacones, Seniores fecistis. Et Purpurius à Limatat in epistolâ ad Silva-
num: adhibete clericos & Seniores plebis Ecclesiasticos viros, & in-
quirant diligenter, quæ sunt istæ dissensiones. Et aliam epistolam in-
scribens. Clericis & Senioribus Cirthensum. Et Donatistæ in epistolâ
Synodali apud Augustinum in psalm. 36. dicentes necessario causam Pri-
miani Seniorum litteris eiusdem Ecclesiæ postulantis audiendam. Et
ipse Augustinus epistolâ 136. dilectissimis fratribus clero, Senioribus, &
universa plebi Ecclesiæ Hipponensis. Et libro 3. contra Crescon. cap. 56.
Peregrinus Presbyter, & Seniores Ecclesiæ Musticana. Et serm. 19. de
verbis Domini: cum ob errorem aliquem à Senioribus arguuntur. Ex
quibus omnibus constat verissimum esse, quod in notis ad S. Optatum
observat Albaspineus, quod in Ecclesiâ Africanâ præter Ecclesiasticos
& clericos quidam ex plebe Seniores, & probata vita res Ecclesiæ cura-
bant. Christophorus Iustellus in notis ad hunc canonem tuetur, alios
fuisse

Tertullian.

S. Optatus.

Gesta purga-
tionis.

Purpurius.

Donatistæ.

Augustia.

Albaspineus.

Canon 91.
Codicis.

fuisse Seniores laicos, de quibus canon 19. Codicis Africani: ut Catholicici Donatistas *in singulis quibusque civitatibus vel locis per magistratus, vel Seniores laicorum conveniant.* Alios Seniores Ecclesiasticos, de quibus canon præsens ordine centesimus in Codice Africano græcè latinè edito. Sicut autem magistratus, rectores, & curatores, quia ex Senioribus præficiabantur civitatibus, Seniores dicti sunt, ita ob eandem rationem dictos Seniores Ecclesiæ existimem, qui ad exemplum Synagogæ initio Ecclesiæ instituti fuere, de quo D. Ambrosius in 1. ad Timoth. 5. *Synagoga & postea Ecclesia Seniores habuit, quorum sine Concilio nihil agebatur in Ecclesiâ: quod quâ negligentia obsoleverit, nescio; nisi forte doctorum desidia aut magis superbia, dum sibi volunt aliquid videri.*

Ambrosius.

Canon 11.

10. Canone 11. & 16. mentio fit Romanæ Ecclesiæ, ac priori quidam de pacificandâ Romanâ & Alexandrinâ Ecclesiâ, de quo canon: *placuit etiam, ut de dissensione Romana atque Alexandrina Ecclesia ad S. Papam Innocentium scribatur, quo utraque Ecclesia intra se pacem, quam præcepit Dominus, teneat.* Ad quem canonem rectè notat Baronius, eum agere de dissensione exortâ ob D. Chrysostomum factione Theophili Alexandrini in exilium missum, quam ob causam Innocentius Papa, teste Palladio Helenopolitano, Theophilum & alios orientis Episcopos à communione separare decreverat: hoc autem, ne fieret, vel si factum erat, ne perseveraret, rogandum ducunt Patres Africani, qui etiam in signum suæ ergà Romanum Pontificem reverentiæ statuunt canone posteriori, *de formatis ad Sedem Apostolicam dandis, adeo ut nullus Afrorum Episcoporum ad comitatum Imperatoris pergere poterat, nisi prius formata monstraretur Pontifici Romano, à quo tunc formatam ad comitatum accipiebat in signum potestatis Patriarchalis, quam Romanus Pontifex etiam per Africam obtinebat.*

Concil. Carthag. an. 409

11. Cætera usque ad collationem Carthaginiensem, quæ in Codice Africanæ Ecclesiæ referuntur, extantia Concilia, nihil consideratione dignum pertractant: duo habentur tributa anno 408. Basso & Philippo Consulibus: quorum unum 16. Kalend. Iulias Carthagine, alterum 3. idus Octobris, ibidem celebrata fuerunt ob legationem contrâ paganos & hæreticos transmittendam. Sequitur Concilium *Gloriosissimis Imperatoribus Honorio VII. & Theodosio 3. Augustis Cons. 17. Kalend. Iulias* Carthagine habitum, quod Labbeus in annum 407. rejicit. Sed cum illo anno celebratum fuerit Concilium aliud Carthaginienſe *idus Iunias, & Theodosius Consul tertium fuerit anno 409. putamus cum*

cum Binnio, errorem irreplisse in Consulatum Honorij, & loco VII. legendum esse VIII. cum Honorius 8. & Theodosius 3. Consules fuerint anno 409. Similem errorem irreplisse putem in sequens Concilium Carthaginense, quod Codices canonum Africanorum Græci latini tribuunt post Consulatum Honorij VIII. & Theodosij 4. Augustorum XVIII. Kalend. Iulias. Præterquam enim, quod illo anno jam assignavimus aliud Carthaginense Concilium 17. Kal. Iulias habitum, accedit Honorium 8. & Theodosium 4. numquam simul fuisse Consules, sed benè Honorium 8. & Theodosium 4. anno 410. unde apud Dionysium Exiguum legitur correctius: post Consulatum Gloriosissimorum Imperatorum Honorij VIII. & Theodosij 3. Augg. XVIII. Kal. Iulias Carthagine in Basilica regionis secundæ: in hoc Concilio legationem susceperunt contra Donatistas florentius, Possidius, Præsidius, & Benenatus Episcopi, eo tempore, quo lex data est, ut liberâ voluntate quis cultum Christianitatis exciperet. Contra Donatistas habitum fuit hoc Concilium, quod hac legatione tandem obtinuisse toties desideratum tractatum Donatistas inter & Catholicos habendum, indicat collatio Carthaginensis habita anno 411. sequenti, de qua hic fusius ageremus nisi intrâ dissert. Ult. iterum de illâ agendum esset.

Concil. Carthag. an. 410

C A P V T XI.

De Synodis in causa Donatistarum & Pelagianorum habitis tempore Innocentij I.
& signanter de Synodo Milevitanâ anno 416.

1. Anno 412. duæ Synodi habitæ sunt una in causâ Pelagianorum Carthagine, alia in causâ Donatistarum Circa in Numidiâ, cuius Synodica subnotatio vitiosa est.
2. Marius Mercator meminit trium Conciliorum contra Pelagianos in Africâ coactorum, quorum duo celebrata sunt anno 416. in civitatibus Carthaginensî & Milevitanâ.
3. Acta Milevitani Concilij summam referuntur ex tomis Conciliorum

H h

cum

cum eiusdem præfatione, quæ ad Milevitanum primum spectat, & non ad hoc secundum.

4. Canones 27. huic Concilio tributos eius esse negat Iustellus: non omnes ei suppositos tuentur Cardinales Perronius & Baronius.
5. Cæterum unicam tantum Synodicam ad Innocentium primum transmissam, cætera vero supposititia esse tuemur cum Garnerio, canones enim octo priores spectant ad aliquod Concilium Carthaginienſe.
6. Undenam canones cæteri desumpti sunt, paucis indicatur.
7. Canon 27. huic Milevitano Concilio tributus, desumptus est ex Concilio Carthaginienſi anno 418. ut ex verbis ipsis manifestè deducitur.
8. Tertiam Synodum à Mario Mercatore memoratam putat Labbeus esse 5. Episcoporum, quorum Synodicam habemus ad Innocentium primum transmissam. Verum infirmatur hæc opinio & rationibus destituta ostenditur.
9. Alia itaque videtur Synodus Carthaginienſis, quam putamus illam esse, quæ anno 412. celebrata fuit.

1. **S**I mens esset, cuncta Africanæ Ecclesiæ Concilia notis illustrare, fusius hic agerem de singulis Africanæ Synodis, quæ Collationem subsecutæ sunt: sed cum brevitati studeamus, sufficit ex Marij Mercatoris commonitorio annotare, cum primum Cælestius Pelagij discipulus ex Urbe Romanâ Carthaginem venisset, coram Aurelio per Paulinum Diaconum in Synodo fuisse accusatum de sex erroribus, *Orosius.* ubi plurimis Episcopis judicantibus Cælestium damnatum fuisse, scribit Orosius, qui & eorum Synodum nuncupavit Africanam. Ioannes Garnerius in publicatis à sese Marij Mercatoris operibus assignat hanc Synodum Honorio 9. & Theodosio 5. Coll. habitam mense Februarij anno Christi 412. nec sola hæc Synodus illo anno habita fuit in Africâ, sed alia quoque Cirtæ in Numidiâ celebrata fuit sub Silvano Numidiæ Primare in causâ Donatistarum. Extat inter litteras D. Augustini eius epistolâ Synodalis ordine 152. cum hac inscriptione: *Synod. Aug.* Silvanus Senex, Valentinus, Aurelius, Innocentius, Maximus, Optatus, Augustinus, Donatus, & cæteri Episcopi de Concilio Cirtensi ad Donatistas. Ex quâ constat, habitum Concilium contrâ Donatistarum calumnias, quibus sese in collatione victores mansisse ubique gloriabantur: temporis subnotatio sic legitur: *Hæc ad vos scripsimus. 17. Kalendas Iulias Piiſſimo Honorio Augusto VIII. Consule.* Sed errorem in numerum irrepisse, rectè ad annum 412. notat Cæsar Baronius: cum octavus pro nona *Consu-*

Consulatu sit positus. Hoc enim anno Honorius fuit Consul nonum, ut patet ex fastis, ac rescripto ad Præfectum prætorio contra Donatistas 3. Kalendas Februarij hoc anno *Honorio IX. & Theodosio V. AA. Conf.* Lex Honorij Statuerat illo rescripto Honorius Ecclesias Catholicis reddendas, & varias pœnas pecuniarias in Donatistas, quibus graviora statuit an. 414. X. Kalend. Iulij Constantio & Constante Consulibus data ad Dulcimum Tribunalum lege extante lib. 4. de hæreticis Codic. Theodosian. iussi sunt hæc ultimâ lege Donatistarum Episcopi facultatibus privari, & in exilium mitti, quod cum in Africâ publicatum fuit, convenire 30. Donatistarum Episcopi sub Petiliano Constantinensi in ignotâ nobis civitate. Meminit huius Conciliabuli D. Augustinus contra Gaudentium libro 1. cap. 37. *in Concilium autem tanta (ut putatis & jactatis) persecutionis tempore amplius etiam quam triginta convenire potuistis, ubi & Petilianus fuit.* Statutum autem ibi fuit, Ecclesias non deleendas esse, nec in exilium consentiendum, sed potius propriis manibus pereundum voluntariâ nece sibi illatâ, quod pluribus locis deplorat S. Augustinus.

Lex Honorij

S. Augustin.

2. Marius Mercator in suo commonitorio causam damnationis Pelagij relaturus, testatur libros eius erroribus Scatentes in Africam missos, *ubi tribus Conciliis congregatis memorati lecti sunt libri.* Ad quæ verba notat in margine Philippus Labbeus: *duo Carthaginienſia cum Milevitano intelligere videtur. Extant illorum duæ Epistolæ cum Canonibus tertij.* Verum hæc ipsa parum fusius examinanda sunt. Primam Carthaginienſem Synodum adversus Pelagium & Cælestium habitam fuisse Theodosio August. VII. & Iunio Quarto Palladio Conf. circâ tempus autumnii anno Christi 416. in dissertatione 2. de Synodis astruit Garnerius, qui & refert Synodicam huius Concilij ad Innocentium primum transmissam ab Aurelio, Numidio, alijsque numero sexaginta sex Episcopis, quorum omnium sedes investigat Garnerius in notis. Quin autem hæc Synodus una ex illis sit, quarum meminit Marius Mercator, nemini dubium esse potest: an tamen prima sit, & non potius secunda Carthaginienſis merito dubitatur, ut constabit ex infra dicendis. Secunda Synodus, cuius meminit Marius, eodem an. 416. ijsdemque Consulibus habita fuit Milevi circâ finem Octobris, cuius Synodica extat inter Epistolas Augustini ordine 92. & à Silvano Numidiæ Primæ, alijsque sexaginta Episcopis scripta est ad Innocentium primum. Extat inter Epistolas D. Augustini, quia ab eo dictata fuit, & subscripta: referuntur in eâ de hæresi Pelagianâ duo ca-

Marius Mercator.
Labbeus.

H h 2

pitula,

pitula, quorum primum est de errore Pelagianorum, Gratiā Dei ad salutem necessariā non esse dicentium; secundum verò de eorum errore contrā peccatum originale parvulos sine baptismo salvandos Syn. Milevit. somniantium. Et addunt Patres in Synodicā: *hac ad sanctitatem tuam de Concilio Numidia scripta direximus, imitantes Carthaginiensis Ecclesia Coepiscopos nostros, quos ad Sedem Apostolicam, quam beatus illustras, de hac causā scripsisse comperimus.* Ex quibus colligimus, Synodum Milevitānam Carthaginiensi esse posteriorem: eodem tamen anno utramque habitam fuisse, testantur rescripta Innocentij primi ad Synodum anno sequenti 417. sexto Kalendas Februarias data.

3. Extant acta huius Synodi in tomis Conciliorum cum præfatione, quæ incipit: *Gloriosissimis Imperatoribus Arcadio & Honorio Augustis Viris Clarissimis Consulibus VI. Kalendas Septembris in Civitate Milevitana &c.* Verum hæc præfatio non est Synodi Milevitane secundæ, de quā in præsentī agimus, utpote quæ habita fuit Theodosio 7. & Iunio Quarto Palladio Coss. anno 416. Sed est Synodi Milevitane primæ ante annos 14. habitæ Consulibus Arcadio & Honorio Augustis, ut ipsa præfatio indicat. Sequuntur post laudatam præfationem 27. Canones, quorum tituli sequentes.

TITULI CANONUM MILEVITANORUM.

1. Contrā Pelagianos, qui dicunt, etiam sine peccato mori potuisse Adam.
2. Quod juxta Apostoli testimonium etiam parvuli, qui nihil peccati adhuc commiserunt, omnes in peccatorum remissione veraciter baptizentur.
3. Quod Gratia Dei non solum peccata dimittit, sed etiam adjuvat, ne committantur.
4. Quod per Gratiam Dei sciamus, quid facere debeamus, & diligere, ut faciamus.
5. Quod Gratia Dei præstet, ut lex impleatur; non (sicut ait Pelagius) facile, quasi sine gratiā Dei difficilius possit impleri.
6. Quod juxta sententiam Ioannis Evangelistæ nemo sit, qui esse possit sine peccato.
7. Quod unicuique etiam iusto, non solum pro aliis, sed & pro semetipso dicere oporteat: dimitte nobis debita nostra.
8. Quod à sanctis veraciter dicatur: dimitte nobis debita nostra.
9. Quod ad communes causas Ecclesia generale Concilium congregari oporteat,

- oporteat, in privatis vero causis speciale uniuscuiusque Provincia.
10. *Vt Epistolas ad Concilium evocandum Metropolitanus subscribat, & dirigat.*
 11. *Vt de hæreticis & infidelibus, quidquid in Concilio constituitur, à principe impetretur.*
 12. *Vt preces & orationes compositæ, nisi probata fuerint, in Concilio non dicantur.*
 13. *Vt posteriores anterioribus Episcopis non præferantur, nec inconsultis Primatibus suis aliquid agere præsumant.*
 14. *Vt Episcopi pro tempore consecrationis suæ litteras ab ordinatoribus habeant.*
 15. *Vt ubi primum quis legerit, ibi permaneat clericus.*
 16. *Vt pro causis Ecclesiarum executores vel advocati à Principe postulentur.*
 17. *Vt neque dimissus neque dimissa alteri jungantur.*
 18. *De his, qui in suâ Provinciâ non communicant, ut alibi non communicent.*
 19. *De clericis, qui apud Principem saculare iudicium, aut Synodale impleverint.*
 20. *Vt sine formatis nemo ad comitatum proficiscatur, & qualiter formata fiant.*
 21. *De Episcopis, qui, quod repetere poterant, prætermisâ Synodo invaserunt.*
 22. *De clericis, qui de iudicio Episcoporum suorum conqueruntur.*
 23. *De his qui apud hæreticos penitentiam acceperunt.*
 24. *De Episcopis negligentibus adversus hæreticos.*
 25. *Vnde supra.*
 26. *De virginibus, quæ infra 25. annos necessitate cogente velantur.*
 27. *De Episcopis, qui post acta Carthaginensis Synodi retenti sunt ad reliqua peragenda.*

4. Hæc quidem tituli canonum, quos dum Justellus in præfatione ad codicem Africanæ Ecclesiæ huius Concilij negasset, insurgit contra eum eminentissimus Cardinalis Perronius cap. 48. in replic. adversus responsum Angliæ regis, & propositis sibi partis adversæ rationibus, ubi conatus est ijs satisfacere, prætendit vitio collectorum decreta huius Synodi posita post præfationem prioris Milevitani Concilij, & utriusque canones cum aliis huic secundæ Milevitaneæ esse tributos quidem, sed non omnes ei suppositos, quandoquidem Concilium

Concilium
Turon. 2.

Turonense 2. anno 567. canone 20. referat : cum etiam id in anti-
quis Milevitanis canonibus fuerit statutum : item placuit , ut quicumque
Episcopum necessitate periclitantis pudicitia virginalis , cum vel petitor
potens , vel raptor aliquis formidatur , vel si aliquo etiam mortis scrupulo
periculoso compuncta fuerit , ne non velata moriatur , aut exigentibus
Parentibus , aut his , ad quorum curam pertinet , velaverit virginem ,
seu velavit intra viginti quinque annos atatis , non ei obsit Concilium ,

Perronius.

„ quod de istorum annorum numero constitutum est. „ Quæ sunt , inquit
„ Perronius , propria verba canonis 26. Concilij Milevitani , quod
„ hodie præ manibus habemus. „ Accedit eminentissimus Annalium
parens , qui ad annum 416. numero 3. putat partem præfationis ,
„ & 8. priores canones huius esse Synodi : „ in eius exordio , inquit ,
„ præfixa habetur nota diei & Consulis , quæ est prioris Milevitani
„ Concilij , cui interfuit (ut vidimus) Aurelius Carthaginiensis
„ Episcopus , & cætera que habentur usque ad illa verba : *ideoque*
„ *pariter*. Quæ vero hæc sequuntur acta , huius de quo agimus , sunt
„ Milevitani Concilij usque ad octavum canonem. „

Baronius.

5. Verum cum eminentissimi Cardinales fateri debeant , & fate-
antur , magnam confusionem hisce in canonibus & in Concilij Mile-
vitani actis ab ignaro aliquo collectore factam , mirari lubet , viros
eruditos pro suâ huius Synodi canonibus autoritate vindicandâ labo-
rasse , cum tanta , quanta sit , supposititia videatur , unicâ eius
Synodicâ , ut animadvertit Joannes Garnerius , ad Innocentium
primum exceptâ , de quâ egimus suprâ. Enimverò initium præfationis
usque ad illa verba : *ideoque pariter* , non huius sed alterius Concilij
Milevitani esse , consentiunt omnes etiam ipse Baronius. Verba

Præfatio.

autem sequentia : *ideoque pariter quædam de causis fidei , unde nunc
questio Pelagianorum imminet , in hoc cætu sanctissimo primum tracten-
tur : deinde subsequantur & aliqua , quæ disciplina Ecclesiastica necessa-
ria existunt.* Hæc inquam non sunt consona stylo Africanæ Ecclesiæ ,

Labbeus.

sed ut notat Labbeus in margine : *pravè à sciolo inserta sunt.* Canones
autem octo priores , quos putabat Baronius huius esse Concilij , reverà
non esse , rectè animadvertit Garnerius in notis ad Synodicam ,

Garnerius.

„ ubi : „ , præter hanc epistolam nihil Synodi remanet , quamvis enim
„ fuerint olim , sintque etiamnum , qui celeberrimos octo Ecclesiæ
„ Africanæ canones , adversus hæresim Pelagianam , Milevitanos
„ vocent , id faciunt tamen nunc temporis paucissimi ex sententiâ.
„ Reliqui ut veterem atque popularem appellationem retineant. Sci-

„ tum

„ tum enim est ab eruditis , canones istos eo primum nomine voca-
 „ tos fuisse , propter solam veteris collectoris præiudicatum auctori-
 „ tatem ; nec ullâ ratione dici posse sancitos in uno ex duobus Mile-
 „ vitanis Conciliis , neque enim in primo universali ; si quidem
 „ coactum sit anno 402. cum nondum orta fuisset hæresis Pelagiana ,
 „ certè nondum Africæ innotuisset : neque etiam in secundo Pro-
 „ vincionali , cum Augustinus in plenario totius Africæ Concilio
 „ conditos testetur, Codex canonum ab Adriano 1. missus ad Caro-
 „ lum Magnum , in Carthaginiensi Synodo. „ Hæc Garnerius, quibus
 „ consonat Quesnellus, & addo Patres Milevitanos in suâ ad Innocentiũ
 „ primum Synodicâ tantum duo hæresis Pelagianæ capita retulisse , non
 „ octo , subdentes reliqua ex Synodicâ Carthaginiensi, quæ ad Pelagium
 „ spectant, Pontificem posse cognoscere.

6. Post octo canones contrâ Pelagianam hæresim statutos , legitur
 in actis ante canonem 9. *hucusque de fide contrâ Pelagianos , nunc
 regula tractentur Ecclesiastica.* Quæ verba non sunt Concilij , sed
 scoli istius , qui præfationem suprâ citatam verbis suis auxerat , &
 sequentes canones 19. ex variis Africæ Conciliis depromptos Milevi-
 tanæ Synodo secundæ falsò attribuebat , de quo Baronius : *reliqui ve-*
ro , qui sequuntur ad finem usque , diversorum esse apparent Conciliorum
Africanorum Canones. Justellus autem existimat , esse canones Concilij
 Milevitani primi , cuius secundus canon hac in Synodo est ordine
 decimus tertius , & canon quartus hac in Synodo est ordine 14. &
 canon sextus est hac in Synodo ordine 15. Item Concilij Carthaginien-
 sis Honorio 7. & Theodosio 2. Coss. habiti anno 407. cuius ca-
 non 1. prout refertur in Concilio vulgò Africano sub titulo 62. vel
 in codice Africano græco latino sub tit. 95. reperitur in Milevitano 2.
 ordine nonus. Canones de executoribus , & advocatis Ecclesiæ
 relati sub titulis 96. & 97. Codicis reperiuntur in Milevitano 2. uno
 canone ordine 16. canon relatus in Codice sub titulo 102. *de his qui*
uxores , aut quæ viros dimittunt , reperitur in Milevitana 2. ordi-
 ne 17. & sic de aliis , cum canones 18. 19. & 20. extent in Codice
 Africano sub titulis 105. 104. & 106. Demum esse alterius Concilij
 Carthaginiensis Honorio 12. & Theodosio VIII. Consulibus habiti ,
 ex quo desumpti sunt non solum octo priores canones Milevitani
 contrâ Pelagianos , sed & canon 21. Milevitanus , qui in Codice
 habetur sub titulo 120. canon Milevitanus 22. in Codice sub titu-
 lo 125 ; canon Milevitanus 24. in Codice sub titulo 121. canon 25. in
 Codice

Baronius.

Codice sub titulo 123. & canon 26. *de velandis virginibus in casu necessitatis* reperitur in Codice sub titulo 126. tanquam Concilij Carthaginensis anno 418. Consulibus Honorio 12. Theodosio VIII. habiti : tantum abest , hoc ex canone pro genuinis Concilij Milevitani actis aliquid concludi posse ; citavit quidem hunc canonem de velandis virginibus tanquam Milevitanum Synodus Turonensis 2. sed quid aliud ex eo concludi potest, quam auctorem Farraginis Concilio Milevitano tributæ anteriorem fuisse Synodo Turonensi ?

Canon 27.

Labbeus.

7. Quam autem veritati consonet , quod hætenus de Milevitanorum canonum suppositione adduximus , clarius firmari non potest , quam ex canone 27. pro ultimo Milevitano hætenus habito : *item placuit , ne diutius universi Episcopi , qui ad Concilium congregati sunt , tenerentur , ab universo Concilio ternos judices de singulis Provinciis eligi.* Ad quæ verba notat Labbeus in margine : *ultimus hicce canon aperte indicat verbis istis , non ad particularem Milevi Synodum , sed ad Concilium universale Carthagine habitum regulas istas omnes referendas.* Et rectè , extat enim hic canon sub Concilio Carthaginensi anni 418. in Codice G. L. sub titulo 127. unde fuit à suppositore desumptus , & tanquam canon 27. Concilio Milevitano tributus , cui tribui non poterat , tum quod Milevitana Synodus tantum erat Provincialis Numidiæ , tum quod illi non adfuerit *Aurelius Carthaginensis* , qui tamen huic canoni subscriptus habetur.

Marius Mercator.

8. Tertia Synodus , cuius meminit Marius Mercator , est Carthaginensis , quam Labbeus putat fuisse quinque Episcoporum *Aurelij , Alipij , Augustini , Evodij , & Possidij* : confirmat id ipsum Garnerius in illius Synodi Carthagine à 5. Episcopis sub finem anni 416. habitæ notis , additque , tres Episcopos fuisse è Numidiâ Alipium , Augustinum , & Possidium , duos ex Proconsulari Provinciâ , Aurelium , & Evodium. Aurelium quidem Carthaginensem , Alipium Tagastensem , Augustinum Hipponensem , Evodium Uzalensem , & Possidium Calamensem. Verum hoc esse unum ex tribus Conciliis , unde colligatur , hætenus non video : scribit Marius Mercator in commonitorio *tribus Conciliis* in Africa congregatis damnatos Pelagianos , & Romam relationes desuper missas , Apostolicâ denique sententiâ rescribente ad prædicta Concilia Pelagium communionem fuisse privatum : sed ubinam scribit Marius Mercator , unum ex illis Conciliis fuisse quinque Episcoporum , aut Innocentium ad omnia tria Concilia rescripsisse ? est quidem locus D. Augustini epistolâ 47. ad Valentinum

tinum ubi : quod scriptum est ad Papam Innocentium Romana urbis Episcopum de Concilio Provincia Carthagenensis, & de Concilio Numidia, & aliquanto diligentius à 5. Episcopis, & quid ipse ad tria ista rescripsit. Verum hoc in loco non dicit Augustinus, epistolam à 5. Episcopis scriptam esse Synodicam Carthaginiensem : quin imò duo tantum Concilia ad Innocentium scripsisse dum meminit, 5. Episcoporum epistolam pro Synodicâ non habuit, de qua in eadem ad Valentinum epistolâ : scripsimus etiam ad B. M. Papam Innocentium prater Conciliorum relationes litteras familiares, ubi de ipsâ causâ aliquanto diutius egimus. Litteras 5. Episcoporum non Synodicas, sed familiares nominat Augustinus, quas non videtur scripsisse Aurelius Carthageniensis, sed Aurelius Macomadiensis, qui tertio nominatur in inscriptione Synodicæ Milevitane. Ratio autem hoc asserendi videtur ex eo firmari, quod extent responsoriæ litteræ Innocentij primi ad Aurelium, Alypium, Augustinum, Evodium, & Possidium Episcopos, & prater has aliæ eodem die 6. Kalend. Februar. ad Aurelium Carthageniensem datæ, in quibus Innocentius Papa tantum meminit familiaris epistolæ seorsim à solo Aurelio conscriptæ, quam nec ipse Aurelius scribere opus habuisset, si familiari epistolæ quinque Episcoporum per Iulium Africanæ Ecclesiæ legatum una cum Synodicis duabus Romam perferendæ subscripsisset.

9. Alia igitur videtur Synodus Carthageniensis, cuius meminit Marius Mercator, ut post hæc scripta mecum sentire reperi Quesnellium dissertat. 13. de Conciliis Africanis, qui existimat primam Synodum Carthageniensem habitam fuisse anno 412. & aliam anno 416. Quandoque verosimilius credideram, primam Synodum à Mario Mercatore memoratam non esse illam, quæ anno 413. habitata fuit, utpotè quæ acta sua ad sedem Apostolicam non retulit, sed illam, quæ anno 416. celebrata fuit, & secundam quæ coacta est anno 417. in Autumno : sed resagaciori lance perpensâ, cum Marius Mercator scribat, duo Concilia Carthageniensia occasionem dedisse Innocentio 1. damnandi Cælestium & Pelagium, & Innocentius primus anno 417. obierit die 2. Aprilis, debuit necessario aliquod Concilium Carthageniense fuisse ante Autumnum anni 417. celebratum. Cumque ante illud tempus duo dumtaxat Carthageniensia Concilia in causâ Pelagij habitata fuerint, quorum primum an. 412. aliud an. 416. celebrata sunt, de ijs intelligendus est Marius, cum scriptum reliquit, quod à tribus Concilijs de rebus Pelagianorû habitis relationes missæ

Zosimus.

sunt Romam, unde & sub Innocentio primo Apostolica scripta emanarunt, quibus Cælestius & Pelagius Ecclesiastica communione privati sunt, quam Innocentij sententiam firmavit Zosimus post varia occasione Cælestij & Pelagij Catholicam fidem simulantium Africanos inter & Romanos inita Consilia, & missa rescripta dissertatione sequenti parum fufius examinanda, ut hic annotare sufficiat, quod S. Prosper memoriæ posterorum consecravit in chronico ad annum 419. Concilio apud Carthaginem habito 214. Episcoporum, ad Papam Zosimum Synodalia decreta perlata: quibus probatis per votum mundum hæresis Pelagiana damnata est.

CAPUT XII.

De Concilio Zellenfi & Tractoriâ Syricij Papæ, & an sint supposititia.

1. Acta Concilij Zellenfis referuntur, prout edita sunt à Quesnellio in Codice Canonum.
2. Additur tractoria Syricij Papæ ad Africanos missa, & in Concilio Zellenfi relecta.
3. Et acta Zellenfis Synodi & tractoriam Syricij supposititia esse, tuetur Quesnellius, cuius rationes summam referuntur.
4. Caterum ex loco Concilij nullum pro suppositione actorum desumi posse fundamentum, monstratur ex eo, quod non Thelense, aut Teleptense, sed Zellenfe sit legendum.
5. Neque ex tempore, quod anno 418. 24. Februarij retinendum putamus.
6. Habitum fuit Zella in Byzacenâ Provinciâ sub Donatiano eius Primæ, fuitque Provinciale.
7. Prefationis formam nullum suppositionis indicium continere, accuratè perpensis omnibus ostenditur.
8. Epistola tractoria, vel ut alij volunt, tractatoria Syricij Papæ superest unica, neque id affectatum sed potius genuini fectus indicium. Confirmant id ipsum varij Codices M.SS. & breviatio Canonum Fer-randi Carthaginensis Diaconi, ex quâ omnia ferme Syriciana epistola capita proferuntur.

9. Caput

9. Caput primum & secundum citantur à Ferrando additis *ijs*, quæ sunt in favorem Romana Ecclesiæ. Caput tertium convenit in sensu, & sequentia etiam in verbis cum *ijs*, quæ citantur à Ferrando.

10. Caput 9. etiamsi suadeat continentiam, non ided reputatur supposititium, quin imo vel ex hoc epistolam genuinam esse, monstramus, & quantâ Africani Antistites observantiâ Pontificiis decretis obtemperabant, vel ex hoc capite eruitur.

1. **E**Xtat in tomis Conciliorum Teleptense sub Zosimo Papâ habitum post Consulatum gloriosissimi Honorij XI. & Constantij II. 6. Kalendas Martias, quod idem capite 60. Codicis Canonum editum est à Paschasio Quæfnellio hisce verbis:

CANONES CONCILII THELENSIS.

Secundum tractatoriam Syricij Papæ per Africam.

Post Consulatum gloriosissimorum Augustorum Honorij XI. & Constantij VI. Kalend. Martij. Congregato Concilio in Ecclesiâ Apostolorum plebis Thelensis, beatus Pater primæ Sedis Donatianus civitatis Theleptensis, cum resedisset, confidentibus secum Ianuario, Felice, Secundo, Cirio, Secundiano, Gerâ, Eunomio, Maximiano, Donato, Cresconio, Soprato, Restituto, Iuliano, Maximino, Romano, Tertiolo, Micilo, Maximo, Donatiano, Basilio, Papiniano, Porphyrio, item Porphyrio, Donato, Iuliano, Tuto, Fortunio, Quintiano, Capione, & Cateris Episcopis, nec non etiam Vincentio & Fortunatiano, legatis Provincia Proconsularis ad Bizacenum Concilium directus, Vincentius & Fortunatianus dixerunt.

Etiam cum * Tusdrum fuisset, sicut mecum recolat memorialis auditio vestra, & Epistolas Sanctæ memoriæ Siricij Sedis Apostolica Episcopi dedissemus, unaque earum recitata esset à sanctimoniâ fratris nostri Episcopi Latonij, utrasque nos afferre suggestio indicavit: has recitari donate. Episcopi dixerunt: recitentur epistola venerabilis memoriæ Siricij: ut noverimus, quid earum textus contineat. Cumque traderentur, Privatus notarius dixit.

EXEMPLUM TRACTATORIÆ SIRICIJ

EPISCOPI URBIS ROMÆ.

2. Dilectissimis fratribus & Coepiscopis per Africam, Siricius. Cum in

Ii 2

14711173

Epheſ. 5.

2. Theſſ. 2.

Luca 12.

Pſalmo 90.

Vulg. & Cod
Thuan. Sedis
Apoſtolica lo-
eſt Primatis.

unum plurimi fratres conveniſſemus, ad Sancti Apoſtoli Petri reliquias, per quem & Apoſtolatus & Epiſcopatus in Chriſto cœpit exordium, placuit ut propter emergentes plurimas cauſas, quæ in aliquantis non erant cauſa, ſed crimina, de cætero eſſet ſollicitudo unicuique in Eccleſiâ curam huiusmodi habere, ſicut Apoſtolus prædicat Paulus: ut exhibeat Deo Eccleſiam non habentem maculam aut rugam: ne per aliquius morbida ovis aſſatum contaminata videretur. Qua de re meliori Conſilio id ſedit, propter eos maximè, qui in præſenti valetudine corporis aut ſeſſæ ætatis cauſâ minimè adeſſe potuerunt, literas tales dari, non quæ nova præcepta aliqua imperent: ſed quia ea, quæ per ignaviam deſidiamque aliquorum neglecta ſunt, obſervari cupimus, quæ tamen Apoſtolica patrum ſanctiõne ſunt conſtituta; ſcriptum eſt enim: ſtate & tenete traditiones noſtras ſive per verbum, ſive per epiſtolam. Illud certè debet mentem veſtram, dilectiſſimi fratres, vehementius excutere, ut ab omni labe ſæculi iſtius immunes ad Dei conſpectum ſecurique veniamus. Non enim erimus immunes, qui præſumus plebibus, cum ſcriptum ſit: cui multum creditum fuerit, plus ab eodem requiritur. Ergo quoniam non pro nobis tantum, ſed & pro populo credito cogimur reddere rationem, populum diſciplinam deiſicam erudire debemus. Extiterunt enim nonnulli, qui ſtatuta maiorum non tenentes, caſtitatem Eccleſiæ ſuâ præſumptione violaverunt, voluntatem populi ſequentes, & Dei iudicium non timentes. Ergo ne pari more ſilentio connivere, atque adhibere conſenſum talibus videamur, unde gehenna pœnas incurrere, dicente Domino: ſi videbas furem currebas cum eo, & cum adulteris portionem tuam ponebas: hæc ſunt, quæ deinceps intuitu divini iudicij omnes Catholicos Epiſcôpos expedit cuſtodire.

Primum ut extrâ conſcientiam Sedis Apoſtolice Primates nemo audeat ordinare, integrum enim iudicium eſt, quod plurimorum ſententiâ conſecratur.

2. Ne unus Epiſcopus Epiſcopum ordinare præſumat propter arrogantiam: ne furtivum beneficium præſtitum videatur: hoc enim in Synodo Nicenâ conſtat eſſe definitum.

3. Si quis poſt remiſſionem peccatorum cingulum militia ſæcularis habuerit, ad clerum admitti non debet.

4. Vt mulierem viduam clericus non ducat uxorem.

5. Vt is qui laicus viduam duxerit, non admittatur ad clerum.

6. Vt de alienâ Eccleſiâ ordinare clericum nullus uſurpet.

7. Vt abiectum clericum alia Eccleſia non admittat.

8: Vr

8. Ut venientes à Novatianis vel Montensibus per manus impositionem suscipiantur, eo quod rebaptizant.

9. præterea quod dignum & pudicum est & honestum suademus, ut sacerdotes & levitæ cum uxoribus suis non coeant: quia in ministerij quotidianis necessitatibus occupantur; ad Corinthios enim Paulus sic scribit; dicens: abstinete vos, ut vacetis Orationi: si ergo abstinencia laicis imperatur, ut possint deprecantes audiri; quanto magis sacerdos omni momento paratus esse debet munditiæ puritate securus, ne aut sacrificium offerre, aut baptizare cogatur? qui si carnali concupiscentiâ contaminatus fuerit, quid faciet: excusabit? quo pudore? sacrificabit vel baptizabit? quâ mente usurpabit? quâ conscientiâ? quo merito se exaudire credit; cum scriptum sit: omnia munda mundis, coinquinatis autem & infidelibus nihil mundum. Quapropter hortor, moneo, rogo, tollatur hoc opprobrium, quod potest jure etiam gentilitas excusare. Forte creditur, posse presbyterum, vel potius debere uxorem habere; quia scriptum est: unius uxoris virum? sed non permanentem in concupiscentiâ generandi dixit; sed propter continentiam futuram: neque enim integros non admisit, qui ait: vellem autem omnes homines sic esse, sicut & ego. Et apertius alibi declarat dicens: qui autem in carne sunt Deo placere non possunt: vos autem jam non estis in carne, sed in spiritu.

Hac itaque, fratres, si plenâ vigiliantia fuerint ab omnibus observata, cessabit ambitio, dissensio conquiescet, hæreses & schismata non emergent, locum non accipiet Diabolus sæviendi, manebit unanimitas, iniquitas superata calcabitur; caritas spiritali fervore flagrabit, pax prædicata labiis, cum voluntate concordabit; pax utique Dei nostri salvatoris, quam proximus passioni servandam esse præcepit, & hereditario eam jure dereliquit dicens: pacem meam do vobis, pacem relinquo vobis. Et dictum Apostoli: ut unanimis unus sentientes permaneamus in Christo. Nihil per contentionem nobis, neque per inanem gloriam vindicantes. Non hominibus, sed Deo salvatori nostro placeamus. His præceptis omnibus, si fideliter voluerimus obedire, custodiet Dominus corpora nostra & animas nostras in die, quâ redditurus est unicuique juxta opera sua. Si quis sane inflatus mente carnis suæ ab hac canonum ratione voluerit evagari, sciat se à nostrâ communione seclusum, & gehennæ pœnas habiturum. Præterea misericordia cum judicio esse debet: Talibus enim oportet nos labentibus manum porrigere, quæ sic currentem non pertrahat in ruinam. Dicitur Roma in Concilio Episcoporum octoginta: sub die 8. idus Januarij: post Consulatum Arcadij Augusti, & Bautonis virorum clarissimorum Consulunt.

Quesnel.

3. Huc usque acta Concilij, quæ superesse traduntur, cæteris, si quæ fuerunt, temporum diuturnitate deperditis. Cæterum gravis movetur difficultas à Paschasio Quesnellio dissert. 15. de hoc ipso Concilio, quod post communem eruditorum omnium applausum ipsi primo visum fuit supposititium: *certissimum enim mihi est, inquit, & Synodum, & epistolam meram esse fabulam, merumque commentum.* Rationes verò addit, quarum primam repetit ex nomine Concilij in quo variant periti, plerisque Teleptense vocandum esse putantibus, cum Telense omnes Codices antiquiores habeant. Secundò ex tempore Concilij, quod 6. Kal. Martias ponitur, cum generalis totius Africae conventus mense Maio sequente congregari deberet, & jam tum indictus esset, ad quem omnia huius Synodi acta facile potuissent differri. 3. Ex ipsius Synodi qualitate, quæ generalis non fuit, sed Provincialis, ad quam legati aliarum Provinciarum non solent accedere. 4. Ex formâ præfationis, cuius verba aliundè desumpta sunt. 5. Ex actis ipsius Synodi, quorum unica Siricij epistola superest, quod nimis affectatum est, & à quodam Romanæ amplitudinis studioso suppositum, cum per eam ætatem certum sit, Africanos suarum Ecclesiarum administrationem ex propriarum Synodorum canonibus gessisse, nec leges Ecclesiasticæ disciplinæ à transmarinis regionibus sibi imponi passos. Demum ipsam Siricij epistolam, occasione cuius hic Synodi pannus descriptus est, commentitiam esse, tum quia caput 1. de non ordinando extrà conscientiam sedis Apostolicæ primatè repugnet disciplinæ Africae, tum quia reliqua ex epistolâ Innocentij 1. ad Victorium desumpta sunt, idque admixtis multis loquendi modis à sedis Apostolicæ stylo alienis, tum denique, quod Capitulum ultimum de continentia sacerdotum & levitarum solummodò sit suasorium, ubi deberet esse præceptorium. Hæc ferè omnia Quesnellius speciosè proponit, quæ parum latius exponenda sunt.

Perronius.

4. Ac primo quoad locum Concilij, quem Baronius, Binnius, & Sirmondus Teleptensem civitatem putarunt, ducti ex eo quod Donatianus Teleptensis Bysacij Primas eidem præfuisse referatur. Verum jam dudum notavit Cardinalis Perronius cap. 48. replic. ad Angliæ regem, *Concilium Zellense malè inscribi Telense in Proemio.* Eodem nomine vocatur hoc Concilium ab Illustrissimo Parisiensium Archiepiscopo de Marca lib. 1. cap. 8. num. 4. nec sine fundamento: testatus est enim nuper vir eruditus Chiffletius in notis ad breviationem canonum

canonum Ferrandi Diaconi, hanc Synodum in Trecenti Codice vocari Zellensem, cui accedit ipse Ferrandus Carthaginienſis in Africâ Diaconus, qui in ſua canonum breuiatione ante undecim ſæcula conſcriptâ non uno ſed pluribus locis citat Concilium Zellenſe cum epiſtolâ Siricij Papæ.

5. Secundò quoad tempus, habitum fertur poſt Conſulatum Glorioliſſimorum Auguſtorum Honorij XI. & Conſtantij VI. Kal. Martij, id eſt anno 418. 24. februarij, quo tempore cum nullum plenarium Concilium celebraretur, hæc Synodus Provincialis haberi potuit in civitate Zellenſi, cuius Epiſcopus Donatianus adfuit collationi Carthaginienſi, ubi num 135. *Donatianus Epiſcopus plebis Zellenſis*, Collat. Carthagin. præſente V. C. tribuno & notario Marcellino ſuperius mandati & ſubſcripſi Carthagine. Quare è diverſo habeo Natalicum. Et accedente Natalico Epiſcopo, idem dixit: agnoſco illum. Adfuit & quidam Donatianus Concilio Carthaginienſi anno 416. eiſque Synodice ſubſcriptus habetur, ad cuius nomen addit in notis Garnerius: *Zeggendiſive Zellenſis*, ſed undenam ipſi conſtet Zellam fuiſſe Provinciæ Proconſularis civitatem, hætenus videre non potui: ſane ſi verum ſit, quod notat Chiſſetius, Zellam etiam vocatam fuiſſe Uſulam, cum Uſulenſis Epiſcopus in catalogo Epiſcoporum Africæ ponatur ſub Provinciâ Byzacenâ, Zellam eiſdem Provinciæ fuiſſe oportuit.

6. Quoad Synodi qualitatem, non plenariam ſed ſolum Provinciale fuiſſe, queri poteſt. Habita dicitur ſub Donatiano primæ ſedis civitatis Teleptenſis, qui Donatianus ſubſcriptus habetur Concilio Milevitano 2. uti & inſertus collationi primi diei, ubi adfuiſſe legitur *Donatianus Epiſcopus Eccleſiæ Teleptenſis*. Fuit autem Telepte urbs Milevit. 2. Provinciæ Byzacenæ D. Cypriano & Auguſtino notiſſima, cumque huius urbis Epiſcopus hocce tempore eſſet Byzacenæ Provinciæ Primas, ſub ipſo celebratum dicitur hoc Concilium, quod occaſionem tribuit Queſnellio exclamandi: „doctis ignotum non eſſe, Queſnel. „quid Telenſis civitas, quid Teleptenſis; illam in Proconſulari „Provincia, hanc in Byzacenâ; uniuſque Provinciæ Primatem „in alterâ nec Synodum habere, nec ei præſſe potuiſſe. „Verum nos, qui hanc Synodum nec Telæ in proconſulari Provinciâ, nec Teleptē in Byzacio; ſed Zellæ in Byzacio celebratam putamus, Synodum Zellenſem in Provinciâ Byzacenâ tam diu ſub ipſius primatē Donatiano celebratam dicemus, quam diu Zellam ad aliam Provinciam quam Byzacenam ſpectare, monſtratum non fuerit.

7. Quoad

Præfatio
Carthag. 6.
Præfatio
Zellen.

Milevit. 2.

Aurelius,

7. Quoad formam præfationis ; eam ex variis Synodi actis conglomeratam indicat Quesnellius , quod Synodus Carthaginienſis anni ſequentis eodem modo incipiat : *poſt Conſulatum , &c.* In eodem & in Milevitano Concilio præſes Donatianus reperiatur , uti & legati Proconſularis Provinciæ Vincentius & Fortunatianus. Verum quia Synodus Carthaginienſis 6. inchoat ſuam præfationem cum hiſce temporum notis : *poſt Conſulatum gloriſſimorum Imperatorum Honorij XII. & Theodoſij VIII. Auguſtorum VIII. Kalendas Iunij.* An ideo ſuppoſititia hæc præfatio incipiens cum illis : *poſt Conſulatum gloriſſimorum Auſtorum Honorij XI. & Conſtantij VI. Kalendas Martij ?* Quia item canone ultimo Concilij vulgò Milevitani ſecundi de Provinciâ Byzacenâ electus dicitur Donatianus Primas , & in ſubſcriptionibus ſecundo loco legitur : *Donatianus Teleptenſis primæ ſedis ſubſcripſi* , an ideo præfatio huius Synodi ſuppoſititia credetur , quod Zellenſi Synodo præſediſſe dicatur Donatianus Teleptenſis ? tantum abeſſe hoc puto , ut vel hinc potius concludi deberet pro genuitate iplius præfationis , uti & ex epistolâ Aurelij Carthaginienſis Episcopi anno 419. miſſâ *dilectiſſimis ac deſiderabilibus fratribus & conſacerdotibus Donatiano primæ ſedis , Ianuario , Felici , Palatino , Primiano , Gaiano , & alijs Gaiano , Ianuario , Victorino , & ceteris per tractum Provinciæ Byzacena , & Arzugitana conſtitutis.* Deinde , quia in canone ultimo Milevitani jam citati electi dicuntur legati de Provinciâ Carthaginienſi , Vincentius , Fortunatianus , & Clarus , an ideo Fortunatianus & Vincentius in Synodo Byzacenâ hocce tempore legati eſſe non potuerint ? Vincentius & Fortunatianus ſimul loquuti feruntur , quod abſurdum putat Quesnellius , cum ſæpius integrum Concilium dicatur locutum , & hoc etiam in uſu fuerit Afris , ut eiſdem Provinciæ legati duo ſimul loquerentur. In Concilio Carthaginienſi 3. legitur tribus diverſis canonibus , quod Honoratus & Urbanus Mauritanix Sitifenſis legati fuerint quartò ſimul locuti. Canone item 90. Codicis Eccleſiæ Africane. *Lucianus & Silvanus Episcopi legati Provinciæ Mauritanix Sitifenſis dixerunt , &c.* Atqui duo legati ſunt , qui perhibentur dixiſſe , *etiam cum Tuſdrum fuiſſemus , &c.* Nec à vero deviant in memoriam revocantes Concilium Thuſdritanum , quamvis enim nullibi in annalibus aut tomis Conciliorum huius Synodi mentio facta ſit , celebratum tamen fuit Thuſdri aliquod Concilium , cuius ſub numeris 76. & 77. meminit Ferrandus Carthaginienſis Diaconus : fuit autem Thuſdrus civitas Provinciæ Byzacene , utpote quam

Prolo.

Ptolomeus libro 4. Geographiæ sub Adrumeto civitate tunc Primariâ collocat: unde iterum firmatur id, quod legati dixerunt, quod cum iisdem Patribus Byzacenis in Concilio Thysdritano fuerint, sicut enim nunc in Zellenfi, ita antea in Thyldritano Concilio Episcopi Byzacenæ coadunati fuerunt, ubi Latonius Episcopus legere potuit unam Siricij Papæ epistolam, vixit enim anno 411. Latonius Tenitanus, qui & collationi Carthaginiensi interfuit, ubi in cognitione primi diei legitur sub numero 120. *Latonius Episcopus Ecclesiæ plebis Tenit.* Collat. Carthagin. *Idem dixit præsto sum. Securus (Donatistarum) Episcopus civitatis superius dixit, agnosco illum.* Quod autem Tenit fuerit civitas Provinciæ Byzacenæ, habes ex catalogo Episcoporum Africae per Sirmondum edito, & per Chiffletium Vitori Vitenfi tributo, ubi sub Provinciâ Byzacenâ collocatur: *Pascasius Tenitanus.* Et eant jam, qui volunt prologum Concilij Zellenfis confictum esse ab aliquo Romani splendoris augendi studio, quali impostoris verusutia ita tegi potuisset, ut non in pluribus peccasset.

8. Demum ex actis unicam superesse Epistolam Siricij Papæ, nimis affectatum asseritur & ab adulate quodam suppositum: quasi verò, si impostoris manus hic intervenisset, unam solum, & non duas Siricij Epistolas, quarum mentionem faciunt legati Proconsularis Provinciæ, hic substituisset? si ex eo, quod monumenta antiquitatis mutila sunt, pro eorum suppositione argumentum desumere liceat, quot Concilia, quot acta, quot antiquorum scripta abjudicanda erunt? auctoritatem tamen, licet mutila, obtinent, & obtinebunt apud posteritatem, sicut & hoc Zellenfis Concilij fragmentum cum Siricij epistolâ, quæ in tot antiquissimis Codicibus M. SS. M. SS. Cod. reperitur, ut de eius fide vix dubitari sinat venerandæ antiquitatis maiestas. In ipsâ canonum collectione, quam Quesnellius ex Codicibus M. SS. Bibliothecæ Thuanæ & Oxoniensis editam ita deprædicat, habetur capite 60. & quod caput est, ante omnium M. SS. Codicum ætatem, Capitula quædam Zellenfis Concilij citavit Ferrandus Carthaginiensis Diaconus, idque ex epistolâ Siricij Papæ, ut patet ex variis breviarii locis, quæ juxta capitâ ipsius Siricianæ Epistolæ posita hic subiungimus.

*Ex Epistola Siricij Papæ.**Ex Breviatione Canonum Ferrandi Diaconi.*

1.

Ut extra conscientiam Sedis Apostolicæ hoc est Primatis, nemo audeat ordinare, integrum enim judicium est, quod plurimorum conscientia consecratur.

4.

Ut Episcopus à tribus ordinetur, consentientibus aliis per scripta, cum confirmatione Metropolitanæ vel Primatis. Concil. Nicæn. titul. 4. item titul. 6. Concil. Antiochen. titul. 19. Concil. Laod. titul. 12. Concil. Carthagin. sub Antistite Genethlio titul. 10. Concil. universali Carthagin. titul. 49. Concil. Zellenf. Ex epistolâ Papæ Siricij.

2.

Ne unus Episcopus Episcopum ordinare præsumat propter arrogantiam: ne furtivum beneficium præstitum videatur hoc enim in Synodo Nicænâ constat esse definitum.

6.

Ut unus Episcopus Episcopum non ordinet. Exceptâ Ecclesiâ Romanâ. Concil. Zellen. ex epistolâ Papæ Siricij.

3.

Si quis post remissionem peccatorum cingulum militiæ sæcularis habuerit, ad clerum admitti non debeat.

3.

Ut qui post baptismum sæculari militiæ nomen dederit ab ordinatione arceatur. Concil. Cellensi.

4.

Ut mulierem viduam clericus non ducat uxorem.

130.

Ut mulierem clericus non ducat uxorem, & ut is, qui laicus viduam duxerit, non admittatur ad clerum. Concilium Zellenf. Ex epistolâ Papæ Siricij.

5.

Ut is qui laicus viduam duxerit, non admittatur ad clerum.

6.

Ut de alienâ Ecclesiâ, ordinare clericum nullus usurpet.

Deest in Ferrando.

7.

Ut abiectum clericum alia Ecclesia non admittat.

138.

Ut abiectum clericum alia Ecclesia non admittat.

8.

Ut venientes à Novatianis vel Montensibus

174.

Ut venientes à Novatianis vel Montensibus

tensibus per manus impositionem suscipiantur, eo quod rebaptizent.

tensibus per manus impositionem suscipiantur. Concil. Zellenfi. Ex epistolâ Papæ Siricij.

9.

Præterea quod dignum & pudicum est & honestum suademus, ut sacerdotes & levitæ cum uxoribus suis non coeant, &c.

16.

Ut Episcopi, Presbyteri, & Diaconi ab uxoribus abstineant. Concil. Carthag. titul. 1. Concil. Zellenfi.

9. Ex hisce Siricij Papæ capitulis primum expendimus supra, quod ideo integrum non reperitur apud Ferrandum titul. 4. quia ibi de ordinandis Episcopis varia canonum statuta referuntur. Caput 2. de non ordinando Episcopo ab uno etiam refertur à Ferrando titul. 6. sed additur. *Exceptâ Ecclesiâ Romanâ.* Quod reverà non esse in epistolâ Siricij à Concilio Zellenfi exhibitâ, fidem faciunt tot manuscripti Codices, quotquot istius epistolæ inveniuntur: additum itaque oportuit, nimirum ab ipso Ferrando, ut fidem faciunt exemplaria breviationis canonum sub ipsius nomine edita, & ex antiquioribus M. SS. Codicibus per Iustellum & Chiffletium typis excusa: unde & Christianus Lupus in notis ad appendicem canonis 4. Nicæni hoc Ferrandi testimonio utitur ad asserendum Sedis Apostolicæ privilegium. Scio quidem huic contradicere Paschasium Quænellium dissert. 15. cap. 2. qui hoc longè à sensu Africanæ Ecclesiæ alienum putat. Afferens Concilium Carthaginienſe sub Bonifacio anno 525. quod tempore Ferrandi renovavit canones de non appellando trans mare: verum mirari lubet, virum eruditum ex canonibus, qui pro presbyteris Afris statuti fuerunt, quibus ex antiquâ gentis regulâ aut more appellatio transmarina interdicta erat, aliquid piscari conatum contrâ Sedis Apostolicæ privilegia nullam cum appellationibus connectionem habentia. Deinde in eadem Synodo ex Concilio decimo citatur, *ut Episcopi ad transmarina pergere non facile debeant*, quibus verbis indicatur, ob graves rationes licitum fuisse Episcopis ad transmarina judicia pergere, & prout ante & post Augustini tempora sæpius factum est, ad transmarina appellare, ut ex Concilio Carthaginienſi sub Bonifacio etiam quoad appellationes pro jure Apostolicæ sedis habeatur testimonium. Caput 3. quoad sensum habetur etiam sub titulo 3. apud Ferrandum, sed cum verba eadem non sint, & loco Zellenſis citet Concilium Cellenſe, videtur ex solo Cellenſi Concilio Canonem illum retulisse, omisâ obinde citatione ex epistolâ Siricij

Ferrandus.

Concil. Carthagin. sub Bonifacio.

K k 2

Papæ,

Papæ, ex quâ etiam omittit in suâ canonum breuiatione titulum sextum Papæ Siricii, quod non omnes omnium Conciliorum Africanorum canones, sed aliquos dumtaxat citandos assumpsisset. Capita 4. & 5. iisdem verbis citat. Ferrandus sub tit. 130. uti & caput Siricii 8. sub titulo 174. in quo mentio fit Montensium & Novatianorum, de quibus merito ad Afros scripsit Siricius, quod in Africâ Novatiani & Montenses tunc temporis reperiabantur.

Siricius.

10. Sola quæstio restat de capite 9. ubi Siricius Papa suadere videtur continentiam ab uxoribus, quasi lege continentiae non tenerentur sacerdotes & Levitæ, ubi tamen ipse Siricius epistolâ ad Himerium Tarraconensem scribit: *sacerdotes omnes atque levita insolubili lege constringimur, ut à die ordinationis nostra sobrietati ac pudicitia & corda nostra. mancipemus & corpora.* Ex quibus verbis imposturam manifestam fieri putat Quesnellius, qui numquam, quoties de continentia clericorum actum fuit in Conciliis Carthaginensibus, aliquam mentionem Telenis Concilij vel Siricii factam esse animadvertit. Verum cum numquam mentio facta reperitur aliorum Telenis statutorum, parum aut nihil urget hoc argumentum negativum: & quod Quesnellius absurdum putat de admonitione pro continentia, hoc Parisiensis Archiepiscopus de Marca lib. 1. cap. 8. tanquam egregium testimonium deprædicat pro investigandâ Africanæ Ecclesiæ disciplinâ. Putat Africanos nullâ certâ lege scriptâ ad continentiam clericorum, obstrictos fuisse ante Siricum Papam, quod ego ita exponendum assumo, ut ab initio Ecclesia Africana continentiam servavit, eamque illa ab Ecclesiâ Romanâ per traditionem receperit, quam maior clerus consuetudine roboravit usque ad tempora Damasi Papæ, vel Siricii, de quo auctor catalogi tempore Iustiniani Imperatoris: *hic constitutum fecit de omni Ecclesiâ, & direxit per Provincias.* Constitutum enim illud fuisse de continentia à maiori clero servandâ, testis est ipsius Siricii successor Innocentius 1. in illâ, quam ad Exuperium dedit, epistolâ, ubi loquens de continentia Presbyteris & Diaconis per

Catalogus
Rom. Pontif.
in Siricio.

Innocent. 1.

Siricium præscriptâ: *nam si ad aliquos forma illa Ecclesiastica vitæ pariter & disciplina, quæ ab Episcopo Siricio ad Provincias commeavit, non probabitur pervenisse, his ignorantia venia remittetur, ita ut de cætero penitus incipiant abstinere.* Non agit Innocentius de incontinentia illorum, qui ad sacros gradus promoti erant cælibes, de quorum continentia numquam dubitatum fuit, sed de illorum continentia, qui matrimonio iuncti sacros gradus perceperant: & de hisce dubium emerferat.

emerferat, an continentia legibus tenerentur, negabant enim greci & eorum consuetudo, in quasdam occidentis partes irreplisse videbatur, uti indicant verba Innocentij primi superius relata ex epistolâ ad Exuperium Tolosanum: id quoque indicat pro Hispaniâ Siricius in epistolâ ad Himerium Tarracensem, ubi plurimos sacerdotes Christianosque levitas post longa consecrationis suae tempora de coniugibus propriis sobolem procreasse refert. Id demum pro Africa idem Siricius sufficienter indicat in suâ ad Africanos Episcopos tractoriâ à Concilio Zellenfi probatâ, in quâ tamen non adeo rigoroſe incontinentes primâ vice ducit puniendos, quod sciret Afros præ cæteris Patriarchatus occidentalis populis ad incontinentiam semper fuisse proclives, & tam infrequens & inusitatum, impudicum non esse Afrum, quam novum & inauditum, Afrum non esse Afrum, ut loquitur libro 7. de gubernatione Dei. Salvianus Presbyter Massilienſis. Sciebat hæc omnia Siricius Papa, & ne incontinentes quidam clerici illic reperti in peius declinarent, leniter primo cum illis agendum ducit, & suasio modo procedit, sic tamen ut præceptum continentie sacerdotibus & levitis ex Apostolicâ traditione impositum probet, & incontinentiam illorum opprobrium vocet: unde & Ferrandus hanc Siricij admonitionem recte pro mandato habuit, cui Ecclesia Africana adeo fideliter obtemperavit, ut missâ hæc Siricij tractoriâ anno 385. ad Provincias Africae, in signum suae erga sedem Apostolicam reverentiae coadunati totius Africae Episcopi illico continentiam maioris cleri scripto canone firmarent, ut fidem facit Synodus Carthaginensis secunda canone 2. cum in præterito Concilio de Continentia & castitatis moderamine tractaretur, gradus isti tres, qui constrictione quadam castitati per consecrationes annexi sunt, Episcopus inquam, presbyter & Diaconus, tractatu plenior, ut pudicitiam custodiant, doceantur. Concilio præterito, id est inquit à Marca, ad summum anno 388. eâ de re scriptam fuisse legem apud Africanos, quam anno sequenti 389. Carthaginensis secundum tractatu plenior exponendam ducit ex quibus omnibus lucet, tantum abesse, quod hoc ultimum caput Syricianæ epistolæ aliquod indicium secum ferat suppositionis, ut potius ex illo de genuitate constet epistolæ, quia modus scribendi congruit rebus & tempori.

Salvianus.

Carthag. 2.
Canon 2.

Marca.

Kkgs CAPUT

CAPVT XIII.

De Concilio Carthaginiensi Sexto. Fl. Monaxio & Plinta Coss. anno 419. ubi & de Codice Canonum Africanæ Ecclesiæ.

1. Occasio Synodi ex causâ Apiarij, & sententia quorundam de tempore illius variis annis continuata.
2. Eodem anno finitam fuisse, quo inchoata est, putat Perronius, annus autem ex Coss. colligitur, qui extant in prefatione, cui 10. tituli canonum subijciuntur.
3. Sequitur in tomis Conciliorum alterius Synodi titulus, tanquam Carthaginiensis septima, cum tamen sit eiusdem Carthaginiensis sexta, sed actionis secunda, ut probat Perronius.
4. In Concilio vulgò Africano canone 100. post relatum canonem 5. actionis secunda mentio fit discessionis legatorum finito nimirum Concilio, unde de tempore huius Synodi novum argumentum pro sententia Perronij.
5. Sola questio restat de Concilio vulgò Africano centum titulorum, cui addit Dionysius Exiguus alios 33. canones tanquam Carthaginiensis sexti: Codicem hunc à 217. Episcopis in Concilio Carthaginiensi factam tuentur plures, contra quos sentit Perronius, putans particularis cuiusdam collectoris opus esse.
6. Adfertur titulus Codicis ex Variis, & expensis quibusdam ex 33. canonibus, sententia Perronij laudatur.
7. Post 33. canones sequuntur in Codice alij centum, qui plerisque in locis fidelius referuntur.
8. Non deesse tamen suos nexos ex variis subsequentium canonum titulis ostenditur, ex quibus & de auctore huius Codicis aliqua aperiuntur.

1. **E**xtat in tomis Conciliorum Concilium Carthaginense ordine, ut vocatur, sextum, de quo putant plerique, quod habitum sit Monaxio & Plintâ consulibus occasione Apiarij Siccensis presbyteri, qui

qui ab Urbano Episcopo suo damnatus Romam appellaverat, & à Sozimo Papà communioni restitutus fuerat. Cumque tam ob Appia-rij causam, quam ob alias rationes modum Apellationum tangentes à Zozimo transmissi fuissent Faustinus Ecclesiæ Potentinae Episcopus, Philippus & Asellus presbyteri, itque mortuo Sozimo causam suam prosecuti sint in Concilio Carthaginiensi sexto mense Maij habito, & per quinque annos usque ad Cælestini tempora protracto, donec de canonibus Nicænis constaret. Idem planè sentiunt doctores Colonien- ses in sua Conciliorum editione, qui Synodo hunc præfixerunt titulum: *Concilium Carthaginense nomine VI. ordine tempor. 5. tempore Sozimi, Bonifacij, & Cælestini.* Quod pluribus Binnius exponit in notis.

Tit. Concil.

2. Verum hisce se opponit Eminentissimus Cardinalis Perronius cap. 48. sæpius citato, putatque eodem anno, quo inchoata fuit Synodus Carthaginiensis sexta, eodem & finitam, Consulibus nimirum *Monaxio & Plinta*: seu post Consulatum *Honorij 12. & Theodosij VIII. Augustorum VIII. Kalendas Iunij Carthagine in secretario Basilicæ Fausti,* sub Aurelio Carthaginiensi cum ducentis septemdecim Episcopis coram Faustino Potentino Episcopo Philippo & Asello Presbyteris ac Sedis Apostolicæ legatis, ut habet præfatio huius Synodi. Adduntur tituli canonum sequentes:

1. *Allocutio Aurelij Episcopi sancti ad Synodum.*
2. *Responsio Faustini Episcopi legati Romana Ecclesia de his, quæ in Ecclesia partim canone partim consuetudine sunt firmata.*
3. *De commonitorio Romani Papæ citato.*
4. *Alipij Episcopi responsio pro veris exemplaribus Nicani Concilij perquirendis.*
5. *Vbi Faustinus Episcopus dixit, ut Romano Papæ Synodus pro inquirendâ Nicæna Synodi veritate innotescat.*
6. *De sententiâ Sardicensis Concilij recitata à postulante Novato Episcopo.*
7. *Vbi Augustinus Episcopus cum Synodo Nicænum Concilium servare promittit.*
8. *Vbi Faustinus Episcopus pro dubietate recitati capituli Romano Papæ petit scribendum.*
9. *Vbi Synodus exemplaria Nicani Concilij magis ab orientalibus competenda decrevit.*
10. *Professio fidei Nicani Concilij.*

3. Sequitur post hanc Synodum in tomis Conciliorum alterius ti-
tulus

Synodi Præ-
fatio.

* *Iunias.*

Perronius.

* *Après.*

* *Après.*

tulus hisce verbis conceptus : Concilium Carthagenense septimum 38. Episcoporum. Eiusque præfatio habet : post Consulatum gloriosissimorum Imperatorum Honorij 12. & Theodosij 8. Augustor. 3. Kalend.* Iulij Carthagine in secretario Basilica restituta, cum Aurelius Episcopus una cum Faustino Ecclesia Potentina Provincia Italia picensi, legato Romana Ecclesia, Vincentio Culusitano, &c. Quod non aliud Concilium, sed prius dumtaxat continuatum animadvertit cum Annalium parente Eminentissimus Cardinalis Perronius, qui ita loquitur cap. 48. *Que le 6. Concile de Carthage & le septieme ne furent point deux divers Conciles, mais deux actions d'un seul & mesme Concile ; l'une celebrée le huitieme des Calendes de Iuin* sous le douzieme consulat d'Honorius, & l'autre celebrée trois Iours apres, c'est à dire le cinquieme de Calendes de Iuin* sous le mesme douzieme consulat d'Honorius, mais qu'elles sont contées comme deux Conciles differents, d'autant que la premiere fut tenuë par tout les deux cents dix sept evesques, qui estoient venus au Concile, & la seconde fut tenuë par les vingt deux deputez, qui resterent pour achever les affaires du Concile apres que les 217. Evesques enrent esté licenciés. Car ce que l'illustre Cardinal Baronius, & les Docteurs de Cologne ecrivent, que les 217. Evesques n'asisterent à la premiere action du Concile, que par leurs deputations & signatures, & qu'il ny eut de presents à la premiere action, que les 22. deputez, qui se trouverent à la seconde, meuz de ce, que le procez verbal de la premiere porte : Seant Aurelius & les divers legats des Provinces Africaines, est combattu & par l'ancien usage des Conciles d'Afrique, qui nous apprend qu'il y avoit grande difference entre les deputez que les Provinces elisoient pour asister aux Conciles, & les deputez que les Conciles elisoient pour achever le reste de leurs affaires : & par l'ouverture de la premiere action, ou Aurelius rendit Graces à Dieu de l'arrivée d'une si grande compagnie ; & par l'ouverture de la seconde, ou il fut dit que les vingt deux deputez avoient esté eleuz, pource que les autres evesques c'estoient plaints de ne pouvoir attendre la fin des affaires du Concile. Placuit hunc totum Perronij discursum exscribere, quia morem Africanæ Ecclesiæ aperit de eligendis singularum Provinciarum Episcopis, prout vigintiduo ex ducentis septemdecim electi sunt, qui actione 2. Concilij Carthageniensis sexti statuerunt canonès 5. quorum tituli sunt.*

1. De excommunicatis, ut ad clericorum accusationem non admittantur.

2. De personis, quibus clericorum accusatio interdicatur.

3. De

3. De his qui primum crimen obiectum non probarunt, ut ad cetera non admittantur.

4. De personis, quæ adversus clericos testimonium dicere prohibentur.

5. De eo, quem solo suo testimonio præsumpserit excommunicandum Episcopus.

4. Atqui hæc sunt, quæ Concilio Carthaginiensi sexto attribui possunt, canones nimirum quatuordecim, quorum novem priores statuti sunt à ducentis septemdecim Episcopis actione 1. quinque posteriores ab Aurelio Carthaginiensi Primæ, cum diversarum Provinciarum viginti duobus legatis præsentibus Faustino sedis Apostolicæ legato, qui statim post secundam actionem discessit, ut notat Peronius ex canone 100. Concilij vulgò Africani, in quo post relatum canonem 5. actionis secundæ Aurelius dixisse perhibetur: *qua vero adhuc expressa non sunt, die sequenti per fratres nostros Faustinum Episcopum, Philippum & Asellum presbyteros venerabili fratri & Coepiscopo nostro Bonifacio rescribimus.* Quo ex loco probat Peronius, die sequenti Faustinum discessisse, sine nimirum imposito Concilio Carthaginiensi 6. ut non modò Concilium sextum non duraverit quinque annis, sed nec usque ad reditum legatorum, qui ad Cyrillum Alexandrinum & Atticum Constantinopolitanum missi erant jussu Concilij Carthaginiensis 6. pro exquirendis statutis Nicæni Concilij, quæ anno 419. Monaxio & Plintâ consulibus adducta sunt mense Novembris, unde & ad Bonifacium primum ex Africâ missa sunt eodem anno 6. Kalendas Decembris, ut fidem facit titulus Symboli Nicæni in Concilio vulgò Africano sub num. 104. *exemplaria Concilij Nicæni directâ sub die 6. Kalendas Decembris post Consulatum gloriosissimorum Imperatorum Honorij XII. & Theodosij IX. Augustorum Bonifacio urbis Romæ Episcopo.* Ex quibus constat verum esse Perronij effatum, quæ post secundam actionem Concilij Carthaginiensis sexti habita feruntur de appellationibus, non esse à patribus acta in uno continuato Concilio, sed in pluribus: & *que toutes les assembles, qui se firent depuis,* inquit Perronius, *furent autant de Conciles distinctes & separez.*

5. Sola quæstio esse potest de Concilio vulgò Africano, cuius auctor anonymus omnium mortalium primus acta de appellationibus sub Zosimo, Bonifacio, & Cælestino in unum Concilium sub 100. numeris rededit, quibus addit Dionysius Exiguus triginta tres canones, tanquam essent Concilij Carthaginiensis post consulatum Honorij 12. & Theodosij VIII. in quo Codex centum canonum

L1

Africanorum

Canon 5.
Act. 2.

Tit. Symboli
Nicæni.

* VIII.

Perronius.

Africanorum fuerit firmatus ; quod idem volunt collectores Græci , quorum collectionem Africanorum canonum Christophorus Iustellus edidit ante sexaginta annos in Galliis , & nuper ex Codice Amerbachiano cum notis Zonaræ , Aristeni , & Balzamonis Gulielmus Beveregius in Angliâ , quæ ultima editio totam hanc collectionem in quatuor actiones partitur , tanquam omnes canones unius essent Concilij. Defendunt quidem novi collectores Beveregius & Iustellus Codicem hunc tanquam collectionem à 217. Africanis Episcopis in Concilio Carthaginiensi factam , sed repugnat Cardinalis Perronius , qui disertè scriptum reliquit cap.48. *contrà Angliæ regem : nous au contraire , prétendons qu'il y a esté compilé par quelque rapsodiste impertinent , soit Africain pendant le dernier & plus Barbare temps de la domination de Wandales en Afrique , soit Européen pendant que l'heresie & la tyrannie des Wandales empeschoient les Catholiques de deçà la mer de pouvoir avoir exacte communication & connoissance des choses Ecclesiastiques d'Afrique. Et sommes appuyez en ceste creance par infinies raisons. Rationes has edito integro canonum Africanorum Codice jam typis mandare paraveram , cum ecce temporis penuriâ ab instituto cogor desistere , & pro notis ad unumquemque Codicis canonem specimine aliquo lectorem benevolum dimittere.*

Perronius.

Tit. Codic.
Photius.

M. S. Cod.

Can. 2. Cod.

6. Habet Codex hunc titulum in Græco apud Zonaram , Aristenum , & Balzamonem : *canones 217. beatorum Patrum , qui Carthagine convenerunt.* Apud Photium in præfatione ad Nomocanonem : *Synodi Carthaginensis canones CXXXVIII.* Apud Iustellum in Cod. M. S. *Codex canonum Africanæ Ecclesiæ.* Et incipit : *post Consulatum gloriosissimorum Imperatorum Honorij 12. & Theodosij 8. Augustorum , 8. Kalendas Iunias.* Quod est verum exordium Synodi Carthaginensis 6. an. 419. habitæ , cui & proinde hoc in Codice attribuuntur novem priores canones , cuius tituli numero 2. retulimus supra. Additur hoc in Codice : *statuta quoque Nicæni Concilij in viginti capitulis similiter recitata sunt.* Deinde quæ in Conciliis Africanis promulgata sunt actis præsentibus inserta noscuntur. Capitula vero illa in Conciliis Africanis promulgata referuntur triginta tria , quæ jam dudum ante nos contrà Angliæ regem expendit Cardinalis Perronius , & non ab aliquâ Synodo Africanâ , sed potius particulari rapsodistâ in ordinem congesta fuisse , ijs rerum momentis demonstrat , quæ nemo prudens contempserit. Canon 2. *de Trinitate prædicandâ* desumptus fuit ex Concilio Carthaginiensi 2. sub Genethlio , ubi reperitur ordi-

ne 1.

ne 1. & incipit ex editione Lucæ Holstenij : *Genethlius Episcopus dixit*, at hic inchoat cum illis verbis : *universum Concilium dixit*. Cui accedit, quod in Codice Africano non referatur integer sed tertiâ parte truncatus, quod non nisi à quodam particulari rapsodistâ fieri potuit. Canon 4. Codicis de diversis ordinibus ab uxoribus abstinendis incipit : *Faustinus Episcopus Ecclesia Potentina Provincia Piceni legatus Romana Ecclesia dixit. Placet ut Episcopus, Presbyter, & Diaconus, vel qui Sacramenta contrectant, pudicitia custodes ab uxoribus se abstineant &c.* Qui non est canon Concilij Carthaginiensis 6. sed posterior pars canonis secundi Concilij Carthaginiensis 2. statutus 29. annis antequam Faustinus Zosimi Papæ legatus ad Africam pervenit. Canones decimus & undecimus Codicis, ab Alypio Episcopo Provinciæ Numidiæ legato statuti referuntur, cum non duo sed unicus sit canon inter Carthaginienses sub Genethlio ordine octavus eo tempore statutus, quo Alypius nondum erat Episcopus. Canonem 13. Codicis Aurelio tributum ex tribus canonibus Carthaginiensis 2. in unum conflatum esse, notat Perronius, quod idem de canone 15. Codicis habet Labbeus, qui ex tribus canonibus Carthaginiensis tertij confectus est, uti & canon 16. Codicis ex quatuor : *liez, & confus sans ordre les uns avec les autres*, ut scribit Perronius. Canon 25. Codicis auctorem suum prodit, qui eundem ex Concilio Carthaginiensi 5. desumendo interpolavit, ut manifestum fiet, si hunc cum canone 3. Carthaginiensis 5. componas. Quid plura? post allatos complures canones Carthaginiensis 5. subdit auctor canonem 32. qui iterum desumptus est ex Carthaginiensi tertio : & huic collectioni 33. canonum audet subijcere hanc clausulam in M. S. Codice relata : *finis canonum Synodi Sanctorum Patrum 217. cum Aurelio Carthagine congregatorum.*

7. Nec hic finit collector sed post hanc conclusionem novum titulum refert : *canones diversorum Conciliorum Ecclesia Africana.* Et addit in Codice : *recitata sunt etiam, in istâ Synodo diversa Concilia universa Provincia Africa, transactis temporibus Aurelij Carthaginiensis Episcopi celebrata.* Canones illi sunt numero centum, quos omnes desumpsit collector ex Concilio vulgò Africano, cuius auctor alius est ab eo, qui totum Codicem Synodo Carthaginiensi 6. supposuit vel 33. priores canones in ordinem redegit. Incipit auctor cum Concilio Hipponensi, & post Consules ibidem citatos addit : *gesta huius Concilij ideo descripta non sunt, quia ea, quæ ibi statuta sunt, in superioribus probantur inserta, quæ nec ad 33. canones, nec ad Synodum*

dam Carthaginensem 6. referri possunt, utpote in quibus non reperiuntur statuta Hipponensia. Pergit ad canones, quorum plures ex Concilio Carthaginensi desumpsit, & ex duobus in unum confluxit, uti patet in canone 43. Codicis ex 31. & 32. Carthaginensis tertij confecto, & in canone 45 Codicis ex canonibus 34. & 35. Carthaginensis tertij composito. Habet tamen aliqua longè correctiora, quam apud alios collectores inveniuntur, ut patet nominatim ex canone 52. Codicis de visitandis Provinciis, qui est canon 42. Carthaginensis 3. à collectore istius Synodi omissus, qui ut locum omissi canonis 42. suppleret, mediam partem canonis 43. loco 42. supposuit, ut constat ex canone 53. Codicis ubi unà serie referuntur, quæ in Concilio Carthaginensi 3. seorsim excuso à se invicem ineptè divisa sunt. Canon 70. Codicis statuit, ut Presbyteri & Diaconi ab uxoribus abstineant secundum priora statuta. Ea à Græcis versa sunt: *κατὰ τοὺς ἰδίους ὅρους* secundum proprios terminos, quæ cum æquivocum reddant sensum, ita à Zonara, Aristeno, & Balzamone exponuntur, ac si per vices & hebdomadas sui ministerij tantum ab uxoribus sese continere debeant, quod longè à sensu canonis alienum esse nemo non videt, qui vel illum in Codice legit.

8. Non desunt tamen huic Codici Africano sui ævi in posterioribus canonibus, ubi num. 90. referuntur plura de legatis diversarum Provinciarum tanquam distincta Synodi Carthaginensis anno 403. statuta, cum sint eiusdem præfatio continuata. Canone 93. Codicis refertur præfatio Concilij Carthaginensis anni 405. & additur: *huius Concilij gesta. ideo non ex integro descripsi, quoniam magis ea, quæ in tempore necessaria fuerunt, quam aliqua generalia, constituta sunt, sed ad instructionem studiosorum eiusdem Concilij brevem digessi.* Quæ verba privatum collectorem spirant, uti & illa in canone 100. *sanctum Augustinum*, quæ fidem faciunt, collectorem vixisse post mortem Augustini, cum sanctus dicebatur. Fuit autem hic collector, qui duos canones 117. & 118. ex unico confecit: qui posteriore sessionem Concilij Carthaginensis 6. à priore avulsam sub titulo 127. collocavit: qui canonem 5. posterioris illius sessionis in duos divisit: qui non modo Synodicam Carthaginensis 6. ad Bonifacium Papam, sed & rescripta Cyrilli VI. Kalend. Decembris ad Bonifacium directæ apposuit, & non Attici modo epistolam cum exemplaribus Nicænis eidem adiunxit, sed & Epistolam Concilij Africani ad Cælestinum Pontificem, diu postea datam tanquam Carthagi-

Carthaginienſis 6. Synodicam ſub tit. 138. collocavit. Finita fuit Synodus Carthaginienſis anno 419. Kal. Iunias, & finitâ Synodo data fuit die ſequenti Synodica ad Bonifacium primum, & eo non obſtante attribuit Synodo ſextæ Carthaginienſi auctor Codicis literas 6. Kal. Decembris datas ad Bonifacium, qui uſque ad annum 422. ſuperfuit, ut nemo ſit, quin videat ineptiſſimum eſſe, Synodo Carthaginienſi ſextæ tribuere Synodicam ad Bonifacij ſucceſſorem Cæleſtinum, qui 3. Novembris anno 422. Pontificatum adeptus eſt. Atqui hæc ſufficiant de Conciliis Africæ, eorumque canonibus, & canonum collectione.



DISSERTATIO IV.
DE SUCCESSIONE
EPISCOPORVM CARTHAGINIENSIVM
INCREMENTIS ET DECREMENTIS
AFRICANÆ ECCLESIAE,

Usque ad eiusdem interitum sæculo 8. per Sarraceno-
rum irruptiones introductum, & huc
usque continuatum.


C A P V T I.

De Successione Primatum Carthaginiensium.

1. Difficultas perveniendi ad notitiam Successionis Præsulum Carthaginiensium ex defectu monumentorum: Augustinus mentionem facit 70. præcessorum D. Cypriani, non quod ante Cyprianum 70. Episcopi sederint Carthagine, sed cum Agrippino 70. Episcopi in unâ Synodo simul adfuerint.
2. Primum, quem novimus Carthaginiensium Episcoporum, esse Agrippinum, 2. Cyrum, tertium Donatum Cypriani Antecessorem, ex variis testimoniis eruitur.
3. Donato anno 248. Successisse Cyprianum, Cypriano anno 258. Luciano Restitutum, & Restituto Mensurium, qui sub Diocletiano sedit, paucis ostenditur.
4. Mensurio anno 306. Successit Cacilianus, qui pro competitore primo habuit Maiorinum, deinde Donatum à Casis Nigris. Caciliano successit Rufus, qui pro competitore habuit Donatum Magnum, à quo, teste Hieronymo, per Africam Donatiani.
5. Rufo successisse Gratum, & Grato Generthium, sub quo pulso Carthagine Donato à Donatistis electum fuisse in schismate Parmenianum, ex variis testimoniis deducitur.

6. Gene-

6. Genethlio successit anno 390. Aurelius, qui usque ad Caestini tempora post annum 243. sedit. Aurelium subsecutus est Capreolus, Capreolum Quodvultdeus, ut testis est Victor Tunnonensis, cui addit Victor Vitenfis, Quodvultdeum in exilium à Wandalis missum.
7. Post interregnum 15. annorum anno 454. ordinatus est Carthagine Deogratias, quo post tres annos defuncto, mansit Ecclesia 24. annis sine pastore, ut primum anno 480. Eugenius successerit Deogratias, qui usque ad annum 496. superfuit.
8. Eugenio mortuo mansit viduata Ecclesia per annos 27. sub Imperio Trasimundi regis.
9. Post Trasimundi obitum Ecclesia aperta sunt, & anno 523. Bonifacius Episcopatum Carthaginiensem adeptus est, cui anno 335. successit Reparatus.
10. Reparato anno 552. ob defensionem trium capitulorum deposito substitutus fuit Primosus, qui est ultimus successorum Carthaginiensium, quem novimus, quamvis alios quosdam ex subsequentibus sæculis habeamus sibi non immediate succedentes.

1.  Tiam si plures in Africæ Provinciis fuerint Primates, eorum tamen successionem investigare opere difficillimum foret, quod non in unâ sed diversis civitatibus sederint, uno Carthaginiensi excepto, cuius sedes in eadem semper civitate permansit. Nec ex minimis difficultatibus censeri debet, quæ de successionem Episcoporum Carthaginiensium exurgit; cum enim nemo, quod sciam, eorum Catalogum posteritati consecravit, indagantem successores in sede Carthaginiensi primates oportet cuncta antiquitatis monimenta percurrere, & in sepultis plerumque sub rudibus vetustatis Carthaginiensium Præfulum memoriis divinare sæpius, quam certum aliquid asserere. Scripsit quondam magnus Africanæ Ecclesiæ splendor Augustinus librum de unico baptismo contra Petilianum, & cap. 13. mentionem facit de septuaginta Præcessoribus Cypriani: unde quæri posset, num septuaginta præcessores in sede Carthaginiensi habuerit Cyprianus, nisi res ipsa obsisteret, & tantam Præfulum Carthaginiensium multitudinem temporis brevitatis erroris argueret, ac septuaginta Præfules duobus sæculis in unâ sede sibi successisse, incredibile effecisset. Cum itaque sic locutus est Augustinus, intelligendus venit cum D. Cypriano epistolâ 70. de Cyprianus. Antecesso-

Augustin. *Antecessoribus*, nimirum septuaginta totius Africæ Episcopis, qui ipsius tempora antecedentes tanquam Coepiscopi cum Agrippino Carthaginiensi, ut interpretatur epistolâ 71. de rebaptizatione hæreticorum constituerant: licque ipse Augustinus cap. 14. *hoc de Agrippino aliisque Episcopis, qui illa Concilia fecisse perhibentur*, intelligenda tueretur.

1. Agrippin. 2. Primus itaque, quem novimus ex primis sedis Carthaginiensis Episcopis, refertur apud Cyprianum Agrippinus, qui ad initium sæculi tertij superfuisse existimatur, utpote qui à Tertulliano in partem pro rebaptizatione hæreticorum tractus Concilium habuit anno 245. cum 70. Africæ & Numidiæ Episcopis. Cyprianus epist. 78. ad Quintum, & 73. ad Iubaianum, Augustinus libro 4. de baptismo, cap. 6. & Vincentius Lerinensis contra hæreses, cap. 9.

2. Cyrus. Sequitur secundus, quem novimus, Cyrus: cum enim Martyrologium Romanum pridie idus Iulij habeat: *Carthagine sancti Cyri Episcopi in cuius Festivitate Sanctus Augustinus de eo sermonem ad populum habuit*, & Possidius Calamentis in Africâ Episcopus attestetur in indiculo operum Augustini de sermone ab eo in Cyri festivitate habito, debuit Cyrus Carthagine sedisse ante Augustinum, cumque vix tempus appareat, quo Cyprianum inter & Augustinum eius Episcoparus assignaretur, & Pontio Cypriani Diacono teste plures ante Cyprianum *ex bonis & sacerdotibus* federint, Cyrum unum ex illis fuisse arbitramur, qui Cyprianum præcesserunt, quidquid post Cyprianum sedisse ad an. 303. autumet Baronius. Tertius nobis notus est Donatus Cypriani Antecessor, sub quo nonaginta Episcoporum Concilium celebratum fuit contra Privatum hæreticum, uti clarè testatur Cyprianus epist. 55. ad Cornelium Papam.

Pont. Diac. **3. Donatus.** 3. Donato anno 248. Philippo & Augusto consulibus successit Cyprianus, qui ut referunt Fasti per Sirmondum editi sub nomine Idacij, *Tusco & Basso consulibus passus est die 18. Kalendarum Augusti*. Præfuit itaque Ecclesiæ Carthaginiensi usque ad annum 238. quo laudati consules reperiuntur in fastis.

4. Cyprian. 3. Donato anno 248. Philippo & Augusto consulibus successit Cyprianus, qui ut referunt Fasti per Sirmondum editi sub nomine Idacij, *Tusco & Basso consulibus passus est die 18. Kalendarum Augusti*. Præfuit itaque Ecclesiæ Carthaginiensi usque ad annum 238. quo laudati consules reperiuntur in fastis.

5. Lucianus. Cypriano anno 258. successit Lucianus teste S. Optato Milevitano lib. 1. contra Parmenianum, ubi enumerans Cæciliani Antecessores, erat, inquit, *altare loco suo in quo pacifici Episcopi retro temporis obtulerunt Cyprianus, Lucianus & ceteri*.

S. Optatus. **6. Restitutus.** Luciano successit Restitutus, quamvis Baronius ad an. 261. existimet, quod post Lucianum substitutus fuerit Mensurius. Cum enim in Martyrologio

tyrologio Romano ad quintum idus Decembris habeatur, *Carthagine* Martyrolog.
S. Restituti & Martyris, in cuius solemnitate sanctus Augustinus de eo Roman.
ad populum sermonem habuit, & huic Augustini Sermoni attestetur in
operum Cathalogo Possidius Calamensis, debuit Augustinum inter &
Cyprianum vixisse, ante quem Pontius eiusdem Cypriani Diaconus
testatur nullum Episcopum sedisse, qui ad passionem venisse memoratur.

Restituto succedere potuit Mensurius, qui ut rectè Baronius, tempore 7. Mensurius
Diocletiani sedisse reperitur. Circa initium sæculi tertij exorta est Dio-
cletiani persecutio, & antequam pacis tempora sub Maxentio Impera-
tore illuxerant Ecclesiæ, obiit vel in comitatu, vel in itinere, cum teste
S. Optato lib. 1. iussus reverti Carthaginem, pervenire non potuit.

4. Mensurio anno 306. succedit Cæcilianus, cum eo anno jubente Deo 8. Cæcilian.
indulgentiam mittente Maxentio Christianis. . . Suffragio totius populi S. Optatus.

Cæcilianus eligitur, & manus imponente Felice Aptungitano Episcopus
ordinatur, ut habet S. Optatus eodem lib. 1. Addit pro competitore
primum Donatistarum Episcopum habuisse Maiorinum, cui cum Gabriel
Albaspineus putet successisse translatus à Casis nigris Donatum, cum
eodem Donato anno 313. in Concilio Romano, & anno sequenti in
Arelatenſi Synodo de ordinatione sua egit, & in annum usque 325.
Ecclesiæ Carthaginienſi præfuit, utpote de quo Hincmarus Remensis
in opere contra Hincmarum Laudunensem cap. 21. *Cæcilianus Nicæna* Hincmarus
Synodo interfuit, & Concilium 5. collat. 5. Cæcilianus Episcopus Cartha- Remensis.
ginenſis solus ex totâ Africâ pervenit ad Nicænum Concilium, & Gelasius Synod. 5.
Cyzicenus, cum in historiâ Nicæni Concilij testatur, quod acta Cæcilia-
no commissa fuerint per Africæ provincias ad Episcopos dirigenda,
quæ & sese per eum recepiſſe testantur patres Africani in epistolâ Syno-
dicâ ad Bonifacium primum.

Cæciliano, testibus Baronio, Albaspineo aliisque, succedit Rufus, qui 9. Rufus.
Concilio Romano sub Iulio 1. anno 337. subscriptus habetur, habuit Hieronym.
pro competitore Donatistâ, Donatum magnum, de quo D. Hieronymi
Chronicon ad an. 331. *Donatus agnosceatur, à quo per Africam Donatiani.*

5. Rufum pro successore habuisse Gratum cum eodem Albaspineo 10. Gratus.
tuetur Cæsar Baronius ad an. 337. num. 69. Interfuit Gratus Concilio
Sardicensi an 347. & canone 5. Concilij Carthaginienſis primi an-
no 348. meminit illius, quod in Concilio Sardicensi statuerat. Habuit
pro æmulo eundem Donatum magnum, ad quem orientales schisma-
tici ex Philippolitano conventiculo anno 347. Pseudosynodicam
transmiserunt, quæ sub nomine Sardicensis à Donato Carthaginienſi,

M m

&

& partis suæ Episcopis evulgata, memoriam veri Sardicensis Concilij eralit ex Africâ, ut D. Augustini temporibus magno eruditionis detrimento præter acta illius Pseudosynodi nulla cognoscerentur Sardicæ ab orthodoxis patribus, & inter eos à 36. Episcopis Africanis, statuta.

11. Genethl.

Post Rufum sequitur Genethlius, qui an. 358. Donato Carthagine pulso pro competitore Donatista habuit Parmenianum. Crediderat Baronius, & cum eo Binnius, Aurelium fuisse ante Genethlium, sed error est de annalibus, pace annalium parentis dixerim, merito expungendus. Vidit hoc ipsum Albaspineus Aurelianensis Episcopus, & Philippus Labbeus in Notis Conciliorum marginalibus, qui cum tomo 2. edidisset Synodum Carthaginiensem 2. anno 390. celebratam, non sub Genedio, ut habent corrupta illius acta, sed sub Genethlio, ut habent correctiora ex Manuscripto Codice Vaticano per Lucam Holstenium restituta, jam apparuit non Aurelium, sed Genethlium fuisse interlocutum, cui consonat testimonium Augustini, qui cum anno 388. Mediolani fuisset conversus, testatus est libro 22. de civitate Dei, cap. 8. se post quatuor annos Aurelium reperisse adhuc Carthaginiensem Diaconum.

12. Aurelius.

6. Anno 390. post habitam à Genethlio Carthaginiensem Synodum eidem successit Aurelius, ad quem tanquam Episcopum an. 391. litteras dedit Augustinus. Interfuit Concilio Carthaginiensi 3. Cæsario & Attico Consulibus anno 397. multisque aliis præsedisse & subscripsisse reperitur: eum templum Cælestis dedicasse in Basilicam Christianam, testis est S. Prosper Aquitanicus, & pro competitore Donatista anno 411. habuisse Primianum Parmeniani successorem schismaticum, fidem facit collatio Carthaginiensis. Superfuit Aurelius usque ad Cælestini tempora, qui anno 423. Pontificatum iniiit, putatque Garnerius post Aurelij ad Cælestinum Synodicam aliquanto tempore supervixisse, & anno 426. aut sequenti primum ex hac vita ad meliorem transmigrasse.

13. Capreol.

Aurelium subsecutus est Capreolus, sub quo Romano Imperio ad interitum properante Africa per Vandalos anno 427. invaditur, quam ob causam anno 431. convocato Concilio Ephesino generali 3. ad illud legatos Provinciarum Africæ transmittere non potuit, sed *Besulam Diaconum suum misit*, inquit Liberatus in breviario c. 5. adjunxitque litteras excusatorias, ob quas à Cyrillo Alexandrino laudari meruit act. 1. Ephesini Concilij, prout rectè quoque animadvertit Vincenzus Lirinensis posteriori parte commonitorij.

Liberatus

Capreolo,

Capreolo, ut fidem facit Victor Tunnonensis, substitutus est Quodvultdeus, sub quo Geisericus Theodosio 17. & Festo consulibus, anno nimirum 439. Carthaginem dolo pacis invadit. Ita S. Prosper in chronico, & tunc inquit Victor Vitenlis, memorata urbis Episcopum, id est Carthaginis, Deo & hominibus manifestum, nomine Quodvultdeus, & maximam turbam clericorum navibus fractis impositam, nudos atque exspoliatos expelli precepit. Quos Dominus miseratione bonitatis sue prospera Navigatione neapolim Campania perducere dignatus est.

14. Quodvultdeus.
S. Prosper.
Victor Vitenlis.

7. Carthaginienli Episcopo Neapolim relegato mansit Ecclesia sine Episcopo annis 15. & inquit Victor Vitenlis: post hæc factum est supplicante Valentiniano Augusto, Carthaginienli Ecclesia post longum silentium desolationis Episcopum ordinari Deogratias. Addit id factum ante captam à Geisericis Romam, quam statim postea 15. regni sui anno, Christi nimirum 455. cœpit, cumque addat, functus est autem sacerdotio annis tribus, patet ab anno 454. ad annum 457. sedisse.

15. Deogratias.
Victor Vitenlis.

An. 457. defuncto Deogratias Episcopo Geisericus, inquit Victor Vitenlis lib. 1. persecutionis Vandalicæ, Ecclesiam Carthaginis claudi precepit, dissipatis atque dispersis per diversa exiliorum loca, quia Episcopus non fuerat, presbyteris & ministris. Addit sic mansisse annis 24. sine Pastore usque ad tempora Zenonis Imperatoris, qui sedere cœpit anno 474.

Sedes Vacat.
annis 24.
Victor Vitenlis.

Post hæc autem defuncto Geisericis Vandalorum rege, pergit Victor Vitenlis lib. 2. de Hunerico eius filio: Dedit autem licentiam Zenone Imperatore atque Placidia relicta Olibrij rogantibus, ut Carthaginienli Ecclesia sibi, quem vellet, Episcopum ordinasset, quæ jam per 24. annos tali ornamento fuerat destituta . . . ordinato itaque Episcopo Eugenio. Ab anno 457. ad 480. intercedunt anni 24. sedis vacantis, ut anno 480. Eugenius successerit Deogratias. Anno 484. Hunerici regis octavo missus est in exilium cum cæteris Episcopis. Teste Gennadio in virorum illustrium Cathalogo vixit adhuc tempore Gelasij Papæ, qui anno 492. sedere cœpit, & ad eundem annum habet Sigebertus Gemblacensis in Chronico: Gunthamundus rex in Africâ Ecclesias aperuit, & omnes sacerdotes potente Eugenio Carthaginienli Episcopo ab exilio revocavit. Nec pacem hanc diu durasse lucet ex Epistola 13. Gelasij Papæ data consule Viatore an. 495. in quâ Eugenium Carthaginiensem in illum usque diem persecutoribus resistere conscripsit, additque Gregorius Turonensis lib. 2. cap. 3. Eugenium cum capitis damnaretur, se pro fide morituum dixisse, tumque, inquit, suspensio Gladio apud Al-

16. Eugenius
Victor Vitenlis.

Sigebertus.

Gelas. Papa.

Gregorius Turonens.

bigensem Galliarum urbem exilio deputatus est, ubi & finem vitæ præsentis fecit: anno, ni fallor, 496.

Sedes Vacat. 8. Guntamundo mortuo Trasemundus regnat annis 27. mensibus 4. annis 27. inquit, ad eram 526. S. Isidorus Hispalensis Episcopus, & pergit: *iste Ariana infantiâ plenus Catholicos infectatur, Ecclesias clausit, Sardiniam exilio ex omni Africanâ Ecclesiâ 120. Episcopos mittit. . . Carthaginensis Episcopus in nostro dogmate claruit, apud Carthaginem moritur.* Quoad æram Hispanicam & Carthaginensem Episcopum error irreplet in Isidori Historiam, anno namque eræ vulgaris 495. & eræ Hispanicæ 533. Guntamundus obiit, & Trasemundus successit, quo anno S. Eugenius adhuc supererat, qui non Carthagine sed in Galliis obiit, post quem clausâ Carthaginensi Ecclesiâ per diuturna tempora nullus Episcopus successit. Unde S. Fulgentio Ruspensi Episcopo anno 504. in Sardiniam relegato, cum à Trasimundo rege revocabatur cum ipso de fide acturus, scribit in vitâ eius Ferrandus Carthaginensis Diaconus, Fulgentium invenisse *viduatam Ecclesiam.* Addit Anastasius Bibliothecarius in vitâ Hormisdæ Pontificis: *Huius temporibus Episcopatus in Africâ post annos 27. revocatus est, qui ab hæreticis fuerat exterminatus.* Et auctor 2. Cathalogi in eodem Pontifice: *huius temporibus Episcopatus Africa reordinatur post annos Septuaginta quatuor, qui ab hæreticis fuerat exterminatus tempore persecutionis.* Loquitur posterior de primâ exterminatione sub Geiserico, qui an. 439. Quodvultdeum relegarat; à quo in annum 523. sunt anni non 74. sed 84. Loquitur vero Anastasius de exterminatione sub Trasimundo, qui anno 495. Eugenium relegavit, & cum à S. Isidoro 27. annis & aliquot mensibus regnasse diceretur, toto illo tempore Ecclesiam Carthaginensem vacasse conscripsit, quod sciret non nisi post obitum Trasimundi Episcopatum in Africâ restitutum.

17. Bonifac. 9. Anno itaque 523. factum est, quod scribit Victor Tunnonensis in chronico: *Maximo V. C. Consule Trasamundus Vandalorum Rex Carthagine moritur. Hilderic, qui ex Valentiniani Imperatoris filiâ à Geiserico capivata, & Vgnerico junctâ, natus est, regnavit annos VII. menses VII. hic ergo Sacramento ab decessore suo Trasamundo obstrictus, ne Catholicis in regno suo aut Ecclesias aperiret, aut privilegia restitueret, priusquam regnaret, ne Sacramenti Terminos preteriret, præcepit sacerdotes Catholicos ab exilio redire, & Ecclesias aperire, & Bonifacium cum dogmatibus divinis satis strenuum ad postulationem totius urbis Carthaginensis Ecclesiæ Episcopum consecravit.* Eadem habet appendix chronici

chronici Tironis Prosperi apud Canisium tom. 1. antiquarum lectionum, ex quo cum initio regni ab Hilderico Bonifacium creati permillum testetur, anno, ut dixi 253. Episcopatum Carthaginiensem suscepit, & ante annum 534. obiit.

Reparatus Carthaginiensis Ecclesia Episcopatum post Bonifacium suscipit. Ita Victor Tunnonensis sub Const. Belisarij, qui concurrat cum anno 335. quando Iustinianus per Belizarium Patricium Africam Vandalorum manibus ereptam imperio restituerat: huius Episcopi Carthaginiensis meminit Procopius in historiâ Vandalicâ libro 2. cap. 26. & Victor Tunnonensis ad postconsulatum Basilij XI. seu anno 552. testatur, Reparatum Archiepiscopum Carthaginiensem ad Regiam urbem evocatum, ubi ob trium capitulorum causam deponitur; & à Justiniano relegatus est Euchaidam, quo in exilio comitem habuit Liberatum Carthaginiensem suum Archidiaconum, qui Reparato juxta Victorem Tunnonensem anno 563. in Euchaide defuncto, domum redux peregrinationis necessitatibus defatigatus, aliquo tempore feriatus est animo, & an. 564. breviarium suum conscripsit. 18. Reparatus. Liberatus.

Reparato anno 552. deposito, in locum eius substitutus est Primus Reparati coram Imperatore Iustiniano Apocrisarius. Putat Garnerius id factum anno 553. sed clerus Romanus in eâ ad Gallos epistolâ, quam Sirmondus an. 562. scriptam existimat, meminit substituti in locum Reparati Episcopi, & Concilio generali 5. post Consulatum Basilij 12. die IV. nonas Maias interfuit ac subscripsit. *Sextilianus Misericordiâ Dei Episcopus Ecclesiâ Catholicâ Tuniensis agens vicem Primosi Archiepiscopi Carthaginis, totiusque Concilij Provincialis.* Obiit Primosus ante Reparatum anno 562. ut colligit ex Liberati Breviario Garnerius. Atqui huc usque habemus seriem Carthaginiensium Episcoporum, quam nemo, quod sciam, ante nos tentavit, & nos ipsi non sine ingenti labore ex omni antiquitate deduximus. Habemus alios Carthaginienses Episcopos, ut Dominicum tempore Gregorij magni circa annum 590. Fortunium tempore Theodori Papæ circa an. 640. Victorem eius successorem, qui sub Martino 1. anno 650. floruit, Cyriacum tempore Gregorij 7. sæculo undecimo, aliosque sed paucissimos, qui dum invicem immediate non successerint, ab eorum relatione hic supersedemus. 19. Primosus Synod. 5.

CAPUT II.

Primitiva Africanæ Ecclesiæ facies & primum sub persecutoribus religionis incrementum.

1. Prima Africana Ecclesiæ facies ex Tertulliano repetitur.
2. Ex quo constat 1. de Africanorum fidelium misericordiâ & hospitalitate, qua peregrinos fratres in domum suam recipiebant cum oris osculo, pedum lavacro, &c.
3. Secundo de eorum in observandis Ecclesiæ legibus diligentia, qua coibant in cætus nocturnos, ubi preces, tractatus, sacrificium, & de puniendis peccatoribus per excommunicationes iudicium.
4. Tertio de eorum stationibus quarta Sabbathi & sexta usque ad horam 9. qua statio fiebat cum sacrificij oblatione, in quam rem Tertulliani testimonium expenditur de non relinquendo Ecclesiam post sacrificium, sed permanendo in ea, Sicut diebus Dominicis permanebant pro Agape aut cæna, de qua ipsi Martyres in carceribus constituti participabant.
5. Ex tantâ pietate prodiit Christiani Tyrannorum furorem sæpius excitantur, qui falce persecutionis non metebant fideles ad interitum sed augmentum, ut patet ex duobus sæculis, quibus usque ad Diocletianum semper crevit Africana Ecclesia.
6. Persecutio sub Decio expenditur & superius dicta de illâ confirmantur.
7. Idem de persecutione Diocletiani, sub quo savierunt Anulinus in Proconsulari Provincia, & Florus in Numidia.
8. Extant in actis Cæciliani quadam Flori contra Catholicos persecutionis indicia ac variorum traditorum crimina, inter quos Mensurium ponendum, in SS. Passione scripsit Donatista.
9. Sed oculo irâ contra Cæcilianum perturbato id à Donatista scriptum fuisse, ex S. Optato monstratur.

1. **A**cturus de Ecclesiâ tam illustri, quam fuit Africana, necesse non est, primi sæculi monimenta percurrere, quo fidei veritas nondum innotuerat in Africâ, sed sufficiat ex Acris ingenij

ingenij viro , qui sæculo floruit sæculo , quo fides auroræ instar Afris illuxit , fidelium Africanorum mores , disciplinam , & charitatem ob oculos ponere. Multa prædicari solent de primorum fidelium in observandis Ecclesiæ legibus diligentia , in adiuvandis fratribus pietate & misericordia , in custodiendo Christiani nominis honore solertia , sed quantum hæc omnia Africanæ Ecclesiæ alumni exhibuerint secundo Christi sæculo sub persecutorum tyrannide constituti , præclare nobis exponit variis in locis Carthaginienfis Ecclesiæ presbyter Tertullianus , quem ut magistrum suum venerari solebat Cyprianus , & nisi Montani errore seductus in hæresim lapsus fuisset , ut doctorem suum antiquissimum tota veneraretur Ecclesia.

2. Mulieres ethnicas cum pompâ ad spectacula & festa properare consuetas describit libro de cultu feminarum ; non sic tamen Christianas , quas humilitate vult crescere , & modestè incedere. *Vobis autem nulla procedendi causa non tetrica. Aut imbecillis aliquis ex fratribus visitandus , aut sacrificium offertur , aut Dei verbum administratur. Quodvis horum gravitatis aut sanctitatis negotium , & cui opus non sit habitu extraordinario , & composito , aut soluto.* Mulierem Christianam in publicum prodire nisi causâ pietatis vetat Tertullianus addens , ad eam non requiri cultum & habitum ornatum , sed modestum , quo fratres visitabant , de quo pietatis opere etiam loquitur libro 2. ad uxorem *quis sinat coniugem suam visitandorum fratrum gratiâ vicatim alienâ & quidem pauperiora quaque tuguria circumire.* Agit de muliere Christianâ non nubendâ infideli , quod ille non sineret opera pietatis ab uxore suâ in fratres infirmos aut pauperes exerceri , & pergit : *jam vero alicui fratrum ad osculum convenire ? aquam sanctorum pedibus offerre ? de cibo , de poculo invadere , desiderare , in mente habere ? si & peregrè frater adveniat , quod in alienâ domo hospitium ?* palam agit de more primorum Christianorum , qui fratres peregrinos excipiebant in domum , eos adventantes osculo salutabant , eorum pedibus lavandis aquam offerebant , pro cibo & potu solliciti erant , & sic de domo suâ hospitium faciebant : quamobrem laudabilis illa Christianorum charitas fervebat etiam in Afris , & omnis fidelis habebatur ut frater , cui dum inviderent gentiles , occasionem cœpit Tertullianus exclamandi. *Sicno s quod invidetis fratres vocemus , & unius Dei parentis homines , ut consortes fidei , ut spei coheredes.*

Tertullian.

lib. 2. ad uxorem

Ibid.

3. Nec minor in observandis Ecclesiæ legibus diligentia : cum enim urgebat persecutio , non cessabat cultus divinus , sed nocte fiebat , de quo

lib. 2. ad uxorem

Idem. in
Apologet.

quo Tertullianus loco citato : quis nocturnis convocationibus , si ita oportuerit , à latere suo eximi libenter feret ? Addit in Apologetico adversus gentes : coimus in cœtum & congregationem , ut ad Deum quasi manu factâ præcationibus ambiamus orantes. . . . coimus ad divinarum litterarum commemorationem . . . ibidem etiam exhortationes , castigationes , & censura divina , nam & judicatur magno cum pondere , ut apud certos de Dei conspectu : summumque futuri judicij præjudicium est , si quis ita deliquerit , ut à communicatione orationis , & conventus , & omnis sancti commercij relegetur. Loquitur omnino de ijs , qui peccata confessi communione privabantur , & non solum à sacrificio , sed ab orationibus & conventu ob delicta graviora relegabantur , & illos

lib. de Pœnit

sacco & cineri incubari , corpus sordibus obscurare , jejuniis preces alere , ingemiscere , lachrymari , & mugire dies noctesque ad Dominum , presbyteris advolvi & aris Dei adgeniculari describens , adjungit lib. de pœnitentiâ : pœnitentes in tam lugubri habitu , ante templum stetisse , omnibus fratribus legationes deprecationis suæ injungentes , ut Episcopum exorarent & pro remittendo pœnitentiæ tempore apud eum intercederent.

lib. de cultu
feminar.

lib. de Orat.

4. Alterum Christiani fervoris exemplum frequens est apud Tertullianum de statione , cui , inquit , & quartâ Sabbati & sextâ plurimum fungimur. Cum autem statio de militari exemplo nomen accepit , ut ante vidimus ex Tertulliano , notat Albalpineus Afros primis illis sæculis diebus Mercurij & Veneris summo mane in Ecclesiis convenisse ibidemque ad horam usque nonam moratos , precibus & rerum divinarum contemplationibus intentos. Horâ vero nonâ soluto jejunio , & statione finitâ sacrificium offerebatur , cuius meminerat lib. de cultu feminarum : aut sacrificium offertur , & ut noscant hæretici mentem Tertulliani , en libro de oratione. Similiter de stationum diebus , non putant plerique sacrificiorum orationibus interveniendum , quod statio solvenda sit accepto Corpore Domini. Ergo devotum Deo obsequium Eucharistia resolvit , an magis Deo obligat ? nonne solemnior erit statio tua , si ad aram Dei steteris accepto Corpore Domini , & reservato ? utrumque saluum est , & participatio sacrificij , & executio officij. Dum Christiani plerique abibant accepto Corpore Domini , voluit Tertullianus etiam post sacrificium peractum & Corpus Domini susceptum perseverare ad aram Dei in statione fideles , prout diebus Dominicis in Ecclesijs perseverabant post cœnam Dominicam agapem instruantes , quod convivium erat graphicè à Tertulliano descriptum in

Apologet.

Apologetico, & contrâ gentiliū obrectationes defendit, *si quidem*, In Apolog. inquit, *inopes quoque refrigerio isto juvamus*. Et modum enarrans: Non prius discumbitur, quam oratio ad Deum prægustetur. Editur, quantum esurientes capiunt. Bibitur, quantum pudicis est utile: ita saturantur, ut qui meminerint etiam per noctem adorandum Deum sibi esse: ita fabulantur, ut qui sciant Dominum audire. Post aquam manualet & lumina ut quisque de scripturis sanctis vel de proprio ingenio potest, provocatur in medium Deo canere. Hinc probatur, quomodo biberit. Eque oratio convivium dirimit. Hæc Christianorum agapa, de qua non esurientes modo, sed & Martyres in carceribus constituti participabant, Caro, lib. ad Mart. namque inquit Tertullianus libro ad Martyres, non amittit per curam tyres. Ecclesia, & agapen fratrum. Tertullianus, cum discessum post agapam describit in Apologetico. Inde disceditur, inquit, non in catervas In Apolog. castionum, neque in classes discursionum, nec in eruptiones lasciviarum, sed ad eandem curam modestia & pudicitia. Eadem pietate discedebant Christiani, quâ cœnaverant, etiam absentium fratrum & maximè Martyrum curam gerentes, quibus pro victu de Agapis adferebant, unde Tertullianus libro 2. ad uxorem loquens de homine Ethnico? quis ad convivium Dominicum illud, quod infamant, sine sua lib. 2. ad uxorem suspitione dimittet? quis in carcerem ad osculanda vincula Martyris reptare patietur? Ac si diceret: à cœnâ fratrum mulieres Christianas ad carceres ire consuevas, ut Martyres ibidem constitutos de agapis cibarent, & non obstante Tyrannorum persecutione Martyrum vincula oscularentur, unde apud Tertullianum, hæc erat de primis Christianis vox gentiliū: ut pro alterutro mori sunt parati.

5. Verum quidem est Christianos ex tantâ charitate sæpius se ipsos prodidisse, & carceres confessoribus replevisse, quos pro minimo Imperij infortunio ethnici petebant ad Leones, & effuso sanguine tormentis enecabant; sed si persecutione ara Dominica eventiletur, teste Tertulliano lib. de fugâ, Ecclesia ager est, ut loquitur in fine Apologetici contrâ gentes, in quo plures efficimur, quoties metimur à vobis. Idem. lib. de fuga. Semen est sanguis Christianorum. Ut semen in terrâ pluviis excrecit, ita Christiana societas suorum sanguine crescebat indies, cuius veritatis testimonium reddit ipsa rerum series. Vix enim ad initium secundi sæculi semen Christianæ religionis in agro Africæ transmissis Romæ verbi Dei prædicatoribus seminatum fuit, quin eodem illo sæculo in messem creverit tam numerosam, ut ad sæculi tertij initium operarij plerique enumerarentur, quorum septuaginta in Provinciâ Africâ & Numidiâ Cyprianus.

N n

midiâ

Cyprianus.

Acta Carth.

midia Ecclesiam Dei gubernabant, ut testis est D. Cyprianus epistola 71. ad Quintum. Loquitur omnino Cyprianus de 70. Episcopis, qui cum Agrippino Carthaginiensi praesule, in unum Concilium adunati fuerant, cumque septuaginta numero non obstante Tyrannorum persecutione Carthaginem plurimi adventarint, alios adhuc in Africa fuisse oportet, cum non omnes adventasse innuit. Sub Donato Cypriani Antecessore nonaginta Episcoporum sententia damnatum fuisse Privatum, praedicat Cyprianus epistola 55. ad Cornelium, & sub ipso Cypriano anno 258. tria celebrata Concilia, in quorum 2. adfuere ex Provinciis Africa & Numidia Episcopi numero 71. ut testatur in epistola ad Iubaianum, ac addit de tertio: cum in unum Carthagine convenissent Kalend. Septembris Episcopi plurimi ex Provincia Africa, Numidia, & Mauritania cum presbyteris & Diaconis praesente etiam plebis maxima parte. Extant omnes illi Episcopi numero 87. in actis eiusdem Concilij huc usque inter opera Cypriani & Augustini servatis, & a Graecis in Synodo quidem Trullana laudatis, sed & a Zonara, & Balzamone in Graecum translatis, & nunc graeco latine in pandectis canonum editis; ex quibus notitia quaedam Africanæ Ecclesiae hauriri potest, cum Synodo illi ex Provincia Mauritaniae Tingitanæ, quæ versus Oceanum ad partes Hispaniae viciniore sita est, subscriptus habeatur Confessor Paulus à Bobba, vel ut apud Plinium legitur, Babba. Ex Mauritania Caesariensi Nemesius à Thubunis alijque complures. Ex Numidia Castus à Sicca, alijque, inter quos Secundianus à Tambeis in extremâ parte Numidiæ. Ex Byzacenâ Polycarpus ab Adrumeto cum plerisque aliis. Ex Tripolitanâ natalis ab Oeâ dixit: tam ego praesens, quam Pompeius Sabratenfis, quam etiam Dioga Leptimagnensis, qui mihi mandaverunt corpore quidem absentes, spiritu praesentes, censemus, &c. Ex quibus videmus, tres illas Provincias, ex quibus Episcopos huic Concilio adfuisse meminit Cyprianus, Numidiam, Mauritaniam, & Africam, omnes totius Africae sub Romano Imperio constitutæ continuisse Provincias à freto Herculeo per oras maris mediterranei usque ad Lybiam Pentapolitanam, cui Tripolitana adiacet Provincia: unde & concludimus, fidem Catholicam ad tertij sæculi medium per universas Africae regiones fuisse receptam.

6. Et hinc jam deducitur, verum fuisse, quod scripsit Tertullianus: Christianos in persecutionibus crescere & numero augeri. Erat Cypriani tempore dira illa sub Decio Christianorum persecutio, in qua ad Leones peritus ipse Carthaginiensis Episcopus aufugere cogebatur:

tur : persecutionem hanc Leoni assimilat Optatus Milevitanus lib. 3. contrà Parmenianum : *Prima fuit ut Leo. Hac erat persecutio sub Decio & Valeriano.* Decianam persecutionem , quæ circa annum 250. cœpit , Valerianæ miscet , quæ Aurelio Tulco & Basso consulibus anno 258. contigit , in quâ ipse Cyprianus capite plexus , & primus Carthaginienſium Præſulum Martyr occubuit , ut pluribus enarrat in eius vitâ Pontius Diaconus. Non tamen ſolus ad palmam Martyrij pervenit , meminit enim Uſuardus in Martyrologio ad 7. Kalendas Februar. Theogenis Hipponenſis , de quo Martyrologium Romanum ad 26. Ianuarij. Theogenis Episcopij & aliorum triginta ſex , qui in persecutione Valeriani contemnentes temporalem mortem coronam vitæ æternæ adepti ſunt. Et ad 24. Februarij in Africa Sanctorum Martyrum Montani , Lucij , Iuliani , Victorini , Flaviani , & Sociorum , qui fuerunt S. Cypriani discipuli , & ſub Valeriano Imperatore Martyrium conſumarunt. Et ad 29. Aprilis Uſuardus : in Numidia apud Circenſem Coloniam natalis Sanctorum Martyrum Agapij & Secundini Episcoporum , qui persecutione Valeriani poſt longum exilium apud præfatam urbem , in qua tunc maximè Gentilium rabies ad tentandam juſtorum fidem inhiabat , ex illuſtri ſacerdotio , effecti ſunt glorioſi Martyres. Quid plura ? cum persecutio fuerit læviſſima , & teſte Uſuardo Gentilium rabies ad occidenda Martyrum Agmina effuſa & diſſoluta : nec ſic tamen ſeges fidelium metebatur ad ruinam , ſed grana cadebant in terram ad Chriſtiani nominis gloriam , cui invidens Serpens antiquus , ultimam persecutionem movit , quam S. Optatus Urſo comparat , quæ fuit ſub Diocletiano & Maximiano tyrannis.

Martyrol.
Roman.

Uſardus.

7. Incepit Diocletianus persecutionem ſuam anno 302. & tantâ fidelium ſtrage ſæviit , ut Martyrologia exinde repleta ſint. De ea habet Optatus Milevitanus libro 3. contrà Parmenianum Donatiſtarum principem : *alia persecutio , quæ fuit ſub Diocletiano , & Maximiano quo tempore fuerunt & impij iudices , bellum Chriſtiano nomini inferentes.* Ex quibus in Provinciâ Proconſulari (ante annos 60. & quod excurrit) fuerat Annulinus , in Numidiâ Florus. Omnibus notum eſt , quid eorum operata ſit artiſcioſa crudelitas. Saviebat bellum Chriſtianis indiſtum : in templis demoniorum diabolus triumphabat : immundis fumabant ara nidoribus : & quia ad ſacra ſacrilega venire non poterant , ubicumque thus ponere cogebantur. Omnis locus templum erat ad ſcelus , inquinebantur propè morientes ſenes : ignorans polluebatur infantia : à matribus parvi liberi portabantur ad neſas : parentes in-cruenta

S. Optatus.

parricidia

N n 2

parricidia facere cogebantur : alij cogebantur templa Dei vivi subvertere, alij Christum negare, alij leges divinas incendere; alij thura ponere. Hæc S. Optatus de persecutione Diocletiani in Africâ, per iudices Anulinum in Proconsulari Provinciâ, & Florum in Numidiâ, ex quibus colligere licet miserrimum Africanæ Ecclesiæ sub persecutorum tyrannide statum, unde permotus, qui in Africâ tunc doctor florebat, Arnobius septem libros adversus gentes composuit, quibus idolorum vanitatem impugnavit, Gentilium superstitionem explosit, & nomen Christianum contrâ diabolica figmenta per orbem prædicavit, & celeberrimum effecit.

Acta Purgat.
Cæciliani.

8. Meminit verò S. Optatus Flori in Numidiâ, & extant in appendice ad Sanctum Optatum inter Gesta Purgationis Cæciliani & Felicis acta cum hocce exordio : *Diocletiano VIII. & Maximiano VII. Consulibus 14. Kalendas Iulias, ex actis Munatij Felicis F. P. P. curatoris Coloniae Cirthensum, cum ventum esset ad Domum, in quâ Christiani conveniebant, Felix F. P. P. curator Paulo Episcopo dixit, proferte Scripturas legis, & si quid aliud hic habetis, ut præceptum est, ut iussioni parere possitis. Cirtha fuit Provinciæ Numidiæ, in qua Florus, ut ex S. Optato audivimus, præceperat leges divinas incendi, idque factum esse sub Diocletiano, confirmant laudata acta Diocletiano VIII. & Maximiano VII. Consulibus, anno nimirum 303. quo Paulus Cirthenensis Episcopus cum presbyteris suis, Diaconis, & Subdiaconis res Ecclesiæ suæ tradidit. Nec illi solum traditores facti sunt, sed urgentibus persecutoribus, plerique alij tam Episcopi, quam minores clerici per omnem Africam Constituti, quo vitio Donatistæ ipsum Mensurium sub Anulino Proconsule innodatum voluerunt, ut rectè animadvertit Gabriel Albaspineus, & constat ex historiâ Passionis SS. Dativi, Saturnini, Felicis, Ampelij, & aliorum Martyrum Africanorum sub Anulino à Donatistâ quodam conscriptâ, ubi : maximè cum etiam Mensurius, Carthaginiensis quondam Episcopus recenti scripturam traditione pollutus, sceleris sui amentiam peiori cepisset ferocia publicare : quippè qui combustorum veniam librorum à Martyribus poscere ac implorare debuerat, ut delicta sua maioribus flagitiis cumulareret, eo animo sæviebat in Martyres, quo divinas tradiderat leges. Et enim hic tyranno sævior, carnifice crudelior, idoneum sceleris ministrum Diaconum suum elegit Cæcilianum, idemque lora & flagra cum armatis ante fores carceris ponit, ut ab ingressu atque aditu cunctos, qui victum potumque in carcerem Martyribus afferebant, gravi affectos injuria propulsaret.*

Passio. SS.
Dativi &c.

9. Oculo

9. Oculo invidiâ & malitiâ pleno intuebatur hic Donatista Cæcilianum, & quo facilius eum traditionis crimine maculatum traduceret, Mensurium, sub quo fuerat Archidiaconus Carthaginensis, traditorem somniavit. Loquitur omninò cum Donatistis somni illius auctoribus, quos refellit S. Optatus Milevitanus contrâ Parmenianum libro 1. ubi: *ijsdem temporibus Fælix quidam Diaconus, qui propter famosam nescio quam, de tyranno Imperatore tunc factam epistolam, appellatus est, periculum timens, apud Mensurium Episcopum delituisse dicitur, quem cum postulatam Mensurius publicè denegaret, relatio missa est: rescriptum venit, ut si Mensurius Fælicem Diaconum non reddidisset, ad palatium dirigeretur. Conventus non leves patiebatur angustias. Erant enim Ecclesia ex auro & argento quam plurima ornamenta, qua nec defodere terra, nec secum portare poterat. Quasi fidelibus senioribus commendavit commemoratorio factò, quod cuidam anicula dedisse dicitur: ita ut si ipse non rediret, reddita pace Christianis, anicula illa illi daret, quem in Episcopali Cathedrâ sedentem inveniret. Profectus causam dixit. Iussus est reverti Carthaginem: pervenire non potuit. Tempestas persecutionis peracta & definita est: jubente Deo indulgentiam mittente Maxentio Christianis libertas restituta. Plura habemus ex hocce S. Optati testimonio: ac primo quidem Mensurium sollicitum fuisse, ne res sacræ traderentur, tantum abesse, quod ipse traditor extitisset. Secundò Mensurium ob delitescentem Diaconum, qui contrâ Imperatorem scripserat ad comitatum fuisse evocatum, ibidemque fuisse purgatum. Tertiò jussum fuisse, ut Carthaginem reverteretur, sed non pervenisse, quod mortuus sit in comitatu vel in itinere. Quartò à Maxentio anno, ut putat Baronius, 306. pacem Ecclesiis concessam, quam subsecuta fuit pax illa, quam Constantinus Magnus universæ sub cælo Ecclesiæ concessit, ut Idolorum templis occlusis, apertæ sint Catholicorum Ecclesiæ.*

S. Optatus.

C A P V T III.

De secundo religionis per Africam incremento, sub hæreticis & præcipuè Donatistis.

1. Post persecutionem tyrannorum orti errores hæreticorum, inter quos præcipui Donatistarum in Africâ latè vagantium usque ad Collationem Carthaginiensem.
2. Quandonam hæc collatio fuerit habita & à quibus Episcopis.
3. Duravit collatio per tres dies, & enumeratis, qui interfuerunt Episcopis, colligitur, quotnam fuerint in Africâ Cathedra Episcopales.
4. Posset ex hæc collatione delibari aliqua Africa notitia, sed ob defectum Episcoporum absentium, & Sedium vacantium contenti sumus hic addere profectum ex collatione exortum.
5. Alij quidem hæretici post Donatistas exsurrexerunt, ut Pelagiani, de quibus hic plura dicenda essent, nisi re ad alium locum delatâ finiremus cum eo, quod Augustinus illos prius occubuisse viderit, quam occubuerit.

Augustin.

1. **D** Atâ per orbem Catholicum Ecclesiæ pace, & clauso contrâ fideles Bifrontis Iani Templo, ubi diabolus vidit aras suas deferi, *Hæreticos movit*, inquit Augustinus, lib. 18. de civitate Dei, cap. 51. *Qui sub vocabulo Christiano Doctrina resisterent Christianæ.* Idque quam verum sit, funesto exemplo Africana monstravit Ecclesia, quæ vix à persecutionibus Gentilium liberata fuit, quin in Schismaticos Donatistas incidit, quorum primordia ex ambitione Botri & Cælesij, ac Lucillæ potentissimæ feminae factione repetit S. Optatus lib. 1. Non repetam Secundi Tigisitani ausum, cuius manibus in locum Cæciliani primus Donatistarum Pseudo-Episcopus creatus est Maiorinus, post quem successisse creditur Donatus à Casis Nigris, qui in Schisma prorupit, & cum Ecclesiam suam à Traditionis vitio in Meridie liberam supermansisse somniaret, alios non recepit ex Catholicis nisi iterando Baptismum, quem suæ Ecclesiæ vindicabat. Improperatum hoc fuit Donatō in Synodo Romanâ sub Melchiade Papâ nec monitus

monitus respuit, sed post Arelatense Concilium Schisma promovit, quod totam proinde Ecclesiæ faciem defœdavit. Donato enim successit alter Donatus cognomine Magnus, qui in tantum elatus superbiit, ut testante S. Optato Milevitano fideles Afros Carthaginem adventantes interrogare consuevisset, quid ageretur de parte suâ in Africæ Provinciis. Enim verò ut animadvertit Balduinus, Ecclesiâ ad extirpandam Arij hæresim occupatâ, Donatistæ viribus & numero quotidie aucti sunt, quod præclarius probari non potest, quàm ex Collatione Carthaginienli habitâ Donatistas inter & Catholicos sub Aurelio Carthaginienli sæculo 5.

2. Celebrata fuit hæc. Collatio Carthaginensis post Consulatum Veranis V.C. Kalendis Iunij Carthagine in Secretario Thermarum Gargiliarum, ut habent acta eiusdem collationis. Postconsulatus autem Veranis incidit in annum 411. quo ex parte Catholicorum causam susceperunt septem Episcopi totidemque ex parte Donatistarum hunc in finem electi, quos à Papirio Massono enumeratos subiiciemus, quod plerique eorum Baronio ignoti fuerint.

Acta Collat.

CATHOLICI.

Aurelius	Carthaginensis.
Alypius	Tagastensis.
Augustinus	Hipporegiensis.
Vincentius	Colusitanus.
Fortunatus	Constantiniensis.
Fortunatianus	Siccensis.
Posidius	Calamensis.

DONATISTÆ.

Primianus	Carthaginensis.
Petilianus	Constantiniensis.
Emeritus	Cæsariensis.
Prorastus
Montanus
Gaudentius	Thagmudensis.
Adeodatus.

Neque hi Soli sunt, qui ad collationem Carthaginem venerant, sed qui ex magno Catholicorum Antistitum & Donatistarum Pseudo-Episcoporum numero electi sunt, ut coram Officio de Schismate disputarent.

putarent, & ubinam Catholica esset, Africæ universæ manifestum redderent.

3. Duravit cognitio tribus diebus, quorum acta in compendium redegit Magnus Ecclesiæ Doctor Augustinus, in cuius tomo 7. operum huc usque habemus Breviculum collationis. Acta ipsa jam edita habemus in appendice ad S. Optatum Milevitanum, & nuper tomo 2. Conciliorum Philippi Labbei, quæ licet mutila sint quoad gesta tertiæ cognitionis, integra tamen extant quoad Gesta secundæ & primæ cognitionis, ex quibus patet, quod ex utrâque parte adfuerint Episcopi, qui omnes citato nomine in medium prodierunt, & ex parte quidem Donatistarum Rufinianus scriba enumeravit *Ducentos Septuaginta novem*, ex parte verò Catholicorum efficiebantur *Ducenti Sexaginta Sex*, cui postmodum viginti accessere, ut constat ex num. 214. collationis primæ, additque Alipius Tagastensis ex parte Catholicâ Episcopus num. 217. *Scriptum sit, Ducentos Viginti esse absentes, quos aut infirmitas, aut atas, aut certè necessitas detinuit.* Et replicante Petiliano Donatista, *Scriptum sit, multo plures absentes esse, & jam Cathedras Viduatas, quibus Episcopi ordinandi sunt.* Dixit quoque Fortunatianus Ecclesiæ Catholicæ Siccensis: *Quia de Viduatis Cathedris dixit Sanctissimus Petilianus, nos quoque Sexaginta quatuor vacuas habere his gestis intimamus.* Ex quibus omnibus efficitur, anno 411. in Africâ fuisse quingentas Septuaginta Cathedras Episcopales partis Catholicæ, ex parte vero Donati quingentas aut circiter à Petiliano prædicatas, licet revera tot numero non fuerint, & Catholici longè numerosiores extiterint, ut certum sit, fidem Catholicam tunc temporis per omnes Africæ provincias fuisse receptissimam, quàm ut Catholici Episcopi foverent, non nisi mediâ Episcoporum pars adventare consuevit ad Concilia, reliquis in civitate suâ, ut plebibus suis & absentium sibi commendatis invigilarent, remanentibus, uti ante ex Ioanne Garnerio annotavimus, & ex hac collatione lucidissimè firmari potest, id ipsum testante Alipio verbis suprâ citatis.

4. Possem quidem hoc loco ex actis collationis magnam horum Episcoporum partem ad clariorem Africanæ Ecclesiæ notitiam cum civitatibus, in quibus sedes erectæ erant, adferre, prout post Mireum facere conatus est Ioannes Baptista Grammaye in Africâ illustratâ lib. 2. cap. 3. ubi per ordinem alphabeti enumerat trecentos tredecim sedes Episcopales, ex quo *Pastorum numero*, inquit, *Christianorum multitudo poterat aestimari.* Verum cum in collatione Carthaginiensi nulla

de

de 64. sedibus vacantibus facta sit mentio, uti nec de ducentis Viginti Episcopis absentibus, qui suis in civitatibus debebant, quin etiam pleraque civitates duos sibi invicem adversantes habuisse referantur absque eo, quod ulla Provinciarum addita sit notitia, ab hoc labore super sedendum duximus, contenti addere, Aurelium Carthaginensem, Alipium, Augustinum, & alios quatuor partis Catholicæ Episcopos tam egregiè in tribus huius collationis cognitionibus refutasse Donatistas, ut victa pars Donati ex hocce tempore succubuerit, & ex eâ plerique ad Catholicæ Ecclesiæ unitatem reversi sint. Ita in vitâ D. Augustini Possidius Calamensis in Africâ Episcopus Divo Augustino Coetaneus, qui agens de unitate in Ecclesiis Africæ procuratâ, scribit id maximè factum per collationem, quæ ab universis Episcopis Catholicis apud Carthaginem cum eisdem Donatistarum Episcopis postmodum facta est, id iubente Gloriosissimo & Religiosissimo Imperatore Honorio. Præclarum quid addit D. Augustinus in libro de Gestis cum Emerito Donatistarum Episcopo: *Præsentibus vobis fratrem & Coepiscopum meum Deuterium (Casaria) obstringo, ut quemadmodum sit apud Carthaginem, apud Tagastam, apud Constantinam, apud Hipponem, apud omnes diligentes Ecclesias, sic etiam deinceps facere non pigrescat, ut annis omnibus per jejuniorum Dies, id est quadragesimam ante Pascha, quando vobis maximè jejunantibus plus vacat audire, eadem gesta collationis per annos singulos universa à capite in finem ex ordine recitentur.* Nec mirum post tantam Catholicorum in recitandâ singulis annis collatione diligentiam factum esse, quod scribit idem Augustinus Epistolâ 50. ad Bonifacium: *Donatista maximè post Collationem, quæ inter nos & Episcopos eorum apud Carthaginem fuit, ex magnâ parte correcti sunt.* Ex magnâ parte, inquit, quod paucæ infelices Donatistarum reliquæ post Augustinum manserint superstites, quæ contra diis viribus, & suis orbatæ Ecclesiis Paulatim vel propria nece, vel Honorij imperatoris studio & rescripto corruerint, ut videre licet apud Baronium tomo 5. anno 414.

Possidius.

Augustin.

5. Verum quidem est, alios hæreticos ut Manicheos tempore Augustini per Africam fuisse dispersos, & vix schisma Donatistarum ad interitum suum properasse, quin ipsius loco alia Pests Pelagianorum exortiret, scribente Augustino libro de Gestis Palestinis cap. 28. *Carthagini, quantum recolo, semel vel iterum vidi (Pelagium) quando cura collationis quam cum Donatistis hæreticis habitari eramus, occupatissimus fui, ille vero ad transmarina properavit.* Pelagium se vidisse testa-

Augustin.

oo

tur

tur Augustinus tunc virus novi erroris effundentem, cum antiqui schismatis rabiem Catholicorum Antistitum diligentiam cernebat ad interitum properantem, quâ de re hic fusius disserere possem, & quantâ vi Africana Ecclesia ei restiterit, hic ab oculis ponere. Possem adferre habitam anno 412. Synodum Carthaginensem contra Cælestium: possem alias duas anno 416. tum Milevi, tum Carthagine celebratas contra hæresim Pelagianam Synodos in medium adducere: possem Africanorum Patrum rescripta adiungere, quibus potenter hæreticorum dolis restiterunt, & in tantum eorum fraudibus obviarunt, ut verum sit illud prosperi in Chronico: quod Concilio apud Carthaginem habito 214. Episcoporum, ad Papam Zosimum Synodalia decreta perlata sint: quibus probatis per totum mundum hæresis Pelagiana damnata est. Sed questione de hæresi Pelagianâ in opportuno rem locum reservatâ, suffecerit & cum Possidio Calamensi in vitâ Augustini annotare, quod illi divinitus donatum sit, ut de suorum laborum fructu, etiam in hac vita gaudere provenisset, quandoquidem multiplicatam fuisse Domini Ecclesiam pervidens, Manicheos, Donatistas, Pelagianistas, & Paganos ex magnâ parte defecisse & Ecclesiæ Dei sociatos esse gavissus sit, eosque prius occubuisse viderit, quam occubuerit.

Possidius.

C A P V T I V.

De primo religionis decremento, sub Vandalorum Tyrannide.

1. Devictis ab Augustino hæreticis, alia inimicorum turba Africam devastarunt, anno namque 427. Vandali Africam ingressi brevi tempore totam occupaverunt, ut ipse Augustinus non nisi tres civitates imperio subditas reliquerit, in cuius unius subsidione occubuit.
2. Defuncto Augustino reliquæ tres civitates captae sunt à Geiserico Vandalorum Rege, cuius filius Hunericus Catholicos acrius persecutus est.
3. Cathalogus seu potius notitia Episcoporum Africa in Exilium missorum.
4. Notitia huius auctorem esse Victorem Vitensem, qui conventui Carthaginensi non interfuit, sed alicubi in Africâ latuit, ex ipsâ notitiâ haurimus, uti & post collationem anno 411. defecisse 104. sedes Episcopales in Africâ.

§. Plures

5. Plures defecerunt tempore Victoris Vitenfis, qui tantum tres Episcopos ex Zeugitanâ Provinciâ supermansisse scribit anno 487.
6. Ecclesiâ saculo 5. tot millium Martyrum sanguine sacrata fides & ritus ex Victore Vitenfi adducuntur, cuius insignis locus profertur.
7. Desolata Ecclesiâ facies pastoribus in exilium trusis, cum omnia religionis Myſteria contigit prophanari.

1. **V**ix hæretici per Augustinum deviati ad instar nubilæ dissipari cœperant, cum alias turbas serpens infernalis excitavit, quæ ipsam ruinam Africanæ Ecclesiæ minabantur. Vandali namque & Alani commixtam secum habentes Gothorum gentem ab Bonifacii ducis instantiam anno 427. ex Hispaniâ in Africam navibus transmissi brevi spatio totam Africam invasere, idque tantâ immanitate, ut enarret Possidius, fideles in montibus & cavernis latitasse, Episcopos in fugam verſos sacrificia & Sacramenta neglexisse, quæ magno animi dolore ab Augustino deplorabantur, Et, inquit, vix tres superstites videbat ex innumerabilibus Ecclesiis, hoc est Carthaginiensem, Hipponensem & Circensem, quæ Dei beneficio excisa non sunt, & earum permanent civitates, & divino & humano fulta præsidio, licet post eius obitum urbs Hipponensis incolis destituta ab hostibus fuerit concremata. Et se inter hæc mala cuiusdam sapientis sententiâ consolabatur dicentis: non erit magnus magnum putans, quod cadunt ligna & lapides, & moriuntur mortales. Magnum profectò tam magno viro dignum effatum, de quo consequenter in vitâ narrat Possidius, quod cum civitas Hipponensis tertio mense obsideretur, ex hac vitâ ad feliciorē migravit, cui accedit S. Prosper in chronico anno 430. Theodosio 13. & Valentiniano 3. Coll. Augustinus Episcopus per omnia excellentissimus moritur 5. Kalend. Septemb. Et addit Victor Vitenfis illum Catholicæ fidei propugnatorem obiisse, cum jam ducentos triginta & duos confecerat libros, exceptis innumerabilibus epistolis, expositione psalterij & Evangeliorum, atque sermonibus aut homeliis.

2. Defuncto in ipso obsidionis initio Hipponensi Episcopo Augustino, civitas ipsius post 14. menses capta est, post quod ipsam urbem maximam Carthaginem Geisericus tenuit & intravit, inquit Victor Vitenfis libro 1. de persecutione Vandalicâ, & antiquam illam ingenuam ac nobilem libertatem in servitutem redegit. Ac tunc fuit, quod non in muros & lapides, sed in ipsos fideles sæviri cœpit, quos si Augustinus non Romano Imperio solum ereptos, sed Ecclesiis suis destitu-

destitutos, & Arianorum fervituti vidisset subactos, sanguineis lacrymis deplorasset Africam, in quâ excisis plusquam quadraginta Ecclesiis, & ipsa Carthagine eversâ Episcopi privabantur Ecclesiis, & Ecclesiæ populis. Nec cum Geiserico cessavit persecutio, sed potius aucta est sub Hunerico Geiserici filio, qui anno 484. imperij sui octavo omnes Episcopos Carthaginem cum Arianis disputaturos evocavit, & emissio 5. Kalend. Martij edicto universas Africæ Ecclesias clausit, universamque substantiam Episcoporum & Ecclesiarum suis Episcopis munere donavit: ita libro 3. Victor Vitenis, cui accedunt Theophanes Martyr, Gregorius Turonensis, S. Ilidorus Hispalensis in historiâ Vandalorum editâ per Labbeum tom. 1. Bibliothecæ M.SS. librorum, & ante illos Procopius Cæsariensis lib. 1. de bello Vandalico cap. 8. Neque hic stitit ferocitas Tyranni, ut enim Victor Vitenis, occasione ex juramento quæsitâ omnes relegari jussit, & Eugenius cum clero Carthaginensi quingentorum numerum excedente in exilium traditur: *totam namque per Africam crudelis Hunerici Vandalorum Regis in nostros Catholicos persecutio importata est, exulatis diffugatisque plusquam 324. Orthodoxorum sanctis.* Ac rectè scripsit plusquam 324. ut enim Sigebertus Gemblacensis in chronico per Mireum edito ad annum 483. seu potius sequentem: *in Africâ Honoricus Rex Vandalorum in Ecclesiam Dei graviter efferatus omnes Africæ Episcopos quasi ad Synodum convocat, & fugatis exsiliatisque 444. Episcopis Catholicis, Ecclesias clausit, aut Arianis dedit, plebemque variis suppliciis afflixit. Letum verò Episcopum incendio concremavit. Eugenium quoque Carthaginis Episcopum cum cleris suis plusquam quingentis cruciatos, multis modis exsiliavit.* Loquitur omnino de Episcopis Catholicis, qui Theodorico & Venantio Consulibus Carthaginem advenerant, quorum nomina in notitiâ Provinciarum & civitatum Africæ edita sunt, anno 1630. per Jacobum Sirmondum, & post eum tomo 4. Conciliorum à Philippo Labbeo, ex quo & ea ipsa subjungimus.

Victor Vitenis.

Sigebertus.

NOMINA

3. NOMINA

EPISCOPORUM CATHOLICORUM

Diversarum Provinciarum, qui Carthaginem ex praecepto regali venerunt pro reddenda ratione fidei die Kalendas Februarias.

ANNO 6. HUNERICI REGIS.

Nomina Provinciae Proconsularis, vel qui in exilium missi sunt.

Eugenius Carthaginienfis Tamalleni.
Felix Abritanus, exilium.
Paulus Sinuarenfis, exilium.
Felix Pienfis, Corsica exilium.
Marianus Hippozaritenfis, ut supra.
Pascasius Gunelenfis, ut supra.
Sacconius Uzalenfis, ut supra.
Bonifacius Membrositanus, fug.
Gulofus Beneventenfis, Corsica.
Reparatus Ummirenfis, ut supra.
Pastinatus Puppitanus, ut supra.
Reparatus Puppianenfis.
Fortunatianus Araditanus, Corsica.
Deumhabet Thelenfis, Corsica.
Liberatus Mullitanus, ut supra.
Mannucius Duassedemlai.
Hirundinus Missuennfis, Corsica.
Iona Lapdenfis, ut supra.
Peregrinus Assuritanus, exilium hic.
Quintianus Urcitanus.
Cresconius Tannonenfis, per.
Florentinus Uticenfis, Corsica.
Pascasius Migirpenfis, ut supra.

Carissimus Gisipenfis, in exilium.
Gaius Uzitenfis, per.
Exitiosus Verenfis, Corsica.
Crescens Cicstitanus, in exilium.
Bonifacius Bolitanus, Corsica.
Felix Carpitanus, ut supra.
Carcadius Maxulitanus, ut supra.
Cyprianus Bonustenfis.
Dalmatius Tinnisenfis, Corsica.
Emilianus Culsitanus, Corsica.
Felix Bullenfis, per.
Clementinus Neapolitanus, Corsica.
Felix Curbitanus, ut supra.
Deuterius Simminenfis, ut supra.
Aurelius Clipienfis, ut supra.
Coronius Meglapolitanus, ut supra.
Benenatus Timidenfis, ut supra.
Vincentius Ziggensenfis, in exilium.
Florentius Seminenfis, Corsica.
Honoratus Tagaratenfis, per.
Vindemius Altaburitanus, in exilium.
Cassofus Aufanenfis, hic.
Maximinus Maraggaritanus, hic.
Felix Muzuenfis.
Ioannes Bullensium Regio.
Cresciturus Titulitanus.
Benenatus Tuburbitenfis.
Victor Eudalenfis.
Pascasius Tulanenfis.

SUNT NUMERO LII.

Nomina Episcoporum Provinciae Numidiae.

Felix Berceritanus.
Augentinus Gazaufulenfis per.
Quodvultdeus Calamenfis.
Honoratus Castellanus.

003

Léon

Leontius Burcensis.
 Firmianus Centurionensis per.
 Rufinianus Vadenfis.
 Paulus Nibenfis per.
 Martialis Girenfis.
 Victor Cuiculitanus.
 Cresconius Amporenfis.
 Adeodatus Fesseitanus per.
 Vitalianus Bocconienfis.
 Dumvirialis Damatcorenfis, per.
 Donatus Aufuccurrenfis.
 Palladius Idicrenfis per.
 Gaudentius Putienfis.
 Victor Suggitanus.
 Benenatus Lambiritanus.
 Timotheus Tagurenfis.
 Melior Fussalenfis. Nam.
 Frumentius Tubursicenfis.
 Felix Lamfortenfis.
 Abundius Tididitanus, per.
 Valentianus Montefis, per.
 Adeodatus Nobabarbarenfis.
 Adeodatus Idassenfis.
 Florentius Nobagermanienfis.
 Villaticus de casis Medianenfis.
 Eusebius Suscazienfis.
 Victorinus de Nobacæsaris.
 Vitalianus Vazaritanus.
 Iunior Tigillabensfis.
 Vigilus Resnanenfis, per.
 Leporius Augurenfis.
 Pascentius Octabensfis.
 Petrus Madensfis.
 Felix Matharenfis, per.
 Florentius Centenarienfis.
 Felix Gilbensfis, per.
 Florentianus Midilenfis.
 Fluminus Tabudensfis.
 Optantius Casensfis Calanenfis.
 Peregrinus Punentianenfis, per.
 Felix Nobasparsensfis, per.
 Felicianus Metensfis.
 Dominicus Cæsarienfis, per.
 Candidus Nobasinenfis, per.
 Quodvultdeus Cælianenfis Nam.
 Ianuarius Zattarenfis.
 Victorinus de Castello Tituliano.
 Fructuosus de Giru Marcelli.
 Cresconius Tharafenfis.
 Maximus Sillitanus, per.
 Vigilus Hizirzadensfis, per.
 Victor Municipensfis.
 Servus Arscaritanus.
 Felix Casennigrenfis.
 Donatianus Veselitanus.
 Prudentius Madaurenfis.
 Donatus Rusticianenfis.
 Donatus Villadegenfis.
 Crescens Buffadensfis, per.
 Adeodatus Sistrionianenfis, per.
 Rusticus Tipasensfis.
 Simplicius Tibilitanus.
 Stephanus Sinitenfis.
 Pascentius Cethaquesusca.
 Donatianus Teglatensfis.
 Cresconius Zabenfis.
 Antonianus Mustitanus.
 Reparatus Tubunienfis.
 Anastasius Aquenobenfis.
 Victorinus Babrenfis, per.
 Felix Tebestinus.
 Dominus Moxoritanus Metallo.
 Secundus Tamogazienfis, per.
 Victorinus Legiensfis.
 Quodvultdeus Respectensfis.
 Ianuarius Veselitanus.

Benena-

Benenatus Mazacensis, per.
 Donatus Lugurensis, per.
 Victor Cirtenlis, per.
 Pardalius Macomadiensis.
 Ianuarius Legensis, per.
 Quodvultdeus ad Turres Concordi.
 Maximus Lamfuenlis, per.
 Marcellinus Vagrautenlis.
 Dominicus Tigititanus.
 Donatus Gilbertis.
 Fortunius Regianensis.
 Donatus Silensis.
 Victor Gaudiabensis.
 Ianuarius Marculitanus.
 Ianuarius Centurienlis.
 Felix Suabensis.
 Crescentianus Germaniensis.
 Annibonius Vadesitanus.
 Ianuarius Gaurianensis, per.
 Fortunatianus Naratcatensis.
 Maximus Lamiggizenlis.
 Felix Garbensis, per.
 Iulius Vagarmelitanus.
 Ponticanus Fromensis, per.
 Victor de Turres Ammeniarum.
 Servus Belesasensis.
 Honoratus Fatenlis.
 Menfor Formenlis.
 Peregrinus Mulienlis.
 Gedalius Ospitenlis.
 Fulgentius Vagadenlis, per.
 Secundinus Lamafuenlis.
 Crescentius Tacaratenlis.
 Benenatus Milevitanus.
 Quodvultdeus Ullitanus.
 Proficius Seleucianensis, per.
 Proficius Vadenlis, per.
 Ianuarius Tagastensis, per.

Donatus Maximianensis.
 Adeodatus Zaradtenlis, per.
 Felicianus de Giru Tarali.
 Cardelus Lamiggigenlis.
 Flavianus Vicopacensis.

SUNT NUMERO CXXIII.

*Nomina Episcoporum Provinciae
 Byzacene.*

..... Vassinasensis.
 & aquis.
 Liberatus Amudarsensis, per.
 Mansuetus Afusenensis.
 Pascasius Septimunicienlis.
 Hortulanus Benefensis.
 Victorinus Ancufenlis.
 Eubodius Mididitanus.
 Terentianus Tubulbacensis.
 Rogatianus Vadentinianensis.
 Bonifacius Masclianensis.
 Victorinus Seberianensis.
 Victor Narenlis.
 Leontius Decorianensis.
 Servus Dei Tambeitanus.
 Lætus Neptitanus.
 Felix Castrensis, per.
 Flavianus Bubelianensis.
 Decimus Theuzitanus.
 Servandus Putienlis.
 Restitutus Thagamutenlis.
 Præsidius Sufetulenlis in exilium.
 Eulstrathius Sufetanus.
 Secundinus Garrianensis, per.
 Prefectianus Abaradirensis, per.
 Sabinianus Octabienlis.
 Adelfius Maccharitanus.
 Restitutus Aquiabensis.
 Autacius Medianensis.

Menlis

Mensius Turrensis.
 Filtiosus Aggaritanus.
 Fastidiosus Egnatienfis.
 Germanus Peradamienfis.
 Donatus Ermianenfis.
 Paschasius Teniranus.
 Dominus Tarazenfis.
 Hilarinus Trofinianenfis.
 Fortunatianus Leptiminenfis.
 Honoratus Tegariatenus.
 Albinus Octabenfis.
 Aurelius Peradimaienfis.
 Felix Crepedulenfis.
 Cyprianus Unizibirenfis.
 Innocentius Muzucenfis.
 Possidius Massimanenfis, non occurrit.
 Victor Vitenfis, non occurrit.
 Victorinus Sarbatianenfis.
 Adeodatus Pederodianenfis.
 Athenius Circinitanus.
 Florentius Tuziritanus.
 Vindicianus Marazianenfis.
 Adelfius Mattaritanus.
 Adeodatus Præcaulenfis.
 Restitutus aquis Albenfium.
 Felix Irpinianenfis.
 Victorinus Usulenfis.
 Habet deum Tamallumenfis.
 Concordius Cululitanus.
 Servus Menefessitanus.
 Quintianus Casulis Carianenfis.
 Restitutus Acolitanus.
 Vindemialis Capfenfis.
 Quodvultdeus Darenfis, per.
 Heliodorus Cuftrutenfis.
 Marcellinus Tasbaltenfis.
 Fortunatianus Cilitanus.
 Honoratus Tizienfis.

Bonifacius Foratianenfis.
 Servus Arsuritanus.
 Felix Forontonianenfis.
 Succensianus Febianenfis.
 Iulianus Vararitanus.
 Bonifacius Frontonianenfis.
 Secundianus Mimianenfis in exil.
 Donatus Boanenfis.
 Bonifacius Maraguienfis.
 Pirafius Nationenfis.
 Faustus Prælidienfis.
 Rusticus Tercitanus.
 Primianus Gurgaitenfis.
 Bonifacius Filæcenfis.
 Honoratus Macrianenfis, per.
 Frumentius Teleptenfis.
 Honorius Oppidenfis.
 Fortunatianus Tagarbalenfis.
 Simplicius Carcabianenfis.
 Donatus Rufinianenfis.
 Liberatus Aquarum Regiarum, per.
 Victorianus Quæstorianenfis.
 Rufinianus Victorianenfis.
 Maximus Gummitanus.
 Peregrinus Materianenfis.
 Fortunatus Moroteoritanus.
 Pacatus Vicoaterienfis.
 Proficius Sublectinus.
 Satorus Irenfis.
 Mangentius Ticualtenfis.
 Villaticus Auzegerenfis.
 Cresconius Temoniarenfis, per.
 Paulus Turreblandinus, per.
 Restitutus Segermitanus in exil.
 Victor Gauvaritanus.
 Donatianus Elienfis.
 Stephanus Ruspensfis.
 Vinitor Talaptulenfis.

Horten-

Hortensius Autentensis.
Tertullus Iuncensis.
Eusebius Iubaltianensis, per.
Servilius Unaricopolitanus.
Donatus Aggaritanus.
Vigilius Taplitanus.

SUNT NUMERO CVII.

*Et Cathedra quæ Episcopos non
habuerunt.*

Madaßuma. Horrea Cælia.
Dionysiana. Cunculiana.
Sulianis. Ticibus.

SUNT NUMERO VI.

*Nomina Episcoporum Mauritania
Cæsariensis.*

Glorinus Juncensis.
Tiberianus Quindienfis.
Victor Sufaritanus.
Syrus Corniculansenfis.
Lucius Itenfis.
Honoratus Timicitanus.
Donatus Nobicenfis per.
Patera Milianenfis.
Reparatus Girumontenfis.
Avus Altabenfis.
Donatus Panatorienfis.
Martialis Columpnatenfis.
Subdatius Sucardenfis.
Subitanus Idenfis per.
Donatus Tifiltenfis.
Felicianus Idenfis.
Onesimus Fidolomenfis.
Victor Taborentenfis.
Verecundus Nobenfis.
Stephanus Zucabiaritanus.

Apocorius Cæsarienfis.
Felix Rufubiritanus.
Donatus Subbaritanus.
Ianuarius Aquenfis.
Martianus Murustagenfis, per.
Claudius Vagalitanus.
Passitanus Tigifitanus.
Salo Fallabenfis.
Donatianus Ufinadenfis.
Paulus Flumenzeritanus.
Nicetius Castellominoritanus.
Restitutus Florianenfis.
Menfius Alamiliarenfis.
Maxentius Tigamibenenfis, per.
Urbanus Amaurenfis, per.
Cresces Seftenfis, per.
Donatus Ternamunenfis.
Fortis Caputicillenfis.
Ianuarius Nasbincenfis, per.
Palladius Bacanarienfis.
Valens Villenobenfis.
Passinatus Masuccabenfis, per.
Longinus Pamarienfis.
Honorius Benepotenfis.
Burco Vardimiffenfis, per.
Felix Ambienfis.
Æmilis Medienfis.
Arator Catulenfis.
Cæcilius Minnenfis.
Lucidus Cartennitanus.
Victor Regienfis.
Rogatianus Vaunidenfis, per.
Primus Caprenfis.
Metcur Ruficcuritanus.
Rufus Sfasferienfis.
Eusebius Obbitanus.
Securus Timidanenfis.
Donatus Frontenfis.

P p

Victor

Victor Leositanus.
 Quodvultdeus Tablensis, per.
 Restitutus Lapidienfis, per.
 Donatus Vancariensis.
 Bonifacius Rufgunienfis.
 Venantius Oppidonebenfis, per.
 Mattatius Castelliabaritanus.
 Felix Aquifirenfis.
 Victor Caltadrienfis, per.
 Cresces Tigabitanus.
 Idonius Rusaditanus.
 Gelianus Reperitanus.
 Ingenuus Ubabenfis.
 Petrus Oboritanus.
 Faultus Castraheberianenfis.
 Vitalis Castranobenfis.
 Petrus Castellanus, per.
 Quintatius Mutecitanus.
 Paulinus Rubicarienfis.
 Pascasius Mammilenfis.
 Tacanus Albulenfis.
 Emptacius Siccesitanus.
 Talasius Gratinopolitanus.
 Victor Manaccenseritanus, per.
 Pannonius Bitenfis.
 Felix Flenuclenfis, per.
 Campanus Bidenfis.
 Valentinus Castelli Mediani.
 Romanus Sufaritanus.
 Secundus Maurianenfis.
 Reparatus Bulturienfis.
 Lucius Maturbenfis, per.
 Cæcilius Balianenfis.
 Rogatus Sereddelitanus.
 Mingin Nobenfis, per.
 Reparatus Castelli Tatroportenfis.
 Philo Arfinuaritanus.
 Vassivus Elfantarienfis, per.

Patera Catabitanus.
 Vincemalus Baparenfis.
 Reparatus Tipasitanus, per.
 Romanus Tamadempsis, per.
 Victor Vancarianenfis.
 Maddaninus Murconenfis.
 Crispinus Tabadcarenfis.
 Quodvultdeus Summulenfis, per.
 David Tadamatenfis.
 Candidianus Catrenfis, per.
 Reparatus Cissitanus.
 Pœquarius Tafaccurenfis, per.
 Quintus Tabunienfis, per.
 Maximus Tuscamiens.
 Auxilius Gunagitanus, per.
 Reparatus Sitenfis.
 Saturninus Vissalsenfis, per.
 Felix Maxitenfis, per.
 Gaius Adsinuadenfis, per.
 Cresces Satafenfis, per.
 Saturninus Sertenfis, per.
 Victor Numidenfis, per.
 Cercalis Castelloripenfis.
 Lucius Tamazuçenfis.

SUNT NUMERO CXX.

Et Cathedra quæ Episcopus non habuerunt.

Maiucenfis. Maurenfis.
 Nabalenfis. Tingariensis.
 Tubunenfis. Oboritanus.

SUNT NUMERO VI.

Nomina Episcoporum Provinciae Mauritanie Sitifensis.

Rufinus Tamallumenfis.
 Donatus

Donatus Sitifensis.
Maximus Coviensis.
Domitianus Igilgitanus.
Honorius Aquæalbenlis.

Possessor Zabenlis.
Pascasius Salditanus.
Flavianus Vamallensis.

SUNT NUMERO XLIV.

Festus Satalensis.
Victor Horrensis.
Maximus Thugubditanus.
Victor Ierafitanus.

*Nomina Episcoporum Provincia
Tripolitana.*

Vadius Lesuitanus.
Pacatus Equizotensis.
Felix Castellanus.
Constantius Gegitanus.

Calipides Leptimagnensis.
Leo Sabratenlis.
Faustinus Girbitanus.
Cresconius Oensis.
Servilius Tacapitanus.

SUNT NUMERO V.

Victor Eminentianensis.
Saturnius Sociensis, per.
Iacobus Lemelensis.

*Nomina Episcoporum insula
Sardinia.*

Cresciturus Cellensis, per.
Emeritus Macrensis, per.
Redux Nobalicianensis.
Argentius Zallatenlis.

Lucifer Calaritanus.
Martinianus de foro Traiani.
Bonifacius de Sanafer.
Macarius de Mihorica.
Vitalis Sulcitanus.
Felix de Turribus.
Helias de Maiorica.
Opilio de Euuso.

SUNT NUMERO VIII.

Vindemius Lemfactensis.
Abus Ficens.
Restitutus Macrianensis, per.
Vitalis Aslansenlis.

Victor Flumenpiscensis.
Juventinus Marovanensis.
Romanus Melicbuzensis.

Victorinus Serteitanus, per.
Montanus Cadamufensis.
Clemens Thimagrifensis.

Et sic sunt omnes Episcopi diversarum
Provinciarum Numero CCCCLXVI.

Adeodatus Privatenlis.
Rogatus Partenienlis.
Villaticus Mozotensis.

Ex quibus perierunt numero
LXXXVIII. id est.

Honoratus Tamascanienlis, per.
Justus Acufidensis, per.

De Proconsulari Numero IV.
De Provincia Numidia Numero XXXIV.
De Provincia Byzacena Numero X.
De Provincia Mauritania Cæsariensis
Numero XXXII.

Emilius Asuoremitenlis.
Uzulus Thuccensis.
Aufidius Suristenlis.
Victorinus Perdicensis.

P p 2

De

De Provincia Mauritaniae Sitifensis Numero VIII.

Permanferunt NUMERO CCCLXXVIII.

Corfica relegati Numero XLVI.

Hic relegati Numero CCCII.

Fugerunt Numero XXVIII.

Passus Numero I.

Confessor Numero I.

Notitia.

Victor Viten-
sis.

Marcellinus
Comes.

4. Præclarum est hoc notitiæ Provinciarum & Ecclesiarum Africæ monumentum, de quo cum dubitari potuisset, quonam auctore fuerit conscriptum, edita sunt novissimè per Chiffletium opera Victoris Viten-
sis, in quibus hæc notitia apparet, ut ex iis, qui tunc conventui Carthaginensi interfuerunt eam ipsam recepisse verosimile sit, ipse namque notitiæ quidem insertus habetur tanquam istis temporibus florens, sed notandum omnino, hæc esse notitiæ verba: *Victor Viten-
sis, non occurrit.* Ex quibus conficitur Victorem, qui historiam de persecutione Wandalicâ quinque libris conscripsit, non fuisse Episcopum Uticensem Provinciæ Proconsularis, utpote qui Conventui Carthaginensi interfuerat, & in notitiâ memoratur *Florentius Viten-
sis* relegatus Corficâ in exilium: sed fuisse Episcopum Vitensem Provinciæ Byzacenæ, nec adfuisse Carthaginî cum de fide disputaretur cum Arianis, utpote de quo ipse Victor Viten-
sis supra: *non occurrit.* Extât sæpius in notitiâ, quod aliqui Episcopi *hic* essent relegati, & in fine post omnium enumerationem: *hic relegati numero trecenti duo.* Cum autem Victor Viten-
sis, non occurrit, sed in quodam Africâ loco manserit occultatus, putarem ego per hoc intelligendam esse Africam ipsam, quam *colonatus jure ad excolendum agros* accipi jussit Hunericus pro iis, qui non jurarant: reliquos verò jurantes, Hildericum post obitum Hunerici successurum, *jussi sunt in Corfica-
nam insulam relegari, ut ligna profutura navibus Dominicis inciderent.* Ita ipse Victor Viten-
sis lib. 3. de persecutione Wandalicâ, ex quo etiam constat, plures 324. *orthodoxorum sanctos*, ut loquitur Mar-
cellinus Comes, fuisse relegatos, fugatosque. Fuerunt enim tunc temporis trecenti quadraginta octo Episcopi, qui Carthaginem advenerant, ex quibus 302. extra civitates suas per Africæ Provincias dispersi terram incolabant, quadraginta verò sex ligna in Corficâ cedere coacti erant. Hisque si addas viginti octo, qui effugerant, passum unum, & confessorem unum, cum octuaginta octo, qui ante conventum Carthaginensem vitam finierant, efficient numerum quadringentorum sexaginta sex Episcoporum in omni Africâ anno 484. sedes habentium. Ex quibus tamen conficitur post annum 411. quo in collatione

collatione Carthaginiensi numerabantur 570. cathedræ Episcopales, defecisse sedes centum & quatuor, tantam nimirum stragem bella Arianorum in Africam advexerant.

5. Sed quid hic hæremus, cum Victor Vitenlis libro 1. de persecutione Wandalicâ testatus sit, quod ex Zeugitanæ & Proconsularis Provinciæ Episcopis, quorum erat numerus 164. paulatim omnes defecerint, & nunc, inquit, si vel ipsi supersunt, tres tantum esse videntur, Vincentius Gigitanus, Paulus Sinnaritanus, vere meritò & nomine Paulus, & alius Quintianus, qui nunc persecutionem fugiens apud Edessam Macedonia civitatem commanet peregrinus. Scripsit suam historiam Victor Vitenlis sexagesimo anno post Wandalarum in Africam adventum, sic enim inchoat suam historiam: sexagesimus nunc, ut clarum est, agitur annus, ex quo populus ille crudelis ac savus Wandalicæ Gentis, Africa miserabilis attigit fines. Cumque anno 427. Wandali ad Africam venerint patet anno 487. historiam de persecutione Wandalicâ à Victore conscriptam, ac tertio post relegatos Episcopos anno ex tot, quos enumerat de solius Proconsularis Provinciæ Episcopis, tres tantum superfuisse, id quod excepto Eugenio Carthaginiensi venit intelligendum. De illo namque scribit libro 3. idem Victor quod adhuc superfuerit, sicut & diu postea superfuisse ostendimus cap. 1. huius dissertationis supra.

Victor Vitenlis.

6. Cæterum antequam ab hac Vandalarum persecutione discedamus, fidelium Afrorum fidem & ritus Ecclesiasticos lubet in medium adducere, & ex quinto sæculo Ecclesiam tot millium Martyrum sanguine sacratam hæreticorum oculis ad novitatis præscriptionem obijcere. Narrat Victor Vitenlis scriptor coetaneus, & natione Africanus, sub Himerico Episcopos, Presbyteros, Diaconos, & alia Ecclesia membra id est quatuor millia DCCCCLXVI. ad exilium eremi destinata. Et dum ipsemet Sanctorum turbam comitabatur: Quanta, inquit, tunc multitudines de diversis regionibus & civitatibus, ad visendos Dei Martyres occurrerent populorum, testantur via vel semita: qua cum agmina venientium nequaquam caperent, per vertices montium, & Vallium concurrrens turba fidelium inestimabilis descendebat, cereos manibus gestantes, suosque infantulos vestigiis Martyrum projicientes, ista voce clamabant: quibus nos miseros relinquitis, dum pergitis ad Coronas? qui hos baptizaturi sunt parvulos fontibus aquæ perennis? qui nobis Pœnitentiæ munus collaturi sunt, & reconciliationis indulgentia obstrictos peccatorum vinculis soluturi? quia vobis dictum est: quacumque solveritis super terram,

Victor Vitenlis.

erunt soluta & in cœlis. Qui nos solemnibus orationibus sepulturi sunt morientes? à quibus divini sacrificij ritus exhibendus est consuetus? Vix locum hunc sicis oculis legere queo, dum fidelium Africanorum, Martyrum vestigia insequentium vocem pietate plenam, & religionis Zelo conspicuam pervolvo.

Victor Vi-
tensis.

Lib. 2.

Lib. 1.

Lib. 3.

Lib. 1.

Lib. 2.

7. Enim vero quod timebant, evenit ipsis in exilium ductis pastoribus, nam vel Ecclesiæ clausæ sunt vel in Arianorum potestatem redactæ: non semel sed sæpius prohibitum fuit Catholicis, ne conventus celebrarent: Interdictum fuit, missas in sortibus Vandalorum celebrare: Coarctabantur clerici ad tradendum ministeria divina: vetitum est Episcopis, ne baptismatis haberent omnino aliquam facultatem, aut forte de religione disputarent, & nullam ordinandi haberent licentiam, sive Episcopos sive Presbyteros, vel alios quos ad clericos pertinere contingeret. Sacras Virgines ex Monasteriis tractas tormentis subiecerunt Vandali, lectores hymnodicam psallentes transfixerunt in ipsius altaris crepidine, tempore quo Sacramenta Dei populo porrigebantur, introeuntes maximo furore Corpus Christi & sanguinem pavimenti sparserunt, & illud pollutis pedibus calcaverunt. Solemnes orationes in sepulturâ defunctorum prohibuerunt: quis vero sustineat, inquit Victor Vitensis libro 1. atque possit sine lachrymis recordari, dum præciperet (Geisericus) nostrorum Corpora defunctorum, sine solemnitate hymnorum cum silentio ad sepulturam perducere? quid plura? impletum est, quod Deus per visiones præsignificavit, Ecclesiam Fausti solito in ornatu fulgentem, cereis quoque fulgentibus, palliisque velaminum ac lampadibus rutilantem subito lumine & ornatu per Vandalos privari, & fidelium loco, porcorum & infidelium multitudine repleri. Altaria everfa sunt, sacrificia defecerunt, sacerdotes expulsi sunt, & dum hæc lugent cum Victore fideles Afri, agnoscant temeritatem suam novatores hæretici, qui non lugent sed plaudunt sibi, quod Ecclesias Catholicorum ornatu suo privarint, altaria everterint, sacerdotes expulerint, sacrificia & missas verarint, Christianorum corpora sine solemnitate hymnorum cum silentio ad sepulchrum perducere effecerint, uno demum verbo monasteria & loca sacra in stabularia verterint.

CAPVT

CAPUT V.

De novo religionis incremento, sub Iustini-
niano, & turbatâ per ortam de tribus
Capitulis quæstionem Africanæ
Ecclesiæ Pace.

1. Sub Hilderico anno 523. Ecclesia aperta sunt, post quem integram Catholicis libertatem restituit Iustinianus Imperator, qui misso in Africam Belisario Carthaginem imperio sub egit.
2. Sub Iustiniano mota de tribus capitulis quæstio Africam iteratò turbavit. Eius quæstionis Origo, & turbarum Africanarum indicia.
3. Vigilius Papa tria capitula defenderat cum Africanâ Ecclesiâ, cuius acta ex Facundo Hermianensi Episcopo proferuntur.
4. Celebrato sub Menna Constantinopoli Concilio, trium Capitulorum Damnationi tandem subscribit Vigilius, contra quem Facundus Hermianensis stylum acuit.
5. Episcopi Afri Constantinopolim adventantes trium Capitulorum damnationi subscribere renuunt, & varia obinde patiantur.
6. Tragedia initium habet in epistolâ suâ Italiae clerus, & quamvis pax inter Episcopos facta sit tempore Concilij 5. generalis, id tamen malè extendit D. de Marca ad Africanos, qui diu postea adhuc resisterunt, ut primum Gregorij tempore contentio sopita credatur.

POST Tralemundi obitum, qui insaniâ plenus, Ecclesias iterum clauferat, & in Sardiniam ex omni Africanâ Ecclesiâ 120. exulantes Episcopos cum S. Fulgentio Ruspenſi miserat, anno 523. Hildericus successit, de quo appendix S. Prosperi apud Canisium tomo 1. Hildericus in exordio regni sui Bonifacium Episcopum apud Carthaginem in Ecclesiâ S. Agilei ordinari præcepit, & omnibus Catholicis libertatem restituit. Hinc Bonifacius in Synodo Carthaginienſi an. 525. meminit reparatæ libertatis, quam Deus monito Episcopo, qui Iustinianum ad liberandos in Africâ fideles instigaret, penitus restituere decreverat. *Belizarius enim*, inquit ad annum 533. Sigebertus, à Sigebertus. Iustiniano

S. Isidorus.

Iustiniano Imperatore ex jussu Dei ad Africam liberandam de manu Vandalorum missus est, & inquit Isidorus ærâ 560. Belizarius ipsum Gelimærum in fugam vertit, Africam capit 97. Vandalorum ingressione anno. Addit Marcellinus Comes Iustiniano 4. & Paulino Coll. Carthago quoque Civitas eius anno excessione sua 96.... Quarto Iustiniani principis consulatu ipsius moderatione recepta est. Fufius hæc enarrat Procopius testis oculatus, qui lib. 1. de bello Vandalico, cap. 21. Addit de templo Cypriani ad littus Carthaginis constructo, & à nostris occupato:

Procopius.

tunc fuga elapsis sacerdotibus Arianis, Christiani recta fidei ac vera religionis cultores Cypriani adem ingressi lucernas omnes accenderunt, & sacra consueto apud se ritu curarunt. Addit lib. 6. de ædificiis, idem Procopius Cæsariensis, à Iustiniano non templi modo restituta in Africâ, & Monasteria per eum constructa, sed Mauros barbaros quoque Tripolim & Sirtim inhabitantes, sub ditionem redactos, qui, inquit cap. 6. omnes Iustiniani Augusti impulsu fidem Christianam sponte amplexi sunt. Et ut agnoscat, quam brevi tempore Africana Ecclesia restituta fuerit prisco splendori, anno 534. Reparatus celebravit Carthaginense Concilium, cuius Synodica ad Ioannem 2. extat cum mentione 217. Episcoporum, qui in Concilio universali apud Iustinianam Carthaginensem adfuerant in signum restauratæ per Africam Ecclesiæ, tanto Episcoporum numero conspicuæ.

2. Florebat jam Ecclesia Africana Vandalorum jugo & tyrannide liberata, dum ecce novæ iterum occasione trium Capitulorum exortæ sub Iustiniano Imperatore in Ecclesiis præcipuè Africanis turbæ. Occasionem enarrat Liberatus Carthaginienfis Diaconus in breviario cap. 23. & 24. ex Theodori in Pelagium sedis Apostolicæ tunc temporis apud Iustinianum Apocrisarium invidiâ. Cum enim Origenis capitula annuente Pelagio per Iustinianum proscriberentur, Theodorus sectâ Acephalus Origenisque defensor ut par pari referret, indicavit, quod si tria capitula damnaret Theodorû Mopsvestenum, Theodoretum Cyrensem, & Ibx Epistolam, omnes acephalos acquieturos, & redituros ad unionem: addit Liberatus annuisse principem, & distasse librum in damnationem trium capitulorum, qui etiamnum extat in appendice ad Concilium generale quintum, & inscribitur

Synod. Afric. *universo Cæui Catholica & Apostolica Ecclesiæ.* Editus fuit hic liber, & ut inscribitur teste Liberato, toti mundo manifestatus, nec in occidente ad solum Vigilium Papam, sed ad Africanos quoque Episcopos anno, ut putat Garnerius, 545. transmissus: Et ex iis quoque tunc respondit

pondit Pontianus Epistolâ inter Vigilij litteras editâ, in quâ ad Iustinianum Imperatorem: *Dignatus es nos in Africanis partibus commorantes litteris admonere, qualem fidem teneas ac defendas.* Ex quibus verbis colligimus, Pontianum agere de laudato Iustiniani libro, qui cum fide ipsius incipit, sed cum tribus Capitulis desinit, de quibus: *In extremo itaque Epistola vestra cognovimus, quod nos non mediocriter remordet, debere nos Theodorum, & scripta Theodoretii, & Epistolam Iba damnare.* Ubi & notanda sunt illa verba, *nos non Mediocriter remordet*: Ex quibus Africanorum habita super Iustiniani edictum aut librum judicia luculenter conspiciamus, & futuram repugnantiam divinamus.

3. Repugnaverat & consultus hac de re Vigilius Papa, ostendens inquit Facundus Hermianensis, multos venerabiles viros hoc secum judicasse, inter quos ponit Africanos, in Africa namque, inquit Facundus lib. 4. cap. 3. Priusquam ipsius Romani Antistitis acceperimus Epistolam, non parvo jam cognoveramus iudicio, quid de huius facti novitate sentirent. Nam venerabiles Pelagius & Anatolius, Romani Diaconi debitam Officio suo & loco sollicitudinem pro Ecclesiâ Dei gerentes, laudabilis in Christo memoria Ferrando Carthaginiensi Diacono scripserunt, ut habito de hac causâ diligenti tractatu, cum Reverendissimo eiusdem Ecclesiæ Carthaginiensis Episcopo, vel aliis quos ut Zelum fidei, & divina Scriptura sciret habere notitiam consulentibus responderet, quid observandum in commune omnibus videretur. Ex quibus plura colligere licet, ac primo quidem, cû indictione 5. post consulatum Basilij anno 5. Vigilius Papa per Imperatorem Constantinopolim evocaretur, Româ egressum fuisse anno 546. ut ex Anastasio Bibliothecario, & Auctore Auctuarij Marcellini colligit Garnerius, unde post Vigilij egressum Pelagius & Anatolius pro Ecclesiâ sollicitudinem gerunt. Secundo, tunc quoque eos scripsisse ad Ferrandum Carthaginiensem Diaconum, ut coadunati sub Episcopo Carthaginiensi Reparato Concilij sensum de tribus Capitulis Expostularet. Tertio, Carthaginiense Concilium, cuius acta nunc interierunt, haberi debuisse, cum Facundus Hermianensis testetur de Africâ: *non parvo jam cognoveramus iudicio.* Quarto Ferrandum nomine suo Africanorum sententiam rescripsisse: sed & ille qui consultus fuerat rescribens interrogantibus, retractandam non esse docuit Epistolam. Idem annotat Sirmondus ex Duodecim Auctorum Cathalogo, qui subdi solet Isidori Libello de Viris illustribus: *Ferrandus ad Pelagium & Anatolium Romanos Diaconos consulentes eum, utrum liceat quemquam damnare post mortem, edidit rescriptum.*

Qq

4. Edicto

Facundus.

4. Edicto per Iustinianum proposito celebratum est sub Menna Constantinopoli Concilium à plerisque Episcopis, qui in eo trium Capitulorum *condemnationem fecerunt*, ut indicat lib. 4. cap. 3. Facundus Hermianensis, addens cap. 4. obinde Stephanum Romanæ Ecclesiæ Apocrisarium se à Mennæ Communione separasse, quod cæteri istius Concilij Episcopi datis Stephano libellis de extortâ per vim subscriptione essent conquesti. Factum verosimilius putat Garnerius anno 546. cum Vigilus Papa in Siciliâ moras neçteret, ad quem cum trium Capitulorum damnatio Synodica missa fuisset, instructus per Dacium Mediolanensem Episcopum tunc ex comitatu in Siciliam appulsum, Mennam & Iustinianum, ne staret, quod factum fuerat, rogavit, & urbem Constantinopolitanam ingressus octavo Calendas Februarij anno 547. Mennam & alios capitulorum damnatores communionem privavit, ut scribit Facundus Hermianensis libro contrâ Mocianum. Cæterum cum Constantinopolim adventasset, etiam si Vigilus nullâ vi adigi posset ad subscriptionem, ut inquit Marca in disert de Vigilij decreto num. 8. consensit tamen anno 548. ut in Conventu 70. Episcoporum hæc causa Constantinopoli discuteretur, singulorumque suffragiis ad se scripto delatis, ipse iudicatum dedit ad Mennam, quo tria capitula damnabat. Concilio illi adfuit Facundus Hermianensis in Africâ Episcopus, ut fatetur in præfatione sui operis, & quæ acta describit Dominus de Marca latius prosequitur Facundus in opere contrâ Mocianum, ubi scribit, 70. Episcopos cum Vigilio damnasse tria Capitula sed Salvâ Calcedonenfis Concilij auctoritate, cui cum Facundus Hermianensis tunc obfisteret, responsiones Episcoporum ad palatium misit Vigilus, & iudicato suo die Sabbati Sancti Mennæ oblato, factum est, quod scribit Victor Tunnonensis in Chronico anno 8. post consulatum Basilij, qui est Christi 549. *Iustinianus Imperator per diversas provincias in regni sui finibus constitutas instantissime scribit, & Antistites cunctos tria Capitula damnare compellit.* Quin hæc constitutio ad Afros in finibus regni constitutos etiam transmissa fuerit, nulli dubium esse potest, à Rustico Diacono, qui Vigilum reliquerat & à Sebastiano initio anni 549. ut observat Sirmondus in Synopli Chronicâ Facundo subiunctâ, per Provincias infamatur, ac iudicatum eius in Africam misit, ut deplorat in Epistolâ ad Rusticum Relatâ collatione 7. Synodi 5. ipse Vigilus: tuncque factum est, quod anno decimo post Consulatum Basilij scribit Victor Tunnonensis: *Africani Antistites Vigilium Romanum Episcopum damnatorem trium Capitulorum,*

Victor Tunnonens.

Victor Tunnonens.

rum, Synodaliter à Catholica Communione, reservato ei pœnitentiæ loco, recludunt, & pro defensione memoratorum trium Capitulorum litteras satis idoneas Iustiniano Principi per Olympium Magistranum mittunt eo tempore septem libri Facundi Hermianensis Ecclesiæ Episcopi, resulsere. Extant huculque libri non septem solum, sed duodecim in defensionem trium Capitulorum à Facundo Hermianensi conscripti, & Iustiniano Imperatori destinati, cui Iacobus Sirmondus aliud Facundi opus addidit scriptum contra Mocianum Scholasticum, qui Africanos, quod sese à communionem Vigilij segregarant, merito redargueret. Mocianus, inquit Facundus, jam reprehendere audeat Conciliorum decreta, palamque jactare, quod Episcopi Africani aliarumque Provinciarum, indigne statuerint vitare communionem eorum &c. Conciliorum dum meminit Facundus, illud potissimum intelligit, de quo audivimus Victorem Tunnonensem supra, cumque acta illius perierint, quædam ex eodem opere contra Mocianum excerptit Christianus Lupus, quibus Vigilium Papam arguebant Afri tanquam prioris sententiæ retractatorem, in quo ne sedis Apostolicæ auctoritatem lædere viderentur, eum in Silverij locum intrusum obiecerunt. Ab hoc etiam de ipsius Episcopi Romani chirographis, vel prius ambitionis impulsu, cum fieri arderet Episcopus, vel postea venalitate parti altera factus, necessarium duximus non tacere, ne auctoritate nominis eius præjudicium fides vera sufferret.

Facundus
Hermian.

Facundus.

5. Hæc quidem Facundus, sed longè aliter Italiæ clerus in epistola per legatos Francorum Constantinopolim directâ, in quâ cum totius historiæ seriem exponit, Vigilium sub aliquâ dispensatione violentiâ factâ constitutum fecisse excusat: cumque Iustinianus instaret, ut absque ullâ mentione Chalcedonenſis Concilij absolute pergeret ad damnationem trium Capitulorum, expostulasse Vigilium quinos aut senos ex omnibus Provinciis Episcopos, cum quibus eâ de re deliberaret, tuncque factum est, quod scribit Victor Tunnonensis ad Postconsulatum Basilij undecimum, seu anno 552. Reparatus Archiepiscopus Carthaginiensis Ecclesiæ, Firmus Numidarum Episcoporum Primas, Primasius & Verecundus Concilij Byzaceni Episcopi pro fidei causâ ad urbem regiam eiusdemque precepto principis evocantur. Eadem confirmant Italiæ Clerici, ac pergunt: de Africâ verò cum jam aliqui proximare civitati regiæ dicerentur, dixit Papa Vigilius principi, ut si ei non sufficeret illud, quod ante decreverat, redderet, & tanquam de novo causa cum his, qui venire nuntiati sunt, tractaretur. Sicque recepto constituto suo, quod scandalum in Ecclesiis generasse fatetur Vigilij, ad tracta-

Victor Tun-
nonens.

Italiæ clerus.

- Liberatus.** tum proximè habendum omnia suspendit. Tumque facta sunt, quæ ut omnibus nota Liberatus Archidiaconus Carthaginienſis in fine brevare ſilentio præterire conſtituit, quomodo conſentientes Episcopos in in trium damnationem Capitulorum muneribus ditabantur, vel non conſentientes depoſiti in exilium miſi ſunt, vel aliqui fuga latitantes in anguſtiis Felicem exitum ſuſceperunt, quoniam nota ſunt omnibus, puto
- Garnerius.** „ nunc à me ſilenda. „ De ſuis Africanis loquitur, inquit Garnerius „ in notis, Reparato Carthaginienſis, Firmo Numidici, Primafio „ Byzaceni Concilij Primæ, Verecundo Nicenſi, & Victore Tu- „ nonenſi Episcopo. Horum primus depoſitus eſt, ac in exilium „ miſſus Euchaidam, tertius ad ſedem ſuam cum muneribus remiſſus „ poſt damnationem 3. Capitulorum ſubſcriptam. Firmus poſt decem „ annos in exilio interiit pertinaciter renuens 5. Synodo aſſentiri. „ Verecundus & Victor è carcere in carcerem traducti, & tandem „ in monaſteria detrufi ſunt. „ Hæc Garnerius, præter quos, & alios in Africâ latitare coactos, lucet ex Facundo Hermianenſi in libro ad Mocianum, ubi filios aut clerum ſuum, ad quos librum ſcribit, nominaveſſet, ſed metuens, inquit, ne tanquam latebrarum noſtrarum conſcijs, perſecutorum, quos fugimus, incideritis in Calumnias, nominare vos nolui.
- Clerus Itali.** 6. Cæterum initium harum tragediarum deſcribunt Italicæ Clerici ſupra, cum Afri Episcopos in civitatem regiam perveniſſent, cæperunt eis nunc blandimentis, nunc terroribus extorquere, ut præberent in Capitulorum damnatione conſenſum. Sed cum nullatenus eis extorquere potuiſſent, concinnata eſt cauſa ſancto Reparato Episcopo Carthaginienſi, quaſi Areobindam magiſtrum militum à Guntarit Tyranno in Africâ feciſſet occidi, & ſub hoc colore in exilio deportatus eſt. Hoc videntes alij duo, qui inter ipſos & ſanctitate vite & divinarum ſcripturarum ſcientiâ ſunt ornati ad S. Euphemiam Chalcedonem fugerunt, & ibi uſque hodie ſub tantâ neceſſitate jacent &c. Miſerunt etiam ad Carthaginem & alium in loco Sancti Reparati Episcopos contra omnes regulas, & contra omnia ſtatuta Patrum Episcopum ordinari fecerunt, quod cum nimia effuſione ſanguinis & interitu multorum innocentium hominum feciſſe dicuntur. Agunt de Primoſo in Reparati locum conſtituto, cuius Vicarius interfuit anno 553. Concilio quinto, per quem & trium Capitulorum damnationi conſenſit, & datâ encyclicâ ſex menſibus poſt finitam Synodum eius de tribus Capitulis ſententiam amplectitur Vigilus, pro ratione allegans, quod ſcandalum ceſſarit, & Deus univerſum orbem & Eccleſiam
- Vigilius.**

fiam ad pacem revocavit : Parisiensis Archiepiscopus de Marca dissertatione de Vigilij decreto aut epistolâ, quam primo Græco latinam edidit ex M. SS. Bibliothecæ regiæ, concludit ex hisce verbis num. 17. Quod scandala jam sedata essent, paxque reddita esset: unde, inquit, colligere licet Illyricianarum & Africanarum Provinciarum Episcopos prioris sententia pœnituisse, & communicatis cum Vigilio consiliis orientalium communionem amplexos; verum pace Viri eruditi dixerim, loquitur Vigilius de pace in 5. Synodo per Episcopos amplexâ, etiamsi anno 553. Africani Episcopi nondum à defensione trium Capitulorum recessissent. Notat namque Labbeus in chronico ex Victore Tunnonensi, Iustinianum Imperatorem anno 554. malè tractasse defensores trium Capitulorum, & ipse Liberatus eodem anno Carthaginem redux, anno primum 555. brevium conscripsit, in cuius capite ultimo introducti in Ecclesiam scandali cum dolore meminit. Firmus Numidicus decimo post exilium anno, Christi nimirum 562. adhuc exul interiit, pertinaciter renuens 5. Synodo assentiri. Primasius verò Bizacenus, qui illi subscripserat, à Facundo Hermianensi anno 571. traducitur ut Acephalorum auctor præcipuus. In edita enim per lucam Dacherium tomo 3. spicilegij epistolâ scribit Facundus post centum & viginti ferè annos à Concilio Calchedonensi, trium Capitulorum causam esse, pro qua universa totum penè per orbem scandalizantur Christi membra. Vera hæc quidem erant, & de anteriori tempore intelligenda, sed cum ista scribit Facundus anno 571, tamquam sui temporis mala, illo adhuc anno restituisse oportuit. Meminit sane Pelagius 1. in litteris per Lucam Holstenium publicatis, non semel sed sæpius schismaticorum, quos comprimi rogat. Et epistolâ 6. ad Episcopos Histriæ mentionem eorum facit Pelagius 2. ut non nisi per Gregorium Romanæ Ecclesiæ Diaconum sopita credatur contentio.

De Marca.

Facundus.

Qq 3.

CAPUT

CAPVT VI.

De statu Africanæ Ecclesiæ sæculo 7.
per Monothelitarum hæresim
nonnihil turbato.

1. Tempore Gregorij magni pace gaudebat Africana Ecclesiæ, qua nonnihil turbata est per Monothelitarum hæresim, quam Baronius putat ab Afris in variis Provinciarum Synodis damnatam.
2. Initium contentionis Pyrrhus fuit, qui exul in Africam venit, & post errores suos ibidem seminatos cum S. Maximo Abbate disputationem iniit coram Gregorio Patricio, in qua & victus Romam petiit.
3. Præsuffocatâ hâc viâ Monothelitarum, pergunt Patres Africani agere contra Paulum Pyrrhi in sede Constantinopolitanâ successorem, & tria celebrarunt Concilia, non rectè ab auctore libelli Synodici suis locis tributa: dubium Labbei an uno in Concilio trium Provinciarum Episcopi adventarunt, solvitur ex Synodicâ ad Paulum, & tria distincta Concilia fuisse, monstratur.
4. Tres illa Synodi unicam tantum miserunt epistolam ad Theodorum, quod earum legati novam Synodum celebrarint in Provinciâ Proconsulari hætenus ignotam, cui non interfuit Fortunius Carthaginiensis Episcopus, quod à sede suâ tunc abfuerit Constantinopoli degens.
5. Subscripsit tamen Victor Carthaginiensis, quod utique Fortunius cum Paulo Constantinopolitano Monothelita communicasset, & obinde depositus fuisset, ac in eius locum creatus Victor, ex cuius epistolâ ad Paulum firmatur, ipsum præfuisse Proconsulari Synodo.
6. Electionis suæ in locum Fortunij meminit ipse Victor in epistolâ ad Theodorum Papam, fuitque Carthaginiensis Episcopus usque post annum 653.

Gregor. M.

1. **G**regorio Magno anno 590. ad Pontificatum assumpto, sub Dominico Carthaginiensi Ecclesiam Africanam pacem obtinuisse, lucet ex omnibus S. Gregorij epistolis ad Africanæ Ecclesiæ Antistites frequenter datis. Florebat initio sæculi 7. disciplina Ecclesiastica in Africâ, & quotidie relationes mittebantur ad sedem Apostoli-

Apostolicam, & sedis Apostolicæ desuper responsa emanabant: renaſcentes in Africâ Donatitas anno 594. jussit Gregorius lib. 3. epist. 32. ad Pantaleonem comprimi, & epist. 35. ad Victorem & Colombum Africæ Episcopos habito tractatu initoque Consilio reprobari, cumque extirpatis hereticis pace gauderet Ecclesia Africana, exorta fuit sub Fortunio ad sæculi 7. medium nova in Ecclesiâ Dei Monothelitarum unam voluntatem in Christo ſomniantium turbatio, à quâ nec ipsa Africana Ecclesia extitit aliena. Hæreſim enim illam à Cyro Alexandrino, Sergio & Pyrrho Constantinopolitanis Episcopis introductam fuiſſe videbimus alibi, hic contenti adferre, quod editâ per Heraclium Imperatorem ecclâ anno Chriſti 639. ut notat Baronius, eadem non ſolum Romam tranſmiſſa ſit, ſed & ad Africam pervenerit, in quâ tunc temporis cum Sophronio Patriarchâ Hieroſolymitano morabatur S. Maximus Abbas Constantinopolitanus, qui in fragmentis epistolæ ad Petrum Illuſtrem à Sirmondo editis: *divinus S. Maximus. enim ſophronius, ut ipſi teſtamini laudabiliſſimi, in Afrorum regione mecum, & cum omnibus peregrinis monachis moras agebat, cum ipſi perverſitates illas fabricarent adverſus omnes.* Scribit vero Theophanes anno 641. in Chronologiâ tripartitâ per Anaſtaſium bibliothecarium editâ: *Ioannes Romanus præſul collecto Episcoporum Concilio Monotheli- Theophanes. tarum hæreſim anathematizavit: ſimiliter & in Africâ penes Byzacium, Numidiam, & Mauritaniam diverſi Episcopi convenientes Monothelitas anathemate perculerunt.* Quo ex loco occaſionem ſumere potuit anna- lium parens Baronius dicendi, Ioannem 4. auctorem fuiſſe Afris, *Baronius. ut eandem ecclâſim damnarent, unde inquit Chriſtianus Lupus diſſert Lupus. ad 6. Concilium, cap. 5. Heraclius vela vertit, ecclâſim ſuam eſſe negavit, cum, teſte S. Maximo, ſenſiſſet à nonnullis in occidente S. Maximus. probrum ſibi aſpergi.* Verum per occidentem putarem intelligendum Romam & Italiam, in quâ Heraclij ecclâſis damnata fuit Synodo per Ioannem 4. hac de re an. 640. habitâ. Quæ vero Theophanes addit de Conciliis Africæ, non tunc ſed ſex annis ſerius contigerunt.

2. Enimverò cum Pyrrhus Constantinopolitanus in ſuſpicionem adductus initæ cum Martinâ ac filio conſpirationis voluntarium exilium ſubiſſet, & anno 642. Paulus monothelita ſubſtitutus fuiſſet in eius locum, venit Pyrrhus in Africam, de quo acta S. Maximi: *Pyrrhus ubi in Africam pervenit, capitioſos capit ſua hæreſeos laqueos Acta S. Ma- tendere, quibus univerſam illam Eccleſiam captivam duceret. Quod & ximi. feciſſet, niſi in omnibus ſibi adverſantem Maximum habuiſſet. Vnde exi- gentibus*

gentibus Episcopis Africanis, atque ipso, qui Provincia praeerat Gregorio Patricio, publica paci eius regionis, quam vehementer Pyrrhus perturbaverat, consulente factum est, ut de publicis controversiis publica fieret disputatio. Quibus ex verbis notandum venit, Pyrrhum suo adventu Africanam Ecclesiam perturbasse, & plerosque in partem traxisse, adeo ut etiam schisma inter Afros obortum fuisset, nisi Africanæ Provinciæ Episcopi publicam disputationem Pyrrhum inter & S. Maximum instituissent. Extat hæc publica disputatio in appendice ad tomum 8. annalium Cardinalis Baronij, qui omnium primus ex Codicibus M. SS. Græcis in Bibliothecâ Vaticanâ extantibus eam maximo Ecclesiæ bono publici juris fecit. Edita nunc quoque reperitur à Labbeo tomo 5. Conciliorum cum hocce titulo græco-latino : *questio Ecclesiastici dogmatis disputata coram Gregorio Patricio piissimo, in conventu & consensu sanctissimorum Episcoporum, & reliquorum nobilium Virorum à Pyrrho Patriarcha Constantinopolitano, & à Maximo Reverendissimo Monacho mense Iulio, indictione 3. &c.* Ex allatâ temporis notâ conficitur, disputationem illam habitam fuisse anno 645. cumque coram Gregorio Patricio in conventu Episcoporum facta scribatur, eodem anno mense Iulio oportuit habitam Carthagine sub Fortunio Carthaginienfi Synodum Episcoporum, in qua à notariis excepta fuit disputatio illa, qua victus Pyrrhus veniam petiit erroris, & sponte Romam deduci coram sedis Apostolicæ Pontifice Theodoro Palinodiam cantaturus, ut patet ex fine disputationis, unde Theophanes Abbas in chronologia : *Pyrrhus cum pervenisset in Africam mutuis cum sanctissimo Maximo videtur aspectibus, nec non & divinorum illic existentium Pontificum presentatur obtutibus : qui hunc redargutum & persuasum Romam ad Papam Theodorum duxerunt, qui orthodoxo libello tradito Papæ, ab eo receptus est.* Eadem habet ipsa subnotatio disputationis, & Anastasius Bibliothecarius in vitâ Theodori Papæ.

3. Quin publica hæc de Monothelitarum hæresi parva per S. Maximum Victoria turbas & Schisma Africanorum præfuffocarit, minimè mihi dubium videtur, occasionemque dedisse existimem, tanto fortius contrà Paulum intrusum Pyrri successorem, qui Monothelitarum hæresim Constantinopoli publicè tuebatur, agendi apud summum Pontificem Theodorum, & Orientis Imperatorem Constantem. Author libelli Synodici, qui ante 700. annos floruit, habet tres Synodos contrà Monothelitas, primam Constantinopolitanam Colybi, 2. Numidicam

Disputatio-
nis Acta.

Theophanus

Libell. Syno-
dicus.

dicam Stephani, & 3. Mauritanicam Reparati, in quibus scribit Sergium, Cyrum, & Paulum anathemate notatos, & duas voluntates ac operationes Christi prædicatas. Verum auctor ille græcus plurimum hallucinatur: quam vocat Constantinopolitanam Colybi, dicere debuisset Byzacenam Stephani, ut notat Labbeus; unde etiam Binnius ad annum 646. statuit 42. Episcoporum Concilium Byzacenum sub Stephano Primatè: & quam auctor Synodici vocat Numidicam Stephani, dicere debuisset Numidicam Columbi, qui an idem sit, ad quem D. Gregorius M. tot litteras misit tanquam ad Primatem, dubitari posset. Unam auctor Synodum Mauritanicæ rectè posuit sub Reparato, quam dum Binnius omisit, tomo 5. Conciliorum inseruit Philippus Labbeus, qui notat dubitari posse, an hæc Concilia fuerint tria distincta, in tribus distinctis locis celebrata: occasionem verò dubitandi sumit ex Synodo Romanâ Martini primi, in quâ extat epistola Synodica, quam anno 646. ad Theodorum Papam scripserunt *Columbus prima sedis Episcopus Concilij Numidia, & Stephanus prima sedis Concilij Mauritanica, & universi Episcopi de tribus Conciliis antedictis Africana Provincia.* Verum pace Labbei dixerim, licet unicam hanc Synodicam miserint tres Africæ Primates, prius tres Synodos celebrabant in suis Provinciis: ut enim habet Synodica, cum Pyrrhi libellus Romæ Theodoro oblatus ab eodem Pontifice ad Afros fuisset transmissus, Africani Præsules Paulum Pyrrhi successorem ab heresi removendum ducebant, & dum conscriptam desuper epistolam ipsi Pontifici transmittunt Constantinopolim ad Paulum dirigendam: suggerimus, inquit, quia nobis specialiter per unamquamque Provinciam Synodos contrahentibus venerandas, dum ex nostro collegio fratribus electis plenam transmittere nitimur legationem cum nostris relationibus, quadam oborta sunt, qua nostram intentionem rationabiliter prohiberent. Sed huius rei, quam memoravimus, urgente necessitate, generali Africana Provincia constituto per legatos diversorum Conciliorum inito, generalem hanc prospere vestro culmini demandavimus relationem. Ex hisce enim clarissimè deducimus, in tribus Provinciis Numidiæ, Byzacie, & Mauritanicæ contractas à tribus Primatibus Synodos, quarum una edidit sub Stephano Primatè Byzaceno extantem hucusque ad Constantem Augustum Synodicam à 42. Episcopis subscriptam.

4. Cum verò Provinciarum Synodi singulæ per electos ex suis Episcopos distinctam relationem mittere niterentur ad Theodorum

R r

Papam,

Synod. Car-
thagin.

Papam, aliquid intervenit, ratione cuius tres illæ Synodi legatos suos in unum Africæ locum miserunt, ubi alia trium Provinciarum Synodus hætenus ignorata celebrata fuit, ex qua tres illi Primates communem Synodicam ad Theodorum miserunt: celebrata fuit hæc Synodus eodem fermè tempore, quo alia Carthaginienſis in Provinciâ Proconsulari, quæ Synodo Romanæ sub Martino I. inserta est cum hac inscriptione: *Domino Beatissimo, & honorabili sancto fratri Paulo Patriarchæ Gulosus, Probus, & ceteri Episcopi sancti Concilij Proconsularis, qui subſcripturi sumus.* Monent in eâ Paulum de Mutatâ per hæresim Monothelitarum priscâ Patrum fide, & ut hæresis defensionem relinquerent, adhortantur: post allata verò Patrum testimonia subſcribit primò Gulosus Puppitanus, deinde Probus Tatiæ Montanensis, Marcellus Mattianensis, & alij usque ad 65. ex quibus apparet, quam numerosa tunc temporis esset in Africâ Episcoporum multitudo, & consequenter quantum floruerit Afrorum Ecclesiâ. Verum neglectis hisce, dubium exurgit, cur Synodicæ Proconsularis Provinciæ non subſcriptus habeatur Carthaginienſis Episcopus? dumque seriò hac de re mecum ago, incidit, quod act. 16. Synodi septæ dixerit Constantinus Ecclesiæ Constantinopolitanæ Presbyter & grammaticus latinus: *Scio temporibus Pauli Patriarchæ venisse Fortunium, qui fuit Episcopus Carthaginienſis, & cum missas acturus esset in sanctâ magnâ Dei Ecclesiâ, quaſitum est, quomodo sedere debuisset, utrumne ante Metropolitanos, qui hic morabantur, an post eos.* Et requirente eodem Paulo quondam Patriarchâ in Bibliothecâ Patriarchij librum quinti Concilij, ut cognosceret, quomodo sedere debuisset, contigit, ut inveniretur & latinus liber eiusdem Concilij. Et exinde instructus idem Paulus fecit eum ordinabiliter sedere. Fortunius itaque Carthaginienſis Episcopus tempore Pauli Constantinopolitani abſuit à sede suâ, & si rationem expostulas, Christianus Lupus parte 2. dissert. ad Synodum 6. cap. 5. autumat fuisse, quod Georgio Patricio tyrannidem in Africâ exercenti restiterit, & ab eodem Georgio anno 645. Africâ pulsus abierit ad Paulum Constantinopolitanum, post cuius discessum habita fuit Synodus illa Carthaginienſis.

Synod. 6.

Libelli Syn-
nodic.

5. Extat Synodica, ut diximus, in Lateranenſi sub Martino Papâ Concilio, cui quamvis subſcriptus non habeatur Carthaginienſis Episcopus, eam tamen non sine Carthaginienſi Episcopo conscriptam fuisse, clarum fit ex auctore libelli Synodici, qui scriptum reliquit: *Victor verò Carthaginis admiratione dignus Episcopus, pariter sacrâ con-*
vocatâ

vocatâ Synodo, Sergium, Cyrum, & Pyrrhum anathemate notavit. Nec mirum id cuiquam videri debet, licet jam suprâ statuimus hanc Synodum celebratam fuisse tempore Fortunij Carthaginienſis, qui illius Synodicæ ſubſcriptus non habetur. Cum enim pulſus ex Africâ Fortunius Conſtantinopolim abiſſet, à Paulo Conſtantinopolitano ſuſceptus fuit in communionem, ut audivimus à Conſtantino Grammatico ſuprà, cumque ad ſacra myſteria celebranda cum Paulo Conſtantinopolitano, qui peſſimus erat Monothelita, aſſenſum præberet, collegerunt ex eo viri eruditi, Fortunium à Paulo ad Monothelitarum hæreſim fuiſſe ſeductum, quod ubi relatum eſt ad Romanam & Africanam Eccleſiam, ſtatim excommunicatus fuit, & inquit Chriſtianus Lupus, *eius in locum ab Afris ordinatus, & à Theodoro Pontifice confirmatus eſt Victor.* Neque id gratis dici ex eo probatur, quod poſt Synodicam Proconſularis Provinciæ in Romanâ Martini Synodo referatur epiſtolâ Victoris ad Theodorum Papam, in quâ ſcribit: *poſſemus verò etiam eidem fratri & Coepiſcopo noſtro Paulo beatiſſimo regia civitatis Antiſtiti ſimilia noſtris ſcriptis dirigere, niſi malorum cognoſceremus falſis locutionibus dictum fuiſſe, noſtram quaſi Africanam Provinciam poſſe aliqua, quæ in vero non conſiſtunt, mala peragere. Sed & hoc noſtra poſtulationi ſubjungimus, ut ea, quæ epiſtolariter à Coepiſcopis noſtris ſancti Concilij noſtri ad beatiſſimum Paulum Patriarcham ſcripta ſunt, per veſtra beatitudinis reſponſarios eidem fratri noſtro Paulo dirigere jubeatis.* Quibus ex verbis non ſolum conſtat, Victorem præ fuiſſe laudato Carthaginenſi Concilio, ſed ratio quoque apparet, cur ipſe Victor epiſtolam ad Paulum non direxerit: ob turbas nimirum Imperij Africâ per Georgium Patricium occupatâ, ob quam cauſam Fortunius diſceſſerat, & ipſi in hæreſim lapſo Victor ſubſtitutus fuerat. Cum enim Africana Provincia apud regiam civitatem infamata eſſet, tanquam Georgio contrâ Imperatorem ſaveret, & ipſe Victor cum Georgij conſenſu eſſet electus, valdè ſuſpectæ fuiſſent Victoris ad Paulum litteræ, apud quem Fortunius adhuc remanebat, qui Georgio reſtiterat.

Lupus.

Victor Carthagin.

6. Electus itaque fuit in locum Fortunij Victor, de quo ipſe in ſuâ ad Theodorum Papam epiſtolâ: *Significamus Deo placita fraternitati veſtræ, die decimoſeptimo Kalendarum Auguſtarum indiſtinctionis 4. noſtram humilitatem divinâ gratiâ, ſuo ut præmunere præveniente, ut veſtris ſanctis ac Deo dignis præcibus in ſanctâ Carthaginenſis civitatis Eccleſiâ honoris accepiſſe conſecrationem, & ſtolam.* Ex notâ indiſtinctionis

Victor.

R r 2

nis

nis patet, circà medium anni 646. fuisse consecratum Carthaginiensem Episcopum: cumque Episcopi Proconsularis Provinciæ instarent, ad exemplum aliarum Provinciarum habendam esse contra Monothelitas Synodum eodem mense Julij vel Kalendis Augusti habuisse Synodum illam Carthaginiensem, ex quâ cum suâ epistolâ & Synodicâ ad Paulum Constantinopolitanum misit Mellosum Episcopum Gispensem, & Redemptum Diaconum cum Cresciture notario ad Sedis Apostolicæ Præsulem Theodorum, à quo petit in suâ epistolâ, eosdem ante hyemem remitti. Lecta fuit hæc epistola in Concilio Romano sub Martino primo anno 649. per Paschaliū, cum Theophilaſtus primicerius notariorum dixisset ad Martinum Papam: *Suggero Beatitudini vestrae, quoniam, sicuti & ipsa bene cognoscit, Synodica quoque Præsulis Carthaginienſis, qui & superesse dignoscitur, Sanctissimi Victoris cum cautelâ servatur in vestro venerabili Scrinio.* Quo ex loco habemus anno 649. Victorem Carthaginiensem adhuc superfuisse. Extat inter epistolas Martini ordine quarta ad Ecclesiam Carthaginiensem & omnes ei subiectos Episcopos directâ, ubi Africani de actis Romanæ Synodi instruuntur, & commemoratio eorum, quæ acta sunt cum Martino Papâ anno 653. in exilium truso, à quodam Catholico ad Orthodoxos Patres in Africâ missa refertur: & quamvis in ijs nulla memoria reperiatur Carthaginienſis Episcopi, Victorem tamen illis temporibus adhuc superfuisse, verosimile videtur.

Synod. Rom.

C A P V T VII.

De interitu Africanæ Ecclesiæ, à sæculo 8. per Sarracenorum irruptiones introducto, & huc usque continuato.

1. Sarraceni sæculo 7. Africam occupant, sed tributis ordinatis revertuntur, quibus eodem sæculo successit Constantis tyrannidis.
2. Nec primâ Sarracenorum irruptione nec Constantis tyrannide permoti Afri in vitio pergunt præsertim libidinis, ut de ipsis Africanis Episcopis deplorat Trullanum Concilium: hinc ad finem septimi sæculi reversi Sarraceni Africam depopulantur, & Carthaginem ad solum prostraverunt.

3. Anno

3. Anno 690. Iustinianus secundus Africam à Sarracenis recipit, & Cresconius Africanus Episcopus edita canonum collectione disciplinam restaurare conatur. Sarraceni Africam iterum potiti per Ioannem Patricium anno 696. expelluntur, sed reversi ad internecionem Patricij exercitum cadunt.
4. Saculi octavi initio Africam Sarracenorum iugo subiugatur, & sub Gregorio 2. Afri ad transmarinas partes aufugiunt, ubi ordinari ventantur.
5. Saculo octavo tristissima fuit Africana Ecclesia facies, quae tamen aliquandiu perseveravit. Saculo 9. notitia Episcopatum, ex Basilij Armeni libro confecta, meminit quorundam Episcopatum, sed confusione in Provinciarum distributione introducta.
6. Saculo 11. quinque tantum numerabantur Episcopi in Africam, quorum contentionem de Primatu editis rescriptis sopire conatus est Leo 9.
7. Anno 1076. tantum unus supererat in tota Africam Episcopus, cui Gregorius Septimus duos alios addidit, ut à tribus Episcopis alij ordinari possent.
8. Alios Episcopos numero 13. numeratos fuisse in Africam ad saculi 12. finem, testatur Ioannes Baptista Grammaye, & saculo 13. Catholicos superfuisse, qui sedem Romanam respiciebant, habes tum ex Iacobo Vitriaco Acconensi Episcopo, tum ex Odorico Raynaldo.
9. Anno 1270. S. Ludovicus ex Sicilia ad Africam pervenit, quo tempore & in urbe Tunetarum multitudo inventa est Christianorum, & Fratrum Prædicatorum congregatio.
10. Saculis sequentibus quam desolata fuerit Sarracenorum & Turcarum iugo pressa religio, paucis indicatur.
11. Præsentis Africana Ecclesia status repetitur ex Ioanne Baptistâ Grammaye, & quadam pro Africana Ecclesia coronide subjiuntur.

1. **V**T ad ultima religionis nostræ in Africæ regionibus decre-
 menta accedamus, notandum omnino, quod de ortu Sarra-
 cenorum scribit ad annum 632. Sigebertus Gemblacensis in Chronico:
Sarraceni, qui hætenus fuerant sub Persarum regno, eos bello victos versâ Sigebertus.
vice sub suo redigunt dominio. Exorti enim & victores jam semel effecti,
limites suos transgressi sunt, & factum est, quod ad annum 648. narrat
idem Sigebertus: Saraceni Africam occupant. Eadem habet auctor ille,
qui later sub nomine Eutropij, libro namque 19. rerum Romanarum ad
annum Constantis 6. Sarraceni, inquit, hostiliter Africam adierunt, & Auctor Mis.
conflictu cell.

Anastasius
Bibliothec.

conflictu agitato adversus tyrannum Gregorium, hunc in fugam vertunt, & eos, qui cum ipso erant, interimunt, & hunc ab Africâ pellunt: atque tributis cum Afris ordinatis & pactis reversi sunt. Mutavit hæc auctor ex Theophene in chronologiâ per Anastasium Bibliothecarium latinitate donatâ, ubi dissidia religionis in causâ Monothelitarum occasionem dedisse refert potiundæ per Sarracenos Africa: aliam introductæ per Sarracenos ruinæ rationem licet reperere ex dissolutâ cleri disciplinâ conquerente suo tempore Gregorio magno de iplis sacerdotum delictis, quæ extunc cœperant invalescere. Permisit insuper Deus Constantis tyrannidem, de quo Anastasius Bibliothecarius sub Vitaliano Papâ anno 656. ad Pontificatum assumpto, quod Constantinopoli ad occidentem veniens talem afflictionem posuerit in populo seu habitatoribus vel possessoribus Provinciarum Calabria, sicilia, Africa, sardinia, seu capita aut nauticationes per annos plurimos, quales à seculo numquam fuerant, ut etiam uxores à Maritis, vel filios à patre separarent. Et ne Constantis asectæ sacerdotibus vel Ecclesiis pepercisse viderentur, & vasa sacrata, inquit Anastasius, vel Cimelia sanctarum Dei Ecclesiarum tollentes nihil dimiserunt.

Salvianus.

2. Afros ab antiquis etiam gentium scriptoribus pro vitiosissimis fuisse habitos, notat Rodiginus: eos fraudulentos & ad dolum proclives habebant Romani ante Christum natum, & post Christi tempora ita de eis loquitur Salvianus libro 7. de providentiâ: in Afris penè omnibus nescio quid non malum: si accusanda est inhumanitas, inhumani sunt. Si ebrietas, ebriosi sunt. Si falsitas, fallacissimi. Si dolus, fraudulentissimi. Si cupiditas, cupidissimi. Si perfidia, perfidissimi. Et post hæc omnia addit impuritatis vitia eis esse propria: tam infrequens est enim hoc, & inusitatum, impudicum non esse Afrum, quam novum & inauditum, Afrum non esse Afrum. Ita enim generale in eis malum impuritatis est, ut quicumque ex eis impudicus esse desierit, Afer non esse videatur. Et cum vitium hoc effecisse deplorat, ut everfionem tandem à barbaris in commune tolerarent, clerum & sacerdotes à mali causâ excepit, quos, inquit, ita solos puros arbitror fuisse in altario, sicut pereuntibus sodomis solum Loth fuisse in monte legimus. Verum si innatum genti vitium cum tempore in deterius vergat, ubi Ecclesia Africana ad occasum vergebat, ex plebe in clerum irrepsit furor libidinum, & dissolutâ Ecclesiæ disciplinâ ipsi Episcopi passim cœperunt cum uxoribus suis magno fidelium scandalo cohabitare, de quo ducenti octuaginta novem orientis Episcopi anno 690. in Synodo Trullanâ adunati

adunati can. 12. Porro hoc quoque ad nostram cognitionem pervenit, quod Auctor Miscell.
in Africâ & Lybiâ & aliis locis, quidam ex ijs, qui illic sunt religiosissi-
mi præsules, cum propriis uxoribus, etiam postquam ad eos processit or-
dinatio, una habitare non recusant, ex eo populus offendiculum & scan-
dalum afferentes. Quod si religiosissimi Africæ præsules cum suis uxo-
ribus magno fidelium scandalo habitabant, quænam carnis vitia in
cæteros tunc irreperint, cum Eminentissimo Cardinali Baronio tran-
sire malo, quam describere. Ut autem primitivorum Afrorum libido,
teste Salviano, induxit persecutores Vandalos, ita posteriorum li-
bidine irretitus Altissimus immisit devastatores Sarracenos: Sarraceni
autem moverunt exercitum in Africam, inquit auctor latens sub nomine
Eutropij, qui & addit: & captiva duxerunt millia, ut ferunt, octua-
ginta. Paulus Diaconus libro 6. de gestis Longobardorum, cap. 4. hæc
Paulò Fufius enarrat: tunc Sarracenorum gens infidelis & Deo inimica
ex Egypto & Africâ cum nimia multitudine pergens obsessam Carthagi-
nem cepit, captamque crudeliter depopulata est, & ad solum usque pro-
stravit: scribit hoc factum esse sub Constantino Imperatore, qui an-
no 684. obiisse traditur, sicque florentissima illa civitas, Africæ prin-
ceps, & in orbe suo altera Roma validam Sarracenorum manum tra-
xit in sui ruinam, sub cuius ruderibus multo tempore jacuit ignobilis.
 3. Iustiniano 2. in locum Constantini subrogato pacem cum Sar-
 racenis initam anno imperij sui sexto, tuetur auctor, qui latet sub no-
 mine Eutropij: cum verò Iustinianus anno 684. imperium obtinuit,
 rectè Baronius in annum 690. retulit, quod Paulus Diaconus cap. 4.
 citato scriptum reliquit: *is Africam à Sarracenis recepit, & cum eisdem*
pacem transmaria fecit. Et Venerabilis Beda libro de sex ætatibus
 anno 4649. *Africam ab eis recepit, qua fuerat tenta à Sarracenis, ipsâ*
Carthagine ab eis subjugatâ & deletâ. Viderunt, qui tunc vivebant
 Africæ Episcopi, hæc omnia provenire ex dissolutâ Ecclesiæ discipli-
 nâ, hinc Liberius aut Liberinus Africæ Episcopus rogavit Cresco-
 nium collegam suum, ut canonum collectionem adornaret, quâ anti-
 qua Ecclesiæ disciplina restitueretur: laborem susceperit Cresconius
 sciens, *Ecclesiasticas sanctiones rectè vivendi terminum piis ac fidelibus*
animis præfixisse. Fuitque omnium Afrorum, quos novi, ultimus,
 qui profide Catholicâ, & pro Ecclesiæ disciplinâ opus aliquod elu-
 cubravit. Extat impressa Cresconij collectio tomo 1. Bibliothecæ juris
 Canonici, in cuius præfatione scribunt Voellus & Iustellus junior,
 quod à Baronio jam notatum est ex Codice M. S. in Bibliothecâ Vati-
 canâ

Canon 12.
Trullan.

Paulus Diac.

Paulus Diac.

Beda.

Cresconius.

Præfat. Bi-
bliothec.Auctor Mis-
cell.

Æneas Sylv.

Grammaye.

Gregorius 2.

canâ extante, eo tempore vixisse Cresconium, quo Iohannes Patricius victoriam de Sarracenis in Africâ reportavit, quam Cedrenus ad annum 3. imperij Leontij refert, hoc est, ut ex Anastasio in historiâ Ecclesiasticâ discimus, anno Christi 690. Verum pace virorum eruditorum dixerim, annus 690. fuit Sextus Iustiani, quo jam audivimus pacem cum Sarracenis ruptam: nec Imperium assumpsit Leontius, nisi anno 694. ut cum Baronio tuetur Labbeus, unde cum scribit auctor Miscellaneorum sub Eutropij nomine libro 20. in Leontio: anno tertio imperij Leontij acie Arabes in Africam motâ, hanc obtinuerunt. Quibus compertis Leontius mittit Ioannem Patricium virum idoneum cum omnibus Romanis clasibus. Qui cum Carthaginem pervenisset, & bello catenam portumque eius aperuisset, inimicosque in fugam vertisset, hos viriliter insecutus universa liberavit Africa castra. Ea narrat, quæ anno 696. circa finem contigerunt: addit enim, Ioannem Patricium post partam de Sarracenis victoriam in Africâ hiemasse, & irruptione iterum per Sarracenos factâ ad internecionem totius exercitus cæsum, quod anno 697. adscribit Baronius.

4. Octavo Christi sæculo sub Ioanne 6. qui anno 702. Pontificatum assumpsit, scribit Æneas Sylvius in Flavij Blondi epitome lib. 10. decadis 1. omnimodam Africæ sub Arabum aut Sarracenorum regno factam deditionem: sic Africa, inquit, Vandalorum manibus erepta, iterum sub Romano Imperio annis uno & septuagesimo supra centesimum subdi cœpit Sarracenis, sub quibus fuit usque in hæc tempora annis septingentis quadraginta. Ex quibus conficitur, cum anno 533. Bellixarius Africam Romano imperio restituerit, anno 703. per Sarracenos iterum occupatam, & Romano Imperio ereptam, unde rectè asserit Ioannes Baptista Grammaye lib. 5. cap. ultimo, quod ante annum 710. totus hic Africa tractus in solidum Romanis eiectis Sarracenorum fuit subditus Dominatui. Excidij fusam descriptionem habes apud Marmolium libro 2. capite 9. cuius Sigebertus Genblacensis (ut notat Genebrardus in chronographiâ) meminit sub Gregorio 2. qui anno 715. Pontifex creatus fuit: quod licet aliis chronologis adversetur, hoc tamen habet veritatis, quod sub Gregorio 2. de Africæ clericis statutum sit, illos non amplius esse ordinandos: sic enim Gregorius 2. epist. 4. ad clerum Turingiensem data Kalend. Decemb. indictione 4. Leonis Augusti

7. Christi verò 723. Afros passim ad Ecclesiasticos ordines procedentes nullâ ratione suscipiat, quia aliqui eorum Manichæi, aliqui rebaptizati sapius sunt probati. Nec mirum cuiquam videri debet, quod hoc prohibeatur

hibeatur Bonifacio Turingiorum Episcopo, nam Africâ per Sarracenos occupatâ clerici & fideles quamplurimi ad transmarinas Italiæ ac Galliæ regiones confugerunt. Cumque jam ante captam à Sarracenis Africam Afri non vitis solum, sed hæresibus quoque essent implicati, ijque sub catholicorum nomine latitantes in Europam transmigrassent, ut à Catholicis ordinarentur, ad Turingiam usque penetrarant, & cum à Bonifacio Turingiorum Episcopo plures fuissent ordinati, hoc in causâ fuit, quod Gregorius secundus clero Turingiensi laudatas suprâ litteras transmisserit.

5. Tristissima quidem fuit hoc sæculo Africanæ Ecclesiæ facies, perseveravit tamen teste Joanne Leone adhuc aliquamdiu, licet Sarracenorum jugo pressa religio. Non interfuerunt Concilio generali 7. anno 787. Niceæ celebrato aliqui ex Africæ Episcopis, uti nec Concilio Generali 8. anno 869. tempore Hadriani 2. non ideo tamen omnes omnino Episcopos defecisse credendum est: auctor enim ille, qui sub Imperio Leonis sapientis anno 891. floruit, ex Basilij Armeni libro notitiâ Episcopatum exhibens sub Eparcho Africæ constituit Provincias quatuor: Byzacenam cum 14. civitatibus, Numidiam cum 15. Mauritaniam 1. cum Rhinocuro, & Mauritaniam 2. cum civitatibus 17. quas omnes Episcopali dignitate insignes exhibet. Edidit hanc notitiâ Jacobus Goar in corpore Byzantinæ Historiæ, & Gulielmus Beveregius tomo 2. pandectæ canonum, & quamvis sub Provinciâ Byzacenâ compareat *Carthagera Proconsularis*, non obinde erroris arguenda venit Episcopatum notitiâ; ut enim Nilus Doxapatrius libro de quinque thronis Patriarchalibus an. 1043. Rogerio Siciliæ regi nuncupato: *Romanus obtinebat Provinciam Byzacia, in quâ est Carthago, & Mauritaniam.* Quibus ex verbis colligimus, introductam post Sarracenorum irruptiones aliam Provinciarum divisionem, Carthagenâ proconsulari sub Byzacenâ Provinciâ collocatâ.

Notitia.
Græca.

Nilus.
Doxapat.

6. In Patriarchatu notitiâ per Nilum Doxapatrium editâ non comparent Episcopatus Provinciarum Byzacenæ & Mauritanie, quod illi jam omnes ferè essent extirpati, referentibus anno 1053. Petro & Joanne Africanis Episcopis, quinque vix Episcopos tunc in Africâ repertos, de quibus anno 1054. Leo 9. epist. 4. ad Petrum & Ioannem Episcopos: *decus Ecclesiarum Africanarum ita conculcatum à gentibus nimium dolemus, ut modò vix 5. inveniuntur Episcopi, ubi olim ducenti quinque solebant per Concilia plenaria computari: & ibi pauculas oves*

Leo. 9.

ss

quoti-

quotidianæ occisioni deputatas remansisse, ubi quondam innumerabilis grex Domini sub numerosis arietibus exultabat altâ pace. Considerat Leo 9. Africanam Ecclesiam prout fuit initio, & prout nunc erat suo sæculo, & cum primitus floruerat numerosâ plebe conspicua, nunc sub gentilium iugo suppressam ad exiguum numerum cernit redactam, quod plurimum deplorat, rationem in peccata rejiciens, quæ nunc inter 5. Episcopos non deerant Gummitano Episcopo Primatum contra Carthaginensem ambiente, cui dum laudati Africani Episcopi totis viribus obstitabant, obstitit & hac de re consultus Leo 9. & Carthaginensem Episcopum primum post Romanum Episcopum mansurum in occidente Metropolitanum deprædicat, idque, inquit, sive deserta jaceat Carthago, sive resurgat gloriosa aliquando. Quibus verbis indicat, Carthaginem tunc sub ruderibus jacuisse ignobilem, quæ restitutione indigebat, ut ad pristinum rediret.

7. Nondum Africana Ecclesia ad ruinam pertigerat ad quam tamen festino gressu properabat. Leonis namque noni tempore ubi Africa quinque tantum habuisset Episcopos, post annos circiter viginti quatuor non habebat nisi duos, de quibus Gregorius 7. lib. 3. epistolâ 19. ad Cyriacum Carthaginensem Episcopum: *pervenit ad aures nostras, quod Africa, quæ pars mundi esse dicitur, quaque etiam antiquitus vigente ibi Christianitate maximo Episcoporum numero regebatur, ad tantum periculum devenerit, ut in ordinando Episcopo irès non habeat Episcopos.* Scripta est hæc epistola indictione 14. anno 1076. ad Cyriacum Carthaginensem Episcopum, qui jam inde ab anno 1073. à plebe suâ coram Sarracenis impiè accusatus verbera nudus exceperat: quâ de re Gregorius 7. anno 1074. non solum conquestus erat in litteris ad Carthaginenses extantibus libro 1. num. 22. sed consolatus quoque est ipsum Cyriacum Carthaginensem Archiepiscopum scriptâ ad eum epistolâ, in quâ precatur omnipotentem, ut ipse Ecclesiam Africanam ex longo jam tempore laborantem, & diversarum perturbationum fluctibus conquassatam, tandem dignetur respicere. Nec irritas fuisse preces, ex eo colligi videtur, quod Gregorius libro 3. epistolâ 19. citatâ testetur, se nuper manum alicui imposuisse, qui secundus esset in Africâ Episcopus; & cum ibidem alium expositularet, ut tres omnino essent in Africâ Episcopi, qui alios ordinare possent, scribit in epistolâ 21. ad Azin regem Mauritaniam, se ad eius petitionem *Servandum presbyterum* ordinasse in Episcopum & epistolâ 20. ad eorum & populum Hipponensem in Mauritaniam Sitifensi constitutum:

Servan-

Servandum Archiepiscopum, quem ad nos consecrandum misistis, juxta petitionem vestram secundum legem nostram divinâ favente clementiâ consecravimus, atque consecratum, nostrisque legalibus moribus in quantum possibilitas, spatiumque temporis indulsit, diligenter instructum ad vos remisimus. Quibus ex verbis non solum colligitur Africanam Ecclesiam ab auitâ disciplinâ tunc temporis plurimum defecisse, sed & sub jugo Sarracenorum Episcopos eius Romanam Ecclesiam respexisse.

8. An missi à Gregorio 7. Episcopi duo, Hipponensis nimirum & alter nobis incognitus diu plebem Catholicam rexerint cum Cyriaco Carthaginensi Episcopo, latet & ignoratur: quin tamen plures tunc temporis instituti fuerint Episcopi Africani, dubitari non sinit numerosa subsequenti sæculo Episcoporum multitudo, de quâ Ioannis Baptista Grammaye libro 2. Africæ illustratæ, capite 5. Anno 1193. Grammaye.

Archiepiscopi tres & Episcopi decem in Barbariâ nominantur, omnes Alexandrino Patriarcha vicino parentes. Quinam illi Episcopi fuerint, & undenam hæc ipsa hauserit Grammaye, nondum invenire potui, cum tamen Aegyptij sæpius in Africam irruerint, facile contingere potuit, vacillantes Africæ Episcopos vela cum fortunâ vertisse, & Alexandrino Patriarchæ non minus quam Aegyptiorum Calyphæ paruisse manserunt tamen semper in Africâ fideles aliqui sub jugo Sarracenorum pressi, qui Romanam sedem ut Patriarchalem suam, & totius Ecclesiæ principatum obtinentem respicerent testem huius veritatis luculentissimum habemus Iacobum de Vitriaco Acconensem Episcopum in historiâ Hierosolymitanâ capite 80. Illi vero Christiani, qui in Africâ & Hispaniâ inter occidentales Sarracenos commorantur, Mozarabes nuncupati, latinam habent litteram, & latino sermone in scripturis utuntur, & sanctæ Romanæ Ecclesiæ sicut alij latini cum omni humilitate & devotione obediunt, ab articulis fidei vel Sacramentis in nullo deviantes. Floruit Iacobus de Vitriaco ab initio sæculi 13. & in partibus orientis constitutus historiam suam conscripsit, ut Gregorius 9. anno 1237. regno Marochitano propagatâ ibidem religione, meritò Episcopum præfecerit; & Innocentius 4. anno 1252. Alphonso Hispaniæ regi animum addiderit, Sarracenos ex Africâ Pellendi; anno 1255. Alexander 4. Lupum Marochitanum epistolâ 230. legati dignitate per Africam ornarit, ut pluribus refert Odoricus Raynaldus tom. 13. & 14. ad annos citatos.

9. Scribit iterum Ioannis Baptista Grammaye, quod anno 1260. Sub Metropoli Carthagini recenseantur quatuor Episcopi durâ pressi servi- Grammaye.

Gulielmus
de Nangis.

tute : & hos ipsos Sedi Apostolicæ paruisse, colligere licet ex pluribus. Narrat Odoricus Raynaldus anno 1270. num. 10. expeditionem à S. Ludovico factam in Africam, eoque tempore Carthaginem alterius celebratissimæ Carthaginis ruinis impositam levi conatu in Christianorum potestatem redactam : rem pluribus edicit Gulielmus de Nangis in vitâ S. Ludovici ex Bibliothecâ P. Pithœi editâ S. Ludovicus ex Siciliâ ad Africam pervenit anno 1270. quo anno castrum Carthaginis capit, de cuius civitate idem auctor : *fuit autem illa Carthago, quæ nunc redacta est parvissimi ad instar oppidi, antiquitus urbs nobilissima &c.* Addit Gulielmus de Nangis in vitâ Philippi audacis, ruinas murorum Carthaginis superfuisse, in quibus Sarraceni latitabant, & pergit : in urbem Tunarum, ad quam Philippus post obitum Patris Ludovici properabat, erat multitudo Christianorum jugo tamen servitutis Sarracenorum oppressa, & Fratrum Prædicatorum congregatio, ac Ecclesia constructa, in quibus fideles quotidie confluebant : quos omnes ex sui regis præcepto Sarraceni captos in carceraverant, cum fines suos intravisse francorum exercitum cognovissent. Quo ex loco habemus, fideles Tuneranos Ecclesiæ Romanæ paruisse, habentes congregationem Fratrum Prædicatorum, qui Sedi Apostolicæ subditi erant, ex quibus etiam unus erat in exercitu francorum, de quo S. Ludovicus moriens dixerat : *pro Deo studeamus, quomodo fides Catholica possit apud Tunicium prædicari & plantari. O quis esset idoneus, ut mitteretur ibi ad prædicandum ? & nominabat quemdam Fratrem Ordinis Iacobitarum, qui alias illic iverat, & regi Tunicij notus erat.* Fuitque idem ille, qui in locum defuncti per Africam Sedis Apostolicæ legati fuit substitutus, ubi Gallis ex Africâ discedentibus cum liberatis per pacis conditiones omnis congregationis suæ fratribus creditur permansisse.

S. Ludovic.

10. Quid posterioribus sæculis accidit, brevi complectemur : anno 1380. in Germaniam venit Iosias Africanæ Episcopus, & sæculo sequenti ad annum 1418. narrat Odoricus Raynaldus, à Ioanne Lusitanæ rege expeditionem paratam fuisse in Africam sollicitante Martino 5. totius Ecclesiæ Præsules ad opem ferendam, quod renovavit anno 1419. datâ ad omnes fideles epistolâ. Cumque inter reges Lusitanæ & Hispaniæ jus expugnandi Africam controverteretur, addit Odoricus Raynaldus tomo 20. ad annum 1494. ab Alexandro 6. Ferdinando Hispaniæ regi datum jus expugnandi regna Argelæ & Bugei cum Tuneti civitate, quæ ultimis hisce temporibus non procul à Carthagine

thagine sub rudibus sepulta floret in Provinciâ quondam Proconsulari dictâ : jure autem illo usus anno 1535. Carolus 5. expugnavit Tunetum magnâ Christiani nominis gloriâ , quandoquidem urbe captâ 22000. Christianos servituti ereptos libertati restituerit. Nec alios Christianos quam servos à Carolo 5. in Africâ inventos, memorat antiquus vitæ illius auctor, quod Africa sub turcarum Imperio tributaria effecta plerique, qui restarant fideles aufugere coacti, vel si aliis in civitatibus manere permitti, latitarent, & Episcopis orbat essent. Misit proinde Hadrianus 6. Joannem Vegam sub titulo Cæsariensis Episcopi in Mauritaniâ, qui senio confectus vitâ functus est in Oram. Paulus quoque tertius Episcopo Septanò curam mandavit Mauritaniarum, qui & anno 1545. easdem illo, quo potuit sub infidelium tyrannide, administravit modo. Anno 1581. Thomas Episcopus Hibernus in mari à Barbaris captus, cum à Gregorio 13. esset redemptus, ante suum ex Africâ discessum visitavit Ecclesias Hipponæ, Constantinæ, Melianæ, Tremecenæ, & Bugiæ, quæ omnes sine Episcopo gemeabant, quem eis anno 1583. concessit nominando unum ex ordine Patrum minorum, cuius nomen excidit.

11. Atqui hic est præsens Africanæ Ecclesiæ status, quem graphicè nobis ob oculos posuit, qui in Africâ circâ annum 19. præsentis sæculi versatus fuit Joannes Baptista Grammaye serenissimi ducis Alberti historiographus : servos ait miserè ubique tractatos sub turcis & Barbaris, qui civitatibus Tingi & Oram exceptis totum tractum Africanæ Maritimæ possident : illic nullam esse redemptionem nisi magnâ pecuniarum summâ ex Christianorum elæmosynis comparatâ, quam religiosi SS. Trinitatis adferre consueverunt. Homines liberos, qui mercaturæ operam navant, si Christiani sint, publico tamen religionis Christianæ exercitio privatos restant, nullum illic inveniri Episcopum, nullum pastorem, omnem sacerdotem advenam à censuris absolvere, Sacramenta administrare, & sacrificium etiam sine sacratis vestibus infingulorum Christianorum domibus occultè dumtaxat offerre : ex tor demum centenis millibus Christianorum, qui olim sub tanto Episcoporum numero in Africâ degebant, nunc ultrâ 32000. non reputari : ex illis verò quia pueris desunt, qui catechisant ; adultis, qui concionentur ; pœnitentibus, qui instruant ; quovis anno suprâ trecentos ad Mahometismum degenerare.

Pro Africanæ Ecclesiæ
Coronide.

Perduximus Africanam Ecclesiam à suis primordiis ad postremam usque sub Sarracenorum tyrannide continuatam decem ferè sæculis ruinam, quam dum in ipsomet opere levi dumtaxat penicillo obumbravi, utinam in hac operis coronide ijs coloribus delineare possem, qui sanguineas lacrymas extorquerent ad condolendum miseriis, & Christianorum principum corda converterent ad obsistendum tyrannis. Cum Africa peccatis quondam suis Arianorum rabiem in caput suum traxisset, & evocatus ex Hispaniâ Vandalus cunctas maris mediterranei oras cum sex Africæ Provinciis devastaret, ex Hipponensis urbis obsidio dignam ingenio suo protulit Augustinus sententiam, magnum non esse, qui magnum putat, quod cadunt lapides, & moriuntur mortales. Extremam hanc magni viri sententiam celebrat in vitâ eius Possidius Calamensis in Africâ Episcopus, dumque sub ruinâ civitatis in sua resolutus initia iacuit Augustinus, phœnicis instar redivivum optavit Victor Vitenfis, ut non jam initia Vandalicæ tyrannidis, quæ furorem suum in muros & lapides effundebat, sed posteriora Vandalorum tempora, quibus Arianorum rabies in Ecclesias & fideles sæviebat, eloquentissimo describeret eloquio, & stylo ad emollienda mortalium corda parato exararet.

Scio quidem à Victore Vitenfi creditum nec ipsum Augustinum ad enarrandas Ecclesiarum ruinas sufficere potuisse, ideoque oculis in cælum elatis sanctos Dei angelos ad subsidium evocasse, & à cælo avulsos in orbem terrarum coniecisse, ut convocatis undique fidelibus, eos ad prostrata in solum templa, Prophanata impiorum manibus mysteria, conculcata Arianorum furore sacraria, una cum fidelibus Afris deploranda excitaret: *convenient simul, inquit, ad domum nostri doloris, & paribus oculis fundamus flumina lacrymarum, quia causa & fidei nostræ unum est negotium.* Sed si ista de Vandalorum persecutione, quæ eodem, quo cœpit sæculo, evanuit, scripta reliquerit Victor Vitenfis, quid nos de Sarracenorum tyrannide, quæ sæculo septimo iteratâ irruptione retrudit, & octavo sæculo non solum cum Ecclesiæ detrimento prævaluit, sed in hunc usque diem cum religionis nostræ per Africam exitio perduravit? si regionem ipsam spectemus, quam olim

olim imperio contributam, nunc sub Turcarum iugo in Barbariam transmutatam videbimus: si Provincias lustramus, ne nomina quidem retinuisse, sed in Barbararum gentium regna, ubi iustitiæ loco impietas gubernat, mutatas cernemus: si urbes & lapides consideremus, jam integra castrorum & civitatum excidia deploranda erunt, quorum si muros queras, nec ruinas invenies, ut nec locum, in quo olim steterunt, Africanus ipse queat ostendere. Si Ecclesias inquiramus, non templa solito inornatu fulgentia, sed ædificia ad terram prostrata, altaria à Barbaris diruta, Martyrum sepulchra ab infidelibus everfa, sacratissima fidei nostræ mysteria impiorum pedibus conculcata sanguineis lachrymis cogemur deplorare. Si Episcopos, si sacerdotes, si clericum universum intueamus, non unius sæculi exules, sed variis tormentis enecatos à septingentis & amplius annis defecisse videbimus sacerdotes, ut ex tanto Episcoporum numero, ex innumero Africanæ Ecclesiæ clero nullus Antistes superlit, nullus pastor sit reliquus, qui pusillo gregi invigilet, & desolatas sub Barbaris Christianorum reliquias consoletur, aut protegat.

Florebat quondam in æmulâ Romani Imperij civitate religio nostra, quæ si primo sæculo pedem fixerat in urbe Româ, secundo Christi sæculo colossi instar Rhodij alterum pedem in Carthagine collocarat, ut coniunctis in fidei unitatem duabus illis florentissimis Ecclesiis, Europa & Africa communionis societate gauderent: navigantibus jam olim ex Africâ fidelibus suadebat Cyprianus, ut Ecclesiæ Catholicæ matricem & radicem agnoscerent & tenerent, sed raptâ semel Ecclesiasticæ communionis pace, & Carthagine per Sarracenorum tyrannidem à Romanâ fide avulsâ, omnis Africæ ora maritima ex fidei propugnaculo facta est pyratum latibulum, ut navigantibus interdicta sit non religionis solum, sed omnis humanæ societatis commercium: si Europeorum naves trans mare navigent, nullâ Christianorum principum factâ discretione ab Afris invaduntur, bona omnia diripiuntur ab infidelibus, fideles ipsi vel in mare projiciuntur, vel servati nudi exponuntur in foro per subastationem vendendi. Si quis fortè, addit Grammaye, ex nausæ, morbo, aut vulnere malè se habeat, pro solatio & medicinâ exprobrationes dumtaxat & blasphemias audit, citiusque cani languenti turca succurret quam Christiano: quod si diutius laugueat, ut de valetudine desperetur, in mare semivivum præcipitari, in agris bestiis & feris objici familiare est Afris.

Cum Africa olim sub Vandalorum tyrannide persecutionem pateretur

pateretur in suis fidelibus, vix innotuit incomperto nobis orientis Episcopo tanta Afrorum miseria, quin Justinianum Imperatorem ad Christianos in Lybiâ pristinæ suæ libertati restituendos excitavit, ut fufius in Vandalorum historiâ enarrat Cæsariensis Procopius. Jacet nunc Africa universa non sub Arianorum, sed Barbarorum tyrannide oppressa, nec Afri solum, sed ex toto orbe Christiani illic vel incarcerati jacent, vel vincti triremes movent, vel servitute oppressi flagellis impelluntur, vel fame languidi enecantur. Nec opus est Episcopo divinitus monito, qui hæc Christianorum principum auribus exponat, sunt enim hæc omnia & longe funestiora in conspectu suorum consulum, qui testes oculati hæc coram aspiciunt, & de afflictissimo Afrorum fidelium statu veritatis testimonium ad principes suos transmittere possunt. Quod si jam votis agendum esset, desiderare liceret alterum Iustinianum, qui misso in Africam Bellizario tribus mensibus redditâ libertate Christianis totam expugnavit: sed cum relapsos toties in vitia Afros intuemur, ut tandem Saracenorum furoribus traditi per octingentos annos fidei hostibus paruerint, absque eo quod vel S. Ludovici francorum regis conatu, vel aliorum Principum Christianorum armis potuerint ex impiorum manibus liberari, à votis cessandum videtur: inscrutabili enim divinæ providentiæ Consilio Afros desertos videmus, ut tepescente fidelium fervore Christiani trans mare positi oculos in oppositas Africæ oras coniciant, & Afrorum miseris edocti ab hæresi, schismate, ac vitiis tantorum malorum causis abstineant. Monuerat Deus iteratis Saracenorum irruptionibus Africam universam omni errorum & vitiorum cœno involutam, nec monita respuit, unde infidelium iugo subiecta iteratis Christianorum principum conatibus liberari numquam potuit, ut nos Christianorum reliquiæ in transmarinis partibus positæ ad pristinum fervorem reversæ horreamus incidere in manus Dei viventis, quæ tantâ Afros suppresserunt ruinâ, ut incertum maneat, an umquam ex ruderibus suis resurget tam florens & conspicua, quam olim fuit, Africana in meridie Ecclesia.

I N D E X

I N D E X

R E R V M

M E M O R A B I L I U M .

A.



Abbas Fulienfis malè tuetur ,
unicum tantum Primatem
fuisse in Africâ ante Nice-
num Concilium. 22

Acta Munnatij felicitis de traditoribus. 122

Acta Cirtbenfis conciliabuli. 123. *Varia*
ad conciliabulum illud nota. 124

Africa idololatra. 5

Africa quandonam ad fidem conversa. 9. 12
fidem recepit à Romanâ Ecclesiâ. 13

Africa descriptio varia. 15

quandonam in Provincias redacta. 16

Africa per Vandalos occupata. 291

Africa sub Iustiniano restituta imperio. 304

Africa post varia bella à Sarracenis subi-
gata. 319

Africam quoties Christiani principes ex-
pugnare tentarint. 323

Africana Ecclesia facies primo suo saculo.
278

Africana Ecclesia incrementum tempore
D. Cypriani. 281. Item sub Donatistis.
286

Africana Ecclesia tenacior privilegiorum
suorum conservatrix sedis Apostolica au-

thoritatem semper agnovit. 56. Roma-
nam venerata est ut fidei suæ magistram,
à quâ in fide edocta fuit. 64. consulit
sedem Romanam de libris canonicis. 67

Africana Ecclesia statuit, sine formatis ad
Romanum Pontificem transmare profi-
ciscendum non esse. 240. in ritibus
semper Romanam Ecclesiam imitata est.
99. &c. mutante Romanâ ipsa quoque
ritus suos ad ordinem Romanum muta-
vit. 106. Scribit ad Anastasium Papam
pro receptione Donatistarum in clerum.
233. Pontifici Romano paret usque ad
finem. 322

Africana Ecclesia recepit duos libros Ma-
chabeorum. 68. Amplectitur traditiones.
70. Colit reliquias Martyrum. 78. Vsu
recipit septem Ecclesiæ Sacramenta. 91

Africana Ecclesia appellationes transmari-
nas minori clero interdicit. 49. Id etiam
interdicere conatur Episcopis. 50. Sed
à cepto desistit, & quando. 52

Africana Ecclesia fides & ritus quinto sæ-
culo. 301. Eius desolatio sub Vandalis,
Pastoribus in exilium trusis. 302. Eius
desolatio sæculo 8. 320. Interitus sub
Sarracenis. 321

T t

Afrorum

INDEX R E R V M

*A*forum fidelium charitas initio Ecclesia.
279. eorumdem diligentia in obser-
vandis Ecclesia legibus. 280. in perse-
cutionibus non minuuntur, sed accres-
cunt. 281
*A*forum vitia. 318. ad ordines promoveri
vetantur. 278
Agapa. earumque consuetudo in Africa. 79
de *Agapâ* participabant Martyres. 281
Agapatum usus clericis vetatur. 206. inter-
dicitur ob varias rationes. 80
Agrippinus Carthaginienſis Episcopus quâ-
do floruit. 272. hereticos rebaptizan-
dos statuit. 117
Albaſpinei error de absolutione lapsorum
notatus. 89
Alipius quandonam presbyter & Episcopus
ordinatus sit. 159
Altare eiusque ornamenta in Africa. 100
Anastasius Papa vetat Donatistas ad cle-
rum recipi. 231. scribit litteras de Do-
natistis in Concilio Africano susceptas.
234
Apiarij causa. 262. eius appellatio prima.
47. item secunda. 48
Apostoli docuerunt abstinentiam servandam
maiori clero. 156
Appellatio à Synodis Africanis ad sedem
Apostolicam licita. 41. Episcopis in
Africa concessa. ibid. appellationes *Apiarij*.
47
Appellatio *Caleſtij*. 45
Appellatio transmarina minori clero in
Africa interdicta. 49
Appellatio transmarina maiori clero prohi-
beri tentata. 50
Appellatio iterum Episcopis concessa. 52
Appellatio *Lupicini* Episcopi. 54

Augustinus introducit monachatum in Afri-
cam. 220
Augustinus nusquam docuit, Africam ab
Apostolis ad fidem conversam. 11
Augustini locus de 70. praeſſoribus Cy-
priani expositus. 271
Augustinus amplectitur statutum de libris
Canonicis. 67. inter Canonicos habet
libros duos Machabeorum. 69. pugnat
pro Traditionibus. 70
Augustini mors & ultima ſententia tanto
viro digna. 291
Aurelius Carthaginienſis Episcopus. 274.
dedicat *Caleſti* templum Deo deorum. 7

B.

*B*agaienſis Conciliabuli fragmentum
cum notis. 169
Baptismatis Sacramentum eiusque ritus. 92
Baptisma non iterandum. 141
Baptisma mortuis non dandum. 201
Baronius non rectè ſentit *Aurelium* præ-
ſuiſſe Concilio Carthaginienſi 2. 156
exiſtimat Canonem de ſcripturis Cano-
nicis non eſſe Carthaginienſis tertij. 208
eum tamen eſſe Carthagin. 3. ſtabilitur.
ibidem.
Baronij ſenſus de Canonibus Milevitanis.
246
Baronij opinio de reſtituto Episcopatu.
272
Baſilidis & *Martialis* causa. 43. eâ de re
habitum in Africa Concilium. 120
Bona Cardin. non benè exiſtimat miſſam
Africanam ſimilem fuiſſe Mozarabicæ.
103. malè innuit Canones Concilij
Carthaginienſis 4. de ordinationibus non
eſſe

MEMORABILIVM.

351

esse genuinos. 110
Bonifacius Carthaginienſis Episcopus. 276

C.

C Abarsuſſa ubinam fuerit, eiusque
Conciliabulum. 168

Cacilianus quo & quanto tempore fuit
Episcopus. 273

Canonum contemptores puniendi. 140

Canones Concilij Carthaginienſis 1. sub
Grato. 132. scholia in Canones illos.
141

Canones Concilij Carthagin. 2. sub Gene-
thlio. 147

Canones Hipponenſi Concilio tributi. 175

Canones veri Hipponenſes. 190

Canones Concilij Carthaginienſis 3. 197

Canones Concilij Carthagin. 4. 211

Canones illius de ordinationibus eſſe genui-
nos. III. 215. complures alios tempori
& loco convenire. 216

Canones Concilio Carthaginienſi poſt Con-
ſulatum Fl. Stiliconis tributi, an ſint
eius. 231

Canones Milevitani 1. ſuo ordini tributi.
235

Canones Milevitani 2. non ſunt eius. 246

Canones Concilij Carthaginienſis 5. 224

Canones Concilij Carthaginienſis 6. 263

Canon. 28. Codicis Africani interpolatus. 51
Canon de ſcripturis Canoniciſ cuius ſit Con-
cilij. 66

Capreolus Carthaginienſis Episcopus. 274

Capuenſis Synodus plenaria quid ſtatuit.
207

Carthago eiusque interitus ſub Scipione. 26

Carthago à Romanis reſtaurata in priſti-

nam claritatem exurgit. 28

Carthago in pluralitate Deorum cum Ro-
mâ certavit. 5

Carthago principatum etiam in Eccleſia-
ſticis obtinuit. 29

Carthaginienſis Episcopus ſecundus in oc-
cidente Metropolitanus. 322

Carthaginienſis primatus & priuilegia. 33
non erat autocephalus. 35

Carthaginienſis Synodus. Vide Synodus.

Caverna ſuſis ubinam fuerit. 167

Cavernenſe Conciliabulum cum notis. 163

Chriſmatis Sacramentum ſeu confirmatio-
nis. 83

Chriſma quomodo conficiatur. 158

Chriſma à quo conficiendum. 149

Circumcelliones ſe ipſos interimunt. 142.

Catholicos perſequuntur. 219

Clerici non ordinandi alienis negotiis im-
plicati. 137

Clerici aſtores vel ratiocinatores non con-
ſtituendi. ibidem.

Clericis non liceat ſœnerare. 139

Clerici ſpectacula non exhibeant. 202

Clerici non habeant ſubintroduſtam mulie-
rem in domo ſuâ. 134. 142

Clerici in alterius Eccleſiâ non ordinandi.
135

Clerici procuraciones non ſuſcipiant. 136

Clerici non communicent in alienâ Eccleſiâ
ſine litteris ſui Episcopi. 136

Clerici tabernas non ingrediantur. 204

Clerici an comam aut Barbam in Africa
nutriebant. 220

Clerici artificie victum querebant. 221

Codex Canonum Eccleſiæ Africane à quo-
nam conſectus. 52. non eſſe opus Concilij
ſed particularis ſcriptoris anonymi. 266

Tt 2

Codicis

INDEX RERVM

Codicis varij navi. 268
 Cælestis dea speciale Carthaginiensium simulachrum. 3. eius templi descriptio. 7
 Collatio Carthaginiensis eiusque Episcopi & tempus. 287
 Communio passiva. 144
 Concilium quandonam in Africâ celebrandum. 200. Conciliorum Africanorum 4. genera. 113
 Concilium plenarium & quandonam haberi solitum. 114. ad Concilium plenarium quotnam Episcopi conveniebant. 115
 Concilia ante Carthaginiense sub Grato nobis ignota. 142
 Concilium Byzacenum ignotum. 144
 Concilium Thevestinum collectoribus ignotum. 162
 Concilium Italicum sub Anastasio hætenus ignotum. 233. Concilia Africana tria ab anno 403. ad anno 405. 237
 Concilium vulgò Africanum. 263
 Concilium in causa Monothelitarum collectoribus ignotum. 314
 Concilia vide Synodus.
 Constans tyrannidem in Africâ exercet. 319
 Continentia clericorum à Syricio quomodo præscripta. 260. ab Apostolis decreta. 156
 Cresconius qua occasione & quando collectionem Canonum conscripsit. 320
 Crucis signum à Catholicis Afriis ubique ferè adhiberi consuetum. 75
 Cyprianus quandonam electus Episcopus. 275. graviter tulit Episcopos negligi in pace à Martyribus concessâ. 88. tria

Concilia pro rebaptizatione hæreticorum celebravit. 120
 Cyriacus Carthaginiensis Episcopus dura patitur à Catholicis accusatus. 321
 Cyrus Carthaginiensis Episcopus. 272
 Cyrtha Numidiæ Metropolis. 125
 Cyrthense Conciliabulum anno 305. habitum mense Martij. 124. eius Episcopi. 126
 Cyrthense Conciliabulum à Donatistis anno 412. habitum. 242

D.

D Ea Afrorum Cælestis. 3
 Decij persecutio in Africâ. 283
 Deogratias Carthaginiensis Episcopus. 275
 Deus Africanorum specialiter dictus Saturnus. 2
 Deorum simulachra in Africâ adorata. 2. 5
 Deorum templa in Africâ eversa. 6. 7
 Deorum reliquiæ in lucis & arboribus erectæ. 229
 Diabolus amulatur divina mysteria. 91
 Diaconi ante 25. annos non ordinandi. 200
 Diaconi qualiter olim lapsos absolvebant tempore necessitatis. 86
 Diocletiani persecutio in Africâ. 283
 Donatus Carthaginiensis Episcopus. 272
 Donatus alius Schismaticus.
 Donatistæ quandonam & quâ occasione orti. 286. Donatistarum origo. 126. posuerunt Romæ Episcopum. 59. non habuerunt veram Romanorum Pontificum successionem. 60. calumniantur Catholicos, quod plures in una civitate constituent Episcopos. 107
 Donatistæ

MEMORABILIVM.

333

Donatista tenuerunt cum Catholicis, fidem
post Apostolos ad Africam pervenisse. 11
Donatista per creaturas jurabant. 221.
non maiori clero solum, sed & pueris
manus imponebant. 227

Donatista anno 306. Concilium celebrant.

127. aliud celebrant. 270. Episcoporum,
ad recipiendos traditores non rebaptizatos. 128. alia quatuor concilia-
bula celebrant. 161. Donatistarum Con-
cilium ignotum. 243

Donatista post collationem conversi. 289

Episcopi in Africa saculo 12. 318

Episcopi in Africa deficiunt. 320

Epistola quinque Episcoporum Africa non
est Synodica a Maxio Mercatore memo-
rata. 248

Epistola Leonis primi 87. an sit suppositi-
tia. 54

Epistola Siricii Papa non est supposita. 251

Eucharistia Sacramentum. 94

Eucharistia post peractum jejuni tempus
sumebatur in Africa. 72

Eucharistia mortuis non danda. 202

Eugenius Carthaginensis Episcopus. 275

Eugenij Carthaginensis illustre testimo-
nium pro primatu Romani Pontificis. 61

excommunicatus ab alio non suscipien-
dus. 151

Extrema unctionis Sacramentum. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

scandalizant populum. 318

Episcopi in Africa saculo 12. 319

Episcopi in Africa deficiunt. 320

Epistola quinque Episcoporum Africa non
est Synodica a Maxio Mercatore memo-
rata. 248

Epistola Leonis primi 87. an sit suppositi-
tia. 54

Epistola Siricii Papa non est supposita. 251

Eucharistia Sacramentum. 94

Eucharistia post peractum jejuni tempus
sumebatur in Africa. 72

Eucharistia mortuis non danda. 202

Eugenius Carthaginensis Episcopus. 275

Eugenij Carthaginensis illustre testimo-
nium pro primatu Romani Pontificis. 61

excommunicatus ab alio non suscipien-
dus. 151

Extrema unctionis Sacramentum. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

F. 54

F. 251

F. 94

F. 72

F. 202

F. 275

F. 61

F. 151

F. 96

F. 318

F. 319

F. 320

F. 248

INDEX RERVM

G.

G Enethlius Carthaginienſis Epiſcopus.
274. celebravit Synodum 2. Car-
thaginienſem. 147

Gratus quandonam Carthaginis Epiſcopus
fuit. 273. adfuit Sardicenſi Concilio.
144

Gregorius 7. duos Epiſcopos in Africâ con-
ſtituit. 322

H.

H Eraclij eſtaſis ad Africam pervenit.
311. damnatur in Synodo Ita-
lia. ibidem.

Hipponenſis civitas à Vandalis capta. 291

Hipponenſe Concilium ex duplici editione.

175. Canones Concilio illi adſcripti ,

non ſunt ipſius. 188. quandonam ve-

rum Hipponenſe Concilium habitum ſit,

& quinam Canones ipſi attribuendi.

190

I.

I Dololatria per Africam receptiſſima. 5.
in Africâ deſtruenda. 228

Iulianus Apoſtata reſtituit Donatiſtiſ Baſi-
licas. 161

Iuſtellus negat libros Machabeorum eſſe
Canonicos. 68. ſed reſellitur. 69. reji-
cit Canones Concilij Carthaginienſis
quarti. 214

Iuſtinianus Imperator Africam Vandalor-
um manibus eripit. 304. pugnat pro
damnatione trium capitulorum. 306

Iuſtinianus ſecundus Africam à Sarracenis
recepit. 319

L.

L Apſi ad pœnitentiam in Africâ ad-
miſſi. 118

Lapſis preſbyteris aut Diaconis manus non
imponenda. 227

Leſtores populum non ſalutent. 200

Levita ab uxoribus ſe abſtineant. 226

Libellus Synodicus circa Synodos in cauſâ
Monothelitarum correctus. 313

Libri Canonici in Africâ recepti. 66

Libri Machabeorum erant inter illos. 68

Littera formata ab Aſri ad ſedem Apoſto-
licam dabantur. 240

Lucianus Martyr pacem lapſis concedit. 85

Lucianus Carthaginienſis Epiſcopus. 272

S. Ludovicus Carthaginem expugnat. 324.

eius votum de fide Catholica in Africâ
renovanda. ibidem.

M.

M Acariana tempora. 131

Marca tuetur ſupremam Synodo-
rum Provincialium auctoritatem , ſed
erroneè. 51

Marij Mercatoris locus de tribus Conciliis
in cauſâ Pelagij expoſitus. 243

Martyrum auctoritas initio Eccleſiæ. 83.

eam excedebant in dandâ lapſis pace.

84

Martyrum illâ in re exceſſus in dandâ pa-
ce ſuo potius quam Chriſti nomine. 87

Martyres non abſolvebant lapſos, ſed merito
ſuo à Deo abſolutionem impetrare cre-
debantur.

MEMORABILIVM.

335

debantur. 89. de Martyrum sepulchris
& honorificentia. 133
Matrimonij Sacramentum. 97
Mauritania Tingitana sub dispositione
Hispania. 20
Mauritania Sitifensis quandonam prima-
tem receperit. 25
Maximianista eorumque Synodica. 163
Maximi cum Pyrrho disputatio. 312
Memoria Martyrum quid fuerint. 76.
varia extiterunt in Africa. 78. falsa
Martyrum memoria in agris posita pro-
hibentur. 77
Mensurius Carthaginensis Episcopus. 273
à Donatistis traditionis crimine insinu-
latur. 284
Milevitana Synodus prima. 234
Milevitana Synodus secunda. 243
Miracula ex cultu reliquiarum in Africa.
78
Missa in Africâ usu recepta. 102
Missa antiqua Africana cum Romanâ coin-
cidit. 104
Missa à jejuniis celebranda. 204. exceptâ
cena Domini. 205
B. Monica ab Augustino sacrificium pro
anima sua refrigerio post mortem offerri
desiderat. 74
Monica consueverat ad memorias Marty-
rum pultes, panem & merum asferre.
79. prohibetur id facere Mediolani. 80
Monothelitarum hæresis, eiusque progressus
& finis in Africa. 311

N.

Nota Consularis addenda litteris ordi-
nationum Episcopaliū. 237

Numidia an duplex fuerit Provincia. 20
Numidiarum duarum mentio in 6. Synodo
Carthaginensi est vitiosa. 236

O.

O Rare pro defunctis solebant Afri. 74
Orationes pomeridiana pro defun-
ctis presbyteris in Africâ. 205
Ordinis Sacramentum. 97. septem ordi-
num gradus in Africâ. 108. Canones de
Ordinibus statuti in Concilio Carthagi-
niensi 4. sunt genuini. 215

P.

Parentalia Ethnicorum. 81
Paschatis dies ab Ecclesia Carthagi-
niensi accipiendus. 190
Paulus & Macarius contra Donatistas in
Africam missi. 131
Pelagiana hæresis quandonam orta. 289
Pelagij libri scatent erroribus. 243
Pelagiana hæresis damnatio à Zosimo fir-
mata ubique terrarum damnatur. 250
Perronius defendit Canones Concilij Mile-
vitani 2. sed frustra. 245
Perronij mens de sexto Carthaginensi Con-
cilio. 264. eius item sensus de Codice
Africano. 266
Philippus francorum rex Tunetum in Afri-
ca expugnare nititur. 324
Pœnitentia Sacramentum. 95
Pœnitentia publica ab Episcopis imponen-
da. 206
Pœnitentem reconciliare in publica missa
quidnam & à quonam fieri licebat.
158

Ponti-

INDEX RERVM

Pontifex Romanus Episcoporum Episcopus.
 57. eius testimonium aut decretum
 Afris peremptorium. ibid. paternam mis-
 ricordiam firmare rogatur statuta Synodi
 Africanae. ibid. iudicat de causis Africa-
 nis. 58. appellationes Africanorum reci-
 pit. 41. mittit Carthaginem, qui ibi
 Episcopum ordinarent. 58. creat Epis-
 copos, quos ad Africam mittit. 322. ex
 Africa trans mare venientes cum for-
 matis recipit, & alias formati recipit,
 & alias formati ad Imperatorem
 tribuit. 240. Patriarchalem potestatem
 in Africam obtinet. 36. tenet Petri Ca-
 thedram, in qua centrum communionis
 Ecclesiasticae. 57. agnoscitur ab Afris
 ut caput Ecclesiae. 234
 Presbyteri à quorundam Episcopis iudicandus.
 153
 Presbyter inconsulto Episcopo agenda cele-
 brare non debet. 153
 Presbyteri nec Chriftianis confectio, nec
 puellarum benedictio, nec penitentium re-
 conciliatio in iussu Episcopi licita. 149
 Presbyteri quandonam ceperint concionari
 in Africa praesente Episcopo. 218
 Primatus nomen unde mutuatum, & quo-
 rum instar statui in Provinciis Africae.
 31
 Primates Ecclesiastici. 31
 Primatum varia genera. 32. primates in
 Provinciis Africae constituti. 21. non
 erant in civitate Metropolitana, sed
 juxta aetatem ordinationibus etiam in
 aliis provinciis urbibus. 21. primates hi
 fuerunt in provinciis Africae, ante tem-
 pora Grati. 22. ante tempora Constan-
 tini M. erant tres, post illa plures. 24.
 primae sedis Episcopus non vocandus prin-

ceps sacerdotum, aut summus sacerdos.
 204
 Primus in locum Reparati constitutus.
 308
 Privati causa. 41
 Privatus haereticus Synodice damnatus. 117
 Provinciarum ordinatio quandonam facta
 in Africa. 16. Provinciae civiles & Ec-
 clesiasticae quoniam fuerint in Africa. 17.
 non plures quam sex fuisse. 20
 Provinciarum mutatio sub Sarracenis. 320
 Pyrrhus cum S. Maximo iniit controversiam
 publicam in Africa. 312. conversus est
 Carthagine, & Romam properat, ut in
 communionem recipiatur. 62

Q

Quesnellij sensus de suppositione The-
 lensis Concilij. 254. satisfecit eius
 rationibus. ibid.
 Quadvult deus Carthaginem Episcopus. 275

R

Reliquiae Martyrum in dedicatione
 Ecclesiae adhiberi solita tam Romae
 quam in Africa. 76. Reliquias illas sub
 altari collocabant. 78
 Reliquiae S. Stephani per Orosium in Afri-
 cam adductae. ibid. varia Miracula ab
 Augustino relata quae fiebant per reli-
 quarum cultum. 79
 Reparatus Carthaginensis Episcopus. 277
 Restitutus Carthaginensis Episcopus. 272
 Romana Ecclesia habet veram successionem
 Pontificum ab Afris praedicatum. 59
 Romana Ecclesia ritus in Africa recepti
 quoad

MEMORABILIVM.

337

- quoad sacrificium. 99. item quoad sacros ordines. 109
- Romana Ecclesia dissensio cum Alexandrina ob D. Chrysostomum. 240
- Romanorum fides, ad quos perfidia non possit habere accessum. 64
- Romana Ecclesia auctoritas norma est, quam Afri respicere debuerunt. 65
- Rufus Carthaginensis Episcopus. 273
- S.
- S**acerdotum ab uxoribus continentia. 226
- Sacerdotibus lapsis manus non imponenda. 227
- Sacramenta septē usu in Africā recepta. 91
- Sacramenta cathecumenorum. 200
- Sacrificium in Africā Missa vocatum. 102
- quid in sacrificio offerendum. 203
- Sacrificium ab excommunicato non offerendum. 159
- Sal dari consuetum cathecumenis. 200
- Salvianus nusquam docuit, fidem ab Apostolis in Africā predicatam. 11
- Sanctimoniales femina virginitatem in Africā servabant. 143
- Sanctimonialium benedictio. 149
- Sarraceni Africam invadunt anno 648. 317. iterum exercitum in Africam movent. 319. Africam in potestatem suam redigunt. 320
- Saturnus unde dictus, & cur ei Carthaginenses infantes suos immolarunt. 2
- Secundus Tigistanus Numidia primas. 125. fuit traditor. 124
- Seniores in Africā quinam dicti. 239
- Siricij Papa epistola tractoria. 251. eius decreta cum Ferrandi breviationibus composita. 258. an sint genuina. 259
- Siricij caput de continentia clericorum exponitur. 260
- Spectaculorum varia genera. 202
- Statio unde nomen accepit, & quid tempore stationis fiebat in Africā. 73
- Stationis meminit Tertullianus. 280
- Succesio Romanorum Pontificum. 59
- Succesio primatum Carthaginensium. 272
- Sylvanus an fuerit traditor 124. Ciribensis creatur Episcopus. 126
- Synodus in Africā habebatur altari in medio posito. 119
- Synodus Agrippini pro rebaptizandis hereticis. 117
- Synodus Lambesitana contra Privatum. ibid. Synodi Carthaginenses sub Cypriano. 118. Synodi Carthaginenses due Donatistarum. 127
- Synodus Carthaginensis 1. sub Grato. 129
- eius prefatio ex duplici editione. 130.
- Scholia in prefationem. 131. eius Canones ex duplici editione. 132
- Synodus Carthaginensis 2. sub Genethlio. 145. eius prefatio & scholia in Canones. 146. Synodica Carthaginensis 3. de Hipponensi Concilio. 173. supposita Carthaginensi 3. 187. Synodi Carthaginensis 3. prefatio & Canones. 193.
- Synodi Carthaginensis 4. Canones. 211
- an sint genuini. 215
- Synodus Carthaginensis an. 399. 223
- Synodus Carthaginensis quinta. 224.
- quandonam habita. 226
- Synodus Carthaginensis an. 407. 238
- Synodus alia Carthaginensis anno 409. restituta. 240

Vv

Synodus

INDEX RERVM MEMORABILIVM.

Synodus Africana in causâ Celestij. 242
 Synodus Carthaginiensis contra Pelagium
 anno 416. habita. 243
 Synodus Carthaginiensis sexta quando ha-
 bita & quo tempore finita. 263. ab ea
 non distinguitur nomine septima. 264

T.

Tertullianus hæreticos ad Ecclesiam
 Romanam pro verâ religione capef-
 cendâ remittit. 65. traditiones admit-
 tit, & varia exempla refert. 71. sta-
 tionum meminit. 73. orationes pro de-
 functis tuctur. 74. Crucis signum ad
 omnem ferè actum depredicat. 75
 Tractatus solis Episcopis in Africâ compete-
 bat. 217
 Tractoria Siricij Papa. 251
 Traditiones in Africâ receptæ. 70
 Traditionis varia exempla. 71
 Tria capitula, eorumque origo. 304
 Tria capitula in Africam missa contentio-
 nem excitant. 305. damnantur à Men-
 nâ & Vigilio. 306. ea tuentur Africani
 varia ob illa passi. 307
 Trium capitulorum quæstio ut plurimum
 sopita. 309

V.

Valerius Hipponensis natione Græcus
 primo Augustinum adhuc presby-

terum suo loco concionari permisit. 217
 Vandali Africam ingressi omnia devasta-
 runt. 238
 Vandali Carthaginem capiunt. ibid.
 Vestes sacræ quandonam ad sacrificium ad-
 hibitæ. 101
 Victor Carthaginiensis Episcopus in locum
 fortunij electus. 314
 Victor Vitenfis Episcopus cathalogum Epis-
 coporum in exilium missorum conscrip-
 sit, seque Carthagine non adfuisse indi-
 cat. 300. quandonam historiam de per-
 secutione Vandalica conscripsit. 301
 Viduam Maritum dare, quid sit. 97
 Vigilius Papa trium capitulorum damna-
 tioni resistit. 305. contradicit Menne
 & Iustiniano ea damnantibus. 306. ac-
 quiescit demum Constantinopoli. ibid.
 à communione qualiter separatus. 307
 Virgines quandonam consecrandæ. 200

X.

Xantippi causa. 236
 Xantippus Numidiæ Primas. 239

Z.

Zellense Concilium. 251. eius locus,
 tempus, præses. 255. eius præfa-
 tio an Genuina sit, discutitur. 256

FINIS.

005267502

217

218

219

220

221

222

223

224

225

226

227

228

229

230

231

232

233

234

235

236

237

238

239

240

241

242

243

244

245

246

247

248

249

250

251

252

253

254

255

256

257

258

259

260

261

262

263

264

265


266

267

268

269

270



KONSERVIERT DURCH
ÖSTERREICHISCHE FLORENZHILFE
WIEN 1967

ML

II M